

JOH. COMBACHII,
METAPHY-
SICORUM,

LIBRI DUO
VNIVERSAM PRIMÆ

*Philosophia doctrinam theorematibus
brevissimis comprehendentes, & Com-
mentariis necessariis illustrantes: stu-
diosius ejus disciplina perquam utiles
& fructuosi.*

EDITIO QUARTA

Prioribus editionibus auctior
& castigatior.

*Additus est cuilibet libro in fine In-
dex rerum & verborum locuples.*



OXONIÆ,
Excudebat W. Hall, Impensis
Ric. Davis. Anno 1663.

THE NEW YORK PUBLIC LIBRARY

ASTOR LENOX AND TILDEN FOUNDATIONS

500 N. 5TH ST. NEW YORK, N. Y.

1895

THE NEW YORK PUBLIC LIBRARY

ASTOR LENOX AND TILDEN FOUNDATIONS

500 N. 5TH ST. NEW YORK, N. Y.

1895

THE NEW YORK PUBLIC LIBRARY

ASTOR LENOX AND TILDEN FOUNDATIONS

500 N. 5TH ST. NEW YORK, N. Y.

1895

THE NEW YORK PUBLIC LIBRARY



ALMÆ STUDIORUM


MATRIS.

*Antiquissimæ & laudatissimæ Academiæ &
Vniuersitatis Oxoniensis Proceribus*

**Magnificis , Amplissimis , Reverendis,
Clarissimis & Excellentissimis Viris,**

INSIGNISSIMO DN. VICECAN-
*cellario, omniumque Artium & facultatum
Doctoribus , Professoribus & Magistris,
Collegiorum & Aularum Rectoribus,
Præsidibus, Custodibus & Præfe-
ctis, Dominis & fautoribus
suis omni observantia
colendis*

SALUTEM ET BENEDICTIONEM

 **M**ulta præclare à Regibus & ma-
joribus vestris, viri Magnifici &
Excellentissimi, in laudatissima
vestra Academia instituta, à vo-
bis conservata & aucta cernun-
tur : quæ quoties animo mecum
revolvo, summopere admiror eorum magnifi-
centiam, liberalitatem & prudentiam, quorum
sumptibus, labore, ope, & industria tam lauda-
bile opus extructum, in hanc celebrem formam
excrevit, ut splendore & magnificentia cum
omnibus Academiis vestra certare possit. Nihil
de Collegiorum & Aularum structuris dicam,
tam nobili opere erectis, ut non Scholas &
Gymnasia, sed Regum & Principum palatia
spectare

D E D I C A T I O.

spectare videatur , qui eas oculis lustraverit :
 quas pyramidum etiam tantoperè decantata-
 rum molibus præfero , quæ illa prodigorum ho-
 minum vana opera in mortuorum , credit , mo-
 numentum gravissimo subditorum onere fue-
 rint extructæ : hæc ædificia tot nobilibus inge-
 niis excolendis magno Ecclesiæ & Reipub. li-
 terariæ bono destinata , uberrimum sui fructum
 reliquerint. Nihil de maxima studiosorum fre-
 quentia , quam singularem Academiæ foeli-
 citatem existimare solemus : hanc ad tria mil-
 lia excrevisse meo tempore constans sermo fuit.
 In qua frequentia id præcipue memorabile ,
 quod singulari Patronorum favore & benefi-
 centia , Socii Collegiorum magno numero gra-
 vibus sumptibus liberaliter ali & haberi pos-
 sint ; raro certè beneficio , quo qui fruantur ,
 in eodem Collegio septuaginta quandoque nu-
 merantur. Accedit huc insignis illa & cele-
 berrima Bibliotheca , maxima Thomæ Bodleii
 equitis cura , magnisque sumptibus capta , in
 quam inferuntur , quotquot de novo in lucem
 prodeunt libri , eximium studiorum subsidium ;
 ut in promptu habeant magnorum virorum
 meditationes , quicunque Artium & discipli-
 narum cura ducuntur. Quæ singula & multa
 alia ita comparata sunt , ut si de iis pro merito
 dicerem , Epistolæ modum excederem : singula
 certè eximium decus Academiæ vestræ per-
 runt. Unum est , quod hæc omnia superat ,
 quoque maximam celebritatem & famam
 consequuti estis : Virorum doctissimorum
 multitudo , qui apud vos superioribus &
 hodierno seculo vixerunt & docuerunt. No-
 ta est Rogerii Baconis , Scoti , Ockami , Burlæi ,
 aliorumque plurimorum inter Scholasticos in-
 genio.

geniorum subtilitas, tanta certè, ut si Thomam & forsan Bonaventuram excipias, nullus sit, qui in comparationem cum his venire possit. In vestra Academia hi omnes sunt nati & educati. Hinc Wicleffi doctrina in Bohemiam translata, à Johanne Husso approbata, tyrannidis Pontificiæ crudelitatem & superbiam arguere primum, & è densissimis tenebris aliquã lucem proferre cœpit. Hic Petrus Martyr insignis ille Theologus nobilem Disputationem cum Pontificiis habuit, eorumq; errores solide confutavit. Hic docuit gravissimus Theologus Johannes Rainoldus, vix quæ sequutura secula admirabuntur, ob rerum tum Theologicarum, tum profanarum exactam notitiam. Testis esse poterit doctissimus liber de Apocryphis scriptus. Audivi apud vos publicè Theologiam docentem virum multiplici lectione insignem Thomam Hollandum, qui non in theoria modo, sed & in praxi candorem veri Theologi spirabat. Et hoc tu munere, mi Prideauxi, in Regia Professione ornanda magna laude nunc fungeris: de quo plurimum mihi gratulor ob necessitudinem eam, quæ inter nos semper fuit. In infinitum numerus cresceret, si singulos numerarem, qui nominis immortalitatem inter vos sunt adepti. Qui vestros confessus & conventus vidit, testari poterit, quanta iis insit dignitas & amplitudo: ut quod de Romanorum Senatu olim dicebatur, eum Regum & principum confessum representare, de vestris verè dici possit, conventum priscorum Theologorum, quales Augustini & Hieronymi fuerunt tempore, canicie, pietate & sapientia venerandorum, in iis apparere. Quæ tamen dignitas tanta cum humanitate mixta est, ut magno favore

NOTE

**This volume
tight binding and
effort has been
duce the centres
result in**

**academica
microform**

e has a very
and while every
n made to repro-
es, force would
in damage

oemic
rms

D E D I C A T I O.

spectare videatur , qui eas oculis lustraverit :
 quas pyramidum etiam tantoperè decantata-
 rum molibus præfero , quæ illa prodigorum ho-
 minum vana opera in mortuorum , credit , mo-
 numentum gravissimo subditorum onere fue-
 rint extructæ : hæc ædificia tot nobilibus inge-
 niis excolendis magno Ecclesiæ & Reipub. li-
 terariæ bono destinata , uberrimum sui fructum
 reliquerint. Nihil de maxima studiosorum fre-
 quentia , quam singularem Academiarum foeli-
 citatem existimare solemus : hanc ad tria mil-
 lia excrevisse meo tempore constans sermo fuit.
 In qua frequentia id præcipue memorabile ,
 quod singulari Patronorum favore & benefi-
 centia, Socii Collegiorum magno numero gra-
 vibus sumptibus liberaliter ali & haberi pos-
 sint ; raro certè beneficio , quo qui fruuntur ,
 in eodem Collegio septuaginta quandoque nu-
 merantur. Accedit huc insignis illa & cele-
 berrima Bibliotheca , maxima Thomæ Bodleii
 equitis cura , magnisque sumptibus cæpta , in
 quam inferuntur , quotquot de novo in lucem
 prodeunt libri , eximium studiorum subsidium ;
 ut in promptu habeant magnorum virorum
 meditationes , quicunque Artium & discipli-
 narum cura ducuntur. Quæ singula & multa
 alia ita comparata sunt , ut si de iis pro merito
 dicerem , Epistolæ modum excederem : singula
 certè eximium decus Academiæ vestræ per-
 runt. Unum est , quod hæc omnia superat ,
 quoque maximam celebritatem & famam
 consequuti estis : Virorum doctissimorum
 multitudo , qui apud vos superioribus &
 hodierno seculo vixerunt & docuerunt. No-
 ta est Rogerii Baconis, Scoti, Ockami, Burlæi,
 aliorumque plurimorum inter Scholasticos in-
 genio.

geniorum subtilitas, tanta certè, ut si Thomam
 & forsan Bonaventuram excipias, nullus sit,
 qui in comparisonem cum his venire possit.
 In vestra Academia hi omnes sunt nati & edu-
 cati. Hinc Wicleffi doctrina in Bohemiam
 translata, à Johanne Husso approbata, tyranni-
 dis Pontificiæ crudelitatem & superbiam ar-
 guere primum, & è densissimis tenebris aliquã
 lucem proferre cepit. Hic Petrus Martyr in-
 signis ille Theologus nobilem Disputationem
 cum Pontificiis habuit, eorumq; errores solidè
 confutavit. Hic docuit gravissimus Theologus
 Johannes Rainoldus, vir quæ sequutura secula
 admirabuntur, ob rerum tum Theologicarum,
 tum profanarum exactam notitiam. Testis
 esse poterit doctissimus liber de Apocryphis
 scriptus. Audivi apud vos publicè Theologiam
 docentem virum multiplici lectione insignem
 Thomam Hollandum, qui non in theoria mo-
 dò, sed & in praxi candorem veri Theologi spi-
 rabat. Et hoc tu munere, mi Prideauxi, in Re-
 gia Professione ornanda magna laude nunc fun-
 geris: de quo plurimum mihi gratulor ob ne-
 cessitudinem eam, quæ inter nos semper fuit.
 In infinitum numerus cresceret, si singulos nu-
 merarem, qui nominis immortalitatem inter
 vos sunt adepti. Qui vestros confessus & con-
 ventus vidit, testari poterit, quanta iis insit dig-
 nitas & amplitudo: ut quod de Romanorum
 Senatu olim dicebatur, eum Regum & princi-
 pum confessum repræsentare, de vestris verè di-
 ci possit, conventum priscorum Theologorum,
 quales Augustini & Hieronymi fuerunt tem-
 pore, canicie, pietate & sapientia venerando-
 rum, in iis apparere. Quæ tamen dignitas tan-
 ta cum humanitate mixta est, ut magno favore

DEDICATIO.

& benevolentia , maximis etiam beneficiis à vobis me publicè privarimque affectum esse , gratissimo animo lubens tester. Et hæc causa est, cur vobis, viri Magnifici & Excellentissimi, cum Typographus distractis exemplaribus alteram Metaphysicæ mez editionem urgeret , ad meam observantiam & qualemcunque gratitudinem testandam inscribere eam voluerim : rogo vero , ut hoc meum institutum ex sincero erga vos animo & affectu profectum benevole probare dignemini. Deum Opt. Max. precor, ut vos vestramque Academiam magno Ecclesiæ , Regni vestri , & Republicæ Christianæ bono incolumem & florentem diutissimè conservare velit. Dabam Marburgi Calend. Martiæ anno à nato Christo M. D. C. XX.

V. V. Magnif. Amplif. Excell.

Observantissimus

J O H. C O M B A C H I U S.

REVE.



REVERENDO ET CLA-
RISSIMO VIRO,

DN. JOHANNI PRIDEAUXIO

SS. Theologiae Doctori, & Exoniensis Colle-
gii in Celeberrima Oxoniensi Academia Re-
ctori dignissimo, Dn. & amico suo plurimum
honorando.

JOHANNES COMBACHIUS
S. P. D.

QUum annis superioribus studiose juventu-
tis informanda gratia inter alia exercitia
Metaphysicum quoddam Tyrocinium hoc
officium à me efflagitantibus praescriberem, adeò
non videbar scopum quem meditabar assequutus,
ut librà me neglectus manibus prorsus excideret :
is tamen cura eorum, qui à me dictante excepe-
rant, asservatus, postliminio superioribus mensibus
ad me rediit. Ac tametsi nec nunc dignum magis
judicarem, qui ederetur : agnoscebam enim, facilè
nullà ex parte eum respondere dignitati discipli-
nae nobilissimae. Certè tamen causæ fuere, quibus
adductus praelo eum subjeci. Hunc libellum nunc
editum clarissime Vir, ad te mitto, non quòd tuum
examen & censuram sustinere possit. Levior enim
est, quàm qui grave iudicium ferat. Sed ut testis
sit ejus amicitiae & necessitudinis, quam con-
traximus firmissimam, quum unà nobis esse li-
ceret, nunquam, ut spero, intermorituram. Et ut
testetur nondum mihi excidisse memoriam vestri
regni : quod quum sit aliis rebus plurimis floren-
tissimum,

D E D I C A T I O

tissimum, tum vero jucundissima mihi semper est
 recordatio earum rerum, quæ in vestra Aca-
 demia vel vidi, vel quæ mihi aliàs obtigere. Est ea
 ob ædificiorum splendorem & magnificentiam,
 & virorum clarissimorum, qui à tot retrò seculis
 in ea vixere & docuere multitudinem nobilissi-
 ma. Tu enim Prideauxi nôsti, quàm gratum
 mihi fuerit vobiscum vivere, vel ob hoc unum,
 quòd Baconem, Scotum, Oecamum, Barlæum,
 aliosque plurimos omni ævo celeberrimos viros
 habueritis. Et est insigne vestræ Academix de-
 cus Bibliotheca instructissima nobile Equitis no-
 bilissimi Tho. Bodleii monumentum: in qua nescio
 utrum prius admirari debeam, librorum copiam
 & multitudinem an vero Bodleii in ea instru-
 da magnificentiam. Multa alia taceo, quæ
 nunc ut præteream, facilius adducor, quòd nec
 ea pro dignitate à me dici posse arbitror, & fu-
 sùs de his à me dictum meminì, quum in Schola
 vestra Theologica publicas quasdam prælectiones
 de mentibus separatis instituerem. Quo ipso tem-
 pore tantum Academix vestræ erga me affectum
 & benevolentiam nullo meo merito sensi, ut per-
 petua observantia eam jure prosequerer, si præ-
 ter hoc unum nullum ejus in me extaret benefi-
 cium. Verùm sine ingratitudinis nota præterire
 nequeo, quæ & quàm multa singuli privatim in
 me collocarint. Certè eam favorem & amorem
 sum expertus, ut nesciam an in peregrinum ma-
 jor conferri possit. Inprimis v. Reverendissimus
 in Christo Pater Ioh. Kinge, nunc Episcopus Lon-
 dinensis, id temporis Academix Vicecancellarius,
 vir omni pietate, omni que virtutum genere cu-
 mulatissimus, et clarissimus Vir Georgius Ryvius
 S.S. Theologix Doctor, et Collegii Mariani cu-
 stos singulari gravitate conspicuus, nostræ gentis
aman-

D E D I C A T I O.

amantissimus, & cui demortuo nunc succedis
 Prideauxi Reverendus Pater Thomas Hollandus
 SS. Theologiae Doctor, et Professor Regius vir
 multiplicis lectionis: et cui tu nunc praes univer-
 sum Exoniense Collegium: potissimum verò vir
 rara pietatis Guilielmus Helme Collegii Subre-
 ctor, amicus meus dilectissimus, tanta mihi exhi-
 buere beneficia, humanitatem amorem favorem,
 et benevolentiam, ut iis quidem gratiam me de-
 bere fateri possim, referre haud facile possim. Est
 et suavissima semper recordatio ejus conversatio-
 nis, quae mihi tecum et cum amborum amico A-
 damo Reutero Iuris Licentiatò intercessit: tam
 frequens et facilis, ut inter fratres esse videretur.
 Hic liber in memoriam tibi revocabit, quae inter
 nos dicta et gesta sunt saepius. Gratus sit scio:
 si vel maximè sine Gratiis veniat, quod amicitiae
 nostrae testem et tesseram appellarim, et probabis
 librum, quia ab amico profectus est, si vel maxi-
 mè ea quae libro inscripta sunt improbaveris. Nec
 enim hoc peto: non in eo amicitiae nostrae funda-
 mentum situm est, ut alterius quisque opiniones
 vel probemus, vel improbemus, dummodo cui-
 que nostrum scopus propositus is sit, ut et verita-
 tem uterque sectari desideret, & usui publico in-
 servire studeat. Est enim in memoria recenti quod
 in trito est:

Diversum sentire duos de rebus iisdem.

Incolumni licuit semper amicitia.

Et notum est. Illud Arist. 1. Moral.

Ἀμοιβὴν ὄντοι φίλοι ὄσιον προτιμᾶν
 τὴν αἰσθητὴν. Vale. Dabam Marpurgi, Idi-
 bus Martii, Anno 1613.



παραφωνοις

ERASMI JUNIORIS

BARONIS STARHEMBERGII

Academiae Marpurgensis pro
tempore (1613) REC-
TORIS

AD

*Excellentissimum juxta ac Doctis-
simum Virum,*

DN. M. JOHANNEM COMBACHIUM
Philosophiae in Illustr. Academia
Marpurg. Professore Ordinari.

H Vnc ut commendem librum tua suadet
JANE.

*Doctrina insignis, cognita rite mihi.
Nunc magis hanc noscet, Gallus, Germanus, et
Anglus,*

*Atque alii, quorum nomina magna vigent.
Ipseque doctorum liber hic celebrabitur ore,*

Qui solus sophiae culmina prima tenet.

Eximii liber est fructus, praeclaraque multa

Is docet: authorem laudat et ipse suum.

*Nam dum per librum instruitur studiosa juven-
tus,*

Summa hinc exstruitur lausque decusque tibi.

Hoc

*Hoc mecum agnoscit meritoque Academia nostra,
Proque opere hoc multum debet & ipsa tibi.
Sed quid plura loquar? tantum hæc doctissime*
COMBACH.

*Addo, quod voti est summa caputque mei
Vive valeque diu, Christo servire, scholisque
Ut prodesse queas: vive valeque diu.*

Epigramma
CAROLI BARONIS
DE KAUNICZ

*In Metaphysicam viri Clarissimi, Philosophi
acutissimi, Domini*

JOANNIS COMBACHII.

Doctrinæ esse genus de Re quo tractat ut est
Res,

*Vnanimi cætus comprobat ore roq̃v,
Nam datur a primis qui tendit ad ordo secunda;
Hinc doctrina datur que quoque prima docet.
Quam cultis plures illustra vèrè libellis,
Et cujus vires explicuere satis.*

*At velut est artis, si quis brevis esse laboret,
Complecti & paucis plurima verba sciat,
Sic tuus excellit per multos arte libellus
Fontes Combachi quod brevitate docet.
Nec tamen ut mihi doctus seu res seu verba revolvam;
Vlli doctrina cedit & arte gravi.*

*Perge igitur dapibus similes his promere plures,
Ingenii cupidis ex locuplete penu;
Incluta sic tibi met paries præconia famæ;
Proque labore tuo præmia digna feres.*

EPI.

EPIGRAMMA
AD RECTOREM,
SUBRECTOREM,
& Socios Collegii Exon.
OXONI.

Anglia longè aliis felicior Insula cunctis
Est, Amphitrite quas secat Orbe fretis
Oxonium reliquis illustrius Urbibus unum est,
Anglia Londinum quas modo præter habet.
Exoniense præit Collegia cætera fama,
Quæ multa Oxonium & splendida cuncta
tenet.

Arte super Socios Prideauxius èminet omnes,
Rectoris virtus cui titulum alta dedit.
Germanæ columen Prideauxius ille iuventæ est,
Extera quæ studii lustrat amore loca:
Teutonum & hospicium vere Exoniense thea-
trum est,

Oxonium est Musis aula dicata sacris.
Albion & nivea ora effert, & candida corda,
Germanos fratres gens, velut orta, fovet.
Expertus loquor, & mecum Gombachius ipse,
Qui libro in scripto te, Prideauze, colit.
Ortu, opibusque potens, nuda mihi voce Petrus
Par Baro, laus vestra est, & petra firma
Scholæ.

Cænobii Benefactor erat Pater, ipse Patronus
Est petra virtutum Filius Exonici.
Nomine vos solo me sic coluisti amatum,
Ac si essem illustri hoc sanguine natus ego.
Gratia

*Gratia tanta viris, stat apud me gratia facti,
Si potero & vestris grata referre, feram.
Helme, Hakwil, Vihvain, Pideauxi ô vivite a-*
mici,

Sit Willingbæo Magdala fansta meo.

*Barkerus Doctor, Warnerus in Arte Professor
Clarus, Monsellus salveat artis honos.*

*Ansa salutandi meus est Combachius alter,
Qui parili affectis vosque Scholamque colit.*

*Hastiacis vestrum dicetur nomen Athenis,
Sive his Combachius, sive Petreus adest.*

*Nec mihi vera Soror dilecta tacebitur, ipse
Dulce mihi hospitium, sed breve amica dedit.
Floreat Oxonia, ac Cantabrigia artibus æquis,
Nobile Marpurgum flore perenne micet.*

*Henricus Petrus Phil. & Med. D.
& Prof. P. Ord. & ejuld. Fac.
p. t. Decanus in Academia
Marpurgensi.*

M. G V O L F G A N G U S

Lorisea Orator, & Poës.
Professor Cassel.

In effigiem Dn. Iohannis Combachii SS.
Theol. & Phil. Profess.

I.

GLoria Cattorum, nostrique columna Lycai,
Ingens ingenio, dexteritate potens.
Tunc sophus potius dici merearis, acutus
Quam mihi Theologus, res dubitare iubet.

II.

Quicquid Aristoteles, Plato, Duns, tenuere pa-
tresque,
Ingenii princeps Combachius obtinet unus.

III.

Germani, Galli, Belgæ, Angli, Italique Ioanni
Combachii ingenium (quis neget ista?) stupent.
Hunc audire virum quoque si contingeret illis;
Scirem Combachium nullibi habere parem.

IIII.

Effigiem cestræ exsculptam cernere gestis,
Cujus fama cluet, dum polus ipse ruet;
Ingenii princeps, Cattorum fama deinceps;
An satis arridet, quem bene quisque videt?

INDEX

INDEX CAPITUM
LIBRI PRIMI.

Caput I. De Definitione et Subiecto Meta-
physica.

SS. Cap. II. De Ente et Essentia.

Cap. III. De Principiis Metaphysica.

Cap. IV. De passionibus seu affectionibus Entis in
genere.

Cap. V. De Vno.

Cap. VI. De Vero.

Cap. VII. De Bonol

Cap. VIII. De divisione Entis ut equivoci in æ-
quivocata.

Cap. IX. De divisionibus Entis è mediis intrinse-
cis et passionibus desumptis; et in spe-
cie de Potentia et Actus.

Cap. X. De Abstractione.

Cap. XI. Quid sit Ens increatum et creatum.

Cap. XII. De divisione Entis à se, et ab alio.

Cap. XIII. De Necessario et Contingenti, 156.

Cap. XIV. De infinito et Finito, item illocali et
locali.

Cap. XV. De Independenti et Dependenti.

Cap. XVI. De Absoluto.

Cap. XVII. De incorruptibili et Corruptibili.

Cap. XVIII. De Principio et Principiato.

Cap. XIX. De Causis et Effectis.

Cap. XX. De Ordine Terminorum divisionis.

Cap. XXI. De Vniversali et Singulari.

Cap. XXII. De Identitate et Distinctione.

Cap. XXIII. De Simplici et Composito.

Cap. XXIV. De Toto et partibus.

Cap. XXV. De Naturali et Artificiali.

Cap.

Cap. XXVI. De Perfecto et imperfecto.

Cap. XXVII. De Completo et incompleto.

Cap. XXVIII. De Substantia.

Cap. XXIX. De Accidente.

L I B R I II.

Cap. I. De separatis secundum essentiam, et in specie de Deo.

Cap. II. De Angelis.

Cap. III. De Anima humana.



JOAN



JOAN. COMBACHII
WETTERANI
METAPHYSICORUM
LIBER PRIMUS.

Caput I.

De Definitione & Subiecto Metaphysicæ.

Theorema primum.

Metaphysica est scientia, quæ speculatur Ens prout Ens est, & quæ ei per se insunt.

2. Ejus consideratio duplex est: absoluta, & respectiva seu ordinata ad scientias alias particulares.

3. Absolutè considerata pars alia est Universalis, alia Particularis.

4. Universalis pars ea est, quæ agit de Ente, quatenus Ens est, secundum conceptum indifferentiæ.

5. Particularis ea, quæ docet naturam Entis quatenus Ens, secundum conceptum separatorum per essentiam, cujusmodi sunt Deus, Angeli, aliæque intelligentiæ, &c.

6. Consideratio respectiva est ordo doctrinæ

B

Meta.

Metaphysicæ ad disciplinas particulares, quorum principia et subiecta.

7. Hoc sensu Alpharabius lib. de divisione scientiarum, ut annotavit Vincentius Spec. doct. l. 17. c. 57. eam in tres partes dividit: quarum prima inquirat de essentiis, et de rebus, quæ accidunt eis, secundum quod sunt essentialia. Secunda agat de principiis speculativarum particularium. Tertia verò de essentiis, quæ non sunt corpora, nec in corporibus. Quam eandem sententiam amplectitur Aver. in epit. Metaph. tract. 1. sub initium.

8. Consideratio Universalis absoluta consistit in quatuor: Subiecto, principiis, affectionibus et divisionibus.

9. Subiectum Metaphysicæ consideratur vel adæquatum, vel inadæquatum.

10. Subiectum Metaphysicæ adæquatum vel ex opinione, vel è rei veritate.

11. Subiectum adæquatum ex opinione, vel subiecto vel est latius, vel strictius.

12. Subiectum latius, quod longius sese diffundit atque natura veri subiecti patitur.

13. Estque vel Intelligibile vel Ens, ut in diffusissima significatione accipitur.

14. Intelligibile desinit, omne quod intelligi potest ac comprehendere potest, prout sese extendit ad nihil et aliquid.

15. Minus id quidem propriè. 1. Intelligibile potius denotat modum circa subiectum, quam subiectum; formalitas enim veri denotatur ordine ad intellectum. 2. nihil ex entia rationis indirectè sub rationem subiecti veniunt, directè enim in scientia reali subiectum illud determinat quod sua natura potest terminare actum intellectus.

lectus. 3. & docet Zimara in quæst. de primo cognito ex Arist. & Aver. 9. Metaph. t. cap. 20. intelligibile ne quidem ad Ens reale in universum se extendere, nedum ad nihil feratur: intelligibilitas, inquit, est passio primò & per se competens Enti in actu, quatenus ens actu, non autem est passio primò competens Enti, in quantum Ens est.

16. Ens latissimè acceptum duas speciales significationes sub se complectitur, ut docet Thom. in opusc. de ente & essent. & 1. p. q. 48. art. 2. 1. Prouit dividitur per decem prædicamenta. 2. ut significat veritatem propositionis, cujus nota est verbum EST, ut: homo est cæcus. Et ita idem de eo iudicium est quod de intelligibili: cui æquè latè patet. Vide Aver. in destr. disp. Met. 5. pag. 176. & Sueffanum in comment. destr. pag. 181.

17. Et idem sentimus de Ente, ut distinguitur in Ens reale & Ens rationis. Placet enim sententia Fr. Suarez. disp. Metaph. 4. s. 8. n. 4. Proprium subjectum Metaphysicæ non est Ens, ut abstrahit ab Ente reali & rationis, sed Ens reale tantum.

18. Subjectam ex opinione strictius est quintuplex: 1. Deus. 2. Substantia separata. 3. Substantia in communi. 4. Ens creatum. 5. Causa.

19. Non benè: nihil enim horum adæquatè participat subjecti conditiones. Vide Fons. 4. Metaph. c. 1. q. 1.

20. Subjectum adæquatum è rei veritate est Ens quatenus Ens, reale illud. Ens, rem consideratam dicit: quatenus Ens, considerandi modum, ut excludantur alii conceptus, qui non conveniunt per modum Entis. Vide Zab. de nat. scient. const. c. 3.

21. Itaque Ens quatenus Ens non accipitur hoc loco reduplicative, comprehenderet enim omni Entis genus : sed specificativè, ut denotetur, quæ ratione Ens intelligatur esse Metaphysicæ subiectum ab aliis disciplinis diversum.

22. Subiectum inadæquatum duplex est : vel primum, vel non primum.

23. Subiectum primum est, vel primitate attributionis, vel primitate perfectionis & intentionis. (Nam subiectum primum primitate adæquationis idem est cum subiecto adæquato.)

24. Subiectum primum primitate attributionis est, cui secundum prius tribuuntur scientiæ attributa, (si sc. subiectum fuerit analogum, nam si subiectum fuerit univocum locum non habet :) eoque mediante minus principali analogato conveniunt.

25. Hoc modo subiectum primum primitate attributionis est Substantia, cui Ens ejusque passionibus secundum prius conveniunt, accidenti secundum posterius.

26. Primum primitate perfectionis & intentionis est, quod in ea disciplina est præstantius. Hoc modo subiectum primum in Metaph. est Deus : unde respectu ejus Theologia dicitur apud Arist. 6. Metaph. t. c. 2. & 11. Metaph. Sum. 3. c. 1.

27. Subiectum non primum dicitur, quoquoque modo in disciplina docetur : quo modo singulæ etiam partes, & affectiones singulæ intus subiecta numerari possunt. Et hæc de subiecto genere : in specie nunc subiecti Metaphysici natura explicanda.

COMMENTARIUS.

Metaphysicæ doctrinam tradituri, quatuor eam partibus absolvemus: subjecto, principiis, affectionibus & divisionibus. Statuendo subjectum Ens quatenus Ens cum Aristot. 4. Metaph. c. 1. Principia tam complexa, cujusmodi est, Impossibile esse idem esse & non esse, & similia; quæ incomplexa, non quidem propriè dicta, sed tamen quæ rationem reddere possint insequentium, tradendo. Affectiones tres, cujusmodi communiter sunt unum, bonum, verum, docendo. Et quatuor divisionum genera: 1. secundum nomen. 2. secundum affectiones distinctas, è simplicibus deductas. 3. secundum modos, tam intrinsecos, quàm extrinsecos. & 4. secundum quidditates, proponendo.

Quantum ad subjectum attinet, sciendum, quod subjectum hic intelligamus, non quod quoquo modo in scientia traditur, ita enim quævis pars Metaphysicam doctrinam integrans pro subjecto haberi posset: sed quod primum est & adæquatum. Triplex enim vulgò subjectum primum ponunt: Primum primitate perfectionis, primum primitate attributionis, & primum primitate adæquationis.

Perfectione primum, cujusmodi in Metaphysicis Deus est: juxta quod Aristot. 6. Metaphys. text. 2. Theologiam à perfectissimo subjecto vocat.

Attributione primum, cujusmodi substantia est: secundum quod primò & de se entia substantiæ dicuntur; alia verò, ut sunt verba Arist. 4. Metaph. c. 2. quoniam substantiæ passiones, quædam quoniam viæ ad substan-

tiam,, aut corruptiones, aut privationes, aut quantitates, aut effectiva, aut generativa substantiæ.

Primum verò adæquatum subjectum quodnam sit, dubitatur ex eo potissimum, quia nemo, ut puto, interpretum omnium attigit, quid sit hoc, quod Aristot. vocat Ens quatenus Ens. Communiter enim usurpatur pro universalissimo in prædicando, quod de omnibus dicatur, ut de ipso nihil. Quod licet ex parte verum sit, quod nulla reliquarum disciplinarum ascendat ad suprema illa genera, quæ transcendentia vocantur, sed quævis earum sese contineat intra particulares limites, de parte aliqua Entis agendo: universaliter tamen verum non est, quod non tantum ea, quæ abstracta sunt re & ratione à materia secundum indifferentiam, ut vocant, transcendentia nimirum sed & ea, quæ secundum essentiam sunt abstracta & separata, Metaphysicæ considerationis sunt. Nec enim verum, quod quidam è recentioribus tradunt, esse doctrinam eam, quæ de mentibus & intelligentiis agit, distinctam aliquam disciplinam ab ea, quæ de transcendentibus est. Præterquam enim quod Arist. utrumque unius abstractionis genus (quod Scholastici re & ratione à materia vocant) in una scientia seu doctrina Metaphysica tractavit, nusquam tradidit diversum subjectum facere doctrinam de separatis, ab ea quæ est de transcendentibus. Contrarium potius docuit, quando à potiori hac disciplinæ parte Theologiam disciplinam tertiam distinctam à Naturali & Mathematica nominavit, quæ nulla alia est, quàm præsens hæc doctrina, in abstractis secundum indifferentiam
& se.

& secundum essentiam absoluta. Itaque nos
 per subjectum Metaphysicæ, quod Aristoteli
 est Ens quatenus Ens, nihil intelligimus aliud,
 quam hoc ipsum, in quo idem est Quod esse &
 Quo esse, seu quorum esse nihil aliud est, quam
 eorum essentia. Eam enim quando considera-
 mus non cognoscimus aliter, nisi hoc ipso, quo
 præcisè sunt, hoc est, quæ sunt entia; & hoc ipso
 tam transcendentia, quam separata entia inter
 se conveniunt. Nam & illa & hæc habent unum
 simplicem & præcisum entis gradum, quo tan-
 tum sunt hoc, & non aliud. Ut non immerito
 Zab. in libr. de ordine intell. c. 14. dixerit: Non
 est secunda Metaphysica in duas partes: quia si
 ipsam rerum naturam spectemus, quatenus no-
 bis considerandæ & cognoscendæ proponun-
 tur, oportuit de abjunctis à materia per essen-
 tiam, & de abjunctis à materia per indifferen-
 tiam, non duas esse disciplinas, sed unam &
 eandem.

E dictis nobis clara erit Metaphysicæ defi-
 nitio, quæ est. Metaphysica est scientia Entis
 quatenus Ens est. Scientia: non ut à sapientia
 contradistinguitur, ac separatam quandam ha-
 bitum facit ab aliis habitibus intellectualibus
 diversum: sed prout sumitur pro collectione
 multorum pertinentium ad notitiam unius, vel
 multorum determinatum ordinem habentium:
 ita enim simul & scientia esse potest, & sapi-
 entia Metaphysica. Scientia, quatenus in de-
 finitionibus, divisionibus & collectionibus
 rerum ad contemplationem tantum ordinata-
 rum, versatur. Sapientia verò, quoad univer-
 saliter omnium in se notitiam complectitur,
 & eorum quidem, ut sunt maximè difficilia,

nec facilia scitu homini , quoad certa est , causas docere & reddere valet ; non quæ aliorum gratia eligenda sunt , sed quæ gratia sui ipsius docet : nulli disciplinarum subministrat sed præcipit , & ut paucis dicam , scientia est capite prædita , scientiarum reliquarum domina & regina , ut hæc attributa sapientiæ apud Aristot. 1. Metaph. c. 2. tribuuntur , & Metaphysicæ doctrinæ propria statuuntur. Entis verò quatenus Ens scientia esse ex eo dicitur : quia ratio generica communis Metaphysicæ cum disciplinis contemplativis restringenda per subjectum , quod hæc universaliter habet in Ente quatenus Ens est. Ut verò melius teneatur quid sit Ens quatenus Ens , sciendum , quòd duo sunt rerum genera : alterum materiale , immateriale alterum. Materiale omne compositum ex pluribus est : corpus enim primum est materia & forma. Itaque in eo est aliud Esse & Quo esse : est enim , & est per alia , ex quibus est , causas scilicet suis , è quibus componitur. Immateriale verò omne simplex est , & ea de causa per seipsum intrinsecè , & non per aliam entitatem , suam habet essentiam : in eo enim consistit ratio essentiae simplicis , ut idem in eo Quod esse , & Quo esse. Inde ea si quidditative concipitur , non nisi in pura sua essentia , & ut Ens potest concipi , quia in se præter unam puram & simplicem essentiam habet nihil : eaque entia immaterialia omnia dicuntur à nobis concipi in ratione Entis quatenus Ens est : & alio nomine vocantur re & ratione abstracta à materia. Sunt verò hæc abstracta in duplici differentia posita : Quædam enim transcendentia sunt , quædam v. separata Entia.

Tran-

Transcendentia vocamus prædicata, quæ ad certum genus limitari non possunt, sed ita excedunt cujusque generis latitudinem, ut & in omnibus sint, & per omnia vagentur: quomodo Ens de se neo in substantiæ prædicamento est, nec in quantitate, nec in qualitate, &c. sed in quovis prædicamento est, pro rebus subiectis, quibus attribuitur: ita ut Ens Arist. iudicio (verba sunt doctissimi Monlorii 1. Priorum cap. 28.) dicatur de substantia, non tanquam significans rationem diversam à ratione substantiæ, sed ita ut significet eandem rationem substantiæ, immo vero propria ratio Entis sit ratio substantiæ: cum autem dicitur de quantitate, significet ipsam rationem quantitatis, & cum dicitur de qualitate, ipsam rationem qualitatis. Idem de cæteris transcendentibus est iudicium. Et hæc dicuntur immaterialia seu abstracta à materia secundum indifferentiam: quia etsi eorum natura non repugnet esse in rebus materialibus, in quibus etiam sunt, & à quibus abstrahuntur, de se tamen materiam non involvunt, quia iis non repugnat esse, si vel maxime entia materialia non sunt, dummodo entia separata dentur. Entia vero separata, quæ vocant abstracta secundum essentiam, sunt entia quæ omnem materiam & corpulentiam excludant, alio nomine Spiritus vocantur. Ac in utroque genere abstractorum propter simplicitatem non nisi Ens quatenus Ens est concipimus: in illis quidem universaliter abstractos ab omnibus inferioribus ultimos conceptus; in his vero unum conceptum proprium maxime simplicem. De quo duplici genere abstractorum inferius fusius agetur. Vide

Aug. Niphum Sueff. ad Averr. de struct. disp. Metaph. 8. pag. 242. Oriuntur verò pro duplici rerum genere duæ Metaphysicæ partes, quarum altera de transcendentibus, altera de separatis entibus agit. Vide de subjecto Metaphysicæ fons. 4. Metaphys. cap. 1. q. 1.

Subjungam hîc duas quæstiones illustrationis gratia: prior est, an Metaphysica sit disciplina à disciplinis aliis, & in specie à Logica diversa? Altera est, an sit scientiarum omnium prima? Quoad 1. Non videtur esse necessarium multiplicare disciplinarum numerum, quemadmodum eam opinionem defendit Antonius Mirandul. de evers. sing. cert. lib. 13. sect. 6. & 7. Ratio potest reddi satis probabilis: Distinctio ea pendet vel a rebus, vel à mentis abstractione; at nec à rebus, nec ab abstractione mentis, nec potest dari alia distinctionis causa, nisi tantum quoad nos: non ergò diversæ videntur esse constituendæ disciplinæ. At quantum ad res attinet, ex sunt in duplici genere: aliæ sunt subordinatæ, aliæ verò inter se opponuntur. Ex rerum oppositione è specifica differentia diversitas disciplinarum non pendet: secus pro multitudine generum & specierum oppositarum multiplicandæ essent disciplinæ. Subordinata verò quoniam realiter inter se non differunt, disciplinas realiter diversas conficere non possunt. Sed nec ab abstractione diversitas ea nasci potest; abstractio enim mentis opus est, mens verò res alias atque alias facere non potest. Nec ergò diversitas abstractionis disciplinas potest facere realiter inter se diversas.

In specie verò P. Ramus Metaphysicam omnem è medio sustulit, & eandem eam esse cum
Logica

Logica iudicavit. Rationem potissimum solent
desumere ex universalitate disciplinæ & sube-
cti, quatenus æque ac Logica circa Ens omne &
non Ens versatur & occupatur. Verum quoniam
& esse Metaphysicam & non eandem esse cum
aliis disciplinis, & in specie à Logica diversam,
tum communis Philosophorum consensus do-
cet, tum imprimis Aristotelis in 4. Metaph. r.
c. 1. ratio suadet, non docet eam è scientiarum
numero proscribere. Verba Aristotelis sunt: Est
scientia quædam, quæ speculatur Ens prout Ens
est, & quæ ei per se insunt. Hæc autem nulli ea-
rum quæ in parte dicuntur, eadem est, nullæ
namque cæterarum universaliter de Ente prout
Ens est, considerant, sed ejus aliquam partem
abscindentes, quod ei accidit speculantur. Ar-
gumentum hoc est: scibile in nulla particulari
scientia consideratum requirit scientiam à par-
ticularibus aliam: patet, scientia enim & scibi-
le habent se relativè, ut uno eorum posito, ne-
cessariò ponatur & alterum. Et verò Ens quate-
nus Ens est scibile in nulla particulari scientia
consideratum. Patet: Entis enim universalissi-
mè sumpti dantur affectiones & divisiones: Sci-
bile ergo. Sed ex affectiones & divisiones in
nulla particulari scientia traduntur, quia hæc
non nisi partem Entis tractandam sibi sumunt,
non verò Entis in universum sumpti affectiones
& divisiones. Scientia ergo propria quædam
Entis quatenus Ens est, seu Enti in universum
sumpto assignanda. Hæc nulla alia esse potest à
Metaphysica. Erit itaque Metaphysica distincta
& diversa ab aliis disciplinis.

Sed ad argumentum, quod antequam solva-
mus sciendum secundum Thom. opusc. 70.
quod

quod est super Boët. de Trin. q. 5. art. 1. quod quando habitus vel potentia secundum objecta distinguuntur, non distinguuntur secundum quaslibet differentias objectorum, sed secundum illas, quae sunt per se objectorum, in quantum sunt objecta: indeque dividuntur scientia speculativa per differentias speculabilium, in quantum sunt speculabilia. Speculabili autem, secundum quod est objectum speculativae potentiae, aliquid competit ex parte potentiae intellectivae, & aliquid ex parte habitus scientiae, quo intellectus perficitur. Ex parte quippe intellectus competit ei, ut sit immateriale, quia & ipse intellectus est immaterialis. Ex parte vero scientiae, ut sit necessarium, & consequenter immobile, quia omne quod movetur, in quantum huiusmodi, potest esse & non esse. Sic igitur speculabili quod est objectum speculativae scientiae per se competit separatio & à materia & à motu, vel applicatio ad ea: & ideo secundum ordinem remotionis & à materia & à motu scientiae speculativae distinguuntur. Quaedam vero speculabilia dependent à materia secundum esse: & haec distinguuntur, quia quaedam dependent à materia secundum esse & intellectum, illa nimirum, in quorum definitione ponitur materia: ejusmodi sunt entia Physica, quae semper sunt in materia, & definiuntur per materiam: haec abstrahunt à materia signata seu singulari, & definiuntur per materiam communem. Quaedam dependent à materia secundum esse seu existentiam, sed non secundum intellectum, seu definitionem: ejusmodi sunt entia mathematica, quae existunt in materia, sed in eorum definitionibus non fit mentio

mentio materiæ, unde dicuntur abstrahere à materia sola ratione. Quædam specularia non dependent à materia secundum esse, quia sine materia esse possunt. Hæc dicuntur abstrahere à materia, re & ratione: siue nunquam sint in materia, ut Deus & Angeli, quæ dicuntur abstracta secundum essentiam: siue in quibusdam sint in materia, in quibusdam non, ut transcendentia, quæ dicuntur abstracta secundum indifferentiam. Et hæc abstracta à materia, re & ratione constituunt Metaphysicam. Hinc solvitur argumentum: non enim ex abstractione sola, quatenus est mentis operatio, nec ex rebus absolute vel secundum subordinationem vel secundum oppositionem consideratis scientiarum & disciplinarum diversitatem metimur: sed ex diversitate abstractionis & rei, quatenus constituunt diversum speculabile, hoc est, diversitatem secundum esse immateriale & immobile, seu necessarium. Ita enim diversitas abstractionis simul importat diversitatem modi sciendi, & consequenter scientiæ diversitatem. Quid de re vide quæ inferius pluribus diximus cap. 10. comm. n. 26. Et hoc sensu Metaphysica ab aliis disciplinis quia differt, Metaphysicæ est speculari de ente ut ens est, ac quid est, & quæ ei insunt prout ens est 4. Met. t. c. 1. & 6. Met. t. c. 4. Seu prout ens est in universali & non secundum partem 11. Met. c. 3. seu de ente in quantum ens, & de omnibus generibus, donec perveniat ad subjecta artium particularium Aver. in Paraph. Metaph. tract. 1. vide Averr. epit. 2. poster. cap. 3.

Quantum ad Ramum attinet, dicendum Metaphy-

raphysicam & Logicam in quibusdam convenire, in aliis differre. Convenientia ratione universalitatis est: utraque enim in ambitu suo Ens in universum sumptum complectitur. Sed modus considerandi diversus est: Metaphysica entia universaliter considerat, ita ut ad particularia (saltem materialia) non descendat: indeque in Transcendentibus porissimum occupatur, particularium vero scientiarum objecta non considerat. Logica vero & ipsa universalissimis conceptibus Metaphysicis notiones suas applicat, sed non tantum: quippe quæ in particularium etiam scientiarum objectis definiendis, dividendis, demonstrandis, ordinandis versatur. Itaque Metaphysica tantum universaliter universalissime sumpta considerat: Logica universalis & particularia simul. Altera diversitas in eo est: Metaphysica est realis, Logica notionalis: hæc enim non considerat ens secundum quod ens est, sed secundum quod secundis notionibus substernitur. Illa vero res prout sunt in se speculatur. Et ita Averr. 7. Metaph. t. c. 2. comm. med. dixit: Metaphysicam & Logicam esse scientias affines: cum utraque sint communiter de ente, licet Logica de ente rationis, Metaphysica de ente reali sit. Et ita, v. g. de definitione agit Logicus in 2. post. & pluribus in Topicis: agit etiam Metaphysicus in 7. Metaph. sed differenter tamen, quod de Logico & Mathematico dicit Averr. 7. Metaph. t. c. 42. comm. med. & explicat Antonius Posius de monte Ilicino in Thes. tab. Arist. & Averr. lit. L. ¶ Logicus & Mathematicus: observa, inquit, quod Dialecticus tractat de definitione prout est instrumentum

ducens intellectum in cognitionem quidum rerum: Mathematicus considerat per lens gratia quidditatis, quam per se conat. Et post applicat generaliter ad Metaphysicam & Logicam: Latini, inquit dicerent, Metaphysicus doceat definitionem denominatam vel pro substrato: Logicus autem denominantem, & pro formali. Et quando Aristoteles 7. Top. c. 1. dicit: definitio quid sit ostendere, alterius esse negotii, quam Topici: Ius lit. D. ad hunc locum, observa, inquit, quod Alexander vult, quod ad Metaphysicam pertineat hoc negotium, etiam Averr. 7. divinorum. Et in genere diversitatem annotavit Arist. 4. Metaph. t. c. 5. circa idem, inquit, genus Sophistica & Dialectica versatur cum Philosophia. Verum Philosophia ab hac quidem modo potestatis, ab illa vero electione vitæ differt. Dialectica autem est tentativa, de quibus Philosophia est cognitiva: Sophistica vero apparens existens vero minime. Ad quem locum Averroes comm. med. ita scribit: Commune, inquit, est Logico, Sophistæ, & Metaphysico loqui de ente: differunt vero ad invicem: quoniam Metaphysicus considerat de eo sermone demonstrativo: Logicus vero sermone probabili: Sophista sermone apparente. Hæc pluribus Averroes in comment. Summa: Metaphysicus de ente agit absolute & in se considerato: Logicus relative in ordine ad notiones secundas, quæ ceterum instrumenta enti applicantur ad notitiam faciliorem comparandam. Sed hæc attigisse sufficiat: eger de his alii latius.

Quod 2. An Metaphysica sit omnium scientiarum prima? Metaphysicam esse posteriorem

via

taphysicam & Logicam in quibusdam convenire, in aliis differre. Convenientia ratione universalitatis est: utraque enim in ambitu suo Ens in universum sumptum complectitur. Sed modus considerandi diversus est: Metaphysica entia universaliter considerat, ita ut ad particularia (saltem materialia) non descendat: indeque in Transcendentibus potissimum occupatur, particularium verò scientiarum objecta non considerat. Logica verò & ipsa universalissimis conceptibus Metaphysicis notiones suas applicat, sed non tantum: quippe quæ in particularium etiam scientiarum objectis definiendis, dividendis, demonstrandis, ordinandis versatur. Itaque Metaphysica tantum universaliter universalissime sumpta considerat: Logica universalis & particularia simul. Altera diversitas in eo est: Metaphysica est realis, Logica notionalis: hæc enim non considerat ens secundum quod ens est, sed secundum quod secundis notionibus subternitur. Illa vero res prout sunt in se speculatur. Et ita Averr. 7. Metaph. t. c. 2. comm. med. dixit: Metaphysicam & Logicam esse scientias affines: cum utraque sint communiter de ente, licet Logica de ente rationis, Metaphysica de ente reali sit. Et ita, v. g. de definitione agit Logicus in 2. post. & pluribus in Topicis: agit etiam Metaphysicus in 7. Metaph. sed differenter tamen, quod de Logico & Mathematico dicit Averr. 7. Metaph. t. c. 42. comm. med. & explicat Antonius Posius de monte Ilicino in Thes. tab. Arist. & Averr. lit. L. ¶ Logicus & Mathematicus: observa, inquit, quod Dialecticus tractat de definitione prout est instrumen-

tum

tum ducens intellectum in cognitionem quidditatum rerum: Mathematicus considerat per accidens gratia quidditatis, quam per se considerat. Et post applicat generaliter ad Metaphysicam & Logicam: Latini, inquit dicerent, quod Metaphysicus doceat definitionem denominatam vel pro substrato: Logicus autem denominantem, & pro formali. Et quando Aristoteles 7. Top. c. 1. dicit: definitio quid sit ostendere, alterius esse negotii, quam Topici: Posius lit. D. ad hunc locum, observa, inquit, quod Alexander vult, quod ad Metaphysicam pertineat hoc negotium, etiam Averr. 7. divinorum. Et in genere diversitatem annotavit Arist. 4. Metaph. t. c. 5. circa idem, inquit, genus Sophistica & Dialectica versatur cum Philosophia. Verum Philosophia ab hac quidem modo potestatis, ab illa vero electione vitæ differt. Dialectica autem est tentativa, de quibus Philosophia est cognitiva: Sophistica vero apparens existens vero minime. Ad quem locum Averroes comm. med. ita scribit: Commune, inquit, est Logico, Sophistæ, & Metaphysico loqui de ente: differunt vero ad invicem: quoniam Metaphysicus considerat de eo sermone demonstrativo: Logicus vero sermone probabili: Sophista seermone apparente. Hæc pluribus Averroes in comment. Summa: Metaphysicus de ente agit absolute & in se considerato: Logicus relative in ordine ad notiones secundas, quæ ceu instrumenta enti applicantur ad notitiam faciliorem comparandam. Sed hæc attigisse sufficiat: eger de his alii latius.

Quod 2. An Metaphysica sit omnium scientiarum prima? Metaphysicam esse posteriorem
via

via doctrinæ reliquis scientiis, sed priorem secundum naturam Averrois effatum est 6: Metaph. comm. 3. & 7: Met. comm. 39. Piccol in introduct. scientiæ nat. c. 13. proponit triplicem modum considerandarum disciplinarum ratione ordinis & prioritatis. 1. ratione facilitatis. 2. ratione abstractionis. 3. ratione dignitatis. Secundum primum modum primam disciplinarum dicit esse Mathematicam: ratione abstractionis primam esse Physicam: ratione dignitatis Metaphysicam.

Videamus quid sit statuendum. Dubium non esse censeo, quoad facilitatem priores esse disciplinas eas, quæ sub sensum quadantenus cadunt, iis, quæ à sensu omnino abstrahunt. Hoc enim docuit Aristot. 1. post. t. c. 12. nobis illa priora & notiora appellando, quæ nostris sensibus magis objecta sunt. Verba sunt: Dicuntur priora & notiora duobus modis: Ut enim sunt alia, quæ sunt naturæ ordine priora, alia quæ nobis, ita plurimum inter se differunt, quæ omnino ac perse, notiora; & quæ nobis magis nota sunt. Ac nobis quidem illa priora & notiora appello, quæ nostris sensibus magis objecta sunt. Simpliciter autem ac perse ea, quæ sunt ab iis remotiora. Evidens vero faciliora esse, quæ sunt notiora seu priora quoad nos: faciliora ergo, quæ magis sensualia. Talia ea, quæ sunt & existunt in materiâ. Non ergo prima quoad nos, seu ratione facilitatis Metaphysica est: sed vel Physica vel Mathematica. Quæ de re testatur Arist. qui Metaphysicæ difficultatem exposuit. 1. Metaph. t. cap. 8. dicens, quod in iis versetur, quæ cognitu difficillima sunt hominibus. Contra de Matheseos facilitate

tate testatur 6. Ethic. c. 8. dicens: puerum fieri Mathematicum posse, sapientem autem à naturalem non posse. Non itaque ratione facilitatis doctrina prima Metaphysica, sed Mathematica. 2. Metaphysica prima est, si spectetur primitas dignitatis. Hoc sapissimè dixit Aristoteles, eam omnium scientiarum reginam, Architectonicam, honorabilissimam nominando. Sciendum verò secundum Judocum Isennacensem summ. Log. lib. 3. cap. 2. quod tribus modis una scientia dicitur dignior alia 1. ratione dignitatis objecti, quia circa dignius & nobilius objectum versatur. 2. ratione certitudinis, quia certior est alia. 3. ratione finis: quia nobiliorem & digniorem habet finem, non ordinatum ad ulteriorem, sed sui gratia quæsitum, ita ut cæteris præcipiat, & ad suum finem utatur. Omnes vero hi modi in Metaphysicam cadunt: ratione objecti in divinis versatur: ratione certitudinis in æternis & incorruptibilibus, rebus scilicet divinis: ratione finis, docente Arist. 1. Metaph. t. c. 8. qui propterea eam sapientiam dixit, quod gratia sui ipsius, & propter ipsum scire & non quæ aliorum gratia eligenda sunt, sciat & cognoscat. Hinc Arist. 11. Metaph. cap. 8. Metaphysica, inquit, est optimum scientiarum genus, circa namque honorabilissimum entium est. vide 1. Metaph. t. cap. 11. Dices incertum videri, quod multa confusè tantum, pauca distinctè in ea cognoscamus, multa etiam ignoremus. Hic respondendum, quod multis modis una scientia dicatur esse altera certior: 1. ex firmitate & immutabilitate rerum consideratarum sive objectorum: hoc sensu Metaphysica dicitur esse aliis certior, quia de æternis & sua natura in-

cor-

corruptibilibus agit, 2. ex majore certitudine & evidentia principiorum, ex quibus in illa scientia demonstratur 3. ex hoc, quod pauciores relinquit dubitationes, circa illa, quæ considerat. 4. ex hoc, quod facilius potest acquiri, & ex modo procedendi vel syllogizandi, quia evidentiorum modum syllogizandi observat. Etiam modi quatuor posteriores in alias etiam possunt cadere scientias, porissimum vero in Mathematicam. Sed primus modus certitudinis Metaphysicæ proprius est. 3. Prima dicitur esse Metaphysica simpliciter secundam naturam, & cognitionem maxime distinctam. Secundum naturam quidem ratione subjecti quoniam enim superiora sunt, natura priora suis inferioribus & vero Metaphysica in universalissimis versatur, eorum respectu prima dicitur esse secundum esse & naturam. Quoad cognitionem vero distinctam observanda est distinctio Pererij 3. Phys. cap. 5. quod perfecta & distincta cognitio sumatur duobus modis: vel absolute & omni ex parte, quæ tunc contingit, cum in re proposita cognita sunt, quæcunque possunt cognosci, & quocunque modo possunt. Vel non simpliciter perfecta, sed tantummodo secundum materiam subjectam, aut secundum eam rationem, quæ tractatur in aliqua scientia, ut dicatur perfecta vel Physice, vel Mathematicæ, vel Metaphysicæ, ita ut in tali scientia perfectior cognitio nec requiri debeat, nec possit inveniri. Posteriori sensu Metaphysica opus non est ad distinctam cognitionem acquirendam, sed res unaquæque cognoscitur distinctè & perfecte ex propriis principiis ejus scientiæ, in qua tractatur. Priori vero modo Metaphysica

physi
& su
nifi
etia
omn
ner
qui
cet
lect
din
Ma
ne
ad
ta
al
&
il
u
d
i

physicà opus est, ut res unaquæque ex primis & summis principiis cognoscatur, quæ non nisi in Metaphysica traduntur. Et hoc sensu etiam primam dicimus esse Metaphysicam ad omnimode distinctam & perfectam cognitionem acquirendam. Alias vero in genere, & quidem secundum sensum posteriorem placeat mihi sententia Ludovici Buccaferrez in lect. 1. Phys. Aristot. quando dicit: istum ordinem scientiarum inter se (Metaph. Phys. & Math.) non esse necessarium: non enim esse necessarium unam harum scientiarum prius addiscere, quam aliam, quia sunt scientiæ totales, & quælibet illarum potest addisci sine alia; (intellige juxta cognitionem distinctam & perfectam in certo genere.) Sed ordinem illum esse tantum commoditatis, ut scilicet ex una in aliam facile pervenire possimus. Quæ de re fusius egi in meis Physicis lib. 1. n. 2. in comment.

CAPUT. II.

De Ente & Essentia.

Subjectum Metaphysica ponitur vel proprie dictum seu directum, vel improprium seu indirectum.

2. Directum illud est, quod intellectum per se terminare potest: cujusmodi est Ens quatenus Ens reale.

3. Indirectum est quod cognoscitur ex ordine ad subjectum proprie dictum: ejusmodi sunt Entia rationis, & Entia per accidens. Vide Arist. 6. Metaph.

4. Ens quatenus Ens consideratur vel in conceptu proprio, vel secundum ea quæ Enti per se insunt.

5. Entis

5. *Entis conceptus proprius est vel actualis, vel potentialis.*

6. *Conceptus actualis est, qui tribuitur Enti ut quodammodo ab inferioribus distincto. Quia enim Ens analogum sit, non dicit naturam plane diversam à suis analogatis, nec ejus ratio sine inferioribus plene cognosci potest: distinguere tamen possumus conceptum ut superioris, & inferioris, quorum illi sine ordine ad contractionem consideratus actualis à nobis dicitur.*

7. *Actualis est vel objectivus, vel formalis.*

8. *Objectivus est res per formalem conceptum representata: & est natura Entis, secundum quam quodque Ens denominatur. Vide Zimaram solut. contrad. Arist. & Averr. 4. Metaph. contrad. 3.*

9. *Ejus consideratur Vnititas, & Ratio.*

10. *Vnititas Entis describitur 4. Metaph. t. c. 2. his verbis: Ens multipliciter dicitur, verum ad unum, unamque quandam naturam, & non æquivocè.*

11. *Et hinc unitas Entis nec est univoca, quæ ex æquo inferioribus tribuatur, nec pure æquivoca, quæ secundum solum nomen conveniat: sed analogæ, ut loquuntur, analogia tamen quædam, quæ sit intrinseca omnibus analogatis.*

12. *Ideoque conceptui formali non respondet conceptus adequatus objectivus: nam ut conceptus formalis sit unus in intellectu, sufficit unitas secundum prius & posterius, non vero necessaria est una natura huic conceptui adequata.*

13. *Ratio vero est esse formale ipsius Entis quatenus Ens est.*

14. *Hæc à parte rei non potest esse diversa à*
princi-

principali analogato: analogi enim ratio principale analogatum est.

15. Et hinc adæquata ratio Entis à parte rei in substantia est: in accidente vero est secundum esse diminutum.

16. Et ita Essentia ratio una communis omnibus Entibus dari nequit: sed ea variat pro varietate subjectorum, quibus Essentia tribuitur.

17. Conceptus Entis formalis est forma intellectus representativa ipsius objecti intellegibilis: & est in Entis conceptu actuali abstractio ab omnibus suis inferioribus in quibus est.

18. Hoc modo concedimus Enti unitatem quandam diversam à suis inferioribus, ad quæ indifferenter sese habet, nihil eorum præcise dicendo.

19. Et ratione huius indifferentiæ fit, ut dicendo Ens, non possimus inferre vel substantiam, vel accidens: alias à parte rei semper inferimus substantiam: nam accidens semper ante se requirit substantiam.

20. Et hic conceptus formalis Scoto imposuit ut in 1. Sent. d. 3. & 4. Metap. q. 1. Univocationem Enti tribueret. Quæ tamen sententia adeo falsa non est: nam secundum hanc præcisionem seu indifferentiam factam ab intellectu concedimus Enti univocationem quandam Transcendentalem, quæ secundum Pet. de Aquila in 1. d. 3. q. 1. art. 3. nihil aliud est, quam quædam indifferentia modi concipiendi, secundum quam conceptus superior non est præcisè aliquid suorum inferiorum. Nam hoc sensu Ens dicitur univocum, non quod sit res aliqua præter Deum & creaturas, verum quia habet conceptum, qui de se nec est conceptus Dei, nec creaturæ ut formaliter

maliter argumentando inferre non possumus. Ens, ergo Deus, potest enim esse creatura. Tamen si hoc materialiter sequatur: verum hoc sequitur, a parte rei, creatura secundum prius ante requirunt Deum.

21. Univocationem vero Prædicamentalem ei de negamus: hæc enim requirit unum conceptum a parte rei, qui non nisi generis ad suas species esse potest, hic enti convenire non potest. Rei ratio elegans est apud Averr. in destr. diff. Metaph. 7. pag. 232. quia non habent unam naturam communem, quorum unum est causa alterius nam id quod est causa rei, est prius causa rei: & impossibile est, ut sit natura causæ & effectus una genere, nisi in causis individualibus. Enim in iis quæ sunt communia genere nihil commune, quod sit causa aliorum, sed omnia sunt eodem gradu. Inter ea vero quæ sub ente collocantur, est dependentia, est causalitas, est ratio prioris & posterioris. Univocatio ergo esse non potest.

22. Conceptus entis potentialis est conceptus entis secundum quod contrahitur ad sua inferiora.

23. Contractio entis ad sua inferiora non est contractio ut generis ad species per differentias essentielles, quia ejusmodi differentias essentielles non habet cum genus non sit, ut docet Averr. in destr. diff. Met. 3. p. 108. & Augustinus Nipha in comment. destr. pag. 110. Sed est determinatio secundum certum essendi modum ut quod ens vel per modum per se subsistentis, vel per modum inhaerentis in alio, quia de re subtiliter disputavit Franc. Suar diff. Metaph. 2. Et tantum a proprio entis conceptu.

COMMENTARIUS.

IN transcendentibus primum quod est Ens non uno usurpatur modo, ut annotavit Th. in Opul. de Ente & essentia, ex Arist. & Aver. 5. Metaph. t. c. 14. Ens dupliciter dicitur: vno modo quod inquitur per decem genera: alio modo quod significat propositionum veritatem. Horum autem differentia est, qua secundo modo potest dici Ens omne illud, de quo affirmativa propositio formari potest: sed primo modo potest dici Ens, nisi quod aliquid in re ponit. Inde Ens priori modo acceptum concretum est essentia; posteriori vero concretum entitatis. Latius enim patet entitas quam essentia, essentiam enim non nisi entibus reallibus tribuere solemus: entitas vero sua etiam entibus rationis, etiam negationibus, competit, quatenus per copulam est cum suo praedicato iunguntur, ut non Ens est non Ens, sicut docet Gerhardus de Monte ad Thom. de Ent. & essent. tr. 1.

Cum vero, docente Fr. Suarez, disput. Metaph. 2. s. 4. n. 9. non possit à nobis commode explicari quid sit essentia, nisi vel in ordine ad effectus, vel passionés re. vel in ordine ad modum nostram concipiendi & loquendi, ea de causa Thomas dicto superius loco eam explicare voluit per tria nomina idem secundum rem significantia, quod sit Natura, Forma & Quidditas, ut idem videre est apud Matth. Aquar. ad Phys. Ferrar. d. 3. de quid rer. nat. Prouer enim Essentia est operativa, eatenus bene Natura dicitur, ut docet disp. Metaph. 15. s. 11.

n. 4. Suar. Hoc sensu Thomas è Boet. in l. dua. nat. 3. par. q. 2. ad 1. & quæstionum sput. q. 1. de unione verbi art. 1. Naturam finit, unamquamque rem informantem specificam differentiam, quæ scilicet complet definitionem speciei: at vero hoc essentia proprie est. Prout vero edit passiones, Forma bene dicitur: ad hoc enim subjecti principium ut plurimum passiones reducere solemus utpote à quæ per emanationem, sine motu & conatu ulli proficiscuntur. Quanquam etiam formam dicere possumus essentiam, vel quia in compositione à forma principaliter essentia pender, vel si forma totius, quæ totum in abstracto dicit, idem & forma & essentia partibus absoluitur. Quoad vero nostrum concipiendi modum spectamus, eatenus bene dicitur quidditas. Est enim quidditas nihil aliud, quam essentia per definitionem expressa: & ita dicitur, quia definitio rei essentiam in quæstione quid est explicat distincte. Quando ergo rei definitionem concipimus & proferimus, eadem opera essentiam rei proponimus. Itaque essentia dicitur, secundum quod per eam Ens habet esse, seu ut sunt verba Zabarella è Themistio, quatenus est Entis causa ut sit. Quidditas vero quatenus per definitionem explicatur. Natura ut ad operationem ordinatur. Forma denique quatenus constans & determinatum esse habet, & largitur. Quanquam aliam etiam notare videntur differentiam inter Essentiam & Quidditatem, nam Antonius Posius à monte Ilicino ad Averrotem. t. c. 34. ubi dicit: Materiam non esse partem quidditatis, sed vehiculum deferens quidditatem, citat Zimaram qui carpat Scotum & Thomam

Thomam (sequutos Avicennam, qui s. suæ
Metaphysices voluit, materiam esse partem
quidditatis) quod nesciverint distinguere inter
essentiam & quidditatem: esse enim materiam
essentiæ partem, non autem quidditatis. Vide-
tur vero ea reprehensio Zimaræ ex ipso Averr.
textu esse deprompta: nam is docet, æs esse par-
tem ipsius statuz, sed non esse partem figuræ
eius, quæ est ipsa forma. Et 3. de anima t. 9.
docet quidditatem & esse essentiæ in entibus
simplicibus esse idem: in compositis vero dif-
ferre. In specie vero 7. Metaph. t. c. 21. dicit.
quidditas hominis est homo uno modo, & non
est homo alio modo: & est forma hominis, &
non etiam homo, qui est congregatus ex ma-
teria & forma. Et hoc modo clara est sententia
Averr. quod non ab Essentia, sed à Quidditate
excludat materiam. Vide Zimaram in solut.
contrad. Arist. & Averr. super 7. Metaph. con-
trad. 16. Cajetanus tamen de ente & essen. qu.
4. art. 3. ad Thom. c. 2. aliter explicat textum
Arist. d. 7. Metaph. t. c. 34. quando enim Arist
dicit, materiam non esse partem quidditatis: is
respondet eo loco, Arist. non remove mate-
riam communem à quidditate, sed materiam
particularem, & eas partes, quæ per accidens se
habent ad speciei intellectum, ut manus & pe-
des y. g. ab hominis ratione: & has carnes &
hæc ossa. Qua de re quid statuendum judice-
mus, dicemus, quum hanc doctrinam fusius tra-
ctandum susceperimus: nunc brevitatis studio
rem in medio relinquimus. Vide varios modos
Esse & Quidditatis, è quibus hæc quæstio faci-
le deciditur apud Aug. Niphūm Suefl. disp.
Metaph. 8. destruct. Averr. pag. 235. & quo-
modo differant aliquid esse de essentia & de

quidditate alicujus Zimaram solut. contrad. Arist. & Averr. 1. Metaph. contrad. 4.

Ut vero ad essentiam revertamur : hic essentia modus variat pro diversis subjectis in quibus est : alius enim est modus essentia increata, alius essentia creatæ immaterialis, alius substantia materialis, alius vero accidentium. De essentia increata bene dicere possumus cum autore libelli de causis proposit. 6. quod causa prima, superior sit omni narratione, & non deficiant linguæ à narratione ejus, nisi propter narrationem esse ipsius : quoniam ipse est super omnem causam, & non narratur nisi per causas secundas, quæ illuminatur à lumine causæ primæ. In quibus verbis duo præcipue continentur : alterum quod sit superior omni narratione : quoniam enim narratio rei ex ejus causis est, causa vero prima est ea, in qua statum causarum est, causa scilicet sine causa, sit inde, cum distincta cujusque rei & accurata cognitio ex ejus causis pendeat, eam quidditative, ut vocant cognoscere non possumus, nec in intimam ejus penetrare essentiam. Sola hæc prima causa est, quæ & suam essentiam accuratè habet cognitam, & quæ in ea sunt exacte comprehendit. Alterum est, quod narretur per causas secundas, ex eo enim habemus, quod non ignotus & incognitus nobis plane Deus sit. Quoniam enim causæ secundæ illuminantur à lumine causæ primæ, ex ipsius causis secundis devenimus aliquatenus in aliquod esse causæ primæ, juxta participatum illud esse quod à causa prima in causis secundis est. Modus vero hujus cognitionis per causas secundas elegantissimis verbis explicatur apud Scaligerum lib. 365. f. 7. Per motum inquit, cognoscimus ipsam

ipsum Deum, ergo quia non potuimus eum pro motore agnoscere, nisi sit, secundaria intellectione percepimus esse Deum, inde bonitas, incommunicabilitas, unitas, immensitas, æternitas immutabilitas, simplicitas &c. Verum nihil horum puram Dei essentiam attingit: hoc tamen scimus, quod Deitas sit hæc essentia, qua Deus est Deus, & qua Deitas sit formaliter infinita, nec possit ab ulla aliqua repati vel contractionem, vel deterrminationem, nec ab aliquo ulteriori actualitatem aliquam suscipere ut enim est apud Nic. de Orbellis in 1. dist. 5. q. 7. ipsa Deitas per relationem sive proprietatem personalem non determinatur, nec aliquo modo adjuvatur, quia hoc est imperfectionis et potentialitatis in natura creata; Deitas vero cum de se sit hæc, sicut de se habet ultimam unitatem, ita et actualitatem. Est igitur proprietas personalis ita proprius actus personæ, ut tamen non sit actus ipsius naturæ divinæ, aliquo modo perficiens seu informans eam. E quibus clarum, quod essentia Dei sit summæ simplex, h. e. quod nec composita, nec ut ita loquar, componibilis, sed seipsa sit simpliciter, à nullo alio, nec intrinsece, nec extrinsece dependens.

Essentia creata simplex in immaterialitate cum increato convenit: inde est essentia simplex per carentiam cujuslibet compositionis intrinsece. Quod vero dicitur esse eam compositam ex actu & potentia, ex esse & essentia, hoc simplicitati nihil derogat: potentia enim ea intrinseca non est, sed extrinseca in ordine ad efficientem. Actus vero denotat ipsam speciem juxta quam hæ intelligentiæ sunt hoc quod sunt. Et compositio ex esse & essentia, realis non est; sed quatenus nos præcise concipi-

primus vel quidditatem solam, vel quidditatem actu extra causas positam, hoc enim est Esse Existere scilicet; illud vero essentia, Esse scilicet in certa Entis specie.

Essentia vero creata materialis composita est: itaque complectitur materiam ac formam secus ac substantia separata, quæ formam tantum. Unde in ea designari potest totum & pars secus atque fit in separata substantia, quæ sit seipsa, nec nisi in ratione totius designari potest, ac partes, non admittit, è quibus vel componatur, vel in quas resolvatur. Et hoc dicit Thomas, in substantiis compositis esse materiam & formam, non vero posse alterum illorum tantum essentiam dici: est enim essentia illud, quod per definitionem rei signatur, definitio vero substantiarum materialium non tantum continet formam, sed etiam materiam, aliter enim definitiones materiales & Mathematicæ non differrent; quæ de re egit Themistius in lib. de anima.

Ad accidentis essentiam intelligendam sciendum, quod quadrupliciter possit considerari: vel concretivè, vel abstractive, vel effectivè, vel inhæsitivè. Concretivè consideratur quatenus existit, existunt enim accidentia non nisi concreta, & ita facit aliquod esse accidentale in subjecto. Accidentis enim forma est, quod si ergo in subjectum cadat, esse accidentale facit. Abstractive consideratur in proprio genere, quæ est hoc distinctum à quovis alio: habet enim accidentis essentiam, eamque revera distinctam à quavis substantia, vel accidente quovis alio, ac hæc est unius cujusque accidentis quidditas. Effectivè à substantia est, quatenus à substantia producitur idque vel à partibus substantiæ;

stantia, quomodo quantitas à materia dependet, risibilitas & alia passionis propria à forma; vel à tota substantia, quomodo attractio ferri à substantia tota magnetis esse videtur. Inhæsi-
vè vero prout accidentis esse est inesse, natura-
liter n. accidens non est, nisi insit in substantia.

Entia rationis si quam habent entitatem, ea ipsa entium realium essentiam æmulantur, ut vel ad eorum intensionem fiant, concipiendo Ens intensionis ad modum entis realis, vel ut è compositione enascantur, concipiendo mon-
tem aureum, qui & aurum & montem viderit, hinc per actum comparativum mentis fieri di-
cuntur Entia rationis, quia mens nostra ad si-
militudinem specierum realium Entia rationis
format. E dictis quid de Ente & essentia senti-
endum, clarum & manifestum esse potest.

Addam his duo; 1. An Enti unus quidam communis conceptus tribui possit? 2. An Deus Ens recte dicatur?

Quoad 1. Enti univocationem tribuit Sco-
tus; quam sententiam non intelligimus de u-
nivocatione quadam prædicamentali, sed de
Transcendentali, quemadmodum id ipsum è
Pet de Aquila in 1. d. 3. q. 1. art. 3. cap. hujus
theor. 20. superius exposuimus. Aliàs commu-
nior est sententia. ens in ordine ad Deum &
creaturas & substantiam & accidens, non de-
signare aliquem conceptum univocum distin-
ctum à suis partibus subjectivis; sed tantum
importare unum conceptum communem com-
munitate analogiæ respectu decem prædica-
mentorum, qui dicitur secundum prius & po-
sterius, quod dicit Zimara solut. contradict. A-
rist. & Aver. contradict. 3. de quo fasè egit
Fonseca 4. Metaph. cap. 2. qu. 1. ut propterea
opus

opus non sit pluribus hic inquirere: Vides his analogis eleganter differentem Avetr. & struct. disp. Metaph. 7. pag. 232. & ad eum August. Niphum Sueffanum.

Id tantum hoc loco docere visum est, an conveniat unus quidam conceptus vel formalis vel objectivus? Sententia nostra hæc est:

Conceptum objectivum à parte rei unum Enti non convenire: unum tamen formale conceptum tribui posse. Ratio effati est hæc. Ens dicitur multipliciter, 4. Metaph. 1. c. 2. conceptum objectivum à parte rei unum non habet. Quod si enim conceptus objectivus, est à parte rei, unus esset, recte statueret Solutus univocationem, quia secundum eandem eam rationem, quæ Enti de se consideratur parte rei conveniret, suis inferioribus tribueretur. Univocatio enim nihil est aliud, quod idem nomen secundum eandem rationem definitionem multis tribui. At vero Ens unum eum quid respectu inferiorum non est: nec ergo à parte rei unitas conceptus objectivi huius convenire potest. Conceptus vero formalis unus concedi potest: hic enim est à parte intellectus res similiter, & proportionaliter habentes in modum unius concipientis. Quomodo sapientiam divinam & humanam in genere inter se diversas similiter seu per modum unius concipit & considerat. Quod si negas, omni conceptui formali respondere aliquem conceptum objectivum: & ita non posse aliter habere objectivum & formalem conceptum. Respondeo: duobus modis intelligi posse conceptui formali respondere objectivum: vel adæquate vel inadæquate. Adæquatus conceptus est, ut hoc omne cognoscat intellectus
quod

quod est in rebus : Et hic consistit non nisi cum distincta & perfecta rei cognitione, quando scilicet intellectus concipit res prout sunt in se ipsis. Hinc id omne quod est in conceptu formali necesse est etiam esse in conceptu objectivo. Inadæquatus enim is est, quando rem quidem non concipio falso, sed hoc ipsum quod vere de re cognosco & intelligo, confuse & imperfecte cognosco, vel secundum modum similitudinis, vel per sua accidentia, vel per suos effectus. Hic conceptus verus quidem est, sed non semper rem concipit prout est in se. Quomodo in sacris Deus nobis cognoscendus proponitur, inadæquate sæpe, ut quod habeat oculos, manus, brachia : quæ quidem de Deo dicuntur, non falso sed per *analogiam* : quia Deum homo non potest cognoscere secundum propriam substantiam, sed in modum similitudinis. Hic conceptus inadæquatus aliqua ex parte respondet rei : oculi enim Deo tribuuntur, non ratione organi, sed ratione effectus, quia omnia habet præsentia sibi & coram intuetur : manus & brachia habet ratione potentia. Sed non in totum respondet rei prout est in se, verum prout à nobis secundum quandam similitudinem concipitur. Ita ergo potest esse conceptus formalis, quia aliquid conceptus objectivi ipsi respondet : sed non in totum adæquatur, quia non concipit omne, quod est in re, nec simpliciter secundum eundem modum quo est in re, ut propterea ab unitate conceptus formalis ex unitate similitudinis cujusdam nota, ad unitatem conceptus objectivi à parte rei recte argumentari non possimus.

Quoad 2. An Deus Ens recte dicatur : Ratio dubitandi est, quia Ens est quid concretum : con-

concretum vero omne cum quadam compositione videtur esse conjunctum. Sed Deus est naturæ simplicissimæ. Ens itaque dici non poterit. Et hinc authores quidam Deum essentiam potius quam ens dicere voluerunt. Et Deum esse quidem, sed non esse ens disputavit P. Scalichius Satyræ Phil. c. 10. Hinc. Sc. x. 65. f. 6. disputat, non recte extorsisse usum, ut sic (intellige concretive, quod sit omnipotens, omnisciens, misericors, pius, de Deo justus, &c.) loqueremur. Quare inquit, neq; ens est, sed essentia: neque bonus sed bonitas: neque sapiens, sed sapientia; neque omnipotens, sed omnipotentia. Quæ ita in ipso sunt, ut sint ipsum. Ita ille. Verum cum Scriptura passim concretivis ejusmodi locutionib. utatur, cur non à Scripturæ phrasi, Spiritu Sancto sapientiores sc. abhorreamus? Ita in Apocalypsi, ne adducam alios locos innumeros, scriptum cap. i. v. 4. & 5. *ὁ αὖ καὶ ὁ ἦν καὶ ὁ ἐρχόμενος*, ὁ παντοκράτωρ. Et ne de Christo hæc dicta quis excipiat, Dominus ad Moysem ait: Ego sum, qui sum; ubi vox Qui concretivum quid designat; & erant concretivæ magno numero Exod. 34. v. 61 & 7. ut hinc facile intelligamus concretivas voces Deo non repugnare; Nec enim concretum semper infert compositionem à parte rei, sed quandoque tantum compositum significandi modum quoad nos; & hoc modo simul stant dicere esse quid concretum, inadæquato conceptu & significandi modo quoad nos, & actu simplicissimum. Necessariæ vero concretivæ locutiones sunt in modis loquendi de Deo; non enim usitata apud Theologos est hæc in abstracto, Deitas generat; sed hæc; Deus generat. Nec usitata hæc; Deitas est Pater; vel hæc; Pa-

rer est Deitas. Sed hæc ; Pater est Deus: Nihil vero impedit, siue dicam, Deum concretivè dici, vel aliquid de Deo concretivè dici : quod si compositio infertur, utrinque inferenda : si dicam concretivam locutionem à parte. Subjecti non inferre compositionem, dicam nec inferri necessario à parte prædicati : eo quod de ratione concreti non est componere, secus enim omnis concreta locutio compositionē importaret. Quod de concretorum compositione diximus egregiè annotavit Gerh. de monte ad Tho. de ente & ess. in procem. Concreta, inquit, differenter sunt compositiora ipsis abstractis, quādoque enim solum sunt compositiora secundum nostrum modum concipiendi, sicut Deus dicitur compositior deitate. Quandoque etiam ex natura ipsius rei, & hoc gradatim : quia in separatis Angelus respectu angelitatis, & color respectu coloreitatis, non concernunt compositionem tantæ diversitatis, sicut humanitas respectu hominis, & album respectu albedinis.

C A P U T III.

De Principiis Metaphysicæ.

EA quæ Enti per se insunt, sunt vel principia, vel affectiones, vel primæ Entis divisiones.

2. Principia Metaphysicæ sunt principia per se nota, quibus passionēs Entis demonstrantur.

3. Hæc sunt duplicis generis : incomplexa alia, alia complexa.

4. Principia incomplexa duplici ratione intelligi possunt : vel ut propriæ dictæ causæ, vel ut rationes inferentes.

5. Principia ut propriæ dictæ causæ sunt principia ordinata ad producendos effectus rei

diversos, quomodo anima rationalis dicitur (secundum Th.) causa risibilitatis.

6. Et hoc modo principia in Metaphysicis de re nulla possunt: Ens enim non potest esse reversum à quoquam eorum, quæ Entia esse determinantur.

7. Principia ut rationes inferentes dicuntur principia, secundum quæ inferri potest conceptus posterior à priori quodammodo originem ducens quomodo ex infinitate inferitur omni præsentia De.

8. Eiusmodi principia in Metaphysicis sunt duplicis generis: vel enim sumuntur ex ratione ipsius Entis, vel ex ratione passionis ad passionem.

9. Ex ratione Entis desumitur genus principiorum quatenus ens concipitur, ut in signo seu momento primo, passionem vero in signo seu momento secundo, momentum vero primum est quodammodo ratio momenti secundi: Et ita unum supponit rationem entis. Hoc modo definitionis siqua daretur, esset medium demonstrandarum passionum.

10. Principia verò desumpta ex ratione passionis ad passionem oriuntur ex ordine passionum ad invicem; est enim inter passionem quædam prior, et quædam posterior, prior verò ratio posterioris est: Et ita Ens ut sit bonum, requirit veritatem.

11. Principia complexa dicuntur principia conferentia cognitionem, non essentiam.

12. Ea sunt vel prima, vel à primis dependentia.

13. Primum principium consideratur vel ex opinione, vel ex rei veritate.

14. Ex opinione ponitur vel identicum, vel affirmativum.

15. Idem.

15. Identicum est, quod ponit Antonius And-
drex; Omne Ens est Ens.

16. Hoc principium primum esse non potest:
quia identica non potest sumi ut demonstrationis
medium: doctrinalis enim non est.

17. Assignativum est, quod ponunt: Necessesse
est qualibet esse, vel non esse.

18. Hoc primum non est: notior enim contra-
doctoris repugnantia, quam immedietas.

19. Principium primum à rei veritate est,
quod ponit Aristoteles: Impossibile est idem esse
& non esse.

20. Est enim certissimum, notissimum, nec
ex suppositione est: quæ tria ad primum princi-
pium requirit Arist. 4. Metaph. l. c. 8.

21. Complectitur verò duo; Repugnantiam,
et Immedietatem.

22. Repugnantia significatur per modum:
Impossibile. Immediatio verò per divisionem
Entis à non Ente.

23. A primo dependent omnia alia princi-
pia: quia omnium aliorum veritas ab hoc depen-
det.

24. Hinc virtute hoc principium omnes par-
ticulares etiam demonstrationes ingreditur, ea-
rumque veritatem juvat. Et tantum de primis
principiis.

COMMENTARIUS.

DUO principiorum genera à Philosophis
ponuntur: Incomplexa & Complexa. Il-
la alio nomine vocantur principia essendi, eo
quod non tantum illationem rei faciunt, ut à
nobis cognosci res possit, sed & essentiam e-
jus constituunt, producendo eam in esse.
Complexa aliàs cognoscendi principia dicun-
tur:

tur : & in eo à principiis essendi differunt, quod ea & essentiam & rei illationem ponunt : hæc illationem tantum, non etiam essentiam, itaque cognoscere tantum faciunt. Utrumque principiorum genus in Metaphysicis locum habet, complexum & incomplexum. Ac complexum quidem ponitur primum ab Aristot. 4. Metaph. t. 9. quod idem simul Inesse & non Inesse, eidem & secundum idem impossibile est. In quo principio duo apprimè notanda sunt; alterum est repugnantia, alterum vero immediatio Illa in hoc est Impossibile; hæc vero in his, non posse aliquid simul inesse & non inesse. Quorum posterius commune habet cum alio quodam principio, quod Javellus ponit: necesse est idem esse vel non esse: prius ut proprium sibi vendicat. Dicitur autem primum esse hoc principium duplici de causa: altera est, quia est è terminis universalissimis primis, altera vero quæ hinc sequitur, quia tanta est ejus potestas pro terminorum universalitate, ut virtute in omnes omnino demonstrationes ingrediatur. Unde & participat tres illas conditiones, quæ ab Arist. primo principio assignantur: quarum prima est, quod circa ipsum non contingat errare. 2. quod non sit ex hyporhesi sumptum. Tertia, quod per demonstrationem non acquisitum. Primum quidem, quia notissimum est ratione terminorum: ut enim est apud subtilis. Duns in 1. dist. 3. ¶. quantum ad secundum articulum ut in multis; Certitudo principiorum inde est, quod termini principiorum per se notorum talem habent identitatem, ut alter evidenter alterum necessario includat, vel (quod nos addimus) alterum necessario removeat, & ideo intellectus componens illos

illos terminos, ex quo apprehendit eos, habet apud se necessariam causam conformitatis illius actus ad ipsos terminos, quorum est confitio: unde sequitur evidentia, quæ veritatem notam compositionis terminorum subinfert. Quoniam ergo, ut Thomæ sententia est, ex omnibus terminis primo se offert intellectui notio Entis, primo de se apprehenditur & cognoscitur Ens, removetur vero non-Ens: unde evidentia & veritas ex cognitione utriusque termini, & remotione à se invicem oritur. Cum ergo evidentissimum & notissimum hoc principium sit, sequitur, quod circa ipsam errare non contingat. Non vero ex hypothese est: ut enim est apud Arist. 1. Post. t. c. 13. principiorum demonstrationis tria sunt genera, Dignitates, Positiones, & Petitiones: & sunt dignitates ejus naturæ, ut necesse sit omnes homines, qui discere quicquam velint, notitiam & informationem earum impressam, & ante captam habere sine doctrina. Positiones vero, quam demonstratione aliqua stabiliri non possunt, non tamen necessario à discente præsciuntur, sed accipiendæ à docente sunt. Petitiones vero, nec veritatis notæ de se sunt, nec à docente acceptæ illico manifestæ, sed quæ melioris doctrinæ gratiâ supponuntur: unde & petitiones dicuntur quasi petantur, ut eis fides adhibeatur. Posterius genus duplex pro primo principio haberi non potest, quoniam eorum veritas non esset notissima, sed ex hypothese sumpta docens. Itaque in primo principiorum genere, quæ dignitates vocantur, principium notissimum sit, oportet, ita enim vocantur, quæ de se digna sunt, quæ fidem mereantur. Ejusmodi principium habemus hoc. Impossibile est, &c. non enim

enim tantum disputationis gratia, vel ex conditione assumitur, sed quia est notissimum omnibus, & apparet fidem ipsum mereri & dignitatem, & omnes propositiones ad hanc primam reduci. Per demonstrationem vero innotescere non potest; aut enim per directam: at non sunt priores termini, à quibus desumatur ejus concludendi medium: aut per deductionem ad impossibile, at primum impossibile in primis terminis hac propositione concluditur. Inde itaque in omnibus demonstrationibus principium hoc virtute includitur; demonstrationem v. ipsum admittit nullam.

Incomplexa principia in duplici differentia sunt posita: quaedam enim sunt causae suarum affectionum propriae dictae, ideoque re differunt ab iis, quorum principia esse dicuntur: ita interpositio, verbi gratia, est causa re ab Eclipsi distincta. Quaedam vero re non distinguuntur, sed tamen sunt rationes antecedentes, quibus ipsis ad consequentium notitiam devenire possumus: quo pacto Deitas est principium infinitatis, infinitas omnipraesentiae ratio est, quae hac illa principia supponunt. Primum principiorum genus in res Metaphysicas generaliter cadere non potest: affectiones enim Metaphysicae nec inter se, nec ab Ente re distinguuntur. Bene tamen posterius: Ens enim primum est ad omnes affectiones, à quo affectiones ordine quodam fiunt, ita ut posterior species priorem supponat, omnes vero ad ipsum Ens reducuntur, & ita tam inter se à se mutuo, quam ab ipso Ente cognitionem & rationem habeant; & ita incomplexorum principiorum ratio in Metaphysicis habetur.

CAPUT IV.

De passionibus seu affectionibus
Entis in genere.

Affectiones Entis sunt attributa Entis cum ente convertibilia, in eo contenta unitivè quasi inferiora: ideoque eadem cum ente, & non nisi formaliter ab eo distincta.

2. Hoc enim proprium unitivè contentorum est: esse unum re, distinguì verò formaliter.

3. Ea verò habitudo harum affectionum est, ut de Ente non dicantur in Quid; sed sint cum ente immediatè connexa: & tametsi aliquantò deficiant à vera ratione affectionum de subiecto mediante causa demonstrabilium, easdem tamen vires proportionè quadam sustineant, quas sustinerent, si proprietates propriè dictæ essent.

4. Affectiones Entis sunt vel simplices vel distinctæ. Scotus in 1. d. 8. q. 2.

5. Affectiones simplices sunt, quæ singula cum Ente recipiuntur.

6. Huiusmodi sunt tres: Vnum, Bonum, Verum.

7. Falso enim numerantur inter affectiones: Res & Aliquid.

8. Nam Res ens est synonymum, & easdem cum eo habet ambiguitates apud Scotum, quod l. 3. art. 1. ubi tripliciter accipitur: 1. communissimè, ut distinguitur contra nihil, & entia rationis complectitur, quæ etiam res rationis dicuntur. 2. communiter, ut distinguitur contra modum rei. 3. strictissime, ut sit ens, cui primò convenit esse, ut substantia. Et hac ratione, quia à parte rei non habet conceptum ab ente diversum, affectio ejus esse non potest.

9. Aliquid verò tripliciter interpretatur:
1. vel enim dicant aliquid esse, quod distingui-

tur contra nihil, & ita ab ente diversum non est.
 2. vel aliquid dicunt esse, Aliud quid, & ita cum
 Diverso idem est, & ad disiunctas affectiones re-
 fertur. 3. vel denotat aliquod ens in particulari
 & ita è numero Transcendentium excluditur.
 Vide Monlorium de Univer. c. 7.

10. Affectiones disiunctæ dicuntur, quæ non
 singulæ cum ente recipiuntur, sed cum disjunc-
 ctione quadam, ut: omne Ens vel est actu vel
 potentia.

11. Hæ dicuntur ab aliis non malè divisione
 Entis juxta passionem, & modos Entis. Con-
 Sarnamus.

12. Ex considerantur vel Conjunctim, vel Dis-
 junctim.

13. Conjunctim consideratæ quia universa
 Entis latitudinem exhaustiunt, ut nullum ex
 in particulari sit, quin sub alterutro membris
 comprehendatur, non immerito inter Transcen-
 dentia numerantur.

14. Disjunctim verò consideratæ non exha-
 riunt universam latitudinem entis, nec cum en-
 te recipiuntur: sed tamen & hoc modo, quæ
 ens ad certum genus Categoriarum non determinant
 Transcendentia vocari possunt.

15. Hæc de affectionibus in genere diximus.
 De iisdem in specie nunc erit agendum.

COMMENTARIUS.

ET si in scientiis tria necessario spectamus
 juxta Arist. 1. Post. t. 56. Subjectum, princi-
 pia, & passionem: ad passionem tamen potissi-
 mum attendimus, utpote quas de subjecto su-
 demonstrare proprium manus scientiæ est. Pas-
 siones verò seu affectiones vocamus habitudi-
 nes à posteriori convenientes alicui naturæ per
 rationem

rationem propriam, & non per rationem communem. Alio nomine proprietates eas dicimus. Sunt vero ex in duplici differentia constitutæ: quædam enim proprietates dicuntur, & quidem proprie, quæ perficiunt essentiam in esse secundo, quasi qualitates: ideoque extra rationem subjecti sui dicuntur: iisque competunt quatuor ex conditiones quæ à Fran. Suarez disp. Metaph. 3. sect. 1. nu. 1. ponuntur: 1. ut sint aliqua res. 2. ut distinguantur saltem è natura rei. 3. ut adæquate convenient. 4. & subjectum in intrinseca essendi ratione non includant. Quædam vero & quidem improprie, eo quod sunt contenta in aliquo unitive quasi inferiora, nec sunt res aliæ ab alio continente: ideoque non dicuntur esse extra rationem subjecti, sed id ipsum in sua essendi ratione includunt: affectiones tamen dicuntur, quoniam ad eorum modum concipiuntur & explicantur, quod fit, quoniam non sunt de essentia rei in primo naturæ momento consideratæ, sed sunt ipsa essentia, exrens sese ad momentum secundum. Quomodo voluntas & intellectus animæ potestates, passionibus ejusdem dicuntur, non quod dicant quid ab ipsa anima diversum, sunt enim perfectiones intrinsecæ in essentia præ suppositæ omni qualitati & quantitati, & ad genus qualitatis non pertinent, juxta Scotum in 1. distinct. 26. & Nicol de Orbell. in distinct. 3. quæst. 4. sed quoniam per modum passionis animæ tribuuntur.

Prius passionis genus circa Ens locum habere non potest: tum quia ens est de essentia cujuslibet, tum vero quia in quid de quolibet prædicatur: cum passio proprie dicta essentialiter à subjecto differat, & non nisi denominative de subjecto prædicetur, subjectum vero de passione non nisi per

per accidens. Posterius tamen passionis genus in Ens cadere subtilissime probavit Jo. Dum 2. d. 15. q. 2. ¶ Sed quia hæc via. Adscribitur verba ejus: quæcunque, inquit, habent aliquem ordinem inter se, ubi sunt distincta realiter, undem habent ordinem, ubi sunt unitive contenta. Si ergo unum, verum, bonum essent realiter distincta ab Ente, essent passionibus entis. Consequitur etiam quod unitive contenta in Ente habent eundem ordinem ad Ens, scilicet quod habent passionibus Entis.

Dices: Proprietates & affectiones subiecti solent addere aliquam novam perfectionem subiecto non contentam. Ratio est: natura enim nihil agit frustra: affectiones ergo quando subiecto confert, eas confert, quæ in subiecto ante non sunt: Secus enim frustra eas adderet. At vero Enti nihil potest superaddi: eo quod Ens in se potentia & virtute continet omnia: in omnium rerum conceptibus ponitur, ut propterea nihil inveniri possit, in cuius esse non ingrediatur. Non itaque videntur affectiones ubi Enti convenire. Respondendum. Duobus modis dici posse aliquid alteri superaddi: vel enim aliquid alteri superadditur, ut res aliqua, quæ novam quandam perfectionem subiecto superaddat, quæ in ipso subiecto non contineatur. Quo modo eruditio, scientia & alii habitus novam quandam perfectionem subiecto suo superaddunt, quæ in eo subiecto de se non sit. Et hoc modo Enti nihil novi superaddi potest, eo quod extra Ens nihil omnino est, quod ipsi accederet & adveniri possit. Alio modo potest dici aliquid superaddi, ut hoc quod eminenter & potestatem quadam in aliquo confuse continetur, magis distincte evolvatur & explicetur. Quomodo in divinis

divinis omnia sunt unum quid simplex, & idem cum essentia: nihilominus attributa multa Deo tribuuntur, quæ formaliter quidem in Deo multa non sunt, nihilominus quia eminenter ea Deo conveniunt, quando distincte Dei essentiam consideramus, dicimus eam esse infinitam, Deum esse infinitum, bonum, omnipotentem, &c. Et hoc modo statuimus omnia in Ente confuse quadantenus, vel ut rectius dicam eminenter contineri, quæ si singula distincte & explicate in Ente considerentur, possint quadam ratione dici Enti superaddi, ut conceptum non essentialiter, sed formaliter diversum.

Has Affectiones alii duplices faciunt, simplices alias, alias vero disjunctas. Et simplices dicunt, quæ singula cum Ente recipiuntur. Ac simplices numerant unum, bonum, verum, res, aliquid. Disjunctas vero omnes Entis divisiones, præter eam quæ est in decem rerum genera, ut sunt: actus, potentia; idem, diversum; universale singulare &c. Et omnino verum est, quod utrumque genus transcendentalem naturam participet, illud quidem sine disjunctione, hoc vero cum disjunctione: illud enim fertur supra omne ens, quatenus quælibet harum affectionum pro quolibet ente possibili supponere potest: hoc vero, quatenus alterutrum disjunctorum membrum necessario in omne ens possibile cadit. Posterius tamen genus commodius ad entis divisiones, quam affectiones deduci posse videtur, ut scilicet dicamus esse eas divisiones, vel ex affectionibus primi generis, vel ex modis entis deductas.

Ad prius vero affectionum genus quantum attinet, censemus in affectionibus tantum priora tria transcendentia esse numeranda, unum, bonum,

bonum, verum: hæc enim dicunt aliquid ab ipso ente vel ratione, vel (ut est Scoti sententia) natura rei diversum. Res vero & aliquid nihil aliud esse ab ente vel re, vel ratione distinctum inferre statimamus: dicunt enim hæc ipsa vel aliquid cum ente synonymum, quod de nomine Res certum est de Aliquid vero dicimus, quod vel cum Ente vel cum diverso idem sit. Quod enim quidam dicunt, Rem ratam quandam & certam propriamque essentiam denotare, tantum abest, ut eam ob causam quid ab ente diversum dicamus ut vel idem esse maxime hinc colligamus. Ponuntur siquidem Entis affectiones non prout ens indifferens est ad ens reale, & ens rationis, sed tantum prout certam quandam & ratam essentiam habet, quod non nisi in ens reale eadem re potest. Ac ita statuendum, quod Ens & Res simpliciter identificantur. Aliquid vero duobus modis accipiunt: vel ut est aliqua res, seu aliquid quod ens, ac ita non infert entis passionem, sed entis particularitatem: vel ut est aliquid, ut aliud quid, ac ita diversitatem denotat ab alio quatenus scilicet est res ab alia distincta. Ac in hoc quidem modo cum ente recurrere potest, sed idem est, quod ab alio diversum, & ita alteram entis divisionem constituit in Idem & Diversum. E dictis ergo clarum est, quod tantum tres entis affectiones merito ponamus.

Ac quia apud paucos reperitur, quid sit in aliquo unitive contineri, apponam id ipsum huc in fine hujus capituli, prout hoc traduxit Scotus à Dyonyfio s. cap. de div. nom. Continentia ergo unitiva tria requirit: 1. ut unitive contenta non sint idem simpliciter: cum enim inter ea, quæ sunt idem simpliciter, unio nulla intercedere possit, nec inter unitive contenta numerari

numerari possunt. Dicimus v. idem simpliciter, quod ita sibi ipsimet idem, ut nullam pluralitatem à parte rei admittat: cujusmodi est unitas seu identitas simpliciter, & identitas formalis ea, de qua differit Scotus in 1, de ¶. sed hic restat ulterior difficultas. 2. Ut ne sint separata. Quum n. continentia non sit separatorum, sed unitorum, inter ea continentia unitiva non erit, quæ realiter manent separata. Intelliguntur vero hic non ea tantum, quæ sunt separata actu, sed & quæ sunt invicem separabilia, cujusmodi sunt ea fere, quæ realiter distinguuntur, nisi quid impediatur. 3. Sed unitive contenta sint idem identitate reali, distincta tamen formaliter. Ea v. dicuntur idem identitate reali, quæ non possunt ita in re separari, ut unum sine alio existat. Formaliter vero distinguuntur, quorum est alietas formæ objectivæ, hoc est, quorum conceptus sunt diversi, qui tamen sese mutuo non excludant. Ea v. unitive contenta sunt in duplici differentia: quædam enim sunt in aliquo contenta q. superiora, quædam v. contenta in aliquo q. inferiora. Contenta ut superiora dicuntur ea, quæ sunt de natura & definitione continentis: ita in subordinatis superiora & inferiora sunt unitive contenta, ut corpus, animal, homo. Contenta quasi inferiora sunt, quasi passionibus & proprietates ita conjunctæ cum continente, ut ab eo non sint diversæ naturæ: ita sunt intellectus & voluntas respectu animæ rationalis, & unum, bonum, verum, respectu Entis. Et hæc de sententia Scoti ita differimus.

CAPUT V.

De Vno.

Affectionum entis prima est Vnum.

2. Vnum est privatio divisibilitatis incommunicabilitatis in alio.

3. Vnum consideratur vel in se, vel in ordine ad multitudinem.

4. Vnum in se consideratur, vel in genere, vel quoad gradus.

5. Vnum in genere consideratur in natura, et proprietatibus.

6. Natura unius consideratur, vel ut totalis vel ut radicalis et praecisa.

7. Natura unius totalis, includit duos conceptus: conceptum scilicet subjecti, et conceptum proprium, secundum quem haec affectio ab aliis distinguitur.

8. Conceptus unius ratione subjecti, est conceptus Entis; hic conceptus est, intrinsecus omnibus affectionibus, excluso enim hoc conceptu, ne esset quidem Vnum, nedum affectio esse possit.

9. Conceptus vero huic affectioni proprius, quem praecisum et radicalem secundo loco dicimus.

10. Is concipitur vel quoad nos, vel quoad rem.

11. Quoad nos concipitur per modum privationis: hunc in definitione dicitur, quod Vnum sit privatio, non quod ita sit, sed quod ita a nobis concipiatur.

12. Quoad rem placet mihi sententia Avicennae, ponentis conceptum Vnius distinctum formaliter ab ipso Ente, et eum positivum, 3. Met. super cap. 3. et ex eo Scotus in 4. Met. quaest. 2. quoniam ad primum: et refert hanc sententiam

Anto

Antonius Posius de monte Illicino.

13. Ratio ejus rei: privatio nullam perfectionem ponit: unitas ponit, quia in quolibet perfectius est esse ipsam, quam non ipsam: & signum ejus rei est, quod omnis divisio, cum reducatur ad unitatem, de se imperfectionem denotet, perfectionem vero quærat ex reductione ad unum. Vide Scotum l. cit.

14. Et hanc doctrinam eleganter complexus est, Scalig. exercitat. 65. f. 5. docens: Henricum privatione explicasse unitatis quidditatem ob defectum verborum. Esse enim unitatem quid positivum: ab hoc positivo oriri indivisibilitatem, hinc incommunicabilitatem: & quæ alia eo loco elegantissime docentur.

15. Proprietates unius sunt: Reciprocatio, & distinctio.

16. Reciprocatio est, quod de quocunque eorum dicitur, de eodem dicitur alterum: omne enim Ens est Vnum, & omne Vnum est Ens.

17. Distinctio est conceptus præcisus Unius ab ente, non includens præcise entitatem: ea distinctio non est pure conceptus rationis, sed ea quæ dicitur è natura rei formalis. Nam formalitas Entis non est præcise formalitas unius: ita enim essent Idem simpliciter. Impossibile: idem enim sibi ipsi simpliciter non potest esse & subjectum, & affectio.

18. Gradus unitatis considerantur secundum diversos divisionis & indivisibilitatis modos.

19. Vnum ergo quoddam est & indivisum & indivisibile, quoddam indivisum, sed divisibile.

20. Illud dicimus, quod ob maximam sui simplicitatem partes non admittit.

21. Et est vel summe simplex, vel simpliciter

citur simplex. Vide Nicol. de Orbell. in 1. dist. 9. 1.

22. Summe simplex illud dicimus, quod est compositum, nec compositionem ingreditur, Deus, hanc dicimus Vnitatem simplicis.

23. Simpliciter simplex illud dicitur, quod non est resolvable in alia, tamen si cum alio per compositionem ingreditur.

24. Estque duplex: vel secundum modum abstractionis, vel secundum modum designationis composito.

25. Simpliciter simplex secundum modum abstractionis, quod habet maximam abstractionem, ut ulterius abstrahi non possit, quia est perfectissimum; cuiusmodi abstracta ultimata, (ut vocantur sunt ultimæ differentie, ut est apud Scotum in dist. 22. quæst. unic. ¶ primum cum dicitur 1. d. 5. q. 1. ¶ hæc quoniam ad realitatem, ex eo apud Nic. de Orbell. ibid. Hanc unitatem Scotus vocat unitatem formalem, Vnitatem formalem stricte accipiendo in 1. d. 3. ¶ Sed hic stat ulterior difficultas.

26. Simpliciter simplex secundum modum designationis in composito est, quod in nullas partes divisibile, in quavis quantitatis parte designari potest: ejusmodi est unitas puncti.

27. Vnum indivisum, sed divisibile est, cuius unitas non excludit sui partes.

28. Estque duplex: Vnum per se, & Vnum per accidens.

29. Vnum per se illud dicimus, quod habet per se talem formam, quæ est ens per se, describitur à Scoto in 2. dist. 12. quæst. 1. scilicet dico igitur.

30. Estque vel unum numero, vel universale. Averr. tract. 3. Sum. Mera. p. 387. B.

31. Vnum numero est vel positive, vel negative, ex Averr. 12. Met. t. c. 14. Zimara in sol. contr. Aver. 1. Ph. contr. 30.

32. Vnum numero positive, quod est Vnum per positionem proprietatis seu differentie numerice, ut Plato; quemadmodum describit Cajetanus de Ente & essen. cap. 3.

33. Estque vel continuum, vel individuum singulare.

34. Continuum vero dicimus, cujus termini per contactum unum quiddam sunt, & se continuant. Arist. 11. Metaph. cap. ult. hoc enim non per suam materiam, sed per suam formam seu differentiam numericam esse continuum, docet Aver. 1. de anima t. c. 90.

35. Individuum vero singulare est, quod ex proprietatibus consistit huiusmodi, quarum collectio nunquam in alio eadem erit, Porphy. in Isag. c. 2.

36. Vnum numero negative, quod universale cum non sit, est non plura numero: hoc est, quod non includit differentiam propriam, unde habeat numerum, sed seipso est determinatum ad esse singulare, ut materia prima.

37. Vnum per se Universale est Univocum, vel Analogum.

38. Univocum est, quod pluribus ex aequo est commune, hanc Thomista vocant Unitatem formalem large acceptam. Vide Martinum Pollichium 1. de anima, q. 2. not. 2.

39. Estque vel unum genere, vel unum specie.

40. Vnum genere sunt, quorum unum est genus subiectum differentis, Arist. 5. Metaph. t. c. 10. seu, quorum est eadem predicationis figura. t. c. 12.

41. Et unum genere vel proximo vel remoto.

Averr. 5. Metaph. 1. cap. 10. Proximum genus est, quod immediate speciei convenit. Remotum quod mediate.

42. Unum specie sunt, quorum essentia est finitio est una.

43. Unum secundum analogiam est, quod multis non ex æquo, sed secundum prius & posterius attributione convenit. Et est unum vel secundum relationem multorum ad unum, ut sanum in medicina, cibo reducitur ad sanum formaliter quod est in animali: vel secundum relationem multorum inter se, quomodo unum sunt verbigitua substantia & accidens in Ente. Vide Cajet. Ent. & essent. q. 3. art. 1. & Fonseca. 4. Metaph. cap. 2. q. 1. sect. 6.

44. Unum per accidens dicitur, vel late, & stricte.

45. Late acceptum complectitur unum aggregatione, & unum ratione subiecti.

46. Unum aggregatione est, multorum vel sine ordine, vel cum ordine.

47. Aggregatio multorum sine ordine est unum plurium ratione loci, ut acervus lapidum & similibus.

48. Aggregatio cum ordine, est ordo multorum ad unum primum, ut exercitus ad ducem.

49. Unum per accidens (Stricte acceptum) ratione subiecti est triplex: est enim vel ordo subiecti ad accidens, ut mel est dulce: vel ordo accidenti ad subiectum ut risibile est homo: vel duorum accidentium ad unum subiectum, ut dulce est sanum, quia mel. Arist. 5. Metaph. cap. 6.

50. In ordine unum ad multa consideratur multitudo ipsa, vel multitudinis affectio.

51. Multitudo est modus Entis secundum quem entia inter se sunt diversa vid. Thom. 0.

pusc. 70. quæst. 4. articul. incorpore.

52. Multitudo consideratur vel in dependentia ab Vno, vel in ejusdem oppositione.

53. Dependētia multitudinis ab Vno, est vel potentialis, vel actualis.

54. Dependētia potentialis est, qua quod est unum quid per se, intelligitur esse divisibile potentia in multas sui partes è quibus componitur.

55. Dependētia actualis est, qua unum actu in se multa complectitur, quæ secundum respectum quendam tantum unitatem obtinent, ut est Vnum per accidens.

56. Oppositio inter Vnum & multa consideratur vel abstractivè vel concretivè.

57. Abstractivè, considerando divisionem per unum & multa, divisio ea non est proprie per opposita: sed similis est ei, quæ est Entis in Ens & Entia. Ita enim potest fieri divisio in Vnum & Vna: ita ut multa proprie non sint Ens, sed Entia, & non Vnum, sed Vna ipsa sint multitudo ex Avic. 3. Meta. c. 6. Scotus in 4. Meta. q. 2. ¶ de secundo sic Avic.

58. Concretivè accipiēdo, quadruplex inter ea potest notari oppositio: Contraria, privativa relativa, & contradictoria.

59. Contraria ut divisibile & indivisibile supponunt diversa subjecta, quorum unum excludit divisibilitatem omnem, aliud eam ipsam admittit.

60. Privative ut divisibile & indivisibile accipiuntur precise, ut divisibilitas notet separationem partium ab invicem, indivisibile disjunctionis ejusdem privationem.

61. Relativa, quando notatur unum è multitudine compositum.

62. Contradictoria quando termini exprimiuntur

nuntur per puram affirmationem & negationem
ut: Unum non unum. Vide Franc. Suarez, disp.
Metaph. 5. s. 6.

63. Affectio multitudinis est ordo: nam multi-
relata ad unitatem ordinem sortiuntur. Ita enim
intelligitur unum esse causam ordinis, & rem
ordini subiectarum, ex Averr. destruct. disp. 3.
140.

64. Ordo est multorum sub uno vel simul, &
secundum prius & posterius collocatorum co-
grua dispositio.

65. Simul vero esse dicimus quædam vel tem-
pore, vel natura, Arist. in post præd. c. 13.

66. Tempore simul, quorum ortus in eodem
tempore est.

67. Natura simul sunt duplicis generis: &
enim sunt reciproca, vel eadem divisione continen-
tur.

68. Reciproca dicuntur, quæ in argumenta-
tione reciprocantur, ut si sit unum & alterum
concludatur, sed neutiquam alterum sit alia
causa: ita Relata dicuntur simul natura.

69. Simul natura ratione divisionis dicuntur
species, quæ sub eodem genere continentur: ut
& homo sub animali.

70. Prius vero et posterius quinque modis
citur 1. tempore. 2. subsistendi consequentia,
ordine. 4. natura, et 5. dignitate, Arist. in post
præd. c. 12.

71. Tempore prius, quod antiquius et ver-
sius: Posterius quod generatione ortus sequitur
Ita Abraham Isaaco prior.

72. Prius subsistendi consequentia, quo pos-
to sequitur aliud, non contra: ita unitas prior
nario, si enim erit binarius, erit unitas, non con-
tra.

73. *Ordine prius, quod in scientiis priori loco docendum, ut quod ad alterius notitiam confert: posterius contra: ita universalia priora singularibus, 1. Phys. t. c. 4.*

74. *Natura prius, quod alteri est causa et ratio: ita anima intellectus prior.*

75. *Dignitate prius, quod est perfectius, ut: Consul cive.*

COMMENTARIUS.

Primam Entis affectionem statuimus Unum, eo quod dicitur absolute sine respectu: & definimus, quod unum est Ens indivisum in se, divisum ab alio. Ens esse dicimus: Unius enim consideratio duplex esse potest: altera præcisa seu radicalis, altera formalis. Præcisam dicimus eam unius rationem, qua est distinctum quid & ab Ente, & à reliquis affectionibus, seu secundum id quod enti superaddit: & ita nihil infert præter hoc ipsum, quod nos propter inadæquatum nostrum concipiendi modum, divisionis privationem dicimus, Formalem vero dicimus, qua infert hoc omne quod habet: infert autem duo: 1. realitatem, Unum enim non est purum Ens rationis, ergo & entitatem, quia sine entitate nulla est realitas. Et 2. privationem, quam super entitatem præcise consideratam addit secundum nostram designationem, seu quoad nos. Itaque formaliter consideratum unum, dicit Ens cum negatione seu privatione addita. Quando vero unum dicitur esse indivisum in se, divisum ab aliis, non importatur alia & alia unitas, ut annotavit Soncinas. 10. Metaph. quæ 5. hoc est, ut indivisum in se noter unitatem absolutam, divisum ab aliis unitatem relati-

vam: non enim est de Entis formali ratione, si sint alia, quæ simul cum ipso stent, sed sufficit ut ipsum non sit aliorum quid, siue alia sint, si minime Deus unus erat, cum vel maxime non essent alia ab ipso distincta. Sed indivisio in se notat exclusionem multitudinis: divisio ab alio dicit consequens hujus indivisionis, quod scilicet necessario, si ponantur alia nihil eorum in non vero infert necessitatem ponendi alia simul cum Ente stare.

Hæc vero unius indivisio non opponitur divisioni quantitativæ, sed Entitativæ. In hoc enim vehementer erravit Avicenna in 7. Metaph. secundum qui ut de ipso Aver. in 4. Metaph. t. c. 3. subtiliter Joh. Duns in 4. Metaph. notaverunt, opinari est quod unum, quod ponitur esse affectio Entis, sit idem cum eo, quod est principium numeri. Habet enim se unitas, quæ est principium numeri, ad unum hoc, quod Transcendentale dicimus, per modum inferioris ad suum superius communius. Nam quoniam quoddam Ens est quantum, hoc ipsum Ens habens entitatem, habet unitatem quantitativam; non enim habet duas entitates inter se distinctas, sed unam habet entitatem, & huic opponitur divisio quantitativa. Unum vero in genere abstrahit ab unitate quanti & aliorum generum, ideoque non tantum quantorum est, sed & non quantorum & opponitur ei in genere divisio entitativa, quatenus hoc quod de se est indivisum, est divisibile vel in partes ex quibus est, vel in partes quæ sub eo sunt. Et hoc unum confertur cum Ente quoniam quando ad multitudinem devenit est, jam non Ens est, sed plura Entia, quæ & ipsa plura esse non possunt, nisi ad unitatem quandam redigantur. Ea de re elegantissima

Scoti verba sunt. 4. Metaph. quæst. 2. ¶. de secundo: Divisio, inquit, per unum & multa non est divisio proprie per opposita, sed est, quasi diceretur Ens aliud Ens, aliud Entia: sic potest dividi unum & una, ita ut multa proprie non sint Ens, sed Entia, & non sit unum, sed una multitudo.

Multi vero unius gradus inveniuntur, ut annotavit subtiliss. Johan. Duns in 1. Sentent. d. 2. ¶. Sed hic restat ulterior difficultas.

1. Est enim minima, unitas ea quæ aggregationis dicitur.

2. Unitas ordinis.

3. Unitas per accidens.

4. Unitas per se compositi.

5. Unitas simplicitatis.

6. Unitas formalis.

Unitas aggregationis est, in qua multa Entia sine ulla unione, & sine ullo ordine congeruntur, quomodo acervus lapidum vel frumenti unum est, eaque minima unitas dicitur, quatenus congesta ea plura nihil Entis faciunt, sed tantum quod habebant Entis ante, ea quæ congeruntur, id sibi quidque horum conservat, nihil vero novi Entis acquirit. Tantum vero de uno quæque habent, quantum de Ente.

Unitas ordinis est, qua multa in unum collata nihil sibi mutuo conferunt, qua entia sunt, sed tamen qua ad unum aliquid ordinantur: atq; ita exercitus non habet nisi ordinē Unitatis prout scilicet ad unum ducem ordinatur. Et Scaliger exercitatione 6. sectione secunda: Unitas universi est propter ordinem partium inter se.

Unitas per accidens eo intelligitur, quæ est è subjecto & accidente mutuo informativis: habet enim se accidens ad substantiam, tanquam

quam forma ad suam materiam, in qua unum compositum accidentale facit. Estque non ex apparente & Metaphorica, sed cum Physice ratione conjuncta, ex rebus tantum diversorum generum, eorumque vel generalissimorum, homo quantus. album quantum, vel intermediorum, ut album dulce. Vide Scotum 6. Metaph. q. 2. ¶ Sed hic distinguuntur.

Unitas per se compositi est, quæ ex actu & potentia ex eodem genere naturaliter ordinata constat.

Dico ex actu & potentia, quia ex duobus actibus unum per se non fit.

Dico ex eodem genere, quia & accidentale & substantiale subjectum habent sese ut actus & potentia, sed tamen à diversis generibus petuntur.

Dico ordinatis, ob transcendentalem habitudinem eam, quam extrema compositi inter se habent.

Dico naturaliter, quia etsi ex natura divina & humana fiat unum per se, filius nimirum hominis, tamen ut annotavit Joh. Altegest. in vocab. Theol. pag. 240. & Constantius Sarnus Direct. Theolog. pag. 116. Christus proprie compositum non dicitur, & Deitas, & humanitas compositionem non faciunt.

Unitas simplicitatis, quæ nec est divisa, nec divisibilis, ejusmodi in Angelis & mentibus habetur. Juxta quod notandum, quod composita dicant quid unum, quia indivisa actu sunt, divisibilia tamen potentia; intelligentiæ vero & divisionem & divisibilitatem excludunt.

Unitas formalis est, ubi illud quod dicitur sic idem includit illud cui hoc est idem in ratione sua formali, & per consequens per se primo modo. Hic ramen sciendum, quod ut notavit

Polichius in 1. de Anima q. 2. not. 2. Unitas formalis duobus modis dicatur: vel unitas formalis simpliciter, vel cum quadam latitudine. Unitas formalis simpliciter ea est, de qua hoc loco agimus. Unitas vero formalis cum latitudine omnis ea dici potest, quæ largitur esse secundum primum dicendi per se modum. Adscribam verba Polichii: Unitas formalis inquit attenditur penes privationem divisionis formalis: (dicit autem divisionem formalem, quæ fit per essentialia principia) & habet latitudinem. Quædam enim privat divisione formali omnino causabili per principia propria & communia, & hæc est unitas formalis simpliciter. Quædam vero privat divisione formali, non simpliciter, sed taliter scil. causabili per principia communia, & hæc est unitas formalis secundum quid, & habet latitudinem, secundum quod divisio privata causabilis est à magis & minus communibus principiis essentialibus. Vide de quinque modis unitatis & multitudinis August. Niphum Sueffanum ad disp. 5. distruct. Averr. p. 173. Atq; hæc de uno dicta sufficiunt.

C A P V T. VI.

De Vero.

VNum sequitur verum: Bono prius & intellectus voluntate: est enim verum Ens in ordine ad intellectum, ut bonum Ens in ordine ad voluntatem.

2. Verum est Ens adæquatum intellectui.
3. Veri notio duplex est: Vna quoad materiale, altera quoad formale.
4. Verum materialiter consideratum est Ens cum denominatione veri.

5. Formalis est respectus entis ad intellectum suum, secundum quem adæquate mensurari potest, & ita verum formaliter dicit nihil aliud quam ens cum connotatione ordinis ad intellectum.

6. Is respectus non est respectus rationis, enim à sola mentis operatione pendet, sed fundatur à parte rei. Nec respectus predicamenti est: non enim potest fundamentum dicere à se subjecto diversum. Verum Transcendentalis, denotet adæquatam habitudinem entis & intellectus: vel ut intellectus immediatè feratur per hoc quod idem sibi ipsi est, ut est veritas divina, vel ut ens dependeat ab intellectu secundum eandem ideam ex qua rei esse metimur.

7. Et hinc in iis quæ dependent, idea prædicti essentialis ratio secundum quam quidque dicitur verum: naturalium quidem ea idea, secundum quam res dependent ab intellectu divini artificialium vero, secundum quam dependent ab intellectu humano.

8. Est vero idea aliquod cognitum à principio effectivo intellectuali, ad quod activum aspici potest aliquid in esse reali producere. Guilhem Ockam in 1. d. 35. q. 5. Qua de re fusè egi Andot, mei lib. 2. c. 22.

9. Gradus veritatis considerantur vel secundum veritatem ejusdem rationis sive subordinatam, vel rationis diversæ.

10. Ejusdem rationis sive subordinata veritas potest considerari: vel objective, vel subjective, vel identice, vel significative. Objective in rebus, subjective intellectu, identice in conceptu mentis, significative in voce.

11. Hinc veritas vel est incomplexa, quæ est affectus Entis simpliciter accepti, & intellecti, alio nomine dicitur veritas in essendo, sive veritas realis alia est complexa.

12. Veritas complexa est affectus orationis dependens ex significatarum rerum convenientia, ut ut docetur apud Scal. exerc. 307. sect. 27.

13. Et hæc est vel in significando, quomodo voces & conceptus dicuntur signa rerum juxta Arist. in lib. de Interp. cap. 1. quæ signa tum demum vera dicuntur, quando ipsis rebus extra in rerum natura positis respondent: vel est in cognoscendo quatenus scilicet res sunt in intellectu concipiente & componente eas. Vide F. Suarez. in disp. Metaph. 8. & Ferrar. in q. in 3. de anima.

14. Aliter in hunc modum potest exprimi, quod veritas consideretur vel fundamentaliter, vel representativè, vel formaliter, secundum Soccinatem 6. Metaph. q. 16.

15. Fundamentaliter est ipsa rei entitas: formaliter ex ordine ad intellectum: representativè è significando.

16. Quoad gradus diversæ rationis: veritas est vel res, vel sermonis, vel facti.

17. Veritas rei est veritas Transcendentalis hujus loci propria.

18. Veritas sermonis est duplex: vel enim est ordinata ad rem significatam, vel ad intentionem proferentis. Bonaventura post Alex. 2. p. q. 139. memb. 1. Gabriel, in 3. d. 38. unic art. 1. not. 1.

19. Ordinata ad rem significatam est, quæ pronunciat uti res est: hæc veritas Logica communiter dicitur.

20. Ordinata ad intentionem est veritas, quæ quod verba sonant mente persuasum habemus, hæc veritas Ethica communiter dicitur.

21. De hoc veri genere sunt elegantissima Scaligeri verba ex 2. nos, inquit, in Platonica exercitationibus non esse falsam probavimus orationem.

dionem, nisi si quis volens mentiat. Non enim falsa dicit, qui se verum putat dicere: sed falsa apprehensas, vere enunciat illas apprehensiones. Hinc definit ex adæquatione orationis cum ipsi speciebus.

22. Veritas facti est vel in iudicio vel in conversatione.

23. Veritas in iudicio est conformitas agendi secundum iustitiam.

24. Veritas in conversatione est habitus, quo quis dictis, factis & opere seipsum manifestat, a recta ratio demonstrat ex Arist. 4. Moral. c. 1. vide Versorem 4. Eth. q. 8.

25. Veritatis in essendo affectio est reciprocatio: veritas in cognoscendo consideratur in difficultate & opposita falsitate.

26. Reciprocatio est conversio veri cum Enti, ut de quo dicitur, Ens, de eodem verum dicatur, veritas enim Transcendentalis falsitatem nullam habet oppositam.

27. Difficultas in cognoscendo est dispositio secundum quanta res cognoscende non adæquatur a nobis apprehendi & concipi possunt. Eam difficultatem præscripsit Arist. in 2. Met. t. c. 1. Speculatio, inquit, de veritate partim difficilis, partim facilis est: huius signum, quod quisque de naturali aliquid dicit: illud, quod nemo eam vel totam vel maiorem ejus partem comprehenderit.

28. Difficultas ea duobus modis intelligi potest, vel penes nos, vel penes res subtiles, ut notat Aver. 2. Meta. t. c. 1. & fortassis causa ejus non rebus, sed nobis ipsis inest, ut subtilissime disputat Scotus in 2. Metaph. q. 2. & 3. & in 1. d. 3. q. 1. & approbat Mauritius in castigat. l. 1. Met. q. 2.

29. Difficultas imperfectionis et falsitatis mater est: deficit enim quisque in eo quod non comprehendit

30. Imperfectio vero & penes nos est, & penes scientias. Nam defectus causa defectum parit in effecto.

31. Imperfectio nostra partim in inventione est partim in doctrina. Nam eandem perfectionis & imperfectionis causam suspicamur: perfectionis positive, imperfectionis privative. At duplici hac via cognitio perficitur: inventione, & disciplina.

32. Error in inventione vel ab Experientia nascitur, vel à ratione.

33. Error in experientia vel à sensu est, vel ab intellectu.

34. Error in experientia à sensu est, quando sensus decipitur circa singularia ea objecta, quorum multæ memoriæ unius experientix vim faciunt, ut colligitur ex Arist. in 1. Metaph. c. 1.

35. Error vero sensus circa objectum suum est quintuplex: Primus ab excellentia sensibilis oritur, si ea nimium organum sensus virtute sua superet, ut lux diei vesperilionis oculum. Secundus ab indispositione organi, si scilicet sit male affectum. Tertius ab indispositione medii, si alienis qualitatibus afficiatur. Quartus à distantia, si ea non sit in debita proportionem inter sensum & objectum. Quintus si sensus & objectum conformiter sese non habeant. Georg. 2. de anima.

36. Error experientix ab intellectu est, quando vel ex iis in quibus sensus decipitur, vel quæ nondum sufficiant, intellectus experimentum sibi fingit. Vnde hic error intellectus duplex est: vel mediatu, vel immediatu. Mediatu is est, quando sensu mediante intellectus circa experientiam decipitur.

37. Error vero intellectus immediatu is est, quan-

quando ex iis, quæ bene sensus percepit, intellectus male experientiam concipit, quia ad experientiam faciendam nondum sufficiunt. Et hic error insufficientiæ appellari potest.

38. Insufficiencia vero experientię duplex est: una fit ratione temporis, alia ratione subjectorum.

39. Ratione temporis error oritur, quando non tantum tempus, quantum debetur experientię, tribuimus. Quod in motuum coelestium calculo evidens est. Nam experientiam effici temporis longitudo, inquit, Arist. 6. Ethic. capit. vitæ ergo brevitæ fallacem sæpe reddit experientiam. Quod memorabili Hippocratis docetur: diu longa, vita brevis; experientia fallax.

40. Ratione subjectorum, quando non omnia particularia objecta nota & manifesta sunt, quæ ad experientiam confirmandam faciunt. Vnde Arabi & Africæ sapientes quotannis scripta permutare proditum scimus, utrumque inquirentes, num quæ experientia animarum rationes forte debilitaret, ut si quid subjectorum diversitas diversum suadeat, artes et naturæ regulam aliter informantur.

41. Falsitas à ratione nascitur, quando intellectus vel in facilioribus non satis præparatus de difficilioribus iudicium præsumit ferre: vel de rebus ut adæquate cognitis iudicium fert, quæ vel inadæquate, vel nullo modo ab ipso cognoscuntur, vel componendo, vel dividendo res, quæ in natura vel composita vel divisa non sunt.

42. Falsitas ratione discipline & doctrinæ accidit, quando docentis autoritate decepti communem errorem & imbibimus & propagamus.

43. Error in scientiis est pars imperfectionis scientiæ.

scientis & docentis: qua enim ab aliis non satis cognita scriptis produntur, falsitatem scientis & disciplinis inferunt. Sed de his alibi fusius agere constituimus, in proprio tractatu de scientiarum imperfectione.

COMMENTARIUS.

Secunda Entis affectio est verum, posterior uno quia relativa est: prior bono, quia intellectus prior, cuius objectum verum est, quam voluntas cuius objectum bonum est. Dicitur enim quæque res vera, prout ad intellectum refertur. Quod ut melius intelligatur tria accurate notanda sunt: Primo quid sit veritas. 2. quotuplex sit veritas: 3. An habeat oppositam falsitatem. Quantum ad primum attinet, dicendum, quod sicut Ens dicitur in ordine ad esse, ita Ens relatum ad intellectum dicitur esse verum. Ac ita verum intrinsece dicit Ens: hoc vero quo verum ab ente distinguitur est habere additam relationem ad aliud, nimirum ad intellectum. Tenendum vero quod res dupliciter potest comparari ad intellectum, ut post Thomam. 1. par. quæst. 16. art. 1. notarunt Fran. Sylvester Petr. 1. de anima quæst. 10. Armandu. de bello visu tract. 2. cap. 24. & Fran. Suarez. disputat. Metaph. 8. sect. 5. nu. 1. uno modo essentialiter, alio modo accidentaliter. Essentialis ordo ad intellectum is est, quando intellectus est causa ipsarum rerum. Eo modo quo intellectus divinus est causa inferiorum. Accidentaliter vero, quando ab ipsis rebus ad intelligendum movetur intellectus, dum videlicet suam similitudinem in ipso imprimunt. Eiusmodi habitudo est rerum naturalium ad intellectum.

lectum Artificis, non quod ab intellectu
 ficis fiant, sed quod ab eo cognoscantur. Et
 utraque habitudine veri natura aliquatenus
 ter. Priori ratione verum quid rei est, pro
 habet esse firmum juxta eam ideam, quæ ab
 intellectu agentis, agens enim rem producit
 eam vere conformem reddit ad eam ideam
 quam de re producenda ante concepit. Sed
 vero res duplicis generis: quædam necessariæ
 quædam contingentes. Necessarias dicimus
 res naturales, quæ ab hominis arbitrio non
 dependent: sed vel in natura sunt, vel à na-
 tura producuntur. Harum veritatem proxime
 metimur ex intellectu divino. Habet enim
 Deus omnium rerum extra in mundo posita-
 rum ideas, ad quas comparatæ certam speciem
 sortiuntur, & ad earum modum definitio-
 nes habent. Juxta quod à Platone bene di-
 ctum est: quod idæ sint in mente divina, sicut
 in concavo Lunæ, & sint in cerebro Dei: ni-
 hil aliud innuens, quam quod Deus seipsum
 intrinsecè speculando ipsas res cognoscat, extra
 agendo res ad has ideas conformet, prout res
 in concavo Lunæ existentes conformes sunt
 ideis divinis. In cerebro vero Dei esse dicitur:
 improprie illud quidem, Deus enim
 cerebrum non habet. Verum interim, secun-
 dum quod Deus habet practicam cognitionem
 de iis in habitu, ut eleganter illud annotavit
 Matthias Aquarius in disp. de ideis. Res ve-
 ro contingentes dependent ab arbitrio huma-
 no & fiunt ad conceptum ipsius artificis: ope-
 ratur enim artifex secundum eum habitum,
 quem ante mente concepit. Atque hoc modo
 res dicuntur esse veræ, quatenus conformantur
 ad intellectum; & ita mensurantur ab intelle-
 ctu,

tu, qui earum rerum mensura est. Contra sese
 habet in rebus accidentaliter ad intellectum or-
 dinatis: dicitur enim veritas prout intellectus
 habet similitudinem rerum quoad extra sunt; &
 eo modo res potius mensurant intellectum,
 quam mensurantur. Tantum enim de veritate
 quidque obtinet secundum hunc modum, quan-
 tum rebus proportionatus est intellectus. Utrin-
 que ergo verum est, veritatem esse conforma-
 tionem rei & intellectus: uno quidem modo, ut
 intellectus sit mensura rerum, juxta quam res
 vera est, si intellectui sit conformis. Alio modo
 ut res sit mensura intellectus: ita verum esse
 dicimus, quando rem concipimus, prout extra
 intellectum est posita. Atque ob hanc confor-
 mationem, quæ est inter verum & intellectum
 fit, ut nihil charius sit intellectui, quam veritas,
 quod eleganter admodum disputavit August.
 Arguit. Niphus Sueffanus ad disput. Metaph.
 1. destruct. Ayerrois quatuor viis idipsum de-
 clarando, quas videat eo loco, qui voluerit.
 Hinc jam ut de secundo dicamus, duplex ena-
 scitur veritas: alia rei, alia cognitionis. Veritas
 rei rest participatio ejus essentia, quæ cuique in
 ea specie debetur, quatenus ad intellectum seu
 ideam suam ordinatur. Ita veritas hominis est,
 participare esse humanum in animalitate, &
 rationalitate: hoc enim esse homini debetur
 secundum eam ideam, quam ab intellectu
 divino participat. Veritas vero cognitionis est
 conformitas intellectus ad rem secundum spe-
 ciem, ab objecto productam. Verum enim quid-
 que esse cognoscimus, si species rei, quæ est in
 intellectu, respondeat objecto extrapósito &
 constituto. Ea duplex est, vel enim est appre-
 hensiva, vel judicativa. Veritas apprehensiva
 est

est conceptus proportionatus rei, quo re
gnoscitur prout est, nullo modo iudicium
ferendo.

Ea iterum duplex est: vel simplex, vel co
plexa. Simplex ea est, quando rem simpliciter
apprehendo, ut Deum esse. Complexa quae
rem compositam, ut nivem esse albam, coram
esse nigrum. Veritas iudicativa est, quando re
cognoſco esse veram cum adhaesione, hoc est
ut feram de veritate iudicium, an sit veritas
necessario, vel contingenter se habens, in
gradu necessitatis sit posita, vel etiam per
iudicium cum discursu. Et haec veritas *veritas*
dicitur veritas cognitionis. Quo sensu apud
Arist. in Categoriis scriptum est, nihil eorum
quae planè simplicia sunt, verum esse aut
falsum. Quo respectu plurimi sunt qui existimant
non esse veritatem in conceptu simplici, et
etiam sine iudicio. Qui ea in re decipiuntur
sunt enim & simplicium & complexarum
species in intellectu, quae si respondeant
rei, veritatem dicunt in cognoscendo. Et ratio
veritatis non pendet à iudicio: verè enim res
ita se habere cognoſco, si extremorum con
nexio fuit legitima, sine omni etiam iudicio.

Ac magna differentia est inter diversas has
veri acceptiones. Veritas rei transcendentalis
est, & omnibus rebus competit, & propria est
Metaphysico: qui ut rerum naturam & essen
tiam in genere considerat, ita in genere conside
rat veritatem earum, secundum quam Ens quod
que in hoc, vel illo speciei gradu, ponitur. Ver
itas vero cognitionis Logici est: hic enim mo
dum rerum cognoscendarum praescribit. Unde
apud Zabarellam. Logicae finis esse ponitur, ve
rum à falso discernere. Est quidem omnibus

scientiis

scientiis commune, veritatem inquirere: speculativarum enim finis veritas est. Verum hoc secundum actum exercitum intelligendum est: nulla enim earum inquit quod quid erat esse veritatis cognitionis secundum actum signatum. Hoc Logici munus esse proprium ex Arist. in 1. Periherm. luculentissime declaratur. Ac hoc modo, ut & illud obiter addamus, videtur intelligendus esse Aristot. & conciliandus, quando in Antepred. dicit: nihil eorum quæ planè simplicia sunt, verum esse aut falsum. Contrarium vero dicere videtur. 2. Metaph. cap. 1. Unum quidque ut est, ita esse verum. Ut scilicet prior locus intelligatur de veritate cognitionis seu complexa: posterior de veritate Entis seu incomplexa transcendentali. Quod ipsum Fonseca etiam innuit quando dicit. 4. Metaph. cap. 2. q. 6. sect. 5. Ubique Arist. ait: verum & falsum in sola compositione & divisione consistere, intelligendum id esse de vero & falso ut cognito; neque enim verum & falsum cognosci per primam intellectus operationem, sed per secundam: in qua sola possit fieri comparatio inter res & intellectum.

De tertio dicendum, quod veritati rei nulla opponatur falsitas: sed veritati cognitionis, propriè quidem complexæ, impropriè tamen & secundum Metaphoram incomplexæ. Hoc ita deducamus, cum ut veritas, ita & falsitas dicatur in ordine ad intellectum, isque vel divinus sit, vel humanus, ad horum vero nullum res comparatur falsæ dicantur, patet inde, quod veritati rei nulla opponatur falsitas. Ut enim de divino prius dicamus, hic ipse sive in rerum contemplatione, sive in earundem actione consideretur, falli nullo modo potest. Non quoad contemplationem:

plationem ; res enim quomodo sese habent, divino intellectui contemplandæ obijciuntur. Quoad actionem vero : cùm enim Deus præscriptum idearum, in eaque actione imitari nullo modo possit, nec errare etiam : in præparatione sanè rerum ad intellectum divinum nullam omninò falsitatem esse apparet. Quod ad humanum intellectum attendamus, nec modo est : intellectus namque si res speculatur, aut nullo modo attingit, & hæc ignorantia minus est, quam falsitas : aut attingit ipsas, & modo sunt. Nulla ergo ratione simpliciter ulla vel affingi, vel appingi potest falsitas : hæc sententiam clarissimis verbis proponit Aristoteles *Meta. t. c. 22.* Neque enim inquit, fit, ut decipi ipsam quid est decipiamur, nisi per accidens eodemque modo circa substantias non contingit, nemo enim decipitur. Quæcunque igitur sunt, id quod propriè quid est, atque actus, eis non datur decipi, sed aut intelligi, aut non. Sin ad humanum intellectum, res tractantur, ut ab ipso fiunt, eo respectu res naturales falsæ dici non possunt : non enim dependent ab intellectu humano. Sed nec artificiales, & morales. Quod si enim artificiales procedunt ab intellectu, secundum modum idearum artificis conceptarum, veræ sunt : est enim conformitas rei & intellectus. Sin ob impellimentum aliquod extrinsecum aliquid patitur, id ipsum ratione intellectus non patitur, at verò respectu intellectus rei est veritas & falsitas. Morales verò quoniam conformantur ad dictamen à quo procedunt, falsæ propriè non sunt ; sed vel bonæ, vel malæ, Metimus enim actiones morales non ad intellectum, sed ad voluntatem. E dictis itaque patet, propriè

loquendo veritatem rei esse nullam, cum res
 quæcunque veritatem obtineat, secundum esse
 illud quod habet. De secunda parte dicendo, di-
 cimus, quod circa veritatem cognitionis in-
 complexam cadere possit aliqua falsitas impro-
 priè dicta, secundum quod falsum dicimus id,
 quod est supposititium, corruptum, deprava-
 tum fucatum, larvatum, adulterinum. Quo-
 modo apud Franc. Suaretz. disp. Metaph. 9.
 sect. 1. num. 6. scriptum est, in rebus extra in-
 tellectum non esse propriam & rigorosam falsi-
 tatem, sed vocari falsas per quandam Metapho-
 ram, & extrinsecam denominationem, quoad
 scil. non verè concipiuntur vel apprehenduntur
 à cognoscente facultate. Et hæc denominatio
 variis modis fieri potest, ut notat Thomas 1.
 par. q. 7. art. 1. Primus modus est, ratione simi-
 litudinis ad rem veram, quâ delusi pro vero sup-
 posititium arripimus, quomodo aurichalcum
 supponi nobis potest. Et ita Joh. Fr. Picus Mi-
 randula de morte Christi & propria cogitanda
 lib. 5. cap. 11. dicit; falsum id appellare possu-
 mus, quod idææ talis rei, cujus gerit similitudi-
 nem, non quadrat; Sicut falsum aurum dici-
 mus, quoad idææ auri disconvenit. Secundus
 est quando concipimus objectum falsæ opinio-
 nis, quomodo idolum falsum Deum dicimus.
 Tertius modus fit, quando res falsa dicitur, si
 quando non est adæquata, vel conformis arti.
 Quomodo falli dicimus Medicum, quando ar-
 tis defectu medicinam non satis cognitam præ-
 bet. In quo tamen genere imperfectionem po-
 tiùs, quam falsitatem esse cognoscimus. Et
 hoc sensu apud Arist. in 5. Met. t. 34. scriptum
 est, quod in simplicibus etiam aliquod falsum
 sit, quando falsa in rebus dicit esset, aut ea quæ
 non

non sunt omninò , aut quæ non sunt ea quæ asserit, parent. Quæ sanè cum additione, & non simpliciter esse falsa in aprico esse positum existimant, licet, licet.

Complexorum verò falsitas propriè quatuor est, eaque tam certa, ut in dubium vocari neque possit. Ea in compositione & divisione intellectus consistit, quando nimirum intellectus componit vel dividit ea, quæ naturâ suâ convenientiam vel disconvenientiam nullam habent. Ita falso dividit intellectus, quæ necessario conveniunt, dicendo, hominem esse animal. Et falso componit inter quæ convenientia magna est, dicendo, hominem esse Leonem. Vide Arist. 9. Metaph. t. c. 21. dictis tam quoad strictè, quam quoad Metaphoricè acceptam falsitatem quatuor modis si ab Arist. in 5. Metaph. c. 22. propositi intelligi possunt:

1. Dicitur falsum in propositionibus, seu oratione. Oratio autem falsa dicitur duobus modis: una quæ ea componit, quæ non sunt composita: alia quæ significat illud compositum quod est impossibile componi. 2. Dicitur falsum de re falsa, uno modo quia non est, alio modo quia licet sit, non tamen est talis, quæ apparet: talia autem debent dici falsa, non simpliciter, sed cum additione, ut dicebamus. Dicitur falsum de definitionibus. Contingit autem falsam esse definitionem tripliciter: primo modo quando una pars definitionis repugnat alteri parti: alio modo dicitur definitio falsa non simpliciter, sed respectu illius, cui assignatur, assignando sc. definitionem non suo denotato. 4. Dicitur falsum in hominibus: & hoc contingit dupliciter; uno modo falsus dicitur qui certâ intentione coram aliis falsas rationes

affert.

asserit, idque cum intentione fallendi. Alio modo homo falsus dicitur, qui rationes falsas proferat, licet non ex intentione fallendi. Et ex hisce quatuor modis, quæ natura falsi sit in quocunque genere cognosci facile potest. Et hæc de vero dicta sufficiant.

CAPUT VII.

De Bono.

Bonum dicunt Ens in ordine ad appetitum.

2. Id consideratur vel in proprio esse, vel relativè in ordine ad malum.

3. In proprio esse consideratur, vel in genere, vel in gradibus.

4. In genere consideratur, vel in definitione, vel quoad proprietates.

5. Definitivè consideratum bonum, est Ens ordinatum ad voluntatem sibi propriam, à qua esse approbationis habet.

6. Itaque vera non est sententia Fran. Suarez disp. Met. 10. §. 1. n. 14. bonum esse solum passionem Entis, pro ut dicit convenientiam ad alterum, seu prout est bonum alteri. Hæc enim non est Transcendentis boni natura, sed boni naturalis.

7. Nec approbo sententiam Scoti asserentis, absolutam quandam proprietatē bonum addere enti: quod enim absolutum in bono est, ipsum Ens est.

8. Nec relatio rationis tantum est: non enim entis bonitas à nostro conceptu pendet, sed nos ita concipimus, quia ita est.

9. Nobis denotat ordinem ad suam voluntatem, à qua esse approbationis debetur. Eiusmodi Entis bonitatem puto denotari Gen. 1. Vidit Deus omnia, & erant valde bona.

10. Quæ enim erant, eâ visione seu approbatione DEI boni denominationem substinebant.

11. Ita

11. Itaque definimus relationem Transcendentalem, quæ realis est, non tamen extremalem distinctionem ab invicem requirunt necessarium.

12. Proprietates boni sunt: conversio, & appetibilitas.

13. Conversio est mutua Entis & boni de se vicem prædicatio.

14. Itaque dicimus omne Ens bonum est, omne bonum est Ens.

15. Appetibilitas est proprietas consequens, ut appetitus quærat ens, uti sibi conveniens.

16. Itaque Arist. definitio 1. Eth. c. 1. bonum est, quod omnes expetunt, a posteriori est: enim est ab appetitu, à quo dependet bonum essentialiter, sed à quo accidentaliter.

17. Et hinc sequitur, quod bonum & convertuntur.

18. Non per relationem bonorum inter se, enim bona quædam media, quædam ut finis, per respectum ad appetitum, quia à bono nascuntur.

19. Gradus bonitatis sunt tres. Bonitas Transcendentalis, Naturalis & Moralis.

20. Transcendentalis est ea, quæ Ens quodlibet immediatè consequitur secundum eam voluntatem, à qua res immediatè vel approbatur, etiam dependet.

21. Naturalis verò bonitas est convenientia usque rei cum re alia, secundum quod quæque re aliam est ordinata, vel ad ens primum referuntur.

22. Hæc bonitas Relativa aliàs dicitur: quia tota est in respectu rei ad rem, et rei absolute consideratæ non convenit.

23. Bonitas moralis est bonitas rationali naturæ propria; secundum quod à dictamine rationis gubernatum.

24. Bonum verò morale duplex est: bonum morale in genere, et bonum è circumstantiis. Scotus quodl. 18. art. 1. et 2. d. 40. sect. respondeo.

25. Bonum morale in genere est convenientia actus et objecti secundum dictamen recte rationis, et non tantum secundum convenientiam naturæ.

26. Bonum verò morale quoad circumstantias, est actus conformis recte rationi, et quoad objectum, et quoad aggregationem omnium circumstantiarum ad actus bonitatem pertinentium.

27. Et hic requiritur: ut actus sit voluntarius, 2. ut feratur ad debitum objectum. 3. ut finis sit bonus, 4. ut sit debita forma actionis legitimo modo susceptæ. 5. ut in extrinsecis circumstantiis ne sit error, quoad quando, ubi et huiusmodi.

28. Bonum consideratum in ordine ad malum spectatur in oppositione ad malum.

29. Hinc malum definimus, quod sit boni privatio.

30. Malum accipitur vel concretivè, vel abstractivè, Biel. in 2. d. 34. quest. unic. art. 2. concl. 1. & 2. & Tartaretus 1. Ethic. q. 3. et quest. moral. c. 6. de actib. intell.

31. Malum concretivè acceptum est res vel actus qui proficiscitur ab agente cum denominatione malitiæ, ob deformitatem eam, qua privatur bono debito inesse.

32. Hinc malum concretivè acceptum dicitur duo: materiale seu substratum, cui accedit malitia, ut est vel subiectum verbi gratia, homo qui dicitur malus, vel actio, exdes verbi gratia quæ dicitur mala: et formale, ipse scilicet defectus, qui est ratio, ob quam aliquid malum esse denominatur, ut aversio à fine

ultimo, & voluntate prima est ratio peccati.
Sicut in 2. d. 37. sect. concedo igitur.

33. Et ita malum semper est conjunctum
bono, ut non esse quidem possit, nisi sit bonum.

34. Dicis : ergone contrarium stat cum
contrario? Hic dico, Bonum habere oppositum
malum non quod vis, sed sibi respondens : bonum
stare non potest cum suo malo, sed cum malo
eius generis.

35. Nam bonum Transcendens oppositum
nihil habet: bonum naturale habet oppositum
malum nature seu pœnæ, et bonum morale habet
oppositum malum morale seu vitium.

36. Hinc ergo bonum & malum, quia se
bent modo opposito stare simul nequeunt.
enim bonum morale et malum morale sunt
nemo simul avarus et liberalis esse potest. Et
natura et malum nature non sunt simul
que enim quisquam in bona corporis valetudo
constitutus simul egrotat. Verum malum nature
& bonum entis sibi non opponuntur : et malum
moris nec bono nature, nec bono entis opponitur.
Malum ergo nature potest esse in bono subiecto
quod est bonum bonitate Entis : huic enim non
ponitur, nam morbus non destruit ipsum sub
iectum, in quo est aliquid quod est in subiecto
bonum bonitate nature temperatur scilicet. Et
modo vitium seu malum moris est in bono, non
quod sibi habet oppositum, hoc enim destruit
in subiecto quod est bonum bonitate Entis, cuius
abest ut repugnet, ut sine eo non esse possit.

37. Hinc elegans est illud Raymundi : Quod
mulier pulchra superba est de sua pulchritudine
non de sua bonitate, cum bonitas pulchrior
quam facies eius? Solutio : nulla bonitas moris
participat cum peccato.

38. E quo nos colligimus ; non opus esse ut confugiamus ad hanc limitationem : Contraria non posse esse simul , hanc regulam pati exceptionem , in oppositione boni & mali , at quidam in hunc modum determinaverunt. Nam manifestum esse arbitror , nec bonum cum suo contrario bono posse simul subsistere.

39. Malum abstractivè consideratum est ipsa malitia , quæ nihil est aliud , quàm carentia boni debiti inesse. Vnde Thom. 1. p. q. 48. & 49. & Gabr. in 2. d. 34. q. un. fuisse ea de re differentes.

COMMENTARIUS.

Tertia Entis affectio sequitur , & est Bonum : id definitur , quod omnes appetunt , apud Arist. 1. Eth. cap. 1. Ad hujus definitionis declarationem sciendum , quod bonitas non uno modo dicitur : Est enim bonitas Transcendentalis , est bonitas naturalis (relativa) & est bonitas moralis , ut videre est apud Scalig. exerc. 307. sect. 27. Bonitas Transcendentalis dicitur , quâ quidque habet esse primum perfectum in ordine ad appetitum. In qua descriptione duo notanda veniunt : unum quid sit esse perfectum , alterum quis sit ille ordo ad appetitum. Ad primum sciendum , quod perfectio duplex est : una est perfectio prima , alia vero perfectio secunda , ut annotavit subtiliss. Duns in prologo Metaphys. & Tartaretus 2. Ethic. cap. 1. Perfectione prima perfectum intelligimus illud , quod habet omnia pertinentia ad primum esse rei , seu ad essentiam. Perfectionem vero secundam illud obtinet , quod habet omnia pertinentia ad secundum esse rei , hoc est , in operando. Esse perfectum hic non intelligitur de

perfectiōne secunda seu accidentali : ita enim
relativa bonitas perficit quidque juxta bene
huius naturæ , in ordine ad actum secundum
Moralis verò bonitas perficit in ordine ad finem
num bonum , ad quod tanquam ad finem ul-
mum per virtutes contendimus. Sed esse pe-
fectum dicit hoc loco perfectiōnem entita-
vam seu essendi, qua nulla omnino res destitu-
tur, quâ est Ens : est enim nihil aliud, quam
quod est apud Arist. 5. Metaph. cap. 16. Res
secundum bene in nullo definere, nec habere
in unoquoque genere excessum, nec quicquam
esse extra.

Ad secundum dicendum juxta Thom. 1.
Ethic. cap. 1. quod quando definitur bonum
esse, quod omnes appetunt, definitur à posteri-
ori : est enim res in se perfecta, & quia perfecta
est eatenus appeti potest : non enim res
bona, quia appetitur, sed quia bona est, ideo
appetitur, ideoque bonum esse est causa appe-
titus sui, non contra. Quod ut sciatur, tenen-
dum, quod appetibile dupliciter accipitur : uno
modo fundamentaliter, alio modo formaliter.
Fundamentaliter acceptum nihil est aliud
quam res cui non repugnat ordinari ad appe-
tum, ac hoc modo bonum quidque est & appe-
tibile, si vel maximè appetitus non sit, quia
appetibili seu bono moveatur. Formaliter vero
acceptum appetibile dicit convenientiam cum
qua consideratur hoc, quod est bonum obiecti-
ve esse in appetitu. Posteriori modo acceptum
appetibile non infert semper bonum, potest
enim esse bonum & non esse in appetitu. Priori
modo appetibile dicit idem re cum bono, sed
tamen cum differentia rationis : etsi enim
num ab altero semper inferatur, appetibile ta-

men primo respicit appetitum , consequenter
 bonum , quoniam malum objectum appetitus
 non est : at bonum primo respicit rationem sui
 intrinsecam , & consequenter infert appetibile
 esse, quia non est appetibile, nisi sub boni ratio-
 ne. E dictis patet , quomodo bonitas ea tran-
 scendentalis juxta perfectionem suam ad appe-
 titum ordinetur. Et hæc ea in re communis est
 sententia : quod si tamen rem exactius aliquan-
 to perpendere velimus , ita mihi videtur Rem
 duobus modis posse dici ordinari ad appetitum.
 Uno modo ad appetitum ut regulam & men-
 suram, alio modo consequenter. Ordo boni ad
 appetitum ut regulam & mensuram , est ordo
 essentialis boni , ad eam voluntatem , unde est
 ratio approbationis. Et ita inferiora omnia
 dicuntur bona esse ratione dependentiæ à vo-
 luntate divina, secundum quod ab ea voluntate
 fuere approbata. Hic verò ordo mihi esse vide-
 tur formalis ratio boni transcendentalis. Ordo
 vero ad appetitum consequenter , est ordo acci-
 dentalis boni ad appetitum eum , à quo forma-
 lis ratio boni non est , sed qui apprehendit eam
 bonitatem in re quavis , quam obtinet ratione
 approbationis voluntatis cuique Enti primæ &
 propriæ. Ea vero apprehensio nihil est aliud ,
 quam quod appetitus noster feratur naturaliter
 in illud Ens , quod naturæ instinctu cognoscit
 esse approbatum in prima voluntate. Is vero
 naturalis instinctus videtur esse cuique appeti-
 tui in inferioribus innatus , quia est subordina-
 tus superiori voluntati : est enim naturale , ut
 inferius in quoque genere subordinetur suo
 superiori ejusdem generis, & ratione ejus ordi-
 nis sit signum quoad nos in inferiori gradu
 constitutos influxus superioris in eo genere.

Qua de re alio loco fufius agemus : nunc enim brevitatís studio hæc attrigiffe fufficiat.

Bonitas verò naturalis feu relativa ea dicitur quâ quidque habet ea omnia requifita, quæ pertinent ad ipfius eſſe benè naturale ſecundum perfectionem ſecundam. Quod ut melius intelligatur, ſciendum, quod perfectio ſecunda naturalis ea fit, qua ponuntur res in eſſe exiſtentia, ut ſc. eſt actu extra cauſas, in ordine ad operationes conſtitutum : & eo modo intellectus res, non tantum ſtatuitur in perfectione prima hoc eſt, in eſſentialibus ſolis, ſed præterea, quoniam, ut eſt apud Philoſophos paſſim, plura rei exiſtentiam quam ad ejus eſſentiam requiruntur, in perfectione ſecunda requirit omnia ea quæ ſunt neceſſaria ab obtinendam operationem eam, ad quam res ſua natura fertur : juxta quod habet ad operationem acquirenda principia naturalia, non vero ea, quæ vel ſunt habitus vel artificio acquiſita : hæc enim ad moralem bonitatem perficiendam ſtatuuntur. Breviter bonitas naturalis eſt perfectio ſecunda, natura qua tali debita & conveniens. Ita bonitas naturalis eſt homini vivere potius in aëre, quam in aqua ; obtinere manus, pedes, &c.

Bonitas verò moralis eſt perfectio ſecunda naturæ rationali ad liberè agendū elevata conſentanea. Et ea ſe habet vel in ratione finis, vel in ratione mediorum. Actiones enim intermedia habent ſe in ratione mediorum ad habitum generandum : habitus verò eſt voluntaria actionum conſuetudine enati ad ſummum bonum acquirendum tendunt. Ac ita ut ſe virtutes habent ad finem ultimum in ratione mediorum ita ad virtutes acquirendas tanquam ad finem intermedium actiones ordinantur.

E dictis

E dictis, tria ad Boni naturam declarandam apprimè necessaria declarari possunt: 1. quæ boni in genere sit formalitas. 2. anne cum Ente reciprocerur, & 3. an bonum malum habeat oppositum?

Ad primum responderi facile è dictis potest, quod cum dicat ordinem ad appetitum, appetitus verò ad non Ens non referatur, Bonum formaliter dicat Ens cum relatione addita ad appetitum. Ordo enim non est quid absolutum, sed dicit respectum: respectus verò ante se requirit subjectum cuius sit. Itaq; Bonitas est Entis ut subjecti, & quoniam & Ens & Bonum sunt Transcendentia, inde fit ut necessariò alterum in altero includatur: non ergo excluditur Ens à Bono. Bonum verò non est sine respectu, Ens verò de se respectum non includit: inde formaliter Ens cum respectu ad appetitum dicit Bonum. Et hæc de Bono transcendentem intelligi debent: aliàs bonitas naturalis & moralis possunt aliquid inferre re a subjecto distinctum, quomodo virtutes verbi gratia homini addunt perfectionem re ab homine differentem.

De secundo dicendum, quod aliquid esse convertibile, accipitur dupliciter: uno modo in ratione essentia, alio modo in ratione suppositi. In ratione essentia converti ea dicimus, quæ præcise idem sunt simpliciter secundum eundem conceptum quidditativum, non attinendo secundum confusum & distinctum. Converti verò in ratione suppositi dicimus ea, quæ æquè late patent secundum prædicandi modum. Priori modo converti dicimus definitionem & definitum, posteriori propria cum suis subjectis. Ac ita dicimus, quod Bonum Transcendens convertatur cum Ente in ratione suppositi, non verò bo-

num pro perfectione secunda acceptum, Quod enim bonum Transcendens non convertitur cum Ente in ratione essentia, ex eo manifestum est, quia alias non esset affectio ejus, nulla enim affectio siue proprie siue improprie dicta dicitur eundem simpliciter conceptum essentia, cum cuius est affectio. Quod vero in ratione suppositi convertatur, clarum ex eo est, quia cum Deus creasset omnia, cognovit esse valde bonum, quia ipsa in essentiali bonitate cum omnes perseverarent, fit inde ut nihil quod includit eandem tatem, omnem omnino bonitatem excludat. Bonum vero in secundo modo acceptum, non in ratione essentia, nec in ratione suppositi cum Ente convertitur. Possunt enim in naturalibus dari, quae omnem naturae convenientiam non observant: & in moralibus non semper agunt secundum rationis normam & praescriptum.

Inde iam de tertio facile responderi potest. Dicendum enim bonum transcendens non habere malum oppositum, quia nullum Ens dicitur malum.

Datur vero malum naturae, & malum moris, quorum utrumque dicit privationem ejus boni quod in esse debebat. Illud tamen accidit impedimento naturae. Natura enim produciens intendit facere effectum, quem potest perfectissimum; impedita tamen facit quod tum potest. Non facit autem hoc omne quod debebat, itaque juxta carentiam hujus debiti dicitur malum ipsius naturae: ac definitur apud Joh. Altestaig, quod sit deformitas existens in aliquo Ente naturali, proveniens ex superfluitate vel diminutione naturae, sicut caecitas, claudicatio. Malum vero moris dicimus carentiam ejus perfectionis, quae secundum rectam rationem in libero agente

agente est, ac hujus mali mensuram duplicem possumus habere ex opposito bono: vel enim juxta formalitatem ejus quæ est recta ratio, vel juxta finem, quatenus ex fine actionem metiri solemus: hoc loco non immerito quæri potest, Anne omnis boni remotio malum inferat? cum enim carentia & remotio videantur esse synonyma malum utique æque per remotionem, ac per carentiam boni, definiri posse videatur. Hic dicendum secundum Thom. 1. p. q. 48. art. 3. Quod remotio boni alia sit negativa, alia privativa. Negativam eam dicimus, quæ simpliciter tollit nulla subjecti habita ratione, & hæc remotio quandoque subjectum simul tollit cum attributione malitiæ: quomodo mors dicit remotionem boni, destructionem scilicet ipsius totius quod erat: & ejusmodi remotio boni non infert malum: mala enim dici hoc modo possent ea etiam, quæ nullo modo essent, & quælibet res mala diceretur, ob carentiam scilicet cujuscunque boni, etiam alterius rei, quomodo verbi gratia, homini malum esset non certare posse cum aquila visu, cum leone fortitudine. Privata vero remotio est carentia boni, quod subjecto inesse debebat, ita verbi gratia, malum est homini, non esse præditum virtute, seu à virtute deficere. Itaque synonyma non sunt remotio boni & carentia; sed habent se ut superius & inferius, ut carentia omnis etiam removeat, sed non omnis remotio carentiam inferat. Hinc jam sequitur, quod malum non possit esse nisi in bono: cum vero non quamlibet remotionem dicat, sed tantum remotionem à certo subjecto, semper connotatur aliquod bonum, in quo inesse debitam bonitatem conveniebat quam

non inesse infert bono subiecto attributo debiti carentiam. Unde etiam est apud Lombardum in 2. Sent. dist. 14. cum dicitur homo bonus, nihil aliud significatur, nisi malum bonum.

Subjungemus huc sub finem quasdam alie boni divisiones, præter eam, qua superius bonum in transcendens, moris & naturæ bonum divisimus. Sunt vero reliquæ boni divisiones sitatissima tres.

Primo Bonum aliud est vere, aliud apparente bonum, ut docetur apud Tho. 2. 2. q. 23, ad 7.

Bonum verum illud est, quod quantum in se est, ordinabile est ad principale bonum, quod est ultimus finis: idque prout sua natura bonum est, ita cognoscimus & appetimus, ut qui vitam appetit, ut ea mediante possit bene vivere.

Bonum vero apparens est, quod abducitur a finali bono, hoc est quod appetitum movet non ut est in re, sed ut apparet esse, ut libido movet appetitum sub ratione boni delectabilis. Non ut finem, ita & bonum aliud *ὄντως* seu entiale aliud *φαρόμενος* seu apparenter bonum esse dicimus. Qui enim se ipsum interficit mortem appetit, non quia bona est, sed quia videtur esse bona, ut se ipsum eripiat à calamitatibus, vel à alio aliquo malo, cuius respectu mortem eligit, seu quid melius. Quomodo Cato seipsum interficit, quia videre non potest Cæsarem Romanæ regnantem. Et Lucretia, quia non potest ferre stupri infamiam. Quomodo vero hoc ipsum bonum apparens appetitum moveat, egregie docuisse videtur Gabriel in 2. dist. 36. q. unic. art. 1. not. 1. quando bonum distinguit à duplici affectione iusti, & commodi. Bonum enim ex affectione iusti illud est, quod appetimus juxta conformitatem rectæ rationis, & hoc bonum verum

verum est. Bonum vero apparet, metimur ex affectione commodi. Commodum vero dicimus latius, ut se extendit ad utile & delectabile: quidam enim ex apparentibus desideramus sub specie delectabilis, quidam vero sub specie utilis. Ita in libidines feruntur sub delectabilis, in furtum sub utilis ratione. Ac ita malum appetimus, non sub specie mali, sed apprehendimus sub specie boni.

Hinc eleganter August. Confess. lib. 2. cap. 5. cum de facinore, inquit, quaeritur, qua causa factum sit, credi non solet, nisi cum appetitus adipiscendi alicuius illorum bonorum, quae infima diximus, esse potuisse apparuerit, aut metus amittendi. Homicidium fecit, cur fecit? Adamavit eius conjugem, aut pradium, aut voluit depraedari unde viveret, &c. Nec ipse igitur Caecilia amavit facinora sua, sed utique aliud, cuius causa illa faciebat.

At enim, inquis, malum est non Ens, cuius ut nulla cognitio, ita nec appetitus. Hic primo dicendum: quod malum abstractivè sumptum tamen si positivum nihil sit, ac malum concretivè acceptum etiam aliquid positivum includit. Et hoc modo furtum appetimus non ratione deformitatis ejus, quae in furto est, ea enim dicit privationem & non Ens, sed sub ratione boni ejus quod furto auferimus, quod sub specie utilis apprehenditur. Unde secundo loco dicimus eundem Scalig. exerc. 307. sect. 24. Esse hunc appetitum apparentis boni, appetitum non directum ratione, quicum rem ut apparet apprehendit absque ulla judicii discretionem, jam mixta bonis appetere facile potest. Tertio addamus & hoc, esse voluntatem, sed è mala in-
tellectione ortam. Quam multis quidem, sed
potis-

potissimum tribus modis evenire posse Scelus docet : primo enim potest appetere in genere non autem in propria ratione, & ratiocinatione duabus affirmativis in secunda figura: vel per argumentationis fundamentum super inductione. Vt qui rem honestam dicit esse appetibilem. Libidinem vero appetibilem subsumit. Alius modus est, cum ponit primo effectum in possibilitatis, ponit deinde alia, quæ non connectuntur. Vt qui impossibile esse intelligit cum infamia & dedecore vivere, vitam ex propria manu esse auferendam colligeret. Tertius modus est, cum illud axioma pronuntiabitur, ideoque dat locum subeunti appetitui. Quomodo lapsum primorum nostrorum parentum eleganter depingit Magister sententiarum in 2. dist. 2. attende, inquit, ordinem & progressum perditionis humanæ. Primo Deus dixerat, quacunq; die comederitis ex arboris morte moriemini. Deinde mulier dixit ne foris moriamur. Novissime Serpens dixit, nequam moriemini. Deus affirmavit, mulier quæ ambigendo illud dixit. Diabolus negavit. Quæ ergo dubitavit, ab affirmante recessit, & neganti appropinquavit. Et in hunc fere modum intelligi debet, quod dicebamus, bonum aliud esse vere, aliud apparenter bonum.

Secunda divisio est, quod aliud est bonum simpliciter, aliud bonum alteri, seu ad aliud, ut docet Arist. in 7. Eth. cap. 12. & in 8. Ethic. cap. 7. Thomas in 2. dist. 27. quæst. 1. artic. 1. primum. Scotus quodlib. 18.

Bonum simpliciter non uno modo dicitur, ut annotavit subtiliss. Duns in 3. dist. 33. Vel enim simpliciter bonum dicitur, ut distinguitur contra bonum apparens, eo modo quo superius dixi.

dixim
guitu
dicit
fari
& ad
sim
sem
bon
bon
cet
alia
bon
ma
Ma
qu
stu
va
bo
m
bo
ci
ve
d
b
f
t
t
i

diximus, aliquid dici bonum vere: vel ut distin-
 guitur contra bonum in singulari. Illo modo
 dicit Aristot. in 5. Ethic. cap. 2. Justum ver-
 sari circa bona in quibus fortunæ prosperitas
 & adversitas consistit, quæ semper quidem æ-
 simpliciter bona sunt, quibusdam tamen non
 semper bona evadunt: hoc est, divitiæ non sunt
 bonum apparens sed quid vere bonum. Ac hujus
 boni certi quidam gradus statui possunt, ut do-
 cet Magister in 2. distinct. 26. dicuntur enim
 alia magis, alia minima, alia media bona. Quæ
 bonorum distinctio in magna, media & mini-
 ma desumpta est, ex Aug. lib. 11. Retract. c. 9.
 Magis bona simpliciter ea dicuntur, quæ nun-
 quam & nulli fieri possunt mala, ut sunt hone-
 stum, virtus, felicitas, ea enim nemini mala e-
 vadunt: bona minima, quæ in ultimo gradu
 bonitatis sunt, ut sunt deliciae, lusus, & hujus-
 modi alia. Media quæ de se quidem simpliciter
 bona sunt, alicui tamen possunt fieri mala, ut
 citato 5. Ethic. cap. 2. docuit Arist. Posteriori
 vero modo dicimus bonum simpliciter, non quod
 distinguitur contra bonum apparens sed contra
 bonum in singulari, hoc est, dicimus bonum
 simpliciter bonum in universalis, ut est adæqua-
 tum objectum voluntatis. Voluntas enim non
 tantum in vere bonum, sed & in bonum appa-
 rens fertur: ac non est determinata ad hoc &
 illud singulare bonum, sed ad omne quod quo-
 quo modo bonum est.

Potest & alio modo bonum simpliciter dici,
 quod est bonum per essentiam: Et ita distingui-
 tur à bono quod est per participationem. De hoc
 elegans est illud Boetii: Sola Trinitas est summum
 bonum, quod purgatissimis mentibus cernitur,
 alia omnia ab ipso sunt bona per participatio-
 nem,

Potest

Potest & simpliciter bonum dici quod summum bonum : eò quod in se eminenter nec bonitatem, & quæcunque est aliarum bonitas, ea ad summum bonum, cetera ad finem, ordinatur. Ejusmodi summi boni divisiones varæ sunt. Aristot. in 10. Eth. cap. & 8. duplex facit summum bonum : civile, & speculativum: Hoc separatum dicitur & movibile est; Illud ex operationibus virtutis est. De civili bono intelligendus esse videtur Arist. in 1. Eth. cap. 7. quando definit operationem animæ in virtute, si plures sint virtutes ex optima & perfectissima. De speculativo vero Averr. in lib. de Beat. animæ; quando beatitudinem animæ dicit conjunctionem intellectus abstracti cum anima humana. Et de hac egit in proœmio Physico, & in digressionem 3. de an. text. 31. Hoc sensit Lud. Buccaferræ lect. 3. Phys. Aristot. quando duplicem facit hominis, quæ homo est perfectionem unam primam, aliam secundam. Primam dicendo, quæ est in operationibus quæ sunt in potestate nostra. Secundam, quæ est speculatio sive operatio circa perfectissimum Ens, quod est Deus. Et Lambertus in 2. Phys. ad text. 58. quando felicitatem quandam dicit primariam & principalem, quæ de sententia Arist. dicit consistere in operatione optimæ potentia, circa optimum objectum: aliam secundariam, quam ponit in operatione prudentia, secundum quod in ea omnes virtutes connectuntur, ut docetur in 6. Eth. cap. 13. Alias hujus boni divisiones multas studio prætermisimus, partim quia ea de re disputare presentis loci non est, partim etiam, quia ea de re in Ethicis commentariis pluribus egimus.

Tertia divisio boni est, quod aliud sit utile, aliud

aliud honestum, & aliud delectabile, quæ docetur apud Antonium 1. p. su. maj. tit. 13. cap. 2. ¶ 9.

Ejus divisionis fundamentum docetur apud Arist. in 2. Moral. cap. 3. Ubi docet, quod tria sint quæ in electionem cadunt, honestum, uti e, & jucundum. Et 7. Moral. Eundem, c. 3. dicit: bonum multifariam dici, alia enim esse utilia, alia jucunda, alia simpliciter bona. Bonum vero utile illud dicitur, quod est medium ordinatum in alterius boni consecutionem. Hoc in Platonis Hippiæ majori Socrates docet, ubi dicit ad Hippiam, nonne quod efficere aliquid potest, ad illud utile est, quod hoc effici potest. Et proponit utile ad inveniendum pulchrum ceu medium. Hinc apud Marsilium in argumento ad dictum dialogum definitur Utile, quod potentiam ad aliquid faciendum habet. Ita etiam apud Arist. 1. Meta. tex. 7. docetur, cujuscunque artis inventorem admiratos homines, non solum quia inventum utile esset, verum ut sapientem & cæteris præstantem. Ac cum plures artes invenirentur, quarum aliæ ad necessaria, aliæ ad degendum essent, semper tales sapientiores illis haberent, quod eorum scientiæ non ad utilitatem essent. Hic utiles artes eas vocat, quæ ad aliquid aliud acquirendum ordinantur: in iis enim esse bonum utile, ut id ipsum fusius docet Averr. in Comm. ad dict. textum.

Bonum vero honestum definitur apud Averr. 1. Met. cont. 7. quod sit illud, quod queritur propter se ipsum. Hoc sensu in argumento Marsilii ad Platonis Theætetum, honestum dicitur essentialium principium ac finis, ut ad quod ordinata sint ea quæ utilia dicuntur. Unde in 1. Rhet. Arist. cap. 4. bene dictum est, honestum esse

esse quod per se eligibile est & laudabile, quod cum bonum sit idcirco jucundum quoniam bonum. Ac Cic. 1. Acad. quæst. multa alia egregie, tum imprimis de hoc bono agebat: Zeno, inquit, nullo modo is erat, qui Theophrastus, nervos virtutis incideret, contra, qui omnia quæ ad beatam vitam pertinerent in una virtute poneret, nec quicquam aliud numeraret in bonis, id appellaret honestum, quod esset simplex quoddam & solum, & unum bonum. Et in 3. de finibus concludit, illud solum bonum esse, quod honestum sit, idque esse beate vivere & honeste: Hic tamen prætereundum non est: bonum honestum duobus modis dici apud Fr. Suarez. disput. Met. 1. s. 2. Vno modo strictè, & ita idem erit, quod bonum morale: & definitur, quod sit id, quod per se decet, & est consentaneum naturæ rationali, quomodo operationes secundum virtutes dicuntur operationes humanæ in 10. Eth. cap. 1. & ita excludit bonum naturæ. Alio modo latius accipitur, quod sit illud, quod per se, perficit naturam etiam seclusa ratione virtutis: hoc modo satis improprie accipi videtur. Namque & esse & vivere, & sentire eo modo in honestis bonis numerantur.

Bonum delectabile illud dicimus in quo cetero termino desiderium, & concupiscentia quiescit ejus formalis ratio delectatio est & suavitas, quæ hominem efficit, in rebus non tantum commodis & honestis, sed etiam incommodis & inhonestis. Et hoc bonum variatur pro diversitate voluptatis. In omni vero sensu voluptas est, in omni item intellectione & contemplatione, ut docet Arist. 10. Moral. cap. 4. Hæc de bono in præsentia dicta sufficiant.

CAPUT. VIII.

De divisione Entis ut æquivoci
in æquivocata.

I.

Divisio Entis est vel secundum nomen, vel secundum rem.

2. Divisio Entis secundum nomen est, ut æquivoci in sua æquivocata.

3. Ea duplex est: 1. Ens vel est reale, vel rationis Ens 2. Ens est vel per se, vel per accidens.

4. Ens reale est: vel Ens ut distinguitur contra ens ab intellectu factum, vel ut distinguitur contra Ens non existens actu. Cajet.

5. Ens reale priori modo acceptum est, quod non tantum objective dependet ab intellectu. Et ita Ens in potentia est Ens reale, quando est in virtute suarum causarum.

6. Et hoc sensu inter Ens reale, & Ens rationis medium nihil est.

7. Ens reale posteriori modo acceptum est Ens revera existens in rerum natura, prout consideratur extra suas causas.

8. Et hoc modo Ens in potentia Ens reale non est.

9. Et hoc modo datur medium quid inter Ens reale & Ens rationis.

10. Ens rationis accipitur vel intransitive, vel transitive.

11. Ens rationis in transitive acceptum est Ens, quod est ratio seu intellectus, & hoc modo contra reale non distinguitur.

12. Transitive acceptum tripliciter dicitur: subjective, effective, & comparative.

13. Ens rationis subjective, est Ens quod est in intellectu, ut subiecto: quomodo entia rationis possunt dici species intelligibiles.

14. Ens

14. *Ens rationis effectivè est, opus ab intellectu & ratione productum, quomodo artificia dicuntur entia rationis. Et hæc duo generantur esse reale, non purum esse rationis designant.*

15. *Entis rationis comparative est, quod effective tantum est in intellectu, factum est operatione comparativa intellectus, hoc est, cuius est propria species intellectus à rebus accepta, species facta è comparatione specierum rerum naturæ existentium, quomodo mons aureus dicitur è comparatione speciei montis & auri.*

16. *Et hoc postremo modo intelligitur entis rationis simpliciter acceptum: Vide Carolum Billium Siculum de intent. secund. pag. 72, 73, 74.*

17. *Ens vero per se duplicis generis est; enim per se vel in ratione entis, vel in ratione effectus,*

18. *Ens per se in ratione entis, est ens non aggregatum è diversis actu naturis, sed quod unum est naturæ & essentie.*

19. *Dico è diversis actu naturis: Et si ens per se è diversis naturis, esse potest, earum tam una habet rationem potentie per se ordinatæ ad hunc actum, & contra.*

20. *Itaque Ens per se vel simplex, vel compositum.*

21. *Simplex expers est multitudinis naturarum: Compositum contra, ut: angelus, homo.*

22. *Ens per se ratione effectus est, ad quod producendum agens per se concurrir: Ita est ens per se quod vel à natura, vel ex intentione voluntatis est productum.*

23. *Eodem modo ens per accidens, vel est in ratione entis, vel effectus.*

24. *Ens per accidens in ratione entis, quod est res diversorum generum.*

25. Hoc habet gradus pro generum ab invicem distantia.

26. Ens per accidens in ratione effectus est, vel Casus, vel Fortuna.

27. Casus in naturalibus: Fortuna in voluntariis.

28. Quod vero dicitur: Omne per accidens reduci ad aliquam causam per se, id dextre intelligendum est. Non enim verum est omne per accidens habere aliquam sui causam per se. Sed verum, quod vel ponatur conjunctum cum eo, quod est per se causa: vel quod ad causam primam, Deum scil. reducatur, à cuius providentia ut nulla omnino res est se iuncta, ita nihil omnino ejus respectu in natura frustraneum est & fortuitum. Vide Scotum in 4. Metaph. q. 2. & Antidoti mei lib. 1. cap. 26.

COMMENTARIUS.

Postquam de Entis principiis & affectionibus diximus, breviter etiam divisiones ejus attingemus. Potest autem Ens variis modis sub divisionem cadere, sed potissimum quatuor. 1. Dividitur in nomen æquivocum in sua æquivocata: 2. Per modos intrinsecos & differentias analogas. 3. Juxta passiones: & 4. Per quidditates.

Et hos quatuor entis dividendi modos posuit Zimara solut. Contradict. Arist. & Averr. 6. Metaph. Contrad. 1. Commento 1. hujus 6. (Metaph.) habetur, inquit, quod ens dicitur prima sui divisione in per se & per accidens. Sed in 5. Metaph. t. cap. 14. ens primo dividitur in 10. prædicamenta 1. Phys: t. cap: 6. primo dividitur per finitum 3. Phys: t: cap: 3. primo dividitur

videtur per finitum. 3. Phys. t. cap. 3. primo
videtur per actum & potentiam. Solvitur:
res sunt divisiones entis primæ: tamen quæ
bet est prima in suo genere. Quædam est di-
visio entis in partes subjectivas, sicut est divi-
entis in decem prædicamenta. Quædam
divisio entis in passionem, sicut divisio entis
unum & multa, per necessarium & contingens.
Quædam est divisio entis per modos, seu
analogas differentias, modo loquendi. Ar-
sicut est divisio entis per actum & potentiam.
Est etiam divisio entis in animam & extram
mam: & ista divisio, ut peritissimis in hac
videretur est vocis æquivocæ in suas significatio-
nes. Ita ille.

Primus divisionis modus, entis scilicet ut æqui-
voce in sua æquivocata, duplex est: vel enim
dividitur Ens in reale & rationis: vel dividitur
in Ens per se, & per accidens.

Ens reale dupliciter accipitur, ut annotat
Cajetan. de unitate naturæ. uno modo ut
distinguitur contra Ens ab intellectu. fabricata
ita realia dicuntur esse omnia ea quibus non
repugnat actus essendi, seu quæ sunt præ
intellectus nostri conceptum. Hoc modo
etiam ea, quæ sunt in suis causis, dicuntur Ens
realia quatenus sunt in potestate proxima, ad
hoc, ut producantur extra suas causas. Alio
modo reale dicitur, ut distinguitur contra non
existens actu. Et ita Ens reale hoc tantum di-
cimus quod existit extra suas causas. Etsi vero
secundum Thomam in quæst. de potentia Do-
q. 3. art. 3. ad secundum: Res antequam ex-
stet, nihil est, & per Arist. in Categ. c. de subst.
destructis substantiis primis, impossibile est
liquid cæterorum remanere: nihilominus ta-

men in
ut sub
habent
sus ad
definit
quæ p
non e
gmen
unive
realia
tantu
& ita
& ad
mus
ale
cept
ens
rati
fari
sua
ut
Co
G
L
en
h
f
b
q
t
e
x
men

men in eam prolabi sententiam non debemus, ut substantias secundas, & quæ sunt alia Entia habentia essentiam in potentia causarum, prorsus ad entia rationis relegare velimus. Ita cum definitiones, demonstrationes, & quæ sunt reliquæ propositiones necessariæ, si fierent rebus non existentibus, essent purum putum animi figmentum. Itaque dicendum, quod si Ens in universum dividatur in reale & rationis, entia realia ea omnia dici, quorum conceptus non est tantum per puram mentis nostræ operationem, & ita abstrahere Ens reale ab Ente in potentia & actu. Quod si vero reale hoc tantum dicamus quod existit actu: divisionem Entis in reale & rationis non æquare omnem Entis conceptum sed esse intermediam quoddam ens, ens nimirum in potentia, quod nec est purum rationis ens, est enim in visceribus suarum causarum nec purum ens reale, non enim extra suas causas est.

Ens rationis etiam non uno modo accipitur, ut docetur apud Soncinat. 6. Metaph. q. 18. Constant. Sarnan. direct. Theol. pag. 154. Gerhardum de monte ad ho. de ente & eff. Lambertum de monte dom. 1. de anima t. 8. Est enim 1. Ens rationis ut conceptum: dicimus hoc, quod in ratione seu intellectu est subjective, quomodo sunt habitus, species intelligibiles, &c. 2. Ens rationis ut factum dicimus, quod est factum per rationem: & fit aut per rationem practicam, quatenus scil. fit juxta exemplar hoc, quod in mente artificis est, quomodo omnia artificialia possunt dici entia rationi, 3. aut per rationem speculativam, hoc est, quod tantum objective in mente est, seu ut sunt verba Johannis Altestaig, quod terminat solum

solum intellectum, nec existit in rerum natura. Quæ duobus prioribus modis sunt Entia rationis, ea non contra distinguuntur ab Ens reali; domus enim quæ fit ad exemplar artis est quid reale, & habitus intellectuales sunt puri conceptus. Verum tertio modo, dicuntur Entia rationis, ea nunquam sunt in re; & ita Ens reale & rationis à se invicem distinguuntur, & super omnem Entis conceptum cadunt, prout ens reale dicitur, quod habet rationem communem substantiæ & accidenti. Ens vero rationis, quod non nisi per rationis conceptum est, seu quod tantum per comparationem passivam, qua per intellectum Unum objectorum cognitum ad illud objectum cognitum comparatur: quomodo reus mons est è conceptu & comparatione montis & auri.

Ens etiam per se & per accidens dicitur duob. modis, ut post Joh. Duns in 6. Met. 4. annotavit Socinas 6. M. q. 13. & 7. Met. 4. & Fr. Suarez. disp. Met. 4. Sect. 3. num. 1. 2. dicitur enim Ens per se & per accidens, in ratione entis, vel in ratione effectus. In per se in ratione Entis, possumus cognoscere dupliciter: vel enim ad ordinem prædicamentalem, & quod hoc consequitur in ordine ad definitionem. In prædicamentis enim entium reponunt, quæ ea tantum habent, quæ essentia perfectionem intrinsecè requirunt. Et hoc videtur Aristot. innuere, quando in Metaph. tex. 14. per se esse dicit, quæcumque significant prædicationis figuras, easq; enumerat secundum quid, secundum quale, secundum quantum, secundum ad aliquid, facere, pati ubi & quando, situs & habitus. Per definiti-

nes vero cognosci possunt Entia per se, quia definitiones statuntur entis, non quia est existentia cum adjunctis accidentibus, seu qua est hic & nunc, sed simpliciter qua est in tali specie: eo vero modo dicitur aliquid esse Ens per se. Possumus secundo etiam Ens per se cognoscere in ordine ad unitatem, quæ enim sunt per se unum, ea etiam Entia per se dicenda sunt: & hoc modo Ens per se est, vel simplex, vel compositum. Ut enim unum quoddam est indivisum actu, divisibile in potentia, quoddam vero simpliciter indivisibile cum exclusionem omnis potestatis ad divisionem: ita Ens quoddam statim seipso est quod est, per exclusionem omnium rerum ex quibus fit, quoddam vero per alia non tamen per alia quæ sunt aliorum predicamentorum, sed per alia, quæ ad hujus essentia complementum & integritatem faciendam ordinata sunt. Et hoc modo intelligitur quid sit Ens per se in ratione Entis. Huic Enti per se opponitur Ens per accidens. De Ente vero per accidens aliter loqui Metaph. aliter Logicum, docet Joh. Duns 1. Sent. dist. 29. *sect.* ad aliud dico. Metaphysicus enim dicit ens per accidens, quod in se includit res diversorum generum: Logicus vero propositionem dicit per accidens, cujus subjectum non includit rationem inhærentia prædicati, & si ex duobus talibus fiat unus conceptus, quorum neuter est per se determinativus alterius, dicit illum conceptum esse unum per accidens. Circa priorem modum entis per accidens sciendum quod cum Arist. dispescat in tria genera ut videre est. 5. Met. tex. 13. quædam enim dicuntur, quoniam eidem Enti ambo insunt, quædam quoniam illud (accidens scilicet) enti

(subjecto

(subjecto scil. suo) inest: quædam quoniam ipsum est cui inest, de quo ipsum prædicatur, hoc est, cum subjectum dicitur de accidente. Primi exemplum est, verbi gratia, dulcedo & flavedo in melle, ut dulce est flavum & cuncti ex homine & virtute, v. g. Justitia, secundum per accidens homo justus: tertii exemplum est, risibile est homo.

Circa secundum sciendum, quod etsi in naturis semper prædicatio per accidens Logicæ ante se requirat prædicationem per accidentem Metaphysicam, eo quod in iis quæ non subsistent per modum prædicationis per accidens semper unum est alterius determinativum. Divinis tamen putat Scotus haberi prædicationem per accidens Logicam, quæ Metaphysicæ est per se, quia una per se persona est, quæ est Deus & Pater: verum Logicus qui attendit unum esse conceptum Deitatis, & alium paternitatis, considerat unum conceptum esse determinativum alterius, nec unum esse alterius determinativum. Pater enim non determinatur a Deo: Natura enim deitatis quoniam est formaliter infinita nullarum omnino determinationum est capax, sed hypostasies seu supposita determinantur. Inde fit ut quoniam Deitatis & Paternitatis conceptus extra se invicem inferuntur, alter alterum determinat, Logico per accidens haberi possint. Qua de re tamen quid sit sciendum alio loco plenius statuemus.

Ens per se & per accidens in ratione effectum est, quando dependentia unius ab alio in ratione causalitatis est vel per se, vel per accidens. Hoc vero modo Ens per accidens potest esse Ens per se in ratione Entis. Quoniam hoc modo non dicitur quia Ens, sed quia Ens in fieri

fieri à tali vel tali causa. Ens ergo per se hoc modo est unum naturale, aliud voluntarium. Hoc intentione agit, agit enim cum prævia cognitione sui effectus, ad quem producendum quoniam media per se adhibet, eum propria intentione producere dicitur. Naturale vero agens, etsi non agat sine cognitione superioris agentis, à quo inclinatur ad præsentem effectum producendum: ipsum tamen ejusdem producendi cognitione dici non dicitur, sed tantum inclinatione. Inde dicitur propria virtute agere: quoniam scilicet pro ordinaria ea potestate, quæ à primo agente ipsi est indita, effectum hunc producit. Dico agentis: intrinsecè enim cause non possunt per accidens ad effectum producendum concurrere, quoniam se ipsis effectum constituunt, hoc est, ex intrinseco concursu utriusque causæ necessario ac per se oritur compositum. Finis vero aliquis potest esse accidentarius, sed quoniam ab agente accidentaliter intenditur, Itaque perfectas vel accidentalitas ipsius effectus tota ab agente dependere videtur: agens enim vel per se, vel per accidens potest concurrere, quia vel propria virtute & intentione, vel per accidens agit. Ens vero per accidens hoc modo est, quod evenit vel præter intentionem talis causæ aliud intendens, vel ex minori parte ab ea fit, vel ei per accidens est conjunctum. Præter intentionem fit effectus fortuitus: fortuna enim in effectibus voluntariis dominatur, quibus si jungatur effectus, verbi gratia, cum fossione voluntaria thesaurus inventus, effectus fortuitus per accidens dicitur. Minori ex parte fit effectus, quando natura egit & contendit producere effectum perfectissimum, sed impedita debi-

tum cursum expedire non potest, unde
 fra casu evenire dicuntur. Casus enim
 turalibus dominatur. At per accidens com-
 cto dicitur dependere Ens per accidens, quod
 ei, quod accidit causæ, causæ denominatione
 attribuimus, ut Musicum ædificare. acci-
 enim homini esse Musicum, qui idem ar-
 tectus sit, & homo architectus, per se causæ
 mus est, per accidens vero causa domus
 musicus est, quia non qua musicus ædificat
 quæ architectus. Vide Lamb. de mont. Dom-
 Phys. ad text 37. & Armandum de Bello
 2. tract. c. 246. Ac tantum de divisionibus
 tis æquivoci in sua æquivocata.

CAPVT. IX.

De Divisionibus Entis, è modis intrinsecis
 & passionibus desumptis & in specie.

DE POTENTIA ET ACTV.

I.

DIVISIO Entis secundum rem fit vel
 modos intrinsecos, vel juxta quiddam
 entis particulares.

2. Modi intrinseci sequuntur vel Ens quæ
 Ens vel Entis passionibus.

3. Priori modo dividitur Ens ratione poten-
 & actus: & juxta eas quæ hinc proximè
 quantur divisiones.

4. Ens in potentia est, vel in essendo, vel
 agendo.

5. Ens in potentia in essendo est, cui non
 pugnat esse in rerum natura.

6. Estque vel objectiva, vel subjectiva: l.
 Sencin. 6. Met. q. 17.

7. Potentia

7. *Potentia obiectiva est res, quæ est obiectum alicuius potentie productivæ.*

8. *Potentia vero subjectiva est potentia, quæ ordinata est ad formam, cui subalternatur.*

9. *Ea vero potentia obiectiva & subjectiva ratio est, ut quandoque re convenient, quandoque separentur. In generabilibus res dicitur esse in potentia obiectiva, prout est in ordine ad agens; est vero in potentia subjectiva, quoad requirit aliquod subiectum, è quo fiat. Separari autem possunt, ut in creabili, ubi est potentia obiectiva & non subjectiva, quia ibi non subicitur aliquid. Vide subtiliss. Duns in 2. distin. 12. q. 1. sect. est igitur videndum, & Soncin. 9. Met. q. 2. Zimarum in solut. contrad. Arist. & Averr. 9. Meta. contrad. 3.*

10. *Potentia subjectiva vel est obedientialis, vel naturalis. Vide Thom. q. disp. q. 1. de pot. Dei art. 3.*

11. *Potentia obedientialis est potentia in subiecto natura indisposita ad actum recipiendum nisi à superiori agente, cuius potentie activæ cedit & obedit, ut est potentia activa Dei. Eiusmodi potentia obedientialis erat in aqua ut ex ea fieret vinum Ioh. 2. Et notatur Mat. 3. v. 3. quando Ioh. ait: ne dicite intra vos: patrem habemus Abraham: dica enim vobis, quod potens est Deus de lapidibus istis suscitare filios Abrahæ.*

12. *Potentia naturalis est, quæ vi & potestate naturæ ad actum potest deduci.*

13. *Ea vel est remota, vel propinqua. Averr. Epit. Met. tract. 3. p. 385.*

14. *Remota est, quæ non exit in actum, nisi priusquam accesserint propinquæ dispositiones, adveniente subiecto ultimo. Ea potentia est in puero ut fiat Doct. & in frumento, ut fiat homo.*

15. Potentia propinqua est, quæ in subiecto ultimo posita & non impedita proxime potest exire in actum: quomodo in semine potentia propinqua est homo.

16. Potentia in agendo, est vis producens aliud in quantum aliud.

17. Ea est vel naturalis, vel voluntaria.

18. Naturalis est, quæ positis omnibus ad actum requisitis, & non impedita necessario ad actum deducitur, ut est vis calefaciendi in igne. Vide Aver. 9. Met. com. 10.

19. Voluntaria est, quæ omnibus ad agendum requisitis positis, in agendo est indifferens potest agere & non agere, & hoc vel illo modo agere. Vide Aug. Niphum Sueffum de ster. Aver. diff. Met. 3. p. 80.

20. Potentia respondet actus: ea enim est illius descriptio apud Arist. 9. Met. t. c. 11. ubi non sit in illa dispositione, secundum quam est actus potentia. Et hinc quot modis dicitur potentia, tot modis actum dici necesse est.

21. Est ergo actus qui respondet potentiaæ activæ & actus qui respondet potentiaæ passivæ, & actus qui respondet potentiaæ activæ, Suarez diff. Meta. 13. sect. 5. n. 3.

22. Actus qui respondet potentiaæ objectivæ est actus, secundum quem quidq; existit in rerum natura extra suas causas: alio nomine dicitur Existens.

23. Eam describit Pererius lib. 6. de form. c. 13. quod sit modus quidam rei quo res dicitur esse extra nihilum, & suis causis producta, & actu esse in mundo.

24. Ea considerari potest vel respectu essentiaæ vel respectu subiectorum quibus tribuitur.

25. Respectu essentiaæ consideratur distinctio & seperabilitas.

26. In distinctione consideratur dum quaeritur quomodo differat ab essentia?

27. Et Thomae sententia est essentiam & existentiam differre realiter. Verum nos in universum negamus, ab ulla essentia realiter differre existentiam: in specie vero concedimus, alicujus rei existentiam sola ratione, alicujus è natura rei differre: illud de simplicibus asserimus, hoc de compositis.

28. Separabilitas consideratur, an separatim esse utrumque possit? Qua de re ita statuimus: abstrahi essentiam ab existentia posse, non contra: Separari vero non posse.

29. Respectu subsectorum existentia: 1. est vel substantiarum, vel accidentium 2. vel rei universalis vel singularis.

30. Substantiis, iisque singularibus primaria quadam ratione convenit existentia, juxta illud Arist. Sublatis substantiis primis nihil remanere reliquorum, in Categ. cap. de subst.

31. Verum nec sua deneganda est Accidentibus plane existentia, omni inexistencia natura prior: & universalibus, quibus et ipsis siam existentiam tribuimus; quum enim actu sint in singularibus, existant in rerum natura necesse est.

32. Virumque enim horum suum etiam agendi modum obtinet: agere vero non posset, nisi existeret.

33. Hinc jam colligitur, Existentiam de se nec esse substantiam, nec accidens, nec universale, nec singulare quid: sed à quovis horum abstrahere, est enim quid transcendens.

34. Cum existentia coincidit actus Entitativus: quem materiae denegari nulla ratione posse putamus, cum Scoto in 2. d. 12. Erronea enim est Thomae sententia, censentis, materiam esse puram potentiam.

35. Et hinc tametsi materia & forma separatum non existant: propria tamen materia existentia distincta ab existentia formæ. Tanto de actu, qui respondet potentia objectivæ: sequitur actus respondens potentia passivæ.

36. Actus respondens potentia passivæ est forma, quæ dat esse subjecto, in quo recipitur.

37. Secundum hunc actum res unaquæque determinatur ad certam speciem sub suo genere, et actus specificus non immerito appellari potest.

38. In hoc actu spectatur unio seu informatio & actus formalis.

39. Unio est conjunctio actus cum potentia passivæ, ut ea mediante res de potentia ad actum deducatur.

40. Et hæc est causalitas formæ respectu materiæ: de qua dixit eleganter Fr. Suarez, disp. Meta. 15. s. 11. num. 8. Vera ac propria causalitas formæ nunquam est respectu compositi, sed primo & immediate exerceatur circa aliquod subjectum, ex quo & formam compositum resultat.

41. Actus formalis est effectus immediate consequens formam unitam subjecto, à forma inseparabilis, quomodo esse humanum est actus seu effectus formalis animæ rationalis.

42. Actus respondens potentia activæ est actio, quæ proficiscitur ab agente, secundum quod agens est potens eam actionem producere.

43. Quum vero in actione duo sint: actio ipsa & terminus actionis: illa propriè dicitur actus potentia activæ, hæc non nisi improprie.

44. Actus vero acceptus pro operatione accipitur plerumque pro operatione interiori: unde actus pro operatione acceptus, dividitur in actum elicitedum & imperatum.

45. Actus elicitedus est actus, qui immediatè pro-

profi
conc
elici
cise

aliq
sup
imp
act

A
m
qu
m
m
M
e
m
fl
d
c
p

proficiscitur ab aliqua potentia sine alterius concursu: quomodo actus voluntatis dicitur elicitus, qui à voluntate immediate proficiscitur.

46. Actus imperatus est, qui proficiscitur ab aliqua potentia ad imperium alicujus potentie superioris: ita actus facultatis sensitivæ dicitur imperatus à voluntate. Et tantum de potentia actu.

COMMENTARIUS.

ANtequam de divisionibus Entis ex modis intrinsicis & passionibus desumptis dicamus, explicanda prius duo veniunt: alterum, quid dicamus modos intrinsecos, alterum, quomodo è passionibus divisiones quasdam dicamus. Circa prius dicendum, quod vocabulum Modi non uno modo usurpatur: quandoque enim modi dicuntur quæcunque entia determinantia rem aliqua ratione, sive re ab ea distinguantur, sive tantum è natura rei. Ita albedo & dulcedo apud Fons. modi dicuntur ejus, cui competunt. Quandoque vero & magis propriè modi dicuntur, quæcunque ita cum Ente sunt unita & affixa, ut nec quoquo modo ab Ente vel separari, vel separata conservari possint, nec aliquam à re cujus modi sunt distinctam essentiam inferant: unde non propriè & in rigore Entia dicuntur, sed tantum in latiore quadam significatione. Ita modus subsistendi de se non dicit Ens distinctum à supposito, sed dicit ipsam supposititalitatem, (ut ita loquar) quatenus est in ultimo actu non dependentiæ ab alio: ac ita cum eo connectitur, ut sine supposito dato modus subsistendi nec poni nec intelligi possit. Et hi modi quoniam concipi non possunt,

sunt, nisi cum illo cujus modi sunt, dicuntur intrinseci : & definiuntur secundum Johan. Duns Scotum in 2. dist. 8. q. 4. quod ii sint, qui additi alteri vel ab illo remoti non variant rationem formalem constituti per ipsos, hoc est, de se nullam rationem formalem dicunt. Quomodo Scorus Ens dividit in limitatum, & non limitatum, ut docetur apud Johan. versic. 4. Met. quæst. 1. non quod limitatio & illimitatio sint differentie Entis, sed quod modi intrinseci : qui si tollantur maneat conceptus ipsius entis unius communis, nullo modo diversus factus. Et Ens limitatum per modos intrinsecos, esse nimirum in se & esse in alio, dividitur apud eundem in decem predicamenta, qui modi si tollantur, maneat conceptus unus & communis ad substantiam & accidens. Ex his ergo modis intrinsecis Entis divisiones peti possunt : non quod contrahant ipsa Ens, ut aliquid essentiale additum : pugnat enim hoc cum natura Entis in se, pugnat cum natura modorum intrinsecorum, & pugnat cum iis ad quæ contrahitur Ens per hosce intrinsecos modos.

Cum natura Entis pugnat : essentiale enim nihil est extra Ens indifferenter acceptum, per quod realiter contrahi possit. Cum natura modorum, quoniam, ut dictum, nihil formale dicunt, præter id cujusmodi sunt : itaque nec per aliquam distinctam formalitatem ipsum Ens contrahere possunt. Cum natura inferiorum : contrahitur enim per modum illimitationis ad Deum, dico enim Deus est Ens illimitatum, non tamen plus rei in hac est, Deus est Ens illimitatum, quam in hac Deus est Ens, & in hac Deus est, semper n. eodem modo Deus est Ens summe simplex & simpliciter simplex, seu ut sunt

sunt verba Scalig. purus & purissimus actus à nullo omnino in re determinabilis.

Ad secundum, sciendum, quod ex affectionibus deductæ divisiones dicuntur eæ, quæ ita ab affectionibus fundamentaliter dependent, ut quod illæ transcendentem quadam ratione simpliciter de omnibus omnino rebus dicunt, hoc eæ per disjunctionem in particularibus Entibus sparsim pro varietate particulari secundum quid determinent. Ita v. g. quod Entis affectio unum transcendentem dicit de omni Ente in genere, hoc divisio Entis in universale & singulare in iis, quæ sunt unum genere & specie, per universalitatem exprimit; in uno numero per singularitatem. Et quod unum dicit in genere de omni omnino Ente absolute accepto, hoc divisio Entis in idem & diversum exprimit per unum comparative acceptum, ut scilicet quod in se unum est, per comparisonem ad aliud ab eo diversum sit; unde mediante unitate aliqua diversitas oritur. Inde itaque ut hoc obiter addamus, non multum refert, si ejusmodi distinctiones, cum Monlorio in doctrina de universis, velimus dicere affectiones Entis disjunctas, quæ simul sumptæ cum Ente recipiuntur: si ve Entis divisiones, quatenus ipsum Ens determinant ad omnia Entia particularia, pro quibus sumuntur. Nunc in specie de Potentia & Actu aliquid dicemus.

Est ergo potentia aptitudo & propensio rei ad suum actum. Hic ergo quæri commodè potest, anne cum potentia definiatur in ordine ad actum, in relatis ea sit reponenda? Hic distinguendum est, quod relatio alia sit prædicamentalis, alia vero transcendentalis. Prædicamentalis relatio dicit respectum realem duorum ex-

tremorum, ita ut eorum esse non sit possum nisi ad aliud esse, & ejusmodi relatio in potentiam & actum non cadit, ea enim facit ut relatio sint simul natura. At vero, ut est apud Zabaram in libr. 1. de pri. rer. mater. cap. 9. posita potentia actus non ponitur, & posito actu non ponitur potentia; quin potius à contraria parte ut eorum posito negatur alterum. Relatio vero transcendentalis non dicit necessario certam aliquam ac determinatam habitudinem ad terminum realem seu realiter existentem, sed sufficit esse obiectivum, ut possit aliquid habere relationem termini transcendentalis habitudinis. Cum enim ob id ipsum potissimum Enti conveniat, quatenus est per se ordinatum ad minus peculiare, quod potest per se intendi, per aliquam actionem: tendit quidem hæc relatio terminum, realiter per actionem producendum non tamen eum, qui actu necessario sit. Ita ergo actus & potentia relatione transcendentali se mutuo referuntur, quoniam, etsi actu firmi non existunt, nihilominus potentia per se primo instituuntur & ordinantur ad suos actus, ad eosque habitudinem includunt, ut vel ad eos agente deducantur, vel ipsæ eos producant.

Est vero potentia triplex: una obiectiva, alia subiectiva, alia activa. Ita enim tribus modis nos posse dicimus, vel quod possit esse quod non est; vel quod possit agere, quod non agit; vel quo possit pati, quod non patitur. Et primum quidem posse, facit potentiam obiectivam: est n. potentia obiectiva nihil aliud, quam respectus rei possibilis ad suum agens à quo fieri possit: quomodo ante creationem omnia erant in potentia obiectiva ipsius Dei, quatenus nimirum poterant esse, quæ non erant; & ipsi non repugnantibus esse à Deo.

Potentia

Potentia vero subiectiva est potentia realis, quæ ab agente mutationem suscipit: unde ab Arist. 9. Met. definitur, quod sit potentia, quæ possit ab alio transmutari in quantum est aliud, aliàs potentia passiva dicitur.

Potentia vero activa dicitur principium transmutationis in alio, in quantum aliud est. Ac differunt potentia activa & passiva in hoc, quod activa non indigent cum exiverint de potentia in actum motore extrinseco, passivis autem est necessarius ut docet Averr. 4. cœl. r. cap. 2. idemque colligitur 2. de anima 52. & 12. Metaph. 54.

Ac subiectiva quidem alia naturalis est alia obedientialis. Naturalem eam dicimus, quæ est in potestate proxima ad formam aliquam recipiendam: quomodo verbi gratia, semen humanum est in potentia passiva naturali ad suscipiendam animam rationalem. Obedientialis vero ea dicitur, quæ ad aliquod agens superius sese refert, à quo perfectionem suam obtineat: quomodo in potentia obedientiali lapides dicuntur esse, ut fiant filii Abraham. In eam sententiam eleganter dixit Thom. 3. p. q. 11. art. 1. potentiam passivam in qualibet creatura esse duplicem; Unam per comparisonem ad agens naturale; aliam per comparisonem ad agens primum. Et hæc dicitur, quæ potest quælibet creatura per agens primum reduci in actum aliquem altiore actum, in quem reduci- tur per agens naturale: aliàs consuevit vocari potentia obedientia in creatura.

Potentia vero activa alia est rationalis, alia naturalis. Rationalem eam dicimus, quæ ab agente cum voluntate est. Naturalem eam, quæ sine cognitione prævia est. Ac rationalis qui- dem

dem alia increata est, & est potentia Dei, secundum quam libera sua potestate omnia producit quæ vult: creata vero vel angelorum vel hominum est. Naturalis vero potentia eorum est quæ solo naturæ instinctu agunt. Vide potentia significata & modos apud Averr. epit. Metaph. tract. 3. p. 384. & seq.

Potentia respondet actus. Ac quoniam actus & ipse ambiguitur dicitur, non poterit ejus ratio una definitione commodè explicari. Evolvamus ergo ejus significationes per partes. Est vero actus duplex, unus purus, alius vero impurus. Purum actum eum dicimus, qui absolutus est à respectu ad materiam, seu qui est forma abjecta à materia: ita. Deum dicimus actum purum purissimum, & intelligentias actus dicimus, non quod aliquid perficiant seu actuent, ut ita loquar: sed quod hi actus perfecti in se sint, ut in perfectione formali à nullo alio dependeant, nec ad alterius formalem perfectionem ordinentur. Impurum actum eum dicimus, qui est ordinatus ad aliquid perficiendum, esque actus respectivus seu relativus dicitur, eo quod ad alterius perfectionem ordinatur: Aristoteli *ὀντελέχεια* est. Prout vero perfectio est duplex, prima & secunda, & actus duplex est, primus & secundus, docente Arist. 2. de anima cap. 5. Primus dicitur, qui ad perfectionem primam, hoc est, ad esse rei ordinatur. Actus secundus, quia ad perfectionem secundam, hoc est, operationem. Inde actum primū dicimus formam cum materia consociatam, actum vero secundum operationem, quæ ab hac forma in hac materia proficiscitur. Actus primi exemplum est apud Arist. in 2. de ani. text. 6. quando animam dicit actum corporis organici physici, vitam habentis

bentis potentia. Actum vero secundum in cuiusque rei operatione quotidè animadvertimus, quomodo calefacere actum secundum dicimus ipsius ignis, respectu ejus, quod calefieri potest. Deducamus rem eam aliquanto clariùs.

Actus non uno modo dicitur: 1. actus dicitur pro quacunque natura, quæ est posita extra nihilum. Eo sensu dixit subtiliss. Duns in 2. d. 12. q. 5. sect. dico igitur, materiam primam esse actu vel actum, quia non est in potentia objectiva tantum, sed existit in potentia subjectiva extra causam suam, & est quid positivum. Et hic actus vulgo dicitur Entitavus, juxta quod è Gregor. Arim. in 2. dist. 12. quæ. 1. Aquar. in disput. 2. de nat. matr. ad Phys. Ferr. scribit, quod actus seu actualitas possit dici quælibet Entitas, quæ sub Ente transcendenti continetur, prout Ens ipsum illimitatum & transcendens distinguuntur contra ipsum nihil, & ita in genere describitur actus, quod sit rem existere, non ita quemadmodum dicimus potestate. 9. Metaph. cont. 11. 2. Actus dicitur absolutè, pro substantia separata ab omni materia; & dicitur communiter actus purus, quia non est in ordine ad materiam, vel etiam, quia in ultimo gradu simplicitatis: eoque actum purum dici, propriè Deo competit, ut docetur apud Nicol. de Orbel. in 1. d. 8. q. 1. & Lamb. de monte Domini dicit in 1. Phys. t. 83, naturam divinam esse actum purum; sed formam esse actum participatum. Eodem sensu ratione simplicitatis actum purum unitatem vocant Pythagoræi: potentiam multitudinem. 3. Actus accipitur pro forma informante, ut docetur apud Arist. 8. Meta. cont. 6. ubi dicit, manifestum, quod actus alius est alterius materie. Et Scotus in quodlib. q. 2, art. 2. docet, formam

nam dici illud aliud principium, quod habet
 rationem actus, quod cum materia confusum
 compositum. Et Averb. in Epit. Metaph. tract.
 pag. 331. picit, quod materia est id, quod est
 potentia ad rem, quæ est futura esse in actu
 definitione, & forma: ipsa vero forma & actus
 & quidditas. Et ita in specie Arist. in 2. de anima
 cont. 4. animam vocat formam, eandem
 cont. 5. & 6. vocat actum corporis. Et hic com-
 muniter dicitur actus formalis & informans.
 Hoc sensu apud Scotum scriptum est, materia
 de se non habere actum distinguentem vel
 videntem, vel receptum, vel informantem
 dantem sibi esse specificum in 2. Sent. d. 11.
 q. 1. Et apud Achil. 1. de orbibus dub. 1. forma
 dicitur esse in genere causæ formalis ipsius ma-
 teriæ, & eam actuare. 4. Actus dicitur pro prin-
 cipio activo vel operativo, ut docetur apud
 Barth. de Usingen. 3. Phys. tract. 1. Hoc modo
 anima dicitur actus primus respectu suarum
 operationum ab ea procedentium, & habitus
 dicitur actus primus respectu operationum, ad
 quas inclinat potentiam, ut idem docet 2. de
 ani. q. q. 2. 5. Dicitur actus pro ipsa operatione
 rei, quomodo intelligere & velle sunt actus
 animæ. Et hoc sensu docetur in 2. de anima. t. 1.
 quod actus dicitur dupliciter: alius quidem
 sicut scientia, alius sicut speculatio, quod aliis
 communiter dicitur, actum alium esse pri-
 mum, alium secundum: per actum primum
 intelligendo potentiam seu facultatem a qua
 operationes proximè proficiuntur: per actum
 secundum, operationes ipsas. Ita vis urendi in
 igne dicitur actus primus: urere vero actus se-
 cundus. Hic tamen sciendum ut annotavit
 Joh. Altestaig. in vocab. Theol. quod actus
 quando

quando pro operatione accipitur. plerumque dicitur pro actu interiori. Est vero actus hoc modo dictus duplex: Elicitus. & imperatus. Actus elicitus, ut colligitur à Gabr. in 3. d. 36. art. 1. not. 1. dicitur actus qui immediatè & intrinsecè à voluntate proficiscitur, cuiusmodi actus sunt velle, & nolle, ut si voluntas eliciat actum volendi, eò quia est conformis dictamini rectæ rationis. Actus verò imperatus est actus à quacunque potentia alia à voluntate ortus: hic duplex est: vel enim est formaliter imperativus, vel virtualiter. Ille dicitur qui simpliciter imperat executionem ipsius actûs: ut qui imperat inferioribus potentiis mortem sustinere pro religione. Virtualiter verò imperativus, qui imperat executionem actûs cum conditione ut qui daret eleemosynas si haberet unde daret. Vide de actu in genere Fr. Suarez. disp. Meta. 13. s. 5. n. 7.

Est & alio modo actus duplex: Perfectus scil. & imperfectus, ut colligitur ex Arist. 3. Phys. cont. 15. Actus imperfectus is dicitur: qui in potentia ad formam consequendam existit. Eiusmodi actus motus dicitur; is enim actus dicitur motus respectu rei mobilis, in quam aliquam perfectionem inducit: imperfectus tamen dicitur, ut notat Averr. in comm. edid. t. 15. 3. Physic. propter communicationem ejus cum potentia, quia est in potentia, ad formam acquirendam. Et idem planius docuit in 1. de anim. ad tex. 43. dicens, esse motus est esse transmutabile, & est compositum ex esse in potentia, & ex esse in actu, & ideò existimaverunt plures antiquorum ipsum non esse. At verò anima actûs perfectus est: est enim in esse perfecto de se, & alteri elargitur perfectionem,
esse

esse scil. animatum. Unde contra Platonem
sputabat Arist. in 1. de anima, qui dicebat
mam moveri, contra quem arguit in tex.
quia motus est processus moti in modo sui
tûs, necesse est etiam ut anima procedat à
substantia, si non movet se accidentaliter.
motus est suæ substantiæ per se. Anima
actus est, sed non ut actus imperfectus, verum
ut actus perfectus. Tantum de potentia & actu

Doctrinæ de potentia & actu subjungemus
doctrinam de Concretionem & Abstractionem
non quia hoc loco necessario inferenda, pro
mè enim videtur insequi verum, tanquam fun
damentum, sed quia natura potentia & actus
ex hac doctrina illustrari etiam potest.

CAPUT X.

DE ABSTRACTIONE.

I.

Quid sit Abstractio: & ordo ejus ad Divi
sionem et Concretionem.

2. Concretum duobus modis dividi potest
aut per naturam, aut per intellectum.

3. Abstractio duplex: realis & intellectualis.

4. Abstractio realis: alia immaterialium, alia
materialium.

5. Abstractio immaterialium: Una secundum
essentiam, alia secundum indifferentiam.

6. Abstractio realis materialium: aut fit à na
tura, aut per artem.

7. Abstractio intellectualis: alia præcisiva,
alia divisiva.

8. Quomodo intelligendus Arist. abstraher
tium non esse mendacium.

9. Abstractio præcisiva tripliciter subdividitur:

1. è parte intellectûs, 2, è parte subiectorum,
3. è parte ordinis.

10. Et

10. Et à parte intellectus: est vel habitualis vel actualis.

11. A parte subjecti: est vel formalis, vel totalis.

12. Hæc divisio respondet duplici modo compositionis: unde abstractio formalis quadruplex: 1. abstractio formæ substantialis à materia. 2. abstractio formæ accidentalis à subjecto. 3. abstractio subjecti à forma accidentali. 4. abstractio materix à forma substantiali.

13. Abstractio totalis variatur quadrupliciter pro varietate totius: 1. Universalis. 2. Essentialis. 3. Integralis. 4. Partium definitionis ad definitum.

14. E parte ordinis triplex est abstractio. 1. Prioris à posteriori. 2. Posteris à priori, & 3. Eorumque sunt ejusdem gradus.

15. Alio modo dividitur Abstractio, vel à subjecto, vel à supposito.

16. Abstractio à subjecto dicitur: vel negative, vel privative.

17. Abstractio à supposito: est vel à supposito proprio, vel à supposito alieno.

18. Abstractio à supposito proprio, est vel natura à supposito, vel universalis à suo singulari.

19. Abstractio à supposito alieno eadem cum abstractione accidentis à subjecto.

20. Suppositi vocabulum in substantiis proprie, in accidentibus improprie dicitur.

21. Est & alia ratione abstractio triplex: physica, Mathematica, Metaphysica.

22. An Mathematica abstrahat tantum à materia sensibili, an vero etiam ab intelligibili: & quæ sit materia intelligibilis duæ diversæ opiniones.

23. Explicantur duo loci Arist. Priori est in 7. Met.

Met. 1. c. 35. Posterior 3. Met. 1. c. 15. & quæ
controversia videtur posse decidi.

24. *Instituitur conciliatio sententiarum pro
 veritate materia mathematica: quæ est vel
 necessaria, vel necessaria. Non necessaria est
 sibi. Necessaria videtur esse vel ut subjectum
 vel ut pars. Necessaria ut pars duplex: una
 est extra rationem definitionis, alia quæ defini-
 nem ingreditur.*

25. *Abstractio Metaphysica eadem est cum
 stractione immaterialium.*

26. *Vsus distinctionis in divisione sententiarum
 speculativarum.*

COMMENTARIUS.

I

Abstractio late accipiendo prout concretio
 cuicunque opponitur, est secretio unius
 altero. Nam è cujuscunque multitudinis, si
 ea realis sit, siue intellectus tantum opera sit
 divisione, abstractio oriri potest: quo ad multi-
 tudinis ejus vel partes conceptus separatim po-
 nuntur, aut saltem cognoscuntur. Abstractio
 enim non nisi Concreti est: concretum vero
 quidque dicimus, non tam quia unum est, quan-
 quatenus hoc unum dividi potest in ea plura,
 quæ vel secundum rem, vel secundum rationem
 in eo esse ponuntur: hinc vero abstractio nasci-
 tur. Est enim ordo quidam naturalis inter ca-
 tria: Divisionem, abstractionem, & concretio-
 nem, ut se mutuo præcipiant, & unum sine alie-
 ro non fit, ut & natura rei docet, & scriptum
 habetur in vetusto quodam codice, quem Ray-
 mundi esse suspicor, vel certe cujusdam ejus di-
 scipuli. Nam divisio præcedit abstractionem, ut
 causa

causa effectum : quum enim nihil abstrahat ab eo cum quo unum est, quia unum, sed ab aliquo qua diversum : necesse est, ut præcedat divisio, quæ distinguat ea, inter quæ est abstractio. Et concretio esse non potest, nisi inter ea quæ possunt abstrahi ab invicem : nam concretum non dicimus, quod habet simplicem significandi modum, sed quod in iis est, quæ cum quadam multitudine sunt conjuncta.

2. Dico vero dividi posse hoc, quod concretum est duobus modis: aut per naturam, aut per intellectum seu cognitionem. Per naturam ea dividi dicuntur, quæ seipsis separatim subsistere possunt, sine eo à quo abstrahuntur. Per intellectum vero, & cognitionem quæ dividuntur, ea quandoque dividimus, quia à natura divisa cognoscimus : quandoque vero quæ per naturam separari non possunt ea sola intellectus opera ita dividimus, ut uno cognito, alterum non cognoscamus.

3. Hinc jam duplex abstractio nascitur: Una est realis, alia intellectualis, ut docet Petrus de Aquilia in 1. d. 3. q. 1. art. 1. Abstractio realis est secretio secundum substantiam unius naturæ ab altera. Hinc separationem potius quam abstractionem quidam dicere voluerunt : eò quod extrema abstractionis separata ponantur, ut videre est apud Thom. opusc. 70. quod est de Trinitate super Boëtium q. 5. art. 3. ubi dicit : in his quæ possunt esse divisa secundum esse, magis habet locum separatio, quam abstractio. Verum quum Arist. *χωρίζεν* & *χωρίζον* communiter utatur : 2. Phys. cont. 18. *χωρίζεται τῇ νόησιν κινήσεως* abstracta intellectu à motu, Mathematicas abstractions. In 3. de anim. 1.

35. quæ antea ἐν ἀφαιρέσει λεγόμενα in abstractione dicta, nominaverat, postea ὡς κεχωρισμένα non separata ut se-
rata intelligi dicat. In 3. de anim. t. 20. inter-
tus χωρισθεὶς insit. & in 12. Metaph. eodem
mine χωριστόμενα intelligentias appellat,
Scal. ex 342. etiam annotavit, sive separa-
nem, sive abstractionem dicere malis, par-
interesse puto.

4. Abstractio vero ea realis pro diversitate
subjectorum duplex est: ut una sit abstractio
rum immaterialium, alia materialium.

Abstractio rerum immaterialium est, separa-
tio Entis a materia re & ratione. Dicuntur ve-
re & ratione a materia separari ea, quæ nec
esse, nec ad essentiam sui requirunt materiam.
Unde apud Averr. 6. Meta. comm. 2. dicuntur
res abstractæ secundum definitionem & secun-
dum esse. Nam & sine materia definiuntur, &
sine materia re ipsa subsistere possunt: quod
a Mathematicè abstractis distinguuntur, quæ
tamen si sine materia definiuntur, non tamen
sunt, vel existunt, sine materia. Nam hoc videt
Averr. 2 in Phys. tex. 71. quando ait: scientiam
Mathematicam considerare de rebus immobili-
bus, sed quæ sint in mobilibus.

5. Ea vero abstractio immaterialium, quæ di-
citur abstractio re, & ratione a materia duplex.
Una dicitur abstractio a materia re & ratione
secundum essentiam, alia dicitur abstractio per-
missiva, seu ut alii vocant, secundum indiffe-
rentiam. Vide Joh. Vers. 1. Met. q. 1. notab. 6.
Abstractio a materia secundum essentiam eo-
rum est, quorum essentia repugnat includere
materiam, cujus modi sunt Deus & intelligen-
tia. Ad hoc genus referuntur animæ hominum
separa-

separata: ex enim tametsi conjuncta cum corpore conjunctione materiales dicantur; quidditas tamen earum immaterialis omni modo est. Abstractio vero permissiva, seu secundum indifferentiam eorum est, quibus tametsi non repugnat esse in materia, de se tamen separata ab omni materia subsistere possunt. Ejus generis sunt universalissima abstracta: ut Ens cum suis passionibus: quæ tametsi cum materia actu sunt in rebus corporeis, interim in separatis essentiis separatim essendi modum servant: Ens enim in divinis non participat quicquam de materia arboris, lapidis, ligni, in quibus tanquam inferioribus sibi etiã subsistit. Vocatur vero abstractio permissiva seu secundum indifferentiam: eo quod hoc abstractorum genus indifferenter habeat sive insit in materia, sive ad ea sit separatim. Vide Aug. Niphum Sueff. ad Averr. destr. disp. Metaph. 8. pag. 242.

Unde & hoc porro intelligitur, abstrahi re & ratione a materia, non univoce, sed secundum prius & posterius dici de abstractis, secundum essentiam, & secundum indifferentiam. Nam uno modo separata secundum essentiam sunt abjuncta a materia, ut nihil communionis cum materia habere possint: at vero quæ sunt abstracta secundum indifferentiam, ceu in medio posita videntur inter pure abstracta, & sola ratione abstracta. Nam duplicem omnino conceptum participare videntur: Unum communem cum separatis, quatenus separatim sine materia subsistere possunt: alterum communem cum abjunctis sola ratione a materia, quatenus iis non repugnat esse in materia. Unde & falso quidam sola ratione abstracta a materia dixerunt. Allo etiam modo secundum prius

prius immaterialia dicuntur abstracta, eo quod quicquid immaterialitatis, ut ita loquar, habent hęc abstracta secundum indifferentiam participant ab abstractis secundum essentiam quoad identitatem essentiae cum iis concurrunt.

Hęc sententia recens non est, sed docuitur eodem Avic. eleganter Logicae suae parte prima cap. 1. Adscribam verba eius: Rerum quae participant sunt denudari à motu, veritas duplex est: autem veritas necessaria, ut Deus & intelligentiae; autem veritas earum non est necessaria, sed ita sunt comparatae, ut non sit hoc eis impossibile (scilicet commissceantur cum materia) sicut est dispositio identitatis, & unitas, & causalitas, & numerus qui est multitudo. Et hęc autem considerantur secundum hoc quod sunt ipsae, & consideratio earum non variatur in hoc, quod dispositae sunt, (scilicet motu & materia:) Sed erunt tunc de tota consideratione, quae est in ratione ex hoc quod non sunt in materia, quia hęc non hoc quod sunt ipsae non sunt in materia (hanc est, tota earum consideratio est abstracta à materia, quia secundum proprium essendi modum à materia omni sunt liberae.) Aut considerantur secundum hoc, quod accidit eis non habere esse nisi in materia. Quem modum in sequentibus pluribus persequitur. Et hęc abstractio materialium immaterialium est.

6. Abstractio vero seu separatio realis materialium & corporum est, quando diversa corpora ita separantur, ut quodlibet eorum diversam subsistentiam obtineat. Ea separatio autem fit à natura, aut per artem. Abstractio à natura separatio corporum ab hominis vel arbitrio, vel industria non dependens, sed à natura, ejusque

causis

causis facta. Hoc abstractionis modo cælum dicitur abstrahere ab Elementis, quod Averr. dicit cælum habere naturam existentem sibi propriam, aliam ab ea quæ est generabilem & corruptibilem. 1. Met. c. 22. Ejusmodi separationes sunt exhalationes, evaporationes, &c. Abstractio artificialis est separatio corporum humana industria facta, quomodo aquam à vino abstrahimus & separamus.

7. Abstractio intellectualis, quæ & Intentionis à quibusdam dicitur duplex est, ut annotavit Thom. 1. p. q. 85. art. 1. ad. 1. & Logicæ de prædicabilibus cap. 1. & ex eo Anton. 1. p. sum. maj. tit. 3. c. 11. ¶ 9. Una quæ fit per primam mentis operationem. Ea dicitur quibusdam Abstractio præcisiva, vel præcisionis, quibusdam etiam abstractio per modum simplicis & absolute considerationis. Ea est quando eorum quæ sunt adunata secundum esse consideramus unum non considerando aliud, Hoc docet Aver. 12. Met. com. 39. intellectus inquit, natus est dividere adunata in esse, in ea ex quibus componuntur, quamvis non dividantur in esse, sicut dividit materiam à forma, & formam à composito ex materia & forma. Ita in solut. contradict. Aver. 4. Phys. contr. 10. dicitur quum tempus non sit de quidditate motus, intellectus potest abstrahere motum à tempore, tamen si fieri non possit ut motus sit sine tempore.

Alia est abstractio, quæ fit secunda mentis operatione: ea contingit per modum compositionis & divisionis, sicut quum dicimus, aliquid non esse in alio. Hanc alii divisivam vocant, alii etiam negativam. Secundum hunc abstractionis modum dixit Aver. 12. Met. com. 29. Tempus & motus aut sunt idem, aut tempus est aliqua

aliqua passio ejus. Sine tempore enim impossibile est imaginari motum. Nam quum alia sit temporis & motus formalitas, secundum abstractionem præcisivam motum contemplamur, ommissa temporis ratione, ut dicimus. Verum si per secundum mentis operationem dicere velimus, esse motum sine tempore, ut actuali negatione ea duo quæ semper sunt conjuncta separare velimus, quod fieri non potest imaginabimur.

8. Et hinc intelligitur, quo sensu accipimus dum sit illud, quod apud Arist. scriptum est Phys. text 18. Abstrahentium non esse mendacium. Nam abstrahentium juxta primum abstractionis modum, mendacium non est: quæ sunt maxime unum, eorum vere unum in alio considerari non potest. Ita animal & homo sunt idem secundum rem, ratione seu definitione differunt: considero ergo animal definitione illud, non considerando quod in homine. Verum secundo abstrahendi modo ab invicem jungere, quæ secundum rem separata non sunt, parit falsitatem. Ita falsa est hæc: homo non est animal: quia animal est de necessitate definitionis hominis. At quæ sunt de definitione, & de re, in cuius definitionem ingrediuntur, separari vere non possunt.

9. Ea vero Abstractio quæ sit secundum primam mentis operationem, tripliciter potest dividi: uno modo ex parte intellectus, alio modo ex parte subjectorum, a quibus fit abstractio tertio modo ratione prioris & posterioris.

Ex parte intellectus duplex est: una est abstractio habitualis, alia est abstractio actualis, colligitur à Scoto 7. Metaph. q. 18. ¶. de illo quæ sequitur, & seqq.

Abstractio

Abstractio habitualis est productio speciei intelligibilis facta a phantasmate, & intellectu agente, quæ impressa in intellectu possibili obiectum ei repræsentare, ad illudque cognoscendum immediate movere possit. Hujus abstractionis partes tres sunt. 1. Agentis intellectus illustratio, & abstractio speciei intelligibilis a phantasmate. 2. impressio speciei in intellectum possibilem, & 3. repræsentatio seu præsentia obiecti in intellectu possibili. Agens intellectus lumen est, ut phantasmata illustrentur, & species intelligibilis producat. Species intelligibilis formaliter impressa possibili intellectui, ob similitudinem quam habet cum obiecto, deducit intellectum in notitiam obiecti. Obiectum vero præsens est intellectui non formaliter, sed objective: quoad intellectus è forma speciei deducitur in apprehensionem obiecti.

Abstractio actualis est actio intellectus, qua per speciem intelligibilem cognoscitur obiectum, seu natura per speciem representata.

Ac ordo est inter abstractionem habitualement & actualem, ut actus primi & actus secundi: nam habitualis abstractio exhibet potentiam proximam, qua in obiectum cognoscendum ferri possimus: actualis vero abstractio dat, ut actu in ipsum obiectum feramur, idque cognoscamus. Illa fit per habitualement speciem, in qua etiam res repræsentatur: hæc per actualem potentia cognitionem, ut notarunt Conimbric. in præf. Proph. q. 5. art. 1. Vide doctiss. Monl. de universis c. 2.

10. A parte subiectorum abstractio iterum duplex est: Una formalis, alia totalis. Quod duplex genus abstractionis notavit Thomas opusc. 70. q. 5. art. 3. & Caiet. de ente & essentia

quæst. 1. art. 3. in præmio.

Abstractio formalis est, quâ formale abstrahitur à materiali. Quomodo accidens abstrahitur à suo subjecto: accidens enim forma sui subiecti est. Ea abstractio in Mathematicis obtruncatur, nam Mathematicus considerat quantitatem non considerando materiam in qua est, et enim definitiones abstrahunt à materia, secundum quæ tamen non sunt. Lineam definit non hanc vel illam, sed indeterminate dicendo, quod est longitudo latitudinis expers. Hoc est quod docet Averr. 6. Meta. com 2. Mathematicam esse de rebus abstractis secundum definitionem tantum, non secundum esse. Et in 1. post. com. 101. Mathematicos ut plurimum non considerare de existentia rerum, quæ sunt in artibus suis, hoc est, quas definiunt & quarum causas perficiunt, quoniam non est ex consuetudine artis suæ, ut cognoscant existentiam earum rerum, & adminiculentur ipsis. Vide eundem 1. Meta. com. 5. & aliis locis innumeris.

Abstractio totalis dicitur, qua totum abstrahitur à suis partibus, totum universale vel gratia à suis partibus subjectivis. Quomodo animal consideramus non consideratis speciebus ejus leone vel hove. Et hoc abstractionis modo consideratur absolute natura quædam, secundum propriæ essentia rationem sejuncta ab omnibus partibus, quæ non sunt partes speciei, sed sunt partes accidentales.

11. Duplex hoc genus abstractionis respondet duplici modo compositionis: quorum alter est conjunctionis materiae cum forma: alter utriusque totius cum suis partibus. Conjunctio materiae cum forma duplex est: una essentialis, altera accidentalis. Essentialis conjunctio eorum, quæ

ad unum per se constituendum concurrunt: accidentalis eorum, quæ unum per accidens faciunt. Utrumque vero genus abstractioni formali opponitur. Nam tamen si essentialis conjunctio respectu totius compositi sit essentialis, quod sine iis nec esse nec definiri potest, aut partibus inter se consideratis accidere videtur conjunctio. Est enim materia omnis de se in potentia tantum ad suam formam. Quod indicasse videtur Aristot. 2. de ani. tex. 6. Quando animam definit actum corporis organici, vitam habentis in potentia. Nam ut corpus est in potentia ad vitam ut formalem animæ effectum, ita est in potentia ad animam, ut formam ipsam. Nihil ergo impedit alterutrum horum considerare seorsim, alterum in ratione informabilis, alterum in ratione informativi. Distincta enim formalitas distinctum suscipit considerandi modum. Is vero modus ad hanc formalem abstractionem reducitur.

De accidentali conjunctione res est planior. Namque in iis, quæ sunt unum per accidens, ut concursus est accidentalis, ita accidere omnino videtur ea conjunctim considerare. Et quo magis accidentalis est ea conjunctio secundum cognitionem: eo facilius unum ab altero in cognitione sejungi potest. Ac difficultas nulla est in iis quæ sunt conjuncta secundum quintum genus prædicabilis: quid enim impedit, vel hominem dicere non Musicum, vel musicam definire non considerato homine in quo est, quemadmodum actu à maxima hominum multitudine separata esse animadvertitur. Difficultas de accidentibus est, quæ sunt in subjecto secundum modum proprii. Verum in iis si concretiva ratio ab abstractiva distin-

guatur, res erit facilis: nam risibile quia connotat subiectum, quod est risibile, hominem videlicet, de se à subiecto non abstrahit, quia in suo significandi modo id ipsum includit. At vero risibilitas extra rationem humanitatis est: cum qua tamen si semper sit secundum existentiam conjuncta, alia tamen natura risibilitatis, alia hominis & humanitatis est, unde hac dimissa, illa sub cognitionem venire facillime potest. Hæc vero eo disputantur, ut doceamus sub hoc genere formalis abstractionis non tantum contineri abstractionem mathematicam accidentis à subiecto. Sed 1. abstractionem formæ substantialis, est enim natura posterior sua materia, potest ergo cognosci sine hac. 2. abstractionem formæ accidentalis: omne enim accidens est extra rationem sui subiecti, potest ergo unius ratio considerari extra rationem alterius. 3. abstractionem subiecti à forma accidentalis: nam tamen si subiecta re a suis accidentibus propriis separari nequeant, definiuntur tamen sine iis, & ita abstrahunt a suis formis accidentalibus: & 4. abstractionem materiæ a sua forma, quam Thomas non concedit, quia putat materiam de se esse puram potentiam: at vero nos quoniam cum Scotto in 2. d. 12. materiæ actum Entitativum tribuimus, diversum ab actu specifico, & illum natura priorem, hoc modo materiam etiam a forma abstrahere dicimus, quamquam sine forma nunquam sit, quomodo de materia considerat divinus Philosophus. Ac ita latius aliquando Formalis abstractionis limites extendimus, sive forma abstrahit, a materia, seu contra materia a forma.

12. Unio vero totius cum suis partibus variatur pro varietate totius & partium; quadruplex

plex tamen potissimum attenditur, quæ ad rem præsentem faciat. et est: 1. totius Universalis cum suis partibus subiectivis. 2. Totius essentialis cum partibus essentialibus. 3. totius integralis cum partibus integrantibus, & 4. partium definitionis cum suo definito. Unio totius universalis cum suis partibus subiectivis, est coniunctio realitatis inferioris cum realitate superioris ut indeterminatio superioris determinetur ad determinationem sui inferioris. Et abstractio huic unitati respondens omni difficultate caret. Nam animal, verbi gratia, quum sit quid indeterminatum ad hominem & bestiam, nihil horum de se est: eoque abstrahit ab utroque ut indeterminatum à determinato.

Unio totius essentialis cum suis partibus, est ordo totius essentialis ad suas partes essentielles, ut ex earum coniunctione resultet tertia quædam Entitas diversa ab entitate partium; tam separatim quam coniunctim sumptarum. Et hæc res difficultate non caret: De hoc enim tertio genere docet Thom. opusc. 70. quæ. 5. art. 3. quod à suis partibus abstrahere non possit: sic enim syllaba nihil erit à suis literis separata. Ita de homine dicit, quod ei per se competat, quod inveniatur in eo anima rationalis, & corpus compositum ex quatuor Elementis: unde sine his partibus hominem intelligi non posse putat, quoniam ponuntur in hominis definitione, & sunt partes speciei & formæ. Verum quum cognitio rei duplex sit: Una distincta, alia confusa. nos de distincta omnino concedimus, non posse rem intelligi distincte, nisi in suis partibus essentialibus. Ast de confusa secus statuimus. Nam totum habet Entitatem quandam tertiam diversam à suis partibus, ut docetur apud Averr.

3. de anim. contr. 55. & in compositis est natura addita naturæ componentium, illud scilicet quod fit ex compositione, ut est in 5. Metaph. comm. 6. Quod subtilis. Duns in 3. d. 2. & 22. q. unic. ¶. ad primum argumentum, declarat exemplo hominis: natura, inquit, humana non est partes, nec partes unitæ: humanitas enim non dicit solum respectum unionis partium ultra partes Non enim illud quo homo formaliter est homo, est relatio, est autem homo formaliter homo humanitate. Si enim homo nihil esset, nisi partes unitæ sibi, homo non esset unum nisi aggregatione: Sicut nec quinarium est unitates quinque, sed est illud totum, quod resultat ex quinque unitatibus: aliter si esset, illæ unitates essent unum sicut acervus. Dico igitur, quod homo habet unitatem quandam, & entitatem aliam ab istis partibus etiam unitis. Vide de eo an totum sit quid diversum a suis partibus. Zimaram solut. contradi. Aristot. & Aver. contradi. 8. Hoc nunc ita supposito de quo alias accuratius disputabimus, Dico: ubicunque sunt duo diversi conceptus de re eadem, ibi est abstractio unius conceptus ab altero. Abstractio enim est formalis quasi effectus diversitatis & divisionis, ut dicebamus, vel saltem immediate eam consequitur. Ast vero tertia ea Entitas diversa ab Entitate partium, dicit diversitatem conceptus totius à conceptu partium Totius. Abstrahit ergo totum essentiale etiam quadam ratione à suis partibus. Is vero conceptus totius distinctus à suis partibus, non distinctus, est sed confusus.

Unio totius cum suis partibus integrantibus, est ordo totius ad partes suas materiales. Ac ab his non primam, sed secundam tantum perfectionem

tionem obtinet, hoc est, habet non ut sit, sed ut bene sit vel operetur. Et hæ partes accidunt speciei: nam manus, pes, digitus sunt quidem partes Platonis, at non hominis qua homo est. Et ab his partibus abstrahere potest compositum: nihil n. humanitatis naturæ derogat, si vel pes, vel manus amputetur.

Unio partium definitionis cum suo definito nihil aliud est, quam explicatio quid erat esse rei pereæ, quæ rei intrinsece & per se primo conveniunt. Est & hic quidam abstractionis modus, qui significatur, hoc Philosophorum ef-
fatus: Definitio & definitum sunt unum re, differunt ratione: quod enim definitum dicit confuse, hoc definitio explicat distincte. Nam ubicunq; differentia rationis & diversitas conceptus est: ibi abstractio necessaria est. Quæ enim sunt inter se unum re: ea nec differre, nec diversimode concipi nisi per abstractionem possunt.

Ad hanc distinctionem abstractionis in formalem & totalem commode reduci potest ea, quæ est abstractionis a subiecto, & a supposito: de qua separata distinctione agemus, non quod ab hac sit re diversa, sed ne propter terminorum explicationem præsens tractatio nimium excrescat.

13. Sequitur tertia subdivisio abstractionis secundum primam mentis operationem ratione prioris & posterioris. Hoc modo jam triplex est abstractio: nam abstrahimus 1. prius a posteriori: 2. posterius a priori. 3. abstrahimus invicem, quæ sunt ejusdem gradus, hoc est, inter quæ prius & posterius non notatur, eo quod simul insunt in eodem. Rem Illustrabimus exemplis.

Illustre exemplum est abstractionis prioris a posteriori apud Aug. Confess. lib. 12. cap. 29.

Eo loco ut doceat quid sit prius origine adducit ordinem inter sonum & cantum. Quæ duo tempore quum sint simul: non enim priore tempore sonos edimus informes sine cantu, quos posteriori tempore in formam canticæ coaptamus aut fingamus. Sed quum cantatur, auditur sonus ejus. Interim priorem sonum dicimus, ut materiam forma cantandi. Ecce quomodo abstrahimus, prius à posteriori: tempore simul sunt cantus, & sonus: interim sono tribuimus prioritatem originis, abstrahendo hoc quod sua natura indeterminatum est, ab eo quod determinat: sonum verbi gratia, à cantu, ut qui sonus possit esse sine cantu, non cantus sine sono. Hic ergo distinctio prioris à posteriori notat diversitatem unius ab alio, cum quo re idem est: ea vero sine abstractione esse non potest. At vero abstractio prioris à posteriori est, quia dimisso cantu sonum origine priorem dicimus.

Secundi exemplum apud Arist. est in 2. Phys. t. 18. Eo loco docet & Physicum & Mathematicum agere de longitudine, punctis, figura & sphæra. Sed diversimode: nam Physicū considerare ea ipsa, quoad sunt in materia. Verum Mathematicum de his negociari, sed non quatenus Physici corporis terminus, sed unumquodque neque accidentia speculari, quatenus talibus existentibus accidant. Quid ergo? abstrahere dicit Mathematicū. Quomodo? superficiem cognoscendo sine subiecto in quo est: accidēs, non cognito eo, cui accidit. Hæc jam abstractio est posterioris à priori: accidēs enim omne posterius suo subiecto est, ut in 7. Meta. cont. 4. docuit Arist.

Tertii exemplum est apud Arist. in 5. Meta. cap. 6. & Averr. in Epit. Meta. tract. 1. cap. de uno. Hic enim notatur unum per accidens dici,

si Coriscum Musicum dicamus iustum, vel Musicum ædificatorem. Namque ea duo quum sine ordine insunt eidem; musica & iustitia, vel musica & ars ædificandi: ut non alium Musicum, alium Architectum, sed eundem & Musicum & Architectum nominemus: unum tamen ita abstrahimus ab alio, ut, si ædificet, non quia Musicus est eum ædificare, nec si canat, quia architectus est eum hoc perpetrare dicamus. Abstrahitur ergo scientia musica à scientia ædificandi in eodem qui & musicus est & Architectus, ut nec prius à posteriori, nec posterius à priori, sed ea quæ simul eidem insunt à se invicem abstrahi enunciemus.

14. Distinguitur etiam alio modo abstractio in abstractionem à subiecto, & supposito.

15. Videtur vero abstractio à subiecto duobus modis dici posse uno modo negativè, alio modo privativè. Negativè abstrahere à subiecto illud dicimus, quod nec fuit in subiecto, nec esse potest, eo quod ejus naturæ repugnat modus inessendi in subiecto. De hoc genere abstractionis intelligere videtur Averr. Arist. in 12. Metaph. com. 26. Aristot. dixerat: Quia quædam res sunt abstractæ, & quædam non abstractæ, illæ sunt substantiæ, & propter hoc inveniuntur istæ causæ, quia extra substantias non inveniuntur passionες eorum, neque motus. Hæc verba explicat Averr. hoc modo: intendit per abstracta substantias, quæ sunt subiecta novem prædicamentorum, & per non abstracta novem prædicamenta, quasi diceret, quia prædicamentorum quædam sunt abstracta, & quædam non, abstracta autem sunt substantiæ, & non abstracta accidentia substantiæ.

Deinde causam dedit: nullum enim accidens existit

existit extra substantiam, sunt enim in rei veritate passionēs & motus substantiarum, & hoc dicit, quia extra substantias, non inveniuntur passionēs & motus substantiarum. E quibus nos hæc: 1. accidentia dicuntur non abstracta, quia inexistunt ipsis substantiis. 2. Substantiæ vero dicuntur abstractæ, modo abstractionis oppositò accidentium inexistentiæ: opposita enim divisionis membra secundum eandem rationem opponantur necesse est, secus oppositio nulla erit. 3. Abstractæ ergo dicuntur substantiæ secundum modum non existentia. Hoc vero est abstrahere à subjecto 4. Hæc abstractio non est privativa: privatio enim supponit habitum, at vero substantia in subjecto nec est, nec esse potest. 5. Abstractio ergo quædam negativa: quæ negat modum inexistentiæ accidentis proprium posse cadere in substantiam. 6. Et hoc abstrahere à subjecto explicavit Aristot. in Categ. cap. de substantia, quando dicit, commune esse omni substantiæ non esse in subjecto. Vide Martinum Pollichium de prædicamentis, q. 7.

Abstractio à subjecto privativè dicta est ejus quod inest in subjecto consideratio, non cognoscendo subjectum in quo inest. Quomodo albedinem abstrahimus à pariete, ovo, cygno, &c. quæ tamen separata à subjecto omni esse non potest. Hoc genus abstractionis accidentis proprium est. Nam accidens in subjecto proprie est: sine quo dum cognoscitur, abstrahi ab eo dicitur. Privative vero abstrahi: quia in subjecto præsupponit habitum, hoc est, quia sua natura & inest, & aptum est inesse. Hunc modum demonstravit Arist. in 1. de anim. tex. c. 17. quando inquit: ea quæ non sunt abstracta in rei veritate, sed sunt passionēs corporis & secundum

ab.

abstractionem intendit Mathematicus. Et clarius Averr. in comm. istius loci : accidentia, inquit, non abstracta à corpore & consequentia, non in eo quod est transmutabile, sed in eo quod est corpus tantum, & magnitudo, & sunt ea quæ intellectus intelligit secundum abstractionem à materia, licet in rei veritate non separentur, considerata sunt à Mathematicis. Vide & Themist. 1. de anim. c. 5. Et hoc genus abstractionis idem est, cum genere abstractionis formalis à subjecto, quod supra dicebamus.

16. Abstractio à supposito duplex est : à supposito proprio, & à supposito alieno.

Abstractio à supposito proprio est abstractio à supposito, cum quo intrinsece est idem.

17. Hæc abstractio à supposito proprio duplex est, ut potest colligi è subtilis. Duns in 3. d. 22. q. unic. sect. ad primum, & in quodlib. q. 19. art. 2. vel enim est abstractio naturæ consideratæ in ultima abstractione à supposito eo, quod ab hac natura constituitur.

Ea abstractio est humanitatis ab homine, leonitatis à leone, equitatis ab equo, corporeitatis à corpore, carnitatis à carne. Vel est abstractio universalis naturæ, à suo singulari. Quomodo caro in universali abstrahit ab hac carne, leo in specie, ab hoc individuo leone. Et differentia duplicis hujus generis abstractionis in prædicatione animadvertitur : abstracta enim prioris generis non prædicantur de suis concretis. Falsa enim hæc est : humanitas est homo, equitas est equus. At vero quæ secundum posteriorem abstractionis modum dicuntur, eorum abstractum dicitur de suo concreto Vere enim animali in genere, dicitur de hoc animali in singulari, puta de Bucccephalo.

18. Ab-

18. Abstractio à supposito alieno, est abstractio naturæ à supposito cum quo non est per se idem, sed diversi generis, ut docet Scotus in quodlib. 19. art. 2. Et hic modus abstractionis idem est cum modo abstractionis à subiecto. Et dicitur abstractio à supposito, quia subiectum in quo terminatur dependentia, est suppositum.

19. Hic vero notandum, quod tametsi in accidentibus suppositi ratio proprie non obtinet, ut docet Durandus in 2. d. 3. q. 2. & Nicol. de Orbellis in 3. d. 1. q. 1. art. 1. in accidentibus tamen dicamuse esse non tantum abstractionem à supposito alieno, sed etiam abstractionem à supposito proprio: quomodo dicimus albedineitatem abstrahere ab albedine ultima abstractione: & albedinem ab hac albedine, ut universale à suo supposito: & albedinem à pariete, ut supposito alieno. Impropiè abusi suppositi vocabulo, ut quod in substantiis suppositum propriè dicitur, hoc in accidentibus secundum proportionem dicamus. Quâ de re hoc loco fusius agere nolimus, quia non exemplis tantum, sed & modis prædicandi diversis, tam in divinis, quam in creaturis rem eam declaravimus Antidoti nostri lib. 2. c. 22. quod caput legere poterit, qui usum hujus doctrinæ expostulat.

20. Est & quædam Abstractionis distinctio, quâ Abstractio secatur in tres sui quasi partes: in Physicam, Mathematicam & Metaphysicam. Hoc triplex genus coniunxit Arist. in 1. de anim. t. cap. 17. Dicamus, inquit, quod ille, qui intendit considerare de passionibus materiæ non abstractis ab ea, secundum quod sunt abstractæ, est naturalis. Ea autem quæ sunt
non

non abstractam rei veritate, sed sunt passion-
 nes corporis, & secundum abstractionem, in-
 tendit Mathematicus. Ea autem quæ sunt ab-
 stracta in rei veritati intendit primus Philoso-
 phus.

Abstractio Physica est, abstractio rei à mate-
 ria singulari & non à materia universali. Nam
 unâ ex parte, Physicus totus in rebus materia-
 libus est, considerat enim res quæ dependent à
 materia secundum esse & intellectum. Quem-
 admodum in definitione etiam non solam for-
 mam adsumit, sed formam corrogat cum ma-
 teria, & ex utriusque coniunctione definit, ut
 eleganter disputat Themist. 1. de anima cap.
 9. Altera vero ex parte non potest scientiam
 habere de iis, quæ sunt in materia signata seu
 singulari: ea enim quum sint quotidianis cor-
 ruptionibus obnoxia, scientiam facere neque-
 unt. Abstrahendo ergo à materia singulari de
 universali materia differit: ut de materialibus
 differendo, scientia incorruptibilitatem simul
 obrineat.

Nam ita materia communis docet ratio-
 nem, qua materialia ab immaterialibus sunt
 discreta: Universalitas vero perpetuitatem lar-
 gitur. Tamen enim universalis sunt corruptibi-
 lia per accidens, quod corruptis singularibus
 ipsa definunt esse: quod apud Arist. docetur
 his verbis in Categ. cap. de substantia, sublatis
 substantiis primis, nihil remanet reliquorum.
 De se tamen incorruptibilia sunt & in eo-
 dem statu semper permanent. Ac ita Physicus
 à materia singulari dicitur abstrahere quia non
 in hoc & illo individuo cognoscendo versa-
 tur: non tamen abstrahit à materia Univer-
 sali

fali, quia eam in definiendo assumit. Hoc docuit Thomas 1. pag. quæst. 85. art. 1. ad 4. Intellectus, inquit, abstrahit speciem rei naturalis à materia sensibili individuali: non à materia sensibili communi. Sicut speciem hominis abstrahit ab his carnib. & his ossib. quæ non sunt de ratione speciei: sed sunt partes individui, & ideo sine eis considerari potest: sed species hominis non potest abstrahi per intellectum à carnib. & ossibus.

Abtractio Mathematica est abtractio quæ res sola ratione, hoc est, definitione abstrahitur à materia omni sensibili tam individua & signata, quam etiam communi. Ea Mathematico attribuitur, qui quia in definitione materiam mentionem non facit, abstrahere ab ea dicitur, verum sola ratione abstrahere, quia de rebus iis agit, quæ actu semper existunt in materia. Nam Triangulum considerat, non considerando corpus in quo sit: & definit figuram tribus angulis comprehensam.

21. Hic vero dubium est, an Mathematica abstrahat tantum à materia sensibili, an vero etiam à materia intelligibili.

In hac quæstione unum est, in quo omnes conveniunt, quo scil. duplicem esse materiam, unam sensibilem alteram intelligibilem. Materiam sensibilem esse Physicæ propriam: materiam vero intelligibilem in res Mathematicas cadere. Nam hoc docuit. Ar. 7. Metaph. 1. c. 25. Quædam materia, inquit, est sensibilis, & quædam intelligibilis. Sensibilis ut cuprum, & lignum, & omnia quæ moventur. Materia intelligibilis est illud, quod est in sensibilibus, non secundum quod sunt sensibilia, ut Mathematica. Alterum est in quo disconveniunt: quæ-

quænam sit ea materia intelligibilis, quæ rebus Mathematicis propria est. Hic Thomæ sententia est, 1. p. q. 15. c. art. 2. Materiam intelligibilem esse materiam, secundum quod subiacet quantitati, abstractam ab omni qualitate. Quum enim quantitas prius insit materiæ, quam qualitates, posse figuras & dimensiones considerari absque qualitatibus sensibilibus, & hoc esse, eas abstrahi à materia sensibili. Ac hanc sensibilem materiam (huic intelligibili oppositam) definit materiam secundum quod subiacet qualitatibus sensibilibus, ut calido, humido, &c. Quam eandem sententiam docuit subtiliss. Duns in 6. Metaph. q. 1. sect. ad primum argumentum.

Aliorum ea in re contraria est sententia, qui ex Arist. in 12. Metaph. t. c. 44. omnem substantialem materiam denegant Mathematicis, Nam præter Astronomiam nullam aliam Mathematicarum scientiarum considerare substantiam. Aliam ergo materiam tribuunt Mathematicis, asserentes eam continuam esse, & partes. Eam sententiam è recentioribus docuit Piccol. de prima Mat. lib. 3. cap. 32.

22. In hac controversia explicanda, Arist. sententia notanda est, quam docet 7. Metaph. t. c. 35. & 8. Met. t. c. 35. nam his duobus locis materiam in sensibilem & intelligibilem dividit, illam Physicis, hanc Mathematicis tribuendo.

In priori loco principalem quæstionem enodandam sibi proponit, quæ est, num omnes definitiones partium rei sint partes definitionis: altera, quæ est de prioritare totius & partium, huius occasione nata est. Eam solvit, ponendo duo partium genera: partes scil. formales,

males, & partes, materiales, Formales partes vocat Averr. partes qualitatis, materiales partes quantitatis. Partes formales docet ingredi definitionem totius: ast non partes materiales. Rem explicat exemplo. Ita in definitione circuli non poni partes circuli: sed in definitione Syllabæ poni literas seu elementa. Nam elementa inquit, rationis partes sunt formæ, partes vero circuli sunt partes tanquam materia. Verum quia partes circuli dixerat esse extra rationem circuli, iam dubium nascitur non eadem plane ratione, partes semicirculi sint extra rationem circuli, quomodo æs est extra rationem circuli facti in ære. Ad quod respondet, partes circuli esse propinquiores formæ circuli quam æs: nam semicirculos esse partes necessarias, sine quibus circulus esse non possit, at vero sine ære vel ferro esse posse. Et hinc materiam dividit in sensibilem, & intelligibilem. Illam dicendo, æs, cuprum: intelligibilem vero quæ in sensibilibus existit, non prout sensibilia, ut puta ipsa mathematica. Vide Averroen dicto loco comm. 34, 35.

Posteriori loco (qui est 8. Metaphys. t. c. 15.) quærit de unitate definitionis. Et respondet esse in ea unum, quia una partium induit rationem potentiæ, altera vero rationem actus. Ac quia hoc dubium poterat esse in Mathematicis, docet hoc iis cum rebus naturalibus esse commune: nam duplicem esse materiam, quandam intelligibilem, quandam sensibilem. Et semper in definitione unum sustinere rationem materiæ, alterum actus. Docent hoc exemplo: nam circulus definitur esse figura plana. Hic (inquit Averr. ad textum) figura est quasi materia, & plana quasi forma.

23. E quibus nos hæc sequentia deducimus:
 1. Materia rerum Mathematicarum duplex est: Una non necessaria, alia necessaria. 2. Materia non necessaria est sine qua res Mathematica & esse & intelligi potest, ut sunt cuprum, ferrum. 3. Materia necessaria duplex est: Una est extra rationem definitionis, alia ingreditur definitionis rationem. 4. Materia quæ est extra rationem definitionis ea est, quæ obtinet rationem partium materialium quantitativarum, ut sunt semicirculi, & sectiones respectu circuli. 5. Materia quæ in rationem definitionis ingreditur ea est, quæ in definitione rei Mathematicæ potentia rationem obtinet. Quomodo in definitione circuli Figura eorum q. materia ratione plani, quod loco formæ vel actûs ponitur. 6. Materiam non necessariam Aristoteles vocat sensibilem. Ab ea planè abstrahit Mathematicus; nam sine ea & esse & intelligi potest res Mathematica. 7. Materiam necessariam vocat materiam intelligibilem, tam eam quæ extra rationem definitionis est. 7. Metaphys. t. 35. quam quæ in definitionem ingreditur. 8. Metaphys. t. 15. 8. propriè ergò per materiam intelligibilem Arist. non intelligit substantiam separatam à qualitatibus sensibilibus, sed partes rei Mathematicæ necessarias. Et ita Arist. intelligit in his locis Joh. Versoris 7. Metaphys. quæst. 8. not. 3. & 8. Metaphys. quæst. 4. concl. 2. Hanc sententiam expressit Arist. 3. de anim. t. 11. Et etiam, inquit, in rebus existentibus in mathesi, rectum est sicut finitas: est enim cum quanto continuo: secundum autem esse, esse recti aliud est ab eo. Hic distinguit esse rectitudinis, ab esse continuitatis, ut esse formale, ab esse materiali, continuum

tium in recto materiam dicendo. 9. Nihilominus secundo subjectum abstractum à qualitatibus sensibilibus etiam potest dici materia intelligibilis: materia, quia hoc subjectum est, sine quo existere non potest res Mathematica, materia scil. quam vocant materiam in qua. Materia verò intelligibilis, quia prior qualitate omni sensibili est. 10. Nec huic sententiæ repugnat, quod apud Aristot. in 12. Metaphys. tex. 44. scriptum est: quod præter Astrologiam ceteræ disciplinæ Mathematicæ de nulla substantia sunt. Verba Aristot. sunt: Astrologia de substantia sensibili quidem, at sempiternam speculatur; ceteræ verò (scientiarum Mathematicarum) de nulla quidem substantia, veluti quæ circa numeros, atque quæ circa Geometriam. Quo loco Arist. non videtur ita communem planè substantiam excludere à Mathematicis, ut materia intelligibilis, quæ est substantia sejuncta à qualitatibus, materia remota seu subjectum in Geometricis dici non possit. Sed eam tantum substantiam, quam dixerat, substantiam scil. sensibilem, & eam substantiam, quæ Astrologiæ est, sempiternam, cælum nimirum. Quæ sententia non absurdè è 2. Phys. cont. 19. & 20. colligi posse videtur. Ac hæc pro conciliatione diversarum sententiarum de abstractione Mathematica, ut probabiliter dicta, accipiantur.

24. Abstractio Metaphysica est abstractio re & ratione à materia. Et ita dicitur, quia nec ad esse, nec ad essentiam, hoc est, nec ad definitionem, nec ad existentiam sui requirit materiam. Hæc ea est, quam huius c. n. 4. abstractionem rerum immaterialium dicebamus, de qua fusè eo loco egimus.

25. Usus huius distinctionis ponunt in scientiarum speculativarum limitibus sejungendis, triplex speculativæ disciplinæ genus propriæ abstractioni à materia ponentes; ut Physica ponatur iuxta abstractionem à materia signata, Mathesis iuxta abstractionem ratione à materia, Metaphysica per abstractionem re & ratione à materia, ut docet Avic, Logicæ suæ part. 1. c. 1. & Thom. opusc. 70. quod est super Boëtium de Trin. q. 5. art. 1. De qua re quid sentiam, ita alicubi disputavi.

26. Quænam sit ratio divisionis Philosophiæ Theoricæ in Metaphysicam, Physicam & Mathematicam?

Communis est sententia divisionem Philosophiæ desumi è diversitate abstractionis rerum à materia, ut Metaphysica versetur in rebus re & ratione abstractis à materia: Mathematica in rebus ratione à materia abstractis; Physica in rebus abstractis à materia singulari seu signata, non tamen à materia seu communi universali? Et eam sententiam egregiè commendat nobis Thomas opusc. 70. quæst. 5. art. 1. & videtur multo antè fuisse approbata ab Avicennâ. Log. part. 1. cap. Rem, quia aliquanto subtilius proponit Thomas, eam ex eius opinione explicabimus. Scientias distingui è distinctione obiectorum omnibus jam notum est. Verum non quolibet obiecti distinctio infert distinctionem disciplinarum: sed ea tantum, quæ præcise è ratione obiecti dependet, seu quæ desumitur ex obiecto, quatenus est obiectum. Ea verò ratio obiecti duplex est: Una desumitur ex ordine ad intellectum, altera ex ordine ad scientias.

Obiectum ex ordine ad intellectum requirit ut sit immateriale; nam obiectum & potentia

tentia necessarium est, ut sint in proportionem quadam constituta: ea vero proportio est, quod non est immateriale. Nam intellectus immaterialis est, obiectum ergo ut sit immateriale, necesse esse videtur.

Ex ordine vero ad scientiam obiectum requirit, ut sit immobile & immutabile: quod enim sub scientiam cadit, necessarium esse debet, ut docetur apud Aristotelem, 1. post. cap. 4. Necessarium vero esse non potest, quod est motui & mutationi quotidianæ obnoxium. Immobile ergo & immutabile erit ex ordine ad scientiam obiectum; immateriale v. ex ordine ad intellectum.

Hoc ergo sensu intelligitur, quod ratio obiecti quatenus est obiectum, est posita in abstractione à motu & materiâ.

Triplex vero est ea abstractio, ut antè fuit dictum: triplex ergo scientia theórica pro obiectorum eorum diversitate.

Hac de re nostra hæc est sententia: Duobus modis scientiam & disciplinam posse dici unam: Uno modo unam secundum speciem, alio vero secundum aggregationem. Secundum speciem una esse dicitur, quæ unius speciei affectionis scientiam habet de subiecto per propria principia. Et hoc modo multiplicantur scientiæ pro diversitate demonstrationum & conclusionum. Nam unaquæque scientia suum habet proprium & adequatum subiectum & propriam causam, quæ nulli alii scientiæ potest esse adequata. Singulæ quoque demonstrationes suis limitibus secundum speciem circumscribi possunt. Secundum aggregationem vero ea scientia dicitur una, quæ tametsi plures specie inter se differen-

tes conclusiones complectitur, una tamen dicitur, quia inter plures eas conclusiones ordo quidam est & convenientia quædam in principiis ac modo considerandi. Et hoc modo diversæ specie demonstrationes & scientiæ concurrunt ad unam disciplinam constituentem, quatenus ordinem tantum habent ad unum aliquod subiectum, quod certo considerandi modo circumscribi potest. Hoc verò modo scientia una dici potest duobus modis: vel quod necessario ita sit, vel quod è placito & consensu authorum, qui in distinctis disciplinis erant excellentes. Priori modo valde mihi probatur Scoti sententia in 6. Metaphys. qu. 1. sect. post ergo longam inquisitionem: ubi docet, non posse haberi divisionis hujus Philosophiæ in tres partes seu scientias sufficientiam per rationem aliquam necessariam. Nam quum multa inquireret, quæ pro ejus veritate confirmanda facere videbantur, nihil tamen erat, quod suam non pateretur exceptionem. Et hoc modo si de proposita dividendi ratione juxta triplicem abstractionem, loqui velimus, non videtur ea sufficiens esse ad Philosophiæ divisionem probandam. Nam & ejus abstractionis quæ re & ratione abstrahit à materia diversitas quædam est, ut quædam abstrahant re & ratione secundum essentiam, quædam verò tantum secundum indifferentiam. Et pro hujus abstractionis diversitate alii multiplicant scientias, aliis quidem in duas partes, aliis verò in tres etiam partes seu diversas disciplinas Metaphysicam discescentibus, nec potest sufficienter ea sententia impugnari. Ita in abstractione eâ, quæ solâ ratione à materia abstrahit, cujusmodi Quantitati tribuitur,

non

non potest unitas unius disciplinæ poni; nam quantitas æquivocè dicitur sub hac abstractione de continua & discreta quantitate: quæ verò æquivoca sunt, eorum non potest esse unitas scientiæ. Et hujusmodi multa adduci possent. Ex quibus patet, quòd non possit ratio esse sufficiens ad ponendam triplicem scientiarum speciem. Sin posteriori modo intelligamus triplicem poni partem speculativæ pro triplici hac abstractione è placito potius & instituto authorum, ut essent limites certi, quibus scientiæ ab invicem discescerentur, jam facile assentior, disciplinarum utilitati & commodo inservire, ponere disciplinarum terminos, ut quæque separatim addisci possit sine alia, ne in confusa disciplinarum mixturâ ingenia confundantur. Ac hæc de Abstractione diximus.

CAPUT XI.

Quid sit Ens Increatum, & Creatum?

I.

ACTUM & potentiam consequuntur divisiones Entis: in Creatum, & Increatum; Ens à se, & ab alio; Ens necessarium, & possibile; Infinitum & Finitum; Independens & Dependens; Principium & Principiatum.

2. Hi termini considerantur, vel in Quid, vel in ordine inter se.

3. In quid dicimus hos terminos considerari, vel considerando quid nomen cujusque horum terminorum significet, vel expendendo eorum naturam in esse, proprietatibus, & speciebus. De singulis verò agemus.

4. Ens increatum illud dicimus, quod à nullo, alio à se, dependet in esse; quia ipsum à se ipso est ab æterno. Ejusmodi Ens solus Deus est.

5. Ens

5. Ens verò creatum est, quod de non esse ad esse progreditur.

6. Duplex verò in universum modus esse videtur, quo res à non esse ad esse procedunt: Alter è non præexistente materia est: alter verò è præexistente. Illum Creationem dicimus, hunc Generationem. Uterque verò ita se habet.

7. Creatio est productio entis è non præexistente materia, ab infinita virtute facta, ad speciem ordinata, ad individua terminata.

8. Productio est: non immanens ea. Suppositis enim producens & productum differunt. Productio est: non per transmutationem, ea enim cum conatu est, sed medio quodam modo facta, transiens scilicet per emanationem.

9. Transiens: est enim actio productiva termini alius ab agente, quæ ita definitur apud Nicol. de Orbello in 1. sentent. dict. 3. quæst. 8. & Const. Sarnanum direct. Theol. mihi p. 61.

10. E non præexistente materia, hoc est è nihilo. E nihilo enim dicimus, non ut è materia, sed ut à non termino subjectivo ad terminum realem: ordo potius est, quàm materia, ut docemur apud Thom. 1. p. quæ. 45. art. 1. ad 3. & Lambertum de Monte Domini 1 Phys. t. 40.

11. Itaque motus creatio non est: non enim cum successione est, quia non est subjectum, in quo fit successio. Actus, inquit Piccol. 1. de creat. c. 1. Creatio est: est actus perfectus simul & totus: actus imperfectus motus; est enim in fieri iuxta prævias dispositiones per successionem ad terminum ad quem.

12. Nihil tamen impedit, quò minùs mutationem eam dicamus: non quòd facta sit per reductionem è potentia materiæ: sed ut procedit de esse objectivo tantùm ad esse extra, & prout quod
ante

antè tantùm esse poterat, hoc per creationem.

13 Estque ab infinita virtute facta: non enim proportio est inter terminum à quo, & terminum ad quem, Ens scilicet & Nihil seu non Ens: nec igitur proportionata actio finita, Creat igitur nisi Deus, infinitæ enim virtutis, Virtutis, inquam, infinitæ: quia virtutis universalissimæ. Oportet verò, ut est apud Thom. universaliores operationes, ad universalissimam causam reducere: universalissimus actus creatio est. Vnius igitur Dei. Vide Scal. 6. Poët. c. 4.

Hoc elegantissimis verbis expressit Tertull. in Apolog. cap. 17. Quod colimus & nos, inquit, Deus unus est, qui totam molem istam cum omni instrumento elementorum, corporum, spirituum, verbo quo iussit, ratione quâ disposuit, virtute quâ potuit, de nihilo expressit in ornamentum majestatis suæ, unde & Græci nomen mundo xóμω accommodaverunt.

14 Ad speciem ordinata: quia ad mundi perfectionem. Ea verò non in individuis, sed in speciebus est: individua secundario mundum perficiunt, quia in iis specierum perfectio, ut sint: species principaliter, quia ad speciei interitum mundi interitus est, nulla mundi imperfectio ex individuorum interitu. Ad speciem igitur creatio, quia ad mundi perfectionem. Vide Tho. 1. p. q. 23. art. 7.

15 Ad individua terminata: actionis enim terminus singularis est Arist. 1. Meta. cap. 1. Sunt certe non nisi in individuis species, ac in iis solis conservantur: non quòd specierum esse ab individuis sit, sed quòd existentia speciei nō est, nisi in individuis, ut patet per Arist. in Categ. cap. de substantia.

16 Creatio consideratur, vel ut activa, vel ut passiva, ut docetur apud Lambertum de monte Domini 1. Phys. t. 40. Activa dicitur, non ut

agens

agens ipsa, sed ut agentem causam denotat: nec passiva, quòd patiaturs ipsa, sed prout ad terminum, qui fit, ordinatur. Itaque creatio activa nihil aliud est, quàm potentia Dei creans: passiva verò creatura creatione producta, ut nobis videtur, ea probabilior sententia, salvo interim doctiorum ea in re iudicio.

17 Itaque creatio relatio est: dicit enim actionem Dei referentem sese ad creaturas. Non tamen pura realis relatio: in Deo enim de novo per creationem nihil est, quod eum faciat vel alium, vel alio modo secundum rem sese habentem: rationis igitur. In creaturis verò alietas est, quæ enim non erant, post sunt: in iis itaque relatio realis est. Mixta igitur, ut colligitur è subtilissimo Duns 1. sent. d. 8. q. 2. sect. hinc sunt dux opiniones.

18 E dictis verum esse patet, quod est apud subtilissimum Duns in 2. sent. d. 18. sect. hinc videndum est: Creationem esse productionem, quæ excludit præter causalitatem Dei omnem causalitatem, & causæ materialis, & formalis, & efficientis creati.

19 Et hæc quidem Creatio simpliciter ita dicta est, quam & immediatam vocant. Mediata vero creatio est, quando Deus virtute sua ex materia quidem, sed per naturam in dispositâ, aliquod opus producit: quomodo ex aqua & terra viventia omnia condidit. Vide Tertull. adversus Hermogenem. Tantum de Creatione: sequitur de Generatione.

20 Generatio est mutatio totius, nullo subiecto sensibili remanente, ut eodem. Definitio Arist. est in lib. de Ort. & Int.

21 Mutatio est: non improprie dicta, sed proprie. Est enim in subiecto mutabili, quod de privatione ad formam transit, ut habetur apud Ni-

c. de Orbel. in 1. d. 5. q. 2. Motus tamen proprius non est, nisi cum prævis alterationibus accipitur: Est enim actio indivisibilis, non enim nullo momento forma indivisibilis introducitur; est motus omnis divisionem patitur, ut est apud Arist. in Phys.

22 Est mutatio totius: hoc enim substantiæ proprium est, ut habetur apud subtiliss. Dunsin 2. sent. d. 12. q. 1. sect. hic dicit una opinio, ut quemadmodum in iis totum propriè est, in accidentibus tantum secundum quid, ita totius propriè sit generatio, alteratio que in accidentibus fit, non sit nisi totius secundum quid.

23 Dextre tamen intelligendum est, generationem esse mutationem totius: accipendum enim non categorematicè, ut loquuntur, hac est, de quavis parte, quod generetur; sed syncategorematicè, hoc est, de toto, ut collective accepto, supponit enim generatio materiam, non generaturas, et secundum plurimorum sententiam, anima humana non generatur, sed creatur. Totius tamen generatio est, eò quod per generationem fit primum unio et conjunctio. Quemadmodum dicimus, totum hominem mori, eò quod totius sit dissolutio, cuius tamen singulæ partes remanent.

24 Nullo subjecto sensibili remanente ut eodem: non quod subjectum generationis destruitur, est enim materia, quam cum Scot. ex 6. in generabilem et incorruptibilem facimus, eam itaque essentia, quam Entitativam vocant, eadem semper est: nec per generationem destrui potest. Et sensui adversatur, non remanere idem sensibile subjectum: per corruptionem enim hominis generatur cadaver, remanente eadem materia et iisdem accidentibus. Sed intelligendum de subjecto ut eodem secundum esse specificum, ut scilicet non

non tollatur Quod est, sed Quo est: corpus verbi gratia, humanum quod erat, fiat cadaver, corpus nimirum diversæ speciei, à corpore humano.

25 Hinc jam sequitur, verum esse quod Arist. scribit in 1. de Gener. tex. 17. Unius corruptionem esse alterius generationem, & contra: quod si enim per generationem est mutatio totius, non tamen totaliter accepti, hoc enim annihilare dicimus; nec tamen subiectum remanet idem: ergo semper per generationem fit aliquid, quod est diversæ speciei à priori. Non enim fit non species; quia natura non potest annihilare: nec remanet eadem species, non enim idem sensibile subiectum, ut idem: diversa ergo species, quæ cum in necessaria concomitantia sit, perpetuitatem generationis & corruptionis mutam inducit.

26 Hinc porro sequitur, si accuratius agamus: Generationem & corruptionem, eundem numero esse motum: quia non per alium & alium actum est generatio & corruptio, sed per eundem omnino, ut quæ actio inducit hominis corruptionem, eadem inducat cadaveris generationem.

27 Itaque hæc: Generatio est corruptio, non tantum est vera secundum concomitantiam, ut loquuntur: sed & secundum formalem sensum. Non enim effective, Generatio unius est corruptio alterius, sed formaliter: quemadmodum formaliter per corruptionem caloris gignitur frigus. Qua de re vide eleganter differentem Zabar. in lib. de gen. & interitu.

28 Porro generatio alia est univoca, alia equivoca. Equivocam eam dicimus, quæ dissimilia specie ac formâ producuntur, ut quando Sol ranam producit. Univocam eam quæ eadem species generatur: eaque immediata est, vel mediata. Immediatam eam dicimus, quæ quid per sui ipsius

promotionem sibi idem specie generat, ignis verbi gratia ignem. Mediatam, quando mediante semine, ut homo hominem beneficio seminis. Atque hæc breviter etiam de Generatione dicta sufficiant. At hæc doctrina de Generatione Physici propria est: quoniam verò utramque doctrinam de Creatione & Generatione Steinsfurti aliquando (5. die Decem. anno 1608.) publicè conjunctim defendi, omittere alteram partem nolui.

COMMENTARIUS.

Elegantissima sunt verba subtiliss. Duns in initio Quodlibetorum: rem prima sui divisione posse dividi in rem creatam & incretam, sive in rem à se, & in rem ab alio habentem esse, sive in rem necessariam & possibilem, sive in rem finitam & infinitam. Quibus quidem verbis duo voluit innuere Scotus: alterum est immedietas, ut ita loquar, alterum identitas. Immedietatem puto, quando dicit esse primam Entis divisionem: identitatem vero, quatenus unam hanc Entis divisionem variis nominibus voluit exprimere: quæ quanquam secundum nos diversitatem quandam habere videntur, secundum rem tamen idem simpliciter dicunt. In immedietate comprehensa ratio modorum intrinsecorum est: hi enim ejus naturæ sunt, ut ita connectantur cum eo, cuius modi sunt, ut non videantur rem per modum attributorum propriè dictorum attingere, ut colligi potest e. 1. sent. d. 3. Scoti, sed proprius ad ipsius rei naturam accedere, tametsi ipsum primum rei momentum, seu prima perfectio non sint. Ea itaque de causa duo circa dictam divisionem agemus: 1. Ipsos terminos explicabimus. 2. ordinem horum terminorum considerabimus.

Ac primo quidem dicemus, quid sit increatum & creatum. Increatum tribus modis cognoscere possumus, secundum Dionys. in 4. de nominibus, ut est apud Antoninum 1. p. sum. maj. tit. 13. c. 2. §. 5. 1. in ratione virtualis contingentiz. 2. in ratione actualis efficientiz. 3. in ratione finalis concupiscentiz. Ac in ratione virtualis contingentiz quidem: quatenus est communis mens omnium producendorum, seu habet in se exemplaria & ideas creandorum: sui vero creandi Ideam non habet, sed absolutè in se actu omnes virtutes eminentissimo modo continet. Sunt vero hæ ideæ nihil aliud, quam divina essentia, secundum quod imitari potest ipsam aliquod creatum. Eo itaque modo cognoscimus increatum, ut in se continens omnia, ut ipsum à nullo alio contineatur. In ratione vero actualis efficientiz per modum independentis causalitatis. Is enim ordo rerū est, ut in causis essentialiter subordinatis in infinitum procedere nequeamus, sed demum ad aliquod ultimum deveniamus, quod unum ultimum independentens Increatum dicemus, ut dependentia omnia creata, ut hoc ipsum ex Arist. 8. Phys. & 12. Metaph. deductum videmus in centilogio Wilh. Occami. In ratione vero finalis concupiscentiz, quatenus cum ferimur ad aliquod per se & ex se desiderabile, ad aliud de se non ordinatū; non possumus nos continere in creatis, sed ad aliquod creatis superius necessario appetitum nostrum conferimus. Quod ut melius intelligatur, sciendum, quod finis dupliciter dicitur: nimirum gratiā cuius, & quo. De fine cuius si dicamus, quatenus in eo boni aliqua ratio reperitur, sic omnia conveniunt in ultimo fine, qui Deus est. Est quippe Deus prima omnis bo-

ni mensura, & quatenus mensurabile habet aptitudinem ad mensuram, sequitur omnino, quod finalis concupiscentia in primo illo bono terminetur, quod bonum increatum dicimus, quoniam mensura ipsum est, mensurabile nunquam. Aliàs si finis nomine velimus intelligere finem. Quò, quatenus non omnes omnia afficiuntur, hunc ipsum finem cognoscendo & amando, non necessarium est, ut finalis concupiscentia eo modo ad primum illud bonum in dependens sese referat. Ac è dictis innotescit nobis, increatum illud esse, quod in se habet negationem omnis dependentiæ, sed ordinatum est ad hoc, ut omnia ab ipso dependeant. Entis verò creati cognitio indiget cognitione triplicis dependentiæ a primo, scilicet exemplari, efficienti, & fine, ut est traditum apud Fons. 4. Met. cap. 2. q. 1. s. 7. eà scilicet ratione, ut quod opus habet conformatione ad aliud, quod eget causa à qua sit, & quod à se ipso terminari non potest, hoc omne Ens creatum dicamus. Ejusmodi verò omnia ea sunt, quæ sunt alia ab ipso primo Ente Deo nimirum, Omnia n. habent imitabilitatem, ut ita loquar, ad ipsam essentiam divinam, quæ eorum causa exemplaris est: & cum horum nihil à se ipso sit, causa alia opus habent, à qua sint, & cum non sint sui ipsius gratia, sed operentur ad maiorem perfectionem obtinendam, manifestum certè est, quod cum Ente increato eandem naturam non obtineant. Quod ut fiat clarius, per certa membra diducemus, quomodo exemplar Entis increati participant, quomodo à primo efficiente sint, & quomodo in eo tanquam in fine terminentur.

Atque ad exemplar quidem quod attinet ponimus hoc ipsum juxta potentiam obiectivam rerum:

rerum: quatenus sunt possibiles fieri secundum hanc formam. Ens enim increatum, non habet potestatem fieri, nec habet sui exemplar: est enim exemplar propter agens, quatenus illud ipsum nihil aliud esse dicimus, quam formam, per quam agens operatur. Creatura verò quatenus habent potestatem ad fieri, requirunt etiam exemplar, iuxta quod sunt secundum hanc formam in specie. Et hoc exemplar etsi quoad nostrum concipiendi modum ad cognitionem & scientiam non conferat, quoniam eius ipsius cognitionem intuitivam habemus nullam, ac rem æquè in universali conciperemus, si eiusmodi exemplar daretur nullum: de se tamen & in se res habet ad ipsam dependentiam, quoniam distinctio ipsarum rerum specifica à priori, dependet ab exemplari: ut enim res hæc non sit eiusdem speciei cum illa, causa est, quia hæc habet distinctum exemplar ab illa. Egimus verò de Idea fusiùs Antidoti nostri lib. 2. cap. 22.

Finis vero dependentia manifesta est juxta conclus. 4. subtiliss. Duns, quam ponit in libel. de primo principio cap. 2. Quod non est finitum, non est effectum. Ratio conclusionis est: cum enim quicquid per se fit, temerè non fiat, necessarium est, ut fiat cum intentione finis: unde est illud Arist. 2. Phys. text. 49. 61. 75. agens per se, omne agit propter finem, quia nullum frustra. Cum vero creatorum nihil per accidens, casu vel fortuna exstiterit, requirunt omnino ut à fine dependentiam habeant. Hæc vero dependentia finalis in iis, quæ sunt infra hominem manifestè terminatur ad hominem, iuxta quod apud Scalig. disputatum est exere. 260. quod omnia propter hominem facta sunt: Homo verò propter Deum est. E qua mutua rerum inter

se connexione clarum est, quod omnium creatorum finalis dependentia sit ad aliquod primum, quod propter se est, non propter aliud; alia vero omnia propter ipsum. Atque ita ab increato in ratione finis dependere dicuntur. Quum enim quod non est effectum, non sit finitum, ut habetur in dicto cap. 2. libelli de primo principio Joh. Duns; creata omnia in ratione finali ab increato dependeant oportet, ut ab eodem effectivè sint. Finis enim de se non est, nisi sit agens, quod intendat finem, & propter eundem operetur. Quod itaque non habet agens à quo fiat, idem nec finem propter quem ab agente fiat. Quæ ergo habent finem, necesse ut habeant agens, quod ea sub ratione finis eligat. Creata verò omnia ab increato in ratione causæ efficientis dependeant necesse est. Hæc vero ratio effectiva non tantum terminatur ad fieri, sed etiam ad esse. Et si enim in particularibus, causis ita se habeat, ut docente Scalig. exer. 28. non sit necessarium efficientes particulares simul cum suis effectibus perpetuari, sed tunc hæc tantum cum efficiunt: prima tamen causa universalis, tam ad fieri, quam ad esse, & perpetuationem seu conservationem ipsius esse requiritur. Solum primum efficiens, quia xvi dominus, effectus suos comitatur: juxta quod dicimus, quod in ipso sumus, vivamus & moveamur.

CAPUT XII.

De Divisione Entis à se, & ab alio.

I.

ENs vel à se vel alio est.

2. *Ens a se illud dicimus, quod non habet ordinem ad aliud à quo fit.*

3. *Ens*

3. *Ens ab alio est, quod est ex ordine, secundum quem respicit prius, à quo dependet in esse.*

COMMENTARIUS.

GRAVISSIMUS autor Seneca in exhortationibus suis, ut est apud Lactantium lib. 1. de falsa religione cap. 7. gravissimis verbis exclamat: nos aliunde pendemus. Itaque ad aliquem perspicimus, cui quod est optimum in nobis debeamus, alius nos edidit, alius nos instruxit: Deus ipse solus à seipso est. In quibus verbis duo notanda veniunt: alterum est, aliud Ens esse à se, aliud ab alio: alterum modus secundum quem illud Ens à se, & hoc est ab alio. Primum innuitur in hisce verbis aliunde, & ipse à seipso. Posterius in his: nos pendemus, Deus ipse à se est. Circa primum sciendum, quod A vel A B quandoque latius accipitur, quandoque vero strictius. Latius accipitur in genere, pro quacunque habitudine principiantis ad principiatum: quomodo Tho. in opusc. 9. quod est responsio ad M. Johannem de Vercellis q. 20. dicit, essentia divina in filio est à patre: scilicet per rationem originis, quemadmodum innuit August. in lib. de triplici habitaculo cap. 6. ut est apud Constant. Sarnanum in direct. Theol. quando dicit, quod in patria videbimus, quod pater est prior origine filio, nam ubicunque est hoc, ab hoc, illud à quo est, hoc est prius origine, & illud quod est ab eo, est posterius: sed in divinis Pater & Filius sic se habent, ut Filius sit à Patre. Strictius vero accipitur, quando A vel A B designat tantum habitudinem principii effectivi, ut est apud Thom. in 1. distin.

32. quæst. 2. art. 2. Priori significatione non accipimus hoc loco à se, ab alio : diximus enim quod divisio habeat identitatem, cum proxime præcedente in Ens increatum & creatum : at Filius qui est à Patre, non est Ens creatum, sed æque increatum ac Pater. Sed posteriori significatione in divinis ad intra non est à vel ab, sed tantum in operibus ad extra, hoc est, à divinis effective dependent creaturæ. Ea ergo ratione explicandum est, quid sit esse à se & esse ab alio. Dicendum vero, quod esse à se negat dependentiam alicujus ab aliquo effectivam, hoc est, esse à se negat requirere aliquid ad sui esse, à quo quoquo modo sit, principaliter tamen negat principium effectivum. Itaque quando Ens dicitur à se, non additur Enti quid positivum: nihil enim additur enti, qua Ens, per hoc quod a se sit, quo formaliter & positive constituatur, sed tantum negatur esse ab alio : & hæc negatio, non est privativa, quia in hoc Ente a se non est aliqua aptitudo ad esse ab alio, sed est pura negatio, quatenus repugnat Deum esse ab alio. Esse vero ab alio addit Enti aliquem respectum : dicit enim esse Ens, quod supponat seu ante se requirat aliud Ens cum habitudine ea, ut ab eo habeat dependentiam. Ideoque additur Enti modus aliquis realis positivus, isque non absolutus, sed respectivus ad Ens a se.

Circa secundum, dubius est modus, quomodo Deus sit a se, res creata ab alio. Fran. Suarez. in disp. 28. sect. 1. nu. 7. reprehendit Lactantium, quod dicat Deum ex tempore se fecisse. Error certe in se gravis, verum injuriam facere Lactantio videtur Suarez. Verba Lactantii in 1. de falsa relig. sunt hæc: retrahere se, inquit, homines ab erroribus & abjectis religionibus,

nibus, cujus nec virtus existimari potest, nec magnitudo perspicui, nec principium comprehendendi, cum ad illum humanæ mentis intentio & acumen, & memoria pervenerit, quæ si subactis, & consummatis omnibus suis subsistit, læret, deficit, nec est aliquid ulterius, quo progredi possit. Verum quia fieri non potest, quia id, quod sit, aliquando esse cœpit, consequens est, ut quoniam nihil ante illum fuit, ipse ante omnia ex seipso procreatus sit, unde ab Apolline *αὐτογενής* à Sibylla *αὐτογενής, ἀγέννητος, & ἀμώνητος*, nominatur. In quibus verbis duo innuit: primo negationem principii omnis, & secundo negationem principii post aliquod eorum, quæ facta sunt. Prius in confesso est, per rationem ordinis, quia necessario ad unum primum devenimus, nisi in infinitum progredi velimus, quod dicamus principium sine principio, hoc est, esse sibi ipsimet naturam, seipso esse genitum, respuere omnem generationem, seipso esse factum. Posterius vero etiam patet ex connexionem cum antecedentibus, dicit enim principium Dei non posse comprehendendi, dicit, ipsum ante omnia ex seipso procreatum. Non ergo in tempore, quoniam partim omne principium secundum tempus est comprehensibile, partim etiam tempus ex ipso primo mobili metimur; at cum ipse ante omnia sit & dicatur, ipsius generationis durationem a primo mobili metiri non possumus. Ergo nec è tempore. At dicit, aliquando cœpisse. Respondeo, quod hoc intelligendum quoad nostrum concipiendi modum, nos enim metimur æternitatem & æviternitatem è coexistentia, antecedentia, & consequentia ipsius temporis, quoniam non nisi ad tempus vel concipere, vel mensurare æternitatem.

tem possumus: quomodo. & 2. Psal. dicitur: hodie genui te, ubi tempus definitum propter conceptum nostrum pro æternitate ponitur. Itaque ex his non videtur dicendum, quod Lactantius metiatur esse Dei à se secundum tempus: ita ut in tempore à se factus dicatur. Modus ergo Dei esse à se, est excludere omne principium tam effectivum, quam etiam durationis.

Esse vero ab alio duplici modo potest intelligi: vel formaliter, & ita nullum est Ens ab alio, sed quodque seipso per suam formam est in hac specie: vel effective, & ita creata omnia sunt ab alio. Hoc vero modo omnia ab alio intelliguntur: vel quoad speciem, vel quoad numerum. Quoad speciem omnia immediate sunt à Deo: dependent enim species a Deo per creationem: quoad numerum vero immaterialia pendent etiam immediate a Deo. Verum materialia mediate, mediante scil. generatione, hæc enim ad momentum terminatur. Ac hoc modo intelligendum, quod Ens vel sit a se, vel ab alio.

C A P V T. XIII.

De Necessario & Contingenti.

I:

ENs est vel Necessarium, vel contingens.

2. Necessarium est, quod aliter esse non potest.

3. Ejusmodi est, quod actum purum habet, exclusa omni potentia ad essendum. Ita solus Deus est necessarium Ens.

4. Necessarium vero est vel simpliciter, vel secundum quid.

5. Ne-

5. *Necessarium simpliciter est, cui repugnat vel non esse, vel aliter esse. Ita vero est quod per omnia sibi omnino sufficit, & quod secum omni ratione convenit, ut Deus.*

6. *Necessarium secundum quid est, vel sufficientiæ, vel deficientiæ, vel disconvenientiæ Bonavent. in 1. d. 6. 1. n. 5.*

7. *Necessitas sufficientiæ est, quando aliquid ex omnibus causis ad effectum concurrentibus productionem habet necessariam: hæc est necessitas causa Physicæ.*

8. *Necessitas ratione deficientiæ: est vel indigentæ, vel inevitabilitatis.*

9. *Necessitas ratione indigentæ est, quando aliquid ad sui conservationem quibusdam indiget, quibus deficientibus deficit & ipsum, ita cibus & potus necessarius est.*

10. *Necessitas inevitabilitatis est, necessaria quedam consequentia ex defectu ortum habens, ut mors.*

11. *Necessitas disconvenientiæ: aut est violentiæ, aut coactionis.*

12. *Necessitas violentiæ, quando aliquid contra naturam agitur: necessitas coactionis, quando aliquid fit contra voluntatem.*

13. *Contingens est, quod deficit à necessario: itaque aliter esse potest.*

14. *Contingens est vel absolute, vel mixtum.*

15. *Absolute contingens est, quod est indifferens ad esse & non esse, ut homini ambulare.*

16. *Mixtum contingens est, quod de necessario & absolute contingenti participat: cuiusmodi est, quod fit ut plurimum.*

17. *Et hinc Contingentium etiam quædam potest esse scientia.*

COMMENTARIUS.

Magnus usus hujus doctrinæ, tam in Philosophicis, quam in Theologicis est, idæque & hi termini accurate explicandi sunt. Et vero necessarium juxta Arist. 1. Post. cont. 194. quod non contingit aliter se habere, & explicatur ejus doctrina accurate secundum varium necessitatis modum Aristor. in 5. Metaphys. cont. 6. Solet autem fere tribus modis dividi necessitas: non modo pro diversitate causarum, ut alia sit necessitas secundum causam efficientem, alia materialis, alia formalis, alia vero finalis, ut videre est apud Bonavent. 3. Sent. secundo modo potest explicari juxta diversa principia, a quibus necessitas dependet, qua ratione idem Bonavent. in 1. Senten. dist. 6. quæst. 1. n. 5. metitur eam è principio disconvenientiæ, deficientiæ, & convenientiæ seu sufficientiæ. Tertio modo solet etiam explicari juxta modos absoluti & conditionalis.

Atque ad primum explicandi modum qui secundum causas est, quantum attinet, sciendum est, quod hic ipse modus non sit generalis, sed tantum dicat eam necessitatem, quæ est a priori aliquo eam necessario constituyente. Namque a causa efficiente & fine tanta nobis oritur necessitas, ut ea sufficiat ad demonstrationem conficiendam: è materia vero & forma, ut definitionis fines ea ipsa necessitate terminemus, a quo duplici instrumento, demonstratione & definitione, omnis omnino sciendi modus dependet.

Ad secundum necessitatis modum, peritum pro diversitate principii, sciendum, quod eam necessitatem è principio disconvenientiæ metiamur,

tiamur, quæ contra naturæ & intentionis pro-
pensionem oritur, quomodo è movente contra
voluntatem metimur coactionem. Deficientiæ
vero necessitas etiam duplex est: aut enim indi-
gentiæ, aut inevitabilitatis. Illa est, juxta quam
res aliqua nata est compleri, quomodo cibus &
potus sustentandæ hominum vitæ necessarius
est, eo quod sine eo deficit, quia eo ipso nata est
compleri natura. Inevitabilitatis vero necessitas
ea est, quæ oritur ratione defectus incurrentis,
quo sine res sustentari non potest, quomodo
mors dicit necessitatem inevitabilitatis, quoni-
am defectus ille, peccatum scil. mortem in no-
bis gignit.

Ratio vero necessitatis sufficientiæ est, vel ex
principio sufficiente in disponendo, aut in com-
plendo. Illa est necessitas materiæ dispositæ,
hæc vero immutabilitatis. Atque hæc immuta-
bilitatis ratio in Deum etiam cadit, & quidem
primario, juxta quod dicimus Deum esse, &
esse necessario cum Scalig. 11. de caus. ling. Lat.
cap. 116. seu in divinis esse necessitatem simpli-
citer dictam cum Zab. 1. Post. cont. 181. Et
eo modo etiam solent querere doctores Scho-
lastici, ut est videre apud subtil. Joh. Duns &
Fran. Maijronis in 1. sent. d. 6. An pater neces-
sario filium producat.

Juxta tertium modum dicimus, aliquid esse
absolute necessarium, possumus accipere dupli-
citer: uno modo, ut tantum independens dica-
mus esse absolute necessarium, quomodo solus
Deus dicitur habere absolutam necessitatem,
eo quod simpliciter & absolute se non potest
aliter habere. Aliquando vero possumus acci-
pere absolute necessarium, prout ex hypothesi,
hoc dicimus tantum esse necessarium, quod
non

non ponit de se causam, sed tantum causam præstituit. Et hoc modo necessitas absoluta, non tantum independens est, sed & dependens quatenus in re ipsa connexionem causarum ponit. Ex hypothesei verò quatenus non ponit causam esse in actu, sed tantum dicit, si esset causa, consequetur affectum. Priori modo strictius usurpatur vocabulum absolutæ necessitatis, ut tantum in divinis eam ipsam dicamus: quomodo dicimus Deum esse, & Deum esse bonum, infinitum, &c. necessario ita esse. Ac ita ex hypothesei necessarium esse dicitur, quod non simpliciter, sed ex alterius, aut multarum rerum positione, non potest aliter se habere: Et hoc modo necessarium ex hypothesei dicimus dupliciter: vel ex ratione divinæ præscientiæ, vel pro ratione servati ordinis naturalis. Illo modo quatenus Deus ita futurum præscivit, necessario ita sequitur esse. Notandum verò, quod præscientiam eo loco non intelligamus puram tantum notitiam: eo enim modo verum est, non res futuras, quia Deus scivit, sed Deum scire, quia res ita futuræ sunt: sed per præscientiam intelligitur notitia cum adjuncta dispositione: quando enim Deus res disponit, præscire eas dicitur, & hoc modo dicuntur res ex necessitate dependere divina præscientia, quatenus Deus eas ita disponit, ut ita sint. Pro ratione vero servati ordinis naturalis rem dicimus ex hypothesei necessariam, quatenus ordine naturæ stante & non impedito semper effectus hinc consequitur necessario, pro coordinatione earum rerum, quæ ad hunc effectum producendum sunt necessaria.

Ac hæc varia necessitatis ratio potest considerari dupliciter: vel ut est in rebus, vel ut venit

N
nit
cessi
inco
natu
ctus
fert
cau
plex
ter
seq
mu
ne
in
ne
ge
ex
no
A
ta
c
c

nit sub propositionem. Illo modo dicitur necessitas incomplexa, hoc modo complexa. Ac incomplexa illa dicitur, prout est in ipsa rei natura, non interveniente conceptu intellectus: complexa vero quatenus intellectus fertur super res, considerans connexionem causæ cum effectu suo. Ac complexa hæc duplex est: altera materiæ seu prædicationis, altera formæ seu illationis. Illa necessitas consequentis, hæc necessitas consequentiæ communi nomine dici solet. Necessitas pro ratione materiæ tantum est inter extrema necessario inter se per causam in rei natura copulata: necessitas vero formæ in materia etiam contingenti esse potest, quatenus hæc conclusio formæ ex his præmissis necessario colligitur. De qua necessitate formæ videri potest Arist. in Prior. Analyt. Summa: Quædam necessitas est immutabilitatis, quædam necessitas est existentia, quædam est inevitabilitatis, quædam indigentia, quædam violentia, quædam coactionis, quædam prædicationis, quædam illationis.

Docetur etiam apud Averroem. 2. Colliget cap. 8. alia quædam necessitatis distinctio. Res, inquit, quæ est necessaria per aliam, est duobus modis: Vnus est, ut sit essentia prima necessaria essentia ultimæ, sicut fuit intentio consimilium necessaria propter intentionem essentia officialium. Hoc est: prior necessitatis modus est, ut essentia prioris concurrat vel ad esse, vel ad operationem posterioris, ita ut posterior nec esse nec operari possit sine priori. Quomodo sanguis, (is enim est consimilibus seu homogeneis est) concurrat ad officialia seu heterogenea membra: heterogenea enim membra & augentur & operantur,

perantur, vi, auxilio & beneficio sanguinis. Alius est, ut non sit ex necessitate: sed est, quia meliora sunt duo quam unum, & significat nobilitatem in agente & patiente. Sic oculus datus est ob necessitatem videndi: duo vero dati sunt, non necessario ut videas, sed ob melius, melius enim est duos habere oculos, quam unum. Quem posterioremodum etiam notavit Antonius Scaynus, interpret Arist. doctissimus, in doctrina predicabilium. Quando enim queritur an doctrina predicabilium necessaria sit ad Organum Arist. docet eam non esse necessariam necessitate absoluta, sed necessitate commoditatis: seu ut sunt verba Averrois in fine commenti super predicabilia p. 1 p. eam non esse necessarium necessitate introductionis vel rememoracionis: quia necesse est scire cum vocabula predicabilium, quid significant, qui in organo vult commodè versari. Cujus responsionis fundamentum apud Porphyrium est in præfatione predicabilium: docet enim necessariam hanc doctrinam, ita ut sit utilis. Necessitatem innuit his verbis: Quum sit necessarium Chrysostomi. Quod sit necessitas secundum utilitatem seu commoditatem, innuit his: & ad definitionum assignationem, & omnino ad ea quæ in divisione vel demonstratione sunt *Utilia*. Et paulo post velut introductionis modo. Vide textum Porphyrii, & luculentius ea, quæ diximus, patebunt.

Huc reduci possunt modi ii quibus docetur aliquid facere ad aliud: nam & ea solemus dicere necessaria, quæ ad aliquid conferunt.

Aliud vero facit ad aliud dupliciter: vel essentialiter, vel dispositive & instrumentaliter.

Instrumentum duplex: necessitatis & commoditatis.

Instrumentum commoditatis confert, vel dispositione posita, vel privativa.

Hæc declarabimus latius. Dicimus: Aliquid facere ad aliud potest intelligi dupliciter: uno modo essentialiter, sicut id quod est essentia rei, vel pars essentia, sicut definitio vel partes definitionis. Alio modo dispositivè seu instrumentaliter, sicut id quod disponit ad hoc, ut sequatur aliquis effectus. & hoc sive ex parte agentis; sive ex parte passi dicitur facere seu operari ad illud instrumentaliter. Ita qualitates introductæ in materiam conferunt seu faciunt ad introducendam formam, ex parte agentis qua iis mediantibus agens producit formam. Ex parte passi, quia forma non recipitur in quacunque materia, sed in materia sibi determinata. Non enim potest introduci anima rationalis in corpus Leonis, sed in corpus dispositum dispositione humana. Instrumentum vero & ipsum duplex: Necessitatis, & commoditatis. Necessitatis, sine quo effectus sequi non potest: ita architectus non potest producere domum, si defuerit securis. Quo argumento impius Epicurus negat Deum conditorem mundi, à negatis instrumentis necessariis. Commoditatis instrumentum illud dicitur, sine quo effectus sequi potest, sed non ita prompte & expedire. Ita quædam machinæ bellicæ & stratagemata sunt instrumenta commoditatis, ad facilius debellandum hostem. Hoc vero iterum dupliciter operatur; vel secundum dispositionem positivam, quomodo agrum bene colens positive bene disponit ad fruges enascendas. Vel secundum dispositionem privativam, ita qui removet impedimenta, ut qui Zizania tollit, vel qui tollit impedientia motum lapidis. De qua dispositione privativa

& positiva etiam poterit videri Zimara in qua de primo cognito. Vide Antonin. 4. par. sum. maj. tit. 12. cap. 4. sect. 12.

Possibile etiam non uno modo dicitur, ut est apud Thom. 9. Meta. lect. 4. uno enim modo sumitur possibile improprie, ut est commune ad Necessarium & ad contingens; alio vero modo ut dividitur contra Necessesse. Juxta quod notandum, quod apud Bonavent. est in 1. dist. 42. q. 4. nu. 32. Possibile uno modo esse ad esse, alio modo possibile esse substantiæ agere, tertio modo possibile esse ad fieri. Possibile ad esse non dividitur contra necessesse, quoniam n. res ita est, & potest esse: ita n. bene dicere possumus, Deum esse est possibile: ita n. dividit contra impossibile. Possibile vero substantiæ ad agere est potentia activa, & hoc modo nihil aliud denotat, quam hoc ipsum, quod est posse etiam agere, ac ita nec hoc modo possibile à necessario contradistinguitur, quoniam & hoc, quod necessario est, & hoc quod contingenter est, potest agere, & quædam substantia habet potentiam ad agendum necessario, quædam vero contingenter. Possibile vero ad fieri denotat potentiam passivam. Ita ergo si concurrit divisio Entis in Necessarium & Possibile, cum ea quæ est à se & ab alio, solum Ens increatum necessarium est; possibilia reliqua omnia, quoniam omnia fuere in potentia objectivâ Dei. Communiter autem possibile idem est quod contingens, seu quod aliter sese potest habere. Et ita duobus modis solet accipi: aut enim ita dicitur, quod sese habet ut plurimum, ut sunt ea, quæ fiunt à natura: ea enim tantum dicuntur contingencia, quatenus possunt recipere aliquod impedimentum: quomodo habere quinque digitos est contin-
gens

gens ut plurimum, nisi enim quid impediat, ita est. Alio vero modo contingens dicitur, ut indefinitum & incertum: idque dupliciter, aut raro, aut æqualiter. Raro ea dicuntur, quæcunque per accidens fiunt ratione causæ, ut sunt fortuita & casualia: ut hominem invenire thesaurum. Alias, enim Rarum quod est, quoniam causa à qua dependet raro fit, contingens non dicimus, quomodo Eclypsis, fit ratione causæ raro, quoniam raro causa ponitur ipsius Eclypseos, quandoque vero ponitur causa, effectus etiam necessario ponitur non contingenter. Æqualiter vero fieri illud dicimus, quod à libero voluntatis arbitrio dependet, quomodo ambulare contingens est, quoniam liberum est ad utrumque, Quæ de re vide Aristotelem 1. Prior, capite 13. Ac hæc contingentia incomplexa est, quatenus in ipsius rebus est; complexa vero, quando consideramus eam in ordine ad prædicationem, quatenus scilicet in ea nulla est subiecti cum prædicato essentialis connexio.

Clarius aliquanto hanc doctrinam aliquando ita proposuimus. Quoniam non universi tantum, sed & ad singularum penè rerum inter se conjunctionem & connexionem, causarumque etiam veritatem cognoscendam necessitatis & contingentie leges scire plurimum expedit: non inutilem operam navare videbimur, si in hanc disputationem ingrediamur, ut necessitatis & contingentie gradus evolvamus. Ita enim plurimas difficultate, evitare poterimus, quas resolvere aliis satis arduum visum fuit. Primus gradus necessitatis est is, secundum quem res dicuntur necessariae necessitate absoluta seu simpliciter, ita ut ejus oppositum sit
sim-

simpliciter impossibile. Ejusmodi necessitas cadit in Deum ejusque attributa, quæ ita Deo conveniunt, ut ea abesse sit impossibile. Ita Deus est, & Deus est infinitus, simpliciter est necessarium. Dicere enim Deum finitum, est dicere non esse Deum. Et hic gradus necessitatis oritur ex independentia: quoniam cum Deus à se ipso est, & nullius alterius entis arbitrio subjacet, quæcunque Deo tribuuntur, aliter ut sint fieri nequit.

Hic quaeritur, an cum hac Dei necessitate possit stare vel libertas vel contingentia? Respondit Bonavent. in 1. sententiarum distinctione 6. quæst. 1. num. 5. quod ea necessitas, quæ est in Deo non repugnat libertati voluntatis, sed solum vertibilitatis, qualis non est in Deo. Ita Const. Sarnanu. in direct. theol. disputat è Scoto in 1. d. 10. quod quidem necessario producat Spiritus sanctus, quia producit, productione divina ad intra; & tamen producat libere, non quidem libertate contingentiae, quod Spiritus sanctus possit esse, & non esse, id enim falsum: sed libertate complacentiae, ratione ejus amoris, secundum quem producit, excluso omni modo coactionis.

Hæc etiam necessitas simul consistit cum libertate agendi ad extra; tamen si enim esse Dei sit esse necessarium, modus tamen operandi Dei ad extra est liberissimus, ita ut creaturas potuerit producere, & non producere, opus etiam creationis suspendere, quando & quousque ipsi placerit creare. Et præterea in hoc universo regendo, administrando & gubernando liberissimus, ut omnia ad ipsius cultum & libitum fiant & regantur.

Et hinc eorum improbamus sententiam, qui

exi-

existimarunt, Deum omnia agere ex necessitate naturæ; ideoque nullam inferioribus esse posse contingentiam; quam sententiam Arist. tribuit Scotus, ut videre est apud Perer, *Phys. lib. 9. de fortuna & contingentia, cap. 1.*

secundus gradus necessitatis eorum est, quæ dicuntur necessaria necessitate definitionis & demonstrationis, ita ut si concepiatur ejus oppositum, fiat implicatio contradictionis.

Ac de definitione quidem res expedita est; quum enim definitionis ad definitum suum is sit ordo qui est inter ens & essentiam; ut essentia sublata, ens ipsum tolli necesse est, ita & definitione sublata fieri nequit, ut definitum maneat reliquum. Tolle animal rationale, & hominem ipsum è medio sustulisti.

Sub hoc vero gradu necessitatis non tantum integra definitio comprehenditur, sed & quæcunque definitionis pars: ut enim essentia ipsa abesse nequit, ita & quicunque essentialis conceptus si removeatur, esse ipsum removere necesse est. Albedo dari non potest, si genus albedinis removeatur, color videlicet, & si esse rationale ab homine absit, non jam hominem dixeris, sed vel lapidem, vel arborem, vel rem quamcunque aliam ab homine diversam.

De necessitate demonstrationis dubitare quidam videntur: qui enim asserunt posse subjectum manere, saluum, proprietatibus vel sublaris, vel etiam stantibus proprietatibus subjecti oppositis ii eadem operâ negant demonstrativam necessitatem sine contradictione solvi posse. Nota est disputatio eorum, qui proprietates tolli posse putarunt subjecto salvo manente; qui vero dicunt, unum idemque corpus sine contradictione diversis in locis manere posse, annon corpori

corpori tribunt proprietatem oppositam naturali corporis proprietati?

Illis oponamus clarissimam Averrois sententiam, 8. Meta. text. 5. Cum ignis aufertur per ablationem caloris, non aufertur primo neque per se, sed mediante ablatione formæ ignis. Sic quando aufertur risibilitas, aufertur homo non primo, sed mediante ablatione rationabilitatis. Quid hoc aliud, quàm dicere, remota proprietate à subjecto implicari contradictionem: qui enim negat proprium subjecti, consequenter negat formam subjecti, à quo proximè fluit hoc proprium: qui vero formam negaverit, essentia destructionem eadem operâ inferat necesse est.

Posteriorum vero errori sese opponit. Scal. ex. 5, sect. 5. principio, inquit, proprio, primo, per se atque immediato prohibetur corpus esse in pluribus ubi. Est autem principium hoc: continuitas est affectus consequens immediatè unitatem; contradictiones enim sunt; unum est duo. Continuum non est continuum, corporis igitur termini, si esset in duobus Ubi, non essent continui. Audis contradicere unum corpus esse potest in pluribus locis. Et ne Scoti subtilitas tibi quicquam imponat; ejus argumentum, quod proposuit in 4. sent. d. 10. quo in loco ex professo disputat, non contradicere unum corpus esse in pluribus locis, ponit & solvit. Possunt, inquit Scot. plures respectus fundari super uno; sic ut super una albedine plures similitudines. Nihil ergo repugnat, plura ubi od idem corpus referri. Comparationem negat legitime procedere: esse enim aliud, multas similitudines agnoscere in eadem albedine; aliud unum corpus dare pluribus lo-

cis. Idem corpus esse potest infra & supra: hunc ad modum eidem plura tribuuntur. Si dicas, corpus & hic est, & ibi idem: non jam idem corpus manet, ipsum enim in diversa corpora distrahit, non vero plura loca ad ipsum unum contrahit. Secus ac si dicam relatione unius corporis ad plura loca, dicendo, hanc urbem ab hac vel illa distare 50. aut 100. miliaribus.

Sunt hujus farinae & ii, qui propria communicabilia esse asserunt, rei quæ non est unius naturæ & essentia, cum eo quod propria communicare dicitur: secus enim non negabimus, genus proprietates suas communicare suis speciebus, cum quibus est idem. At vero propria communicare, ei quod est naturæ & essentia diversæ, id jam necessitatem demonstrationis violat. Est enim à lege demonstrationis proprium adæquatum suo subjecto, demonstrabile: alii igitur convenire nequit. Idem enim eidem & adæquatum esse, & alii simul inesse, dicit esse adæquatum & non adæquatum.

Tertius gradus eorum est, quæ sunt necessaria necessitate Physica: ea vero nihil est aliud, quam ordo is, secundum quem mediantribus causis secundis Deus hæc inferiora regit & gubernat. Hac necessitatis lege ignis calefacit, quod grave est descendit, naturaliter homo cibo & potu sustentatur. Sol movetur. Et secundum hunc ordinem in Physicis pronunciamus, iisdem causis positis, hoc vel illud eodem modo fieri. Verum hæc necessitas tanta non est, quin possit absoluta & extraordinaria Dei potentia immutari: quia enim creaturas condidit, iisque cursum suum dedit, ita con-

didit, ut ejus tamen arbitrio subessent. Hoc modo ignis fervorem Deus inhibuit in fornace Babylonica, quo minus tres viros combureret, Dan. 5. Ferrum narrat 4. Reg. 6. Elias per quadraginta dies & noctes sustinet jejunium, 3. Reg. 19. Solis cursus inhibetur. Jos. 10. Eaque de causa Stoicorum fatum excludimus, qui ordinem & seriem causarum secundarum tanta necessitate colligatam esse existimabant, ut nulla vi ab hoc cursu dimoveri posse crederent, eademque serie hominum etiam voluntates cogiasserent; & hanc fatalem necessitatem ita causis secundis tribuebant ut à Deo dependere negarent. Indeque tantum definit Chrysippus apud Gel. lib. 6. cap. 2. quod sit naturalis quidam ordo, seu coordinatio omnium rerum ab æterno aliis ad alias consequentibus, & incommutabili manente hujusmodi complicatione. Vide Zanch. de nat. Dei lib. 5. cap. 1. & Fran. Suarez 2 disput. Metaph. 19. sect. 11.

Cum hoc gradu necessitatis & ii pugnant, qui operationes naturales cum proprietatibus confundunt, tertium scilicet priorum modum cum propriis quarti modi concludentes, decensum à ferro, urere ab igni tolli posse: proprietates ergo tolli posse. Imperitè: proprietates n. ad secundum necessitatis gradum, operationes ad tertium gradum pertinent, quarum operationes inhiberi possunt:

Quartus gradus necessitatis est, necessitas consequentiæ: in quo disponuntur ea, quæ secundum suam naturam quidem sunt mutabilia, ob certam tamen quandam conditionem & hypothesein aliter esse, & habere sese non possunt. Ad hunc gradum pertinent: 1. quæ sunt necessaria ratione decreti divini; tametsi enim decretum

tum Dei sit liberum, ut Deus hoc vel illo modo
 decernere possit, tamen quæ Deus semel decre-
 vit ea aliter fieri non possunt, ratione immuta-
 bilitatis divinæ voluntatis. In quem modum
 necessarium est mortuos resurgere, quia Deus
 ita decrevit. 2. Huc pertinent, quæ sunt necessa-
 riæ ratione infallibilitatis divinæ providentiæ.
 In quem modum quæ contingenter fiunt ratio-
 ne causarum secundarum proximarum, ea ta-
 men secundum quid sunt necessaria, si divinam
 providentiam respiciamus. Inde rectè Zanchi-
 us de natura Dei lib. 5. c. 1. q. 4. p. 2. dixit: quan-
 quam respectu causæ primæ, omnia certo pro-
 spicientis & immutabiliter ordinantis, omnia
 immutabili necessitate eveniunt: respectu ta-
 men causarum secundarum non coactè, sed ju-
 xta suas naturas operantium, alia eveniunt ne-
 cessario, alia vero contingenter. 4. Huc refe-
 runtur quæ sunt necessaria ratione existentia:
 ea enim tametsi sua natura sunt mutabilia,
 quando tamen vel sunt, vel facta sunt, aliter ef-
 se nequeunt. Nota enim est communis regula:
 omne quod est, eo ipso quo est, esse est necessa-
 rium. Ita è conditione terminorum contingens
 est: Æneam vincere Turnum, cum tamen quem
 vicit, non vicisse contradictionis sit.

Quintus gradus est necessitas coactionis,
 quando scilicet præter & contra naturam, in-
 tentionem & voluntatem aliquid ab extrinseco
 quodam movetur. Quomodo Aristoteles vio-
 lentum illud esse definivit. 3. Eth. cap. 1. cuius
 principium extrinsecus est, nihilque confert il-
 le, qui cogitur: quemadmodum si ventus aliquò,
 aut homines, qui potestatem habent, nos detru-
 serint. Hunc modum violentæ necessitatis o-
 ptimè tradidit Fr. Suarez in indice ad Arist.

Meta. lib. 5. c. 5: dupliciter, inquit, potest esse aliquid necessarium ex causa efficiente: Uno modo ex sola illa: alio modo non ex sola illa, sed simul ex parte passi seu recipientis. Quod hoc posteriori modo est necessarium, non est violentum, ut si lapis ab agente moveatur deorsum. Priori vero modo, si passum non repugnet effectui seu motioni, nec ea necessitas proprie est violentia, ut patet in motu ignis in orbem: verum ea necessitas proprie est violentia, quæ fit passo repugnante, ut quæ lapis sursum projicitur.

Septimus gradus necessitatis est valde levis, secundum quem idem est, necesse esse, quod melius esse. Quem modum necessitatis docuit Averr. 9. Colliget c. 8. rem necessariam aliquam dici duobus modis: Vnus est, ut sit essentia primæ necessaria essentia ultimæ, sicut intentio essentia partium consimilium est necessaria per intentionem essentia officialium. Alius est, ut non sit ex necessitate, sed quia meliora sunt duo, quàm unum, & significat nobilitatem in agente & patiente: sicut oculus, qui non est inventus nisi propter necessitatem videndi, sed natura ob melius dedit duos oculos. Secundum hunc modum disputavit Anton. Scaynus in doctrina. de prædicabilibus, quod prædicabilia sint necessaria ad perfectionem organi, non absolute, sed ob melius, hoc est, facilioris doctrinae gratia.

Exposuimus gradus Necessitatis: breviter & contingentia gradus attingamus. Dico autem contingere & contingens, quo non existente necessario, posito autem inesse, nihil erit propter hoc impossibile, ex Arist. 1. prior. cap. 13. secundum aliam edit: cap. 14.

Primus vero contingentia gradus est ratio-

ne indeterminationis, quod est indifferens ad utrumque oppositorum: quando animal ambulare vel non ambulare, contingens esse dicimus. Alter modus contingentiae est eorum, quae casu fiunt, ut hominem fodientem invenire thesaurum. Et hic posterior modus à priori differt in eo, quod ille ex electione vel arbitrio potius proficisci videtur: hic vero fortuitus magis est, præter hominis intentionem contingens. Utrique vero horum modorum commune est, non ingredi in scientiam: quoniam enim in scientiis requiritur certitudo, & perpetuitas veritatis: prioris quidem modi ratione determinationis & indifferentiae certitudo esse nulla potest: Posterior vero modus in scientia non attenditur, quia raro contingit. Dicis: Raritatem effectus non excludere videri certitudinem scientiae, quum & Eclipses raro contingant, quarum tamen scientia vel maximè est. Hic respondendum, quod eorum, quae raro fiunt, sint duo genera: alia enim fiunt raro, quoad tempus solum, non quoad causam; alia vero raro fiunt raro, quoad causam. Prius genus in scientiis non excluditur, eo quod causam suam perpetuo consequitur, ita ut ea posita effectus de necessitate consequatur. Et sic in Eclipsi comparatum, tametsi enim non omni tempore fiant, quandoque tamen fit diametralis oppositio Solis & Lunæ, ut terra sese mediam interponat, eclipsis illico generatur. Quae vero raro fiunt quoad causam ita ut causa, quam aliquando sequuntur, posita, non sequuntur & ipsa eorum quia determinata veritas nulla est, in scientiam ingredi non possunt. Tertium genus contingentiae est, quae plerumque quidem fi-

unt, à necessario vero deficiunt, ut hominem canescere, augeri, minui. Hoc genus contingentiae negat Aristot. 1. prior. cap. 13. à scientiis & disciplinis excludi: disciplina, inquit, & syllogismus demonstrativus ex infinitis quidem non est, eo quod inordinatum est medium: ex iis vero quæ nata sunt esse, penè orationes & considerationes fiunt de his contingentibus. Ita hominem generare hominem Physicus docet, & simile generare simile, ita enim fit ut plurimum: quandoque vero monstrum gignere contingit, quia naturalis causa vel deficit in agendo vel alio quadam ratione impeditur. Dicitur & alio modo contingens, sed improprie ut non opponatur necessario & sic idem est, quod possibile: quod enim non est impossibile, sed possibile, id contingere dicimus.

De causa contingentiae disputant, quænam sit? Distinguiamus contingens: est enim aliud naturale, aliud voluntarium: quæ quomodo differant, vide Perer. lib. 9. Phys. de fortuna & contingentia, cap. 14. utrumque quidem indifferens est ad esse, si spectes causam remotam libertatem divinæ voluntatis, quæ ea non determinavit ad esse uno modo simplici. Sin proximas causas consideres, naturale quidem contingens esse videtur, vel ratione materiæ, quæ quia est in potentia ad plures dispositiones, pluresque formas non necessario esse uniusmodi in eam introducitur; vel ratione agentis deficientis in operando, ob impedimenta quædam, quæ ipsi in agendo accidunt. Sin contingens sit voluntarium accidit ratione libertatis arbitrii, secundum quam quia voluntas potest opposito modo agere, non est determinata

minata ad res eodem modo producendas, sed vel pro placiti, vel circumstantiarum conditione aliter atque aliter agit. Vide Fran. Suarez & disput. Metaphys. 19. s. 10. & Perer. de fortuna & contingentia lib. 9. Phys. c. 15.

Et hæc de necessitate & contingentia breviter in præsentī dicere volumus.

C A P V T. XIV.

De Infinito & Finito, item
Illocali & locali.

I.

ENs est vel Infinitum vel Finitum.

2. Infinitum illud dicimus, quod non habet limites & terminos quibus circumscribatur.

3. Infinitum dicitur, vel secundum rationem formæ, vel secundum rationem materiæ, ut docet Thom. 3. p. q. 10. ad 3. Ferr. 1. Phys. quæst. 6. Lambert. de mon. Dom. 1. Phys. ad text. 41.

4. Infinitum secundum rationem formæ illud dicitur, quod est purum purissimum, infinitum simpliciter, absolutum ab omni potentia materiæ qua circumscribitur.

5. Alias dicitur infinitum negative: eo quod simpliciter nec habet, nec habere ullum finem potest, cujusmodi est Deus, ut docet Zanch. de nat. Dei lib. 2. cap. 6. quæst. 1. pag. 90, 91.

6. Hoc Scoto dicitur quod. 5. Infinitum in entitate in actu: & est ens, quod non potest ab aliquo in entitate excedi, & ipsum vere habet rationem Totius & perfecti. Vide ipsum accuratissime ea de re differentem. Mentionem etiam hujus facit Aquarius ad Ferr. 1.

Phys. quæst. 6. in addit. Nos hoc dicemus infinitum actu.

7. Infinitum secundum rationem materia (alii vocant infinitum privativè) est, quod natum est finire & nondum habet finem. Sed, quod quidem finem non habet, sed potuit tamen, aut etiamnum potest habere. Durand. in 1. d. 43. q. 1. ad 1.

8. Hoc dicitur vel Categorematicè, ut loquuntur, vel Syncategorematicè. Gabr. Biel. in 2. d. 1. q. 3. & Lambert. 2. *Phys. t. 50.* illud respondere videtur infinito in quantitate (sive extensiva, sive interinsiva) actu, hoc infinito in potentia apud Scotum quodl. 5.

9. Infinitum Categorematicè, est infinitum secundum rationem in termini actu non circumscriptum, ut quantitas extensa sine termino. In hunc modum 3. *Phys. c. 4. s. & 6.* de infinito disputat. Aristot. negans dari aliquod infinitum actu in rerum natura.

10. Infinitum Syncategorematicè est, quod non cognoscitur per modum infiniti, sed per modum successioni, ablationis, vel additionis: & ita æquivalet huic orationi: in continuo non tantum, quin majus vel minus, in discretis, non tantum quin plus. Et in hunc modum disput. Arist. 3. *Phys. t. c. 56, 57. & seqq.* infinitum aliquod Posse denotari, secundum appositionem & divisionem. Vide pluribus de infinito Cajet. de ent. & ess. quæst. 12. art. 5. & Piccolom. de com. effect. c. 1.

11. Consequens infiniti & finiti est Illocalet & locale.

12. Illocalet dicimus Ens sine ordine ad ubi.

13. Illocalet dicitur: vel simpliciter vel secundum quid.

14. Illo-

14. Illocale simpliciter illud dicimus, cui denegatur omnis locus, eò quòd ob infinitatem, repugnat ordinari ad ubi: cuiusmodi est Deus, cuius esse repugnat esse in ubi, seu loco. Impropiè tamen dicitur esse in loco Repletivè: seu ut alii loquuntur, præsentialiter: de quo dicit Mag. Sent. in 1: dis. 37. lit. N. Spiritus increatus, qui Deus est, in loco quidem est, & in omni loco, sed omninò illocalis & incircumscripibilis.

15. Illocale secundum quid illud dicitur, quod loco non est circumscripibile, eò quod in loco distantiam non facit: eo modo illocales dicimus Angelos. Hinc Angelum non dicimus esse in loco circumscriptive, vel definitive. Hinc dixit Lombard. l. citat. Spiritus creatus quodammodo est localis, & quodammodo non est localis. Localis dicitur, quod definitione loci terminatur, quoniam cum alicubi præsens sit totus, alibi non invenitur. Non autem ita localis est, ut dimensionem faciat.

16. Greg. verò Magn. moral. lib. 2. cap. 3. quando dicit: Angelorum spiritus esse loco circumscriptos, comparative loqui videtur, in comparatione scil, Dei, qui nullis sui terminis circumscribitur. Quemadmodum & paulò post comparative loquitur, quando dicit: Spiritus eos comparatione quidem corporum nostrorum esse spiritus: sed comparatione summi & incircumscripti spiritus esse corpora. Et Damasc. lib. 2. de Orthod. fide, quem citat etiam Vincentius spec. natu. lib. 5. cap. 80. circumscriptionis vocabulo late utitur, quando dicit, Angelos omnes esse circumscripibiles. Utitur enim circumscriptionis vocabulo, prout æquivalet huic: quum sunt in cælo, non sunt in terra. Vnde paulò post subicit: non circumterminari à parietibus, & ianuis, & claustris. Nos vero negando Angelos esse

circumscriptivè in loco, intelligimus in loco eos non facere distantiam quandam partium.

17. *Locale illud dicimus, quod est cum ordine ad Vbi.*

18. *Locale esse accipitur, vel late, vel stricte.*

19. *Late accipiendo omne illud dicimus, quod est finitum. Quo sensu laudamus verba Scalig. ex 359. §. 5. Intelligentia, si sunt entia finita, ut sunt in aliquo ubi necesse est: est enim Vbi circumstantia necessaria omnibus entibus præter Deum.*

20. *Locale stricte acceptum, est corpus ordinatum ad ubi, ita ut in loco faciat distantiam partium.*

21. *Locale denominatur, vel ratione potentix, vel ratione actûs. Hoc docuit Scotus quodlibet 11. corporeitas, inquit, est ratio fundamentalis respectu hujus etiam, quod est esse locabile, & respectu hujus etiam, quod est locari.*

22. *Locale ratione potentix dicimus, quatenus esse locabile immediatè sequitur rationem corporeitatis, ut affectus proprius suum proprium et adæquatum subjectum, unde Scotus dicit, hanc corpus esse locabile, esse per se secundo modo.*

23. *Locale ratione actûs est comparatio corporis ad locum in quo actu est.*

24. *Esse vero in loco intelligitur, vel indeterminate, vel determinate, secundum Avicen. in sua suffic. tractat. de loco & Thom. opusc. 70. quod est super Boet. de Trin. q. 4. art. 3.*

25. *Indeterminate esse in loco, est comparatio corporis ad locum, quæ consequitur esse corporeitatis sine aliquo addito.*

26. *Determinate dicitur esse corpus in loco, quatenus ad hunc potius, quam ad illum locum fertur ratione ejus inclinationis naturæ, secundum quam hunc sibi potius, quam illum consentaneum habet.*

habet. Ita Elementa pro ratione gravitatis vel levitatis superiorem vel inferiorem locum eligunt. Tantum de Infinito & Finito: & eorum affectionibus illocali & locali.

COMMENTARIUS.

Omnis Ens aut esse Infinitum aut Finitum à ratione necessariæ & immediatæ disjunctionis est notissimum. Ac Finitum quidem illud dicimus, quod certis limitibus circumscribitur. Certos vero hos limites entis finiti metimur non è quantitate solâ, ut illud circumscribi dicamus tantum, quod certas quasdam dimensiones habet, sed omne illud in genere, quod in eam perfectionem non assurgit, quin extra id ipsum semper aliquid accipi possit. Et hanc finitudinem in essentia quarimus primum, post in essentia affectionibus: hoc est, ut omne quod est alio dependens, cum habeat certam & determinatam entitatis suæ mensuram, cum quolibet aliorum entium in certa quadam proportionem conveniat, eò quod non exhaurit omnem entis perfectionem. Ita ergo finita ea omnia dicimus, quæ sunt ab alio, seu quæ sunt creata, aut ut clariùs dicam, omne Ens aliud à primo Ente, nimirum Deo, finitum est; infinitum unum tantum, Deus sc. hic n. est extra finiri ab alio. Infinitum vero illud dicimus, quod in suo ambitu comprehendere non possimus, juxta Scal. exerc. 6. s. 2. Et si verò propriè, ut dictum, infinitum actu unum tantum, solus Deus: solent tamen admittere etiam Philosophi infinitum in potentia, quod vocant, cui semper potest fieri ablatio, vel divisio, ita ut si continuaretur talis divisio vel ablatio in infinitum, impossibile sit venire ad aliquam finem. Et hoc in-

infinitum in potentia multis modis dicunt : vel
 enim secundum non entitatem , vel secundum
 imperfectionem , vel secundum durationem,
 vel respectu discretionis ; vel respectu virtu-
 tis seu perfectionis & vigoris. Ac infinitum
 quidem secundum non Entitatem , vocamus
 partem contradictionis infinitantem , hoc est,
 partem contradictionis negativam , quæ negat
 ubique , ut sunt verba P. Rami ; ea enim di-
 cit infinitum omne aliud secundum indistin-
 ctum intellectum , præter hoc ens , quod infi-
 nitatur , hoc est, cui particula negativa addi-
 tur. Quomodo non homo fertur supra omnem
 terminum , sive positivum , sive privativum,
 sive fictum, sive negativum , præter eum termi-
 num , qui est homo. Infinitum secundum im-
 perfectionem dicimus , quod est perfectibile
 ab infinitis terminis : quomodo appetitum
 materiæ respectu omnium formarum infini-
 tum dicimus , quatenus materiæ universalis
 potentia non est determinata & coarctata ad
 certum & finitum formarum numerum , sed
 capax est omnis actus , qui ad eam perficien-
 dam inducitur , Infinitum secundum durati-
 onem dicimus, cujus successionis, seu prioris &
 posterioris ratio sub numerum venire non po-
 test. Ac hoc quidem in tempore est , quatenus
 tempori non repugnat à parte post multipli-
 cari in infinitum usque : etsi enim quælibet
 pars temporis finita sit , tamen temporis in u-
 niversum accepti est quædam non repugnantia
 succedere sibi per infinita instantanea ad in-
 finitam multiplicationem. De æternitate verò
 & ævo ita dicimus , quod illius quidem men-
 sura secundum successionum nulla sit , exclu-
 dit enim antè , & post , & successionem om-
 nem,

nem, quoad nos tamen æternitas non potest concipi, nisi secundum coexistentiam temporis, ut è tanto temporis tantum æternitatis fluxisse dicamus, & per præcisionem temporis, ab ante & post æternitatem sub conceptum revocemus; quod idem in ævo à nobis fit, nisi quod ævum tantum faciamus infinitum à parte post non verò infinitum à parte ante, determinamus enim ævo terminos principii, & finis terminos excludimus. Infinitum secundum discretionem est, vel in continuo, vel in discreto: in continuo, quantenus continuum divisibile est in semper divisibilia secundum Aristot. 6. Phys. c. 1. In discreto verò, ut in numeris: nullus enim numerus tantus est, quin unitate augeri possit. Infinitum in virtute duplex est: vel simpliciter, vel secundum quid. Simpliciter, quod in se continet omnes gradus, quomodo Deus virtute infinitus dicitur, quatenus nihil è possibilibus est, quod sub ejus virtutem non cadat. Et hæc infinitas virtutis divinæ differt aliquo modo ab infinito in actu, quatenus infinitum in actu propriè essentiam respicit, quæ actu in se tenet omnes perfectiones: infinitas verò virtutis, quatenus consideratur ea essentia non secundum momentum primum, sed secundum momentum secundum, hoc est, quatenus est relativa, respiciens omnia possibilia. Infinitas virtutis secundum quid est vigor ille, qui in iis, quæ magis & minùs habere possunt, in infinitum & augeri & intendi potest: quomodo vis caloris juxta Scal. in exer. 10. ex additione quarumcumque partium ignis in infinitum augeri posse videtur. Et tantum de Infinito & Finito.

Infinitum & Finitum sequitur Illocale & Locale. Ut vero sciamus quid Illocale & Locale Entis sit, sciendum primo juxta Bonavent. in 2. distin. 2. art. 2. quæst. 1. quod locus habet triplicem comparationem ad locatum. Comparatur enim 1. in ratione continentis, 2. In ratione mensurantis. 3. In ratione conservantis.

Ac secundum triplicem hanc habitudinem sunt in loco, substantiæ finitæ, corporales, & corruptibiles. Quia enim finitæ, sunt in loco continentis, quia corporales in mensurante, quia corruptibiles in loco conservante. Hinc jam intelligi potest, quid dicamus Illocale vel Locale. Locale enim omne illud dicimus, quod est aliud ab infinito; Quum enim sit finitum, est hic & ibi; quoniam corporale, est mensurabile; quoniam vero corruptibile, est conservabile, quæ omnia ratione localitatis illi competunt. Quod vero excludit rationem continentis, mensurantis, & conservantis, hoc illocale dicimus. Ita solus Deus illocalis est, cum enim habeat simplicitatem, contineri non potest, quia quod simplex est, penetrare potest omnia. Quia vero infinitus est, continet potius, quam continetur, infinitas enim continet omnia. Nam infinitum hoc ipsum esse dicimus, quod pro ratione mensuræ includit omnia: ac quoniam extra unum infinitum, finita omnia sunt, extra omnia etiam Deus est: additum enim finitum finito, nunquam facit infinitum, sunt autem finita omnia, excedit ergo finita hæc infinitum unum.

Hinc sciendum secundo, ut est apud Magist. sent. in 1. d. 37. quod duobus modis aliqua res dicatur esse localis; vel enim quia recipit di-

men-

mentionem & facit distantiam : vel quia loci termino definitur. Ac prior ratio localitatis non potest cadere nisi in substantias corporeas : corporeum enim quod est, idem facit distantiam, ac ratione hujus distantiae accidit locato mensura. Hoc itaque localitatis modo circumscribuntur Entia finita, corporea. Posterior vero modus etiam in substantias incorporeas cadit. Ea enim etsi sunt sine distantia, determinatae tamen sunt ad hunc & nunc. At hoc dicit idem Mag. Spiritus creatos esse in loco, & transire de loco ad locum, & quodammodo esse locales, ac circumscriptibiles, sed non omni eo modo, quo creaturae corporeae. Spiritum autem increatum, qui Deus est, in loco quidem esse, & in omni loco, sed omnino illocalem & incircumscriptibilem.

Sciendum tertio, quod ubi & locus sint unum secundum rem, ratione tantum distinguantur. Ac hoc quidem duobus modis intelligi potest ; vel enim ut strictè definiamus locum, quatenus apud Arist. definitur esse terminus corporis continentis immobilis primo : ita enim dicere possumus, quod sese habent in ratione latioris & angustioris : omnis enim locus est ubi, sed non omne ubi locus est. Corporea enim in loco sunt, & consequenter in ubi : verum non ea omnia quae in ubi sunt, ea item sunt in loco. Spiritus enim finiti sunt in ubi, à nullo tamen termino corporis continentur. Vel etiam secundo loco potest intelligi, quomodo explicat hoc ipsum Socinas 5. Metaph. q. 40. quatenus locus ut locus nihil aliud dicit nisi superficiem ultimam corporis continentis : ubi autem requirit aliquid extrinsecum, & aliquem respectum, licet ipsum non significet in recto, sed in obliquo.

quo. Nam inter locatum & locum est relatio contenti & continentis, quâ præsuppositâ, tunc locus habet rationem ubi. Quâ de re pluribus in-Phyficis meis egi. Tantum etiam de illocali & locali.

CAPUT XV.

De Independenti & Dependenti.

I.

ENs est vel Independentens, vel Dependens.

2. Independentens est, quod non eget priori ad suū esse, ut colligitur è Scoto in lib. de 1. princ. c. 1.

3. Independentens est vel absolute, vel secundum quid.

4. Independentens absolute, quod in nullo genere ab alio habet dependentiam; cujusmodi est, quod est Independentens à causa, cujusmodi solus Deus est.

5. Independentens secundum quid quod in certo genere ab alio non dependet, ut tametsi non sit absolutum à causa, tamen sit absolutum à subje-cto & termino. Ita substantia non habent dependen- tiam nec à subjecto, nec à termino: accidentia absoluta sunt independentia à termino.

6. Dependens est ens, quod eget priori ad suum esse, quo essentialiter est posterius.

7. Dependens est, vel omnimodè dependens, vel in certo genere.

8. Omnimodè Dependens est, quod in nullo ge- nere est absolutum. Cujusmodi sunt accidentia re- lativa, dependent enim à causa, à subjecto & à termino.

9. Dependens in certo genere, quod de dependen- tiâ et independentiâ simul participat. Ita substan- tia creata dependent à causa, non à subjecto; nec à termino. Accidentia absoluta à causa et sub- jecto dependent, à termino absoluntur.

COM-

COMMENTARIUS.

VNum esse independens, reliqua omnia dependere apud Scal. est exerc. 61. & 307. sect. 20. Quibus verbis nihil innuere voluit aliud, quam in divinis esse rationem absolutam ab omni dependentia, à divinis vero quæ sunt alia, eorum nihil esse, quod omnem dependentiam excludat. Oritur tamen hinc triplex dubium: Primo cum in personis divinis sit aliqua præexigentia, ut loquuntur, quatenus Filius est à Patre, & à Patre & Filio Spiritus sanctus procedit, an & hic dependentiæ ratio aliqua locum habere possit. Secundo, non videtur in inferioribus una esse dependentiæ ratio, magis enim dependere videntur accidentia relativa, quam absoluta, magis absoluta accidentia, quam substantiæ: quo enim quidque eget majori abstractione, eo etiam magis dependere videtur: at iuxta subtiliss. Duns & Nicol. de Orbell. in 1. d. 5. q. 1. ¶ hæc quoniam ad realitatem, pluribus abstractionibus egent relativa, paucioribus accidentia absoluta, una contentæ videntur esse substantiæ. Tertio, videtur etiam oriri dubium circa rationem independentis & dependentis, anne nimirum independentia de se inferat perfectionem, dependentia imperfectionem.

Horum dubiorum ratio facile explicari potest, si sciamus quid sit independens & dependens, & quod non uno modo dicantur. Est vero dependentia respectus unius ad alterum, cum relatione, seu respectu ordinis posteriorum ad prius, seu ordo essentialis præsupponentis naturaliter ad suum præsuppositum, sine quo esse non potest, ut docet Scotus in libro

bro de primo princip. capite 1. & Constant. Sar-
 nanus direct. Theolog. pag. 128. Itaque omnia
 ea dependere suo modo dicuntur, quæ ejusmodi
 aliquam præexigentiam habent, seu aliquam
 suppositionem prioris. Independentem vero illud
 tantum dicitur, quodcunque non habet ordi-
 nem ad aliquid se prius. Hæc vero dependentia
 tribus modis consideratur, ut est apud Gerhar-
 dum de mont. dom. ad Thom. de Ente & essen-
 tia. Est enim dependentia alia effectiva, alia sub-
 jectiva, alia objectiva. Dependentia effectiva ea
 est, quæcunque requirit aliquod ante se agens,
 à quo sit vel fiat. Et eo modo dicuntur depen-
 dere omnia ea quæ sunt infra Deum: nihil enim
 horum est, quod excludat causam agentem à qua
 sit. Dependentiam vero subjectivam eam dici-
 mus, qua est aliqua habitudo seu respectus ac-
 cidentis ad suum subjectum. Objectivam vero
 eam dicimus, qua aliquid dependet ab aliquo,
 non tantum ratione agentis & materiz, sed &
 terminate: quomodo accidentia relativa depen-
 dentiam objectivam habent. Ea enim non tantum
 à substantia fiunt, & in substantia subjectantur,
 sed & habent dependentiam objectivam, qua-
 tenus ad terminum suum referuntur: quomodo
 verbi gratia filiatio terminatur ad paternitatem.
 Ac hæc quidem triplex dependentia ab aliqui-
 bus vocatur contracta, cui contradistinguunt
 aliam, quam vocant absolutam. Unde hoc mo-
 do sese habebit dependentia: Dependentia alia
 est absoluta, alia contracta. Contracta triplex,
 ut dictum, Effectiva, subjectiva, & objectiva.
 Et huic triplici dependentiæ, opponitur triplex
 independentia: ut scil. aliquid sit absolutum a
 fundamento, quod tamen non sit absolutum a
 subjecto; aliquid absolutum a subjecto, quod
 non

non absolutum a causa : aliud absolutum a sub-
jecto, ab objecto, & ab agente.

E dictis jam responderi potest ad triplex du-
bium. In divinis enim habemus duo : Essenti-
am, & personas. Essentia omni dubio remoro
excludit dependentiam tam absolutam, quam
contractum; esse enim de se non exigit aliud,
ergo nec de se requirit aliquod agens, multo
minus vel subjectum, vel terminum: quod idem
dicendum est de prima divinitatis persona. De
secunda tamen & tertia dicunt, quod cum sit a-
liqua in iis præexigentia, etiam dependentia
aliqua absoluta admitti possit: quod tamen nolu-
mus latius accipi, quam eo sensu, quo commu-
niter dicunt Theologi, Patrem esse principium,
fontem & originem Trinitatis, & Filium esse
genitum a Patre, & Spiritum sanctum procede-
re a Patre & Filio. Qui modus originis non spe-
ctat essentiam, sed personarum internam ab in-
vicem emanationem. Qua de re erudite dispu-
tavit Zanch. de 3. Elohim. Lib. 5. cap. 7. & a-
liis in locis. Aliàs in creaturis ita sese habet, ut
nulla sit absoluta etiam a dependentia contra-
cta, substantiæ quidem quatenus habent agens a
quo sunt, accidentia quatenus habent subje-
ctum in quo sunt, relata quatenus habent obje-
ctum seu terminum ad quem sunt.

De secundo dicendum, quod major sit depen-
dentia juxta majorem abstractionem: non quod
abstractio sit causa dependentiæ, sed quod de-
pendentia causa abstractionis. Ea itaque de cau-
sa in divinis abstractio non est proprie dicta, in
iis enim simpliciter idem est abstractum & con-
cretum: est enim purus actus. Nulla ergo poten-
tia: nec ergo dependentia, a qua possit fieri ab-
stractio. In substantiis vero est una abstractio,
naturæ

naturæ scilicet a proprio supposito: abstractio enim omnis oritur ratione ejus potentialitatis, quæ in iis est, potentialitas vero à dependentia; in compositis vero quatenus aliud est esse, aliud existere. Esse notatur per suppositum, natura vero est supposititaliter existere, existere a. à dependentia est. Accidentia vero absoluta abstrahunt dupliciter: ab alieno supposito, & à proprio individuo. Ab alieno supposito quidem ratione dependentiæ subjectivæ: à proprio vero individuo, quatenus aliud est quidditas accidentis, aliud esse accidentis. quando v. g. albedineitas dicit essentiam albedinis, quæ abstrahitur ab hac albedine individualiter existente. In rebus vero occurrit triplex abstractio: secundum proprium individuum, secundum fundamentum, & secundum subjectum: quæ triplex abstractio oritur ratione triplicis dependentiæ. Abstractio enim à subjecto, est secundum dependentiam subjectivam. Abstractio à fundamento, est pro dependentia objectiva. Abstractio a proprio individuo est juxta esse, esse vero ab agente est. Inde ergo patet, quod major dependentia juxta majorem abstractionem.

Ad tertium dicendum, quod absoluta dependentia imperfectum nihil dicit, dicit enim præexigentiam, præexigentia vero de se non potest dicere imperfectionem: est enim præexigentia in divinis, in divinis vero imperfectio nulla est. De contracta vero dependentia subtiliss. Johan. Duns in quodl. q. 19. artic. 2. quod ea dependentia est, vel formaliter imperfectio, vel omnino habet necessario imperfectionem annexam. Ac tantum de independente & dependente. Ut vero hæc doctrina fiat clarior, subjungemus doctrinam de Absoluto.

CAPUT XVI.

De Absoluto.

I.

Absolutum multis modis dicitur: 1. absolutum à subjecto, 2. à termino, 3. à causa, et 4. omnimode absolutum.

2. Absolutum à causa dupliciter: simpliciter, et secundum quid.

3. Ordo absolutorum, pro diversitate rerum.

4. Usus distinctionis in quaestione de Incorruptibili et Corruptibili.

5. Alia quadam ratione Absolutum tribus modis dicitur: 1. positive, 2. privative; 3. negative.

6. Quando Ens dividitur in Absolutum et Respectivum, cui generi relationum opponatur absolutum, an transcendentali, an vero predicamentali.

7. Quomodo Transcendentia abstrahant ab absoluto et respectivo.

COMMENTARIUS.

Absolutum duobus modis dici annotavit Cajetanus de Ente & ess. quaest. 23. artic. 12. & de principio individuationis quaest. 2. notab. 2. absolutum à subjecto, & absolutum à termino.

Absolutum à subjecto illud est, quod non est in aliquo tanquam in subjecto. Esse vero in subjecto illud dicimus, quod inest in aliquo inseparabiliter, non tamen ut pars, docente Arist. in Categoriis. Hoc absoluti genus substantiis proprium est. Quæ enim prima substantia appellatur, ea nec in subjecto est, nec de subjecto dicitur.

dicitur. Secunda vero substantia, tametsi a prima separata non sit, non tamen ut in subiecto est, sed ut quæ est de essentia individuar substantiar, per modum videlicet eum, quo genus est in specie, qui diversus ineffendi modus ab aliis est. Et partes substantiarum non insunt suis compositis, ut in subiectis, esse enim in subiecto excludit inesse per modum partis, ut ex Aristotele dicebamus.

Et hoc modo nullum eorum generum, quæ a substantia distinguuntur absolutum esse potest. Vulgatum enim est, Accidentis esse, esse inesse, in subiecto scilicet. Hoc docuit Aristot. 1. Phys. text. 39. inseparabiles esse ait, passionem, eoque impossibilia quærere intellectum, si vere velit segregare, quod fieri non potest. Clarius vero in 12. Metaph. cont. 3. accidentium nullum esse separabile. Et Averroes in 7. Metaphys. text. 22. & 1. Phys. text. 14. impossibile esse ait, ut accidens, sit sine subiecto suo. Hoc alii dicunt Absolutum subiective.

2. Absolutum a termino illud dicimus, cujus ea habitudo non est, ut alio tanquam correlativo terminetur.

Eius generis esse dicimus non substantias tantum, sed & ea quæ in Quantitatis & Qualitatis prædicamentis collocantur. Hæc enim duo genera tametsi absoluta non sint a subiecto, ab alio tamen tanquam a termino dependent. Essen. albedinis non est esse ad aliud, tametsi sit esse in alio: est enim albedo in pariete, ut in subiecto, non vero ut in relationis termino.

Hoc vero modo nihil eorum, quæ in septem prædicamentis reliquis ponuntur, absolutum a termino est. Relative enim ea omnia dicuntur, relatione quidem intrinsecus adveniente ea, quæ

quæ sunt in prædicamento, quod ad aliquid dicitur Aristoteli; relatione vero seu respectu extrinsecus adveniente sex genera reliqua, ut docetur apud Scotum in quodlib. 11. artic. 4. Relativum vero omne ad terminum est: non enim nisi per terminum definiri potest, ut notavit Guilhelm. Occam. in d. 30. q. 5. Absolvi ergo à termino non poterit. Hoc absolutum à termino aliis dicitur Absolutum objective.

3. Est & tertius quidam Absoluti seu Independentia modus, apud Gerh. de mon. dom. ad Thom. de Ente & ess. in tractatu de essentiis materialium substantiarum, & est Absolutum à causa. Hoc vero dicimus Ens quod non habet ordinem ad aliud, à quo fiat tanquam a causa: aliis dicitur Absolutum effective. Eo modo absolutum præter Deum nihil est. Hoc expressit Scal. ad Cardanum exerc. 307. f. 20. Omne quod est, inquit, aut est primum, aut a primo. Unum primum, alia dependent igitur. Tametsi enim sunt entia absoluta a subiecto, & a termino: tamen haud sunt absoluta a causa. Ratio ponitur apud Scotum in lib. de prim. prin. cap. 3. Necessitas essendi ex se, soli uni naturæ convenit. Ea vero natura esse non potest, nisi quæ excludit a se omnem causam aliam, tam intrinsecam, quam extrinsecam. Ea vero non nisi simpliciter primum effectivum. Ea non nisi Deus. Alia ratio ponitur apud eundem quodlib. qu. 19. art. 2. cui formaliter repugnat omnis imperfectio, ei formaliter repugnat omnis dependentia: quia dependentia vel est formaliter imperfectio, vel omnino habet necessario imperfectionem annexam. At in Deum nulla cadit imperfectio. Nec ergo dependentia: est hoc absolutum simpliciter dicimus. Quoniam hæc ratio

ratio non tantum ponit modum absoluti a causa, sed & alios independentiæ modos. Nam Deus est quid Absolutum non tantum effective, ut loquuntur, sed & subjective, & objective: quia omni modo independens est.

Ac hic modus absoluti a causa soli Deo competere in genere dicitur, quoad omnes in universum causæ excluduntur ab eo, quod absolutum dicimus. In specie vero si ad diversa causarum genera descendamus, fieri omnino potest, ut in creaturis etiam quendam modum Independentiæ a causa notare possimus. Quum enim duo sint causarum genera: unum earum, quæ intrinsecæ dicuntur, aliud vero earum, quæ extrinsecæ. Nihil quidem eorum; quæ intrinsecas causas admittunt, ullo modo ab extrinsecis absolutum esse potest. Ratio ejus ponitur apud Scotum dicti lib. de prim. princ. cap. 2. concl. 8. nam causæ intrinsecæ ex necessitate habent imperfectionem annexam, ob quam non nisi ab extrinsecis causis ad actum causandi deduci possunt. Ac ita ad rei compositæ causalitatem necessario omnia quatuor causarum genera concurrunt. Adv. causalitates causarum extrinsecarum, quum dicant perfectionem, cui non necessario adjuncta est imperfectio: fieri omnino potest, ut quæ habent dependentiam a causis extrinsecis, ea ab intrinsecis absoluta dicantur. Et hic absoluti modus Intelligentiarum proprius est. Ex enim tametsi ab omni causa simpliciter absolutæ dici nequeant: tamen quum excludant compositionem, ab iis causis quæ compositionem faciunt, cujusmodi sunt materia & forma, absolutæ quodammodo dici possunt.

At hoc modo Absolutum a causa dividimus, ut unum genus dicamus Absolutum a causa simpliciter,

pliciter, quod solius Dei proprium est; aliud absolutum à causa secundum quid, quod tamen non omnia causarum genera excludat, ab internis tamen liberum & absolutum esse animadvertitur.

4. Potest & quarta Absoluti significatio notari, cujus meminit Constantius Sarnanus direct. Theolog. pag. 46, edit. Rom. qua Absolutum esse dicatur, quod nullo modo identitatem habeat cum relatione, seu quod omni modo absolutum dicatur. Hoc differentiae gratia omnimode absolutum appellemus. Hoc modo nihil omnino absolutum esse videtur. Ut eo sensu recte dixerit Mars. in Thære: meminisse oportere, nil sui natura absolute unum aliquid esse, sed ad alterum, & alteri, & alterius esse, quicquid aliquid est. Quo dicendi modo ne Deus quidem Absolutus erit: nam & in divinis personarum secundum relationes notionum dicuntur, de quibus plurimis egere Scholastici, & videri de iis, quid sint in primis poterit Scotus in quodl. 3.

5. Ordo ergo hic est: Absolutum omnimodo nihil est. Unum absolutum à causa simpliciter, Deus: hoc modo nil reliquorum absolutum est à causa, nam & substantia, & accidentia reliqua dependent omnia. Hinc absolutum à causa secundum quid, absolutum sc. à causis intrinsicis, ut Intelligentiæ. Absoluta à subjecto, & à termino substantia, quæ talis omnis est. Accidentia absoluta, ut Quantitas & Qualitas, absoluta sunt à termino: sed dependent à subjecto & causa. Accidentia relativa omne dependentiarum genus habent. Dependent enim à causa, quia non sunt à se. Dependent à subjecto; sunt enim accidentia. Et

dependent a termino, quæ sunt accidentia relativa.

6. Usus hujus doctrinæ primarius est in doctrina de Incorruptibili & corruptibili. Quæritur ratio, secundum quam quidque incorruptibile dicamus? Respondéo: Incorruptibile quidque est, secundum quam Absoluti modos participat: corruptibile vero quoad dependet.

Incorruptibilis ergo simpliciter Deus: quia omnes dependentiæ modos excludit. Incorruptibiles Angeli & Intelligentiæ, sed non omni modo incorruptibiles: tamen si enim sunt absoluti a subjecto & termino, haud tamen absoluti sunt a causa. Incorruptibiles ergo corruptione quæ secundum subjectum est: simplices. n. essentia: corruptibiles, quia non a seipsis. Corruptibiles ratione causæ secundum propriam rationem naturæ: incorruptibiles tamen a causa ratione gratiæ. Quod eleganter expressit Plato in Timæo: Quæ a me facta sunt, inquit Deus, me ita volente, indissolubilia sunt. Omne siquidem quod vincitum est, solvi potest. Quapropter quia generati estis, immortales quidem & indissolubiles omnino non estis. Nec tamen unquam dissolvemini, nec mortis fatum subibitis. Nam voluntas mea majus vobis est vinculum ad vitæ custodiam, quam nexus illi, quibus estis tunc, quum gignebamini colligati.

Corruptibilia corpora, nam & ab externa & ab interna causa dependent: non tamen cessant ad desitionem sui vel accidentis, vel relati. Quo sensu intelligendus est Porphyrius: desiniendo Accident esse quod adesse vel abesse potest sine subjecti corruptione. Non enim homo minus erit homo quoad essentiam, si

Philo-

Philosophus non erit, vel si divitiz ab eo auferantur.

Accidentia esse desinunt per desitionem subjecti & causæ: non per desitionem termini, si absoluta fuerint, ab hoc enim non dependent. Quæ vero sunt relativa accidentia, ex ut omnibus modis dependent, ita corrumpuntur destructione objecti seu termini, subjecti, & causæ. Hæc doctrina facilius elucescet è variis modis Incorrutibilis, & Corruptibilis, quos sequenti capite proponemus.

7. Solet & alio modo distingui Absolutum. Dicitur enim Absolutum, vel Positive, vel Privative, vel Negative, ut è Joh. Altenstaig. in vocabulario docuit, Constan. Sarnanus in directorio pag. 45.

8. Absolutum Positive illud dicimus, quod vel est absolutum Categoriæ genus, vel sub uno absolutorum predicamentorum genere ponitur. Hoc sensu Ens dispescimus in Absolutum, & Relativum. Absoluto vero tria suprema genera Substantiam, Quantitatem, Qualitatem, & quæ sub his tribus generibus res continentur, adscribimus. Relativo vero quæ ad aliud, seu cum respectu dicuntur. Ita Leo, arbor, lapis absolute dicuntur: pater vero, servus, limes, relative.

9. Absolutum privative illud est, quod abstrahit ab absoluto & relativo, eo quia hac divisione superius est, & ad utrumque ejus membrum indifferens. Nam quod est superius, non est de se unum ex inferioribus sibi subjectis generibus: quia ad ea est indifferens, ut animal de se nec est homo, nec bestia, sed vel est homo, vel bestia. Et ita Ens in universali de se nec est absolutum, nec respectivum: quod si

coim esset determinatè unum horum, non pos-
 se in absolutum & respectivum distingui.
 Quemadmodum hominem falso dividerem in
 hominem, & bestiam: nam homo nullo modo
 dividi potest in bestiam. Quia nulla species est
 in potentia ad suam contrariam speciem, at ve-
 ro id, quod dividitur, est in potentia, ad ea, in
 quæ dividitur. At verò in specie, hoc vel illud
 Ens est vel Absolutum, vel Relativum, quia ad
 certam speciem jam est contractum. Dices: At
 Ens absolutum dicitur, quia privativè absolu-
 tum. Hic dicendum: Diversam esse rationem
 univocorum & Analogorum. In univocis per-
 fectè regula hæc obtrinet: Superius, actu non
 potest participare rationem sui inferioris. At
 vero in iis quæ dicuntur ad unum unamque
 quandam naturam, quia analogum secundum
 prius & posterius in suis inferioribus est, com-
 muniter desumit denominationem prioris seu
 principalioris analogati. Quomodo Arist. in
 1. post. con. 9. demonstrationem definit non
 eam, quæ in communi, sed eam quæ potior est,
 demonstrationem propter quid. Et hoc sensu,
 quia omne absolutum respectivo prius est, ut à
 quo hoc dependet: Ens quod de se in commu-
 ni ad utrumque sese habet, sed tamen secun-
 dum prius & posterius, denominatur Absolu-
 tum, denominatione à principaliori divisionis
 parte desumpta. Et hoc est, dici quid Absolu-
 tum privativè.

10. Absolutum negativè illud, quod in esse
 suo præciso est à se, & non ad aliud. Hoc
 modo absoluta sunt, quæ dicuntur per se præci-
 se & solitatie, i. e. remoto ab eo omni alio, Eo
 modo absoluta dicuntur differentia, conside-
 rata in ultima abstractione, quia ita sunt præ-
 cise

cis & separat ab omni alio, ut sint tantum hoc, & non aliud, seu, ut sunt verba subtiliss. Duns in 1. d. 5. q. 1. sect. hæc quantum ad realitatem, sunt absolutissimæ quidditates, sumptæ ab omni eo, quod est quoquo modo extra rationem quidditatis. Eo sensu; quo Avic. in 5. Metaph. dixit: Equinitas est tantum Equinitas. Et hic Absoluti dicendi modus, adeo nihil extrinsecum includit, ut hæc differentie sectoris objective ab aliis rebus distinguantur, ut in doctrina de distinctione monebimus: quod ita absolute & præcise considerentur, ut in earum objetivo conceptu nihil extraneum includatur.

11. Hic quærimus: Quando Ens dividitur in absolutum & respectivum, cui generi relationum opponatur Absolutum, an in universum Transcendentali, an vero in specie prædicamentali? Dicendum, quod divisio hæc intelligenda sit secundum rationem prædicamenti. Nam quum Transcendentalis ea, quam vocant, relatio, tantæ sit latitudinis, ut ejus ambitum nihil effugiat: nec enim essentia ulla est, quæ hoc relationis genere non sit affecta, adeo ut & ipsum Ens in universum sumptum ab hoc respectus genere liberum non sit, quum ordinem habeat ad suas passiones in sua inferiora: 1. absolutum non re, sed relatione sola à respectivo distinguimus: fertur enim transcendentalis respectus super inferiora, quæ absoluta dicuntur omnia, quibus quum sit superior, adeo intrinsecè in iis includi dicetur: si entis prima quædam species est, ut non nisi ratione à quoque absolute distingui possit. 2. Et divisio in absolutum & respectivum, ita feretur supra rem dividendam Ens nimirum, ut inferiora

ores divisionis partes de superiori diviso prædicentur. Nam Ens respectivum est respectu Transcendentali, ut diximus, quia is respectus omnem Entis universitatem ambit: & ratio absoluti, ut quæ principalis analogati rationem obtinet, ab analogo genere secludi non potest, quum analogum prioris analogati naturam actu includere semper videatur. Erit ergo Ens actu & absolutum & respectivum. Erit superius actu sua inferiora. Inferiora de suo superiori prædicabuntur. Et hoc exemplo non adeo falsa erit prædicatio hæc: animal est homo, bestia est Leo. Ut jam novam Logicam condere opus sit. Absurda hæc. Quid ergo? Dicemus divisio Entis in absolutum & respectivum non est secundum respectum transcendentalem, sed secundum respectum prædicamenti sejuncta, & instituta.

12. Hinc iam secundo loco decidi potest quæstio, quomodo Transcendentia abstrahant ab absoluto & respectivo? Quam enim omnem omnino respectum excludere non possint, nihil enim omni ex parte absolutum est: & ordinem habeant prioris & posterioris tum inter se, num & verum bono prius est, & simplices Entis affectiones disjunctis priores censentur: tum ad particularia, quorum respectu Transcendentia dicuntur, eo quod ad nullum horum generum limitari possint. Ordo vero omnis respectum inferat. Non ergo ab omni respectu abstrahere possunt. Hic dicendum: Transcendentia non abstrahere à quocunque respectu, non enim à Transcendentali: sed ab eo qui est juxta divisionem Entis. Is vero prædicamentalis respectus est: nam ab eo abstrahere dicuntur, eo enim Transcendentia priora sunt,

sunt, quia ad nullum genus prædicamenti constantur. Intert ergo ordo prioris & posterioris, ordo superioris & inferioris respectum; sed non cum qui prædicamenti est, verum Transcendentalem. Quid vero sit relatio Transcendentalis & prædicamentalis, in doctrina de relatione dicetur.

C A P U T XVII.

De Incorruptibili & Corruptibili.

I.

Rationem Independentiæ, & Dependentiæ, sequitur Incorruptibile, & Corruptibile.

2. Incorruptibile est Ens, quod de esse ad non esse transire non potest: seu, quod esse non potest mutare cum non esse.

3. Estque vel simpliciter, vel secundum quid.

4. Incorruptibile simpliciter illud dicimus, quod à nulla potentia traduci potest ad non esse, eo quod à nullo dependet, à quo immutari possit. De hoc genere loquitur Averr. 1. de cælo comm. 114. quando dicit: incorruptibile esse illud, quod est Ens actu, & non habet potentiam ad corruptionem, neque est possibile, ut in aliqua hora sit corruptum. Ita solus Deus est incorruptibilis.

5. Incorruptibile secundum quid illud dicimus, quod è pluribus non constat, in quæ resolvi possit. Ita simplex omne Incorruptibile dicimus.

6. Corruptibile est Ens, cui non repugnat mutari quoad suum esse.

7. Corruptibile, vel dicitur ratione causæ, vel dicitur ratione subjecti.

8. Corruptibile ratione causæ illud dicimus, quod mutari potest ab agente voluntario, à quo dependet. Ita Angelos etiam corruptibiles dicimus.

9. Hunc modum elegantur declaravit Plato in Timæo, quando introducit patrem rerum omnium ita loquentem: Dii orti ex diis, quorum opifex ego, & pater sum, hæc attendite. Quæ a me facta sunt, me ita volente indissolubilia sunt. Omne siquidem, quod vinctum est, solvi potest. Quapropter quia generati estis, immortales quidem & indissolubiles omnino non estis. Non tamen unquam dissolvemini, nec mortis fatum subibitis. Nam voluntas mea majus præstantiusque vobis est vinculum ad vitæ custodiam, quam nexu illi, quibus estis tunc quum gignebamini colligati.

10. Corruptibile ratione subjecti, quod constans subjecto, plura simul includit, è quibus est compositum, in quæ resolvi potest. Eo modo compositum omne est corruptibile.

11. Corruptibile ratione subjecti habet potentiam ad corruptionem vel remotam vel propinquam.

12. Corruptibile potentia remota illud dicimus, quod habet in se principium corruptionis, ad quam tamen actu exire nequit, nisi prius ad potentiam propinquam reducatur. Ita omnia quæ constant materia habent in se principium corruptionis, actu tamen non corrumpuntur, nisi sit agens contrarium à quo corrumpantur.

13. Corruptibile potentia proxima est, quod proximè ad corruptionem deduci potest, ut quod constet qualitatibus contrariis. Vide Scot. 3. Sent. d. 22. unic. sect. ad primum argumentum.

C O M M E N T A R I V S.

Este aliquid incorruptibile & corruptibile
 Ex eo proprie est, quod est Ens à se vel ab
 alio, seu vel est Independens vel Dependens.
 Dicitur vero corruptibile duobus modis: uno
 modo secundum potentiam, alio secundum
 actum. Corruptibile secundum potentiam il-
 lud dicimus. cui non repugnat non esse. Cor-
 ruptibile vero secundum actum hoc, quod in
 actuali ratione corruptionis est. Et oritur cor-
 ruptibilitas, vel ratione principii externi, vel
 ratione principii interni: unde aliud intrinsecè
 corruptibile ex aliud intrinsecè corruptibile di-
 cimus. Intrinsecè corruptibile hoc est, quod
 plura in se includit, in quæ resolvi potest. Ex-
 trinsecè vero, quod etsi sit absolutum à subj-
 ecto, tamen non est absolutum à causa. Ut n.
 est apud Scal. exer. 703. s. 29. Omne dependens
 corruptibile est, si vel maxime nullam habet
 materiam. Corruptionis vero actualis, modus
 quadruplex est: Primus modus est juxta perio-
 dum, quatenus nihil omnino est, quod fini-
 tum est, quod certa periodo non definiatur. Al-
 ter modus, ratione contrarii, qui in mixtis po-
 tissimum obtinet, ratione contrariarum quali-
 ratum rarum, quæ in ipsis sunt. Tertius mo-
 dus in viventibus est, ratione assumptionis ca-
 loris & humidi radicalis, Quartus modus vio-
 lenz est, qualis est is, qui ferro vel laqueo fit.

Incorruptibile triplici modo dicimus: vel
 enim hoc, quod omni ex parte, tam à causa,
 quàm à subjecto est absolutum, & est unus
 Deus. Vel illud, quod etsi non sit à causa ab-
 solutum, à qua dependeat, tamen gratia primæ

causæ hoc habet: ut intelligentiæ nutu sunt creatæ, natu dissolvuntur; ita tamen creatæ, ut placeat primæ causæ eas nunquam futuras dissolvere. Tertius modus incorruptibilis est, quod etsi nec à subjecto nec à causa sit absolutum, contrarium tamen non habet à quo sub mutationem veniat: quomodo cœlum incorruptibile dicimus ratione sempiternæ connexionis formæ ejus cum materia, quatenus non habet aliquod contrarium, à quo hæc connexio dissolvatur.

C A P V T. XVIII.

De Principio & Principato.

I.

ENs est vel principium, vel Principiatum.

2. Principium illud dicimus unde quidq; aut est, aut fit, aut cognoscitur.

3. Principium dicitur vel proprie, vel secundum quandam similitudinem.

4. Principium proprie dictum est, primum in quoquo, unde aliud dependet, vel in esse vel in cognosci.

5. Hinc principia alia dicuntur Essendi, alia cognoscendi principia: Illa aliàs Incomplexa, hæc Complexa dicuntur.

6. Essendi principia ea dicuntur, à quibus quidque habet ut sit.

7. Ea sunt vel Physica, vel Metaphysica.

8. Principia Physica dicimus principia quæ naturali rerum constitutioni inserviunt, cujusmodi principia sunt causæ.

9. Metaphysica principia dicimus conceptus rerum, qui constitutioni rationis inserviunt, ut sunt genera & differentię.

10. Princi-

10. Principia cognoscendi sunt principia complexa; ex quibus per se notis innotescunt alia, ejusmodi est: totum est majus sua parte.

11. Ea dicuntur principia cognoscendi, modo præcisionis loquendo: nam in eo differunt Essendi & Cognoscendi principia, quod illa conferunt & esse & cognitionem, juxta illud: ut se res habet in essendo, ita & in cognoscendo. Verum cognoscendi principia tantum largiuntur cognitionem & non esse.

12. Horum principiorum alia sunt simpliciter prima, alia prima in suo genere.

13. Prima simpliciter ea dicuntur, quæ in nullo genere prius habent à quo debeant: ejusmodi primum in genere incomplexorum est Deus tantum. In genere vero complexorum primum: Impossibile est idem esse, & non esse. ut superius è 4. Metaph. Arist. differuimus.

14. Prima in suo genere dicuntur principia, quæ ut nota in certa quadam disciplina ponuntur, ut in Physicis est principium, quod Natura sit principium motus & quietis ejus, in quo inest primo & per se, & non secundum accedens.

15. Principium similitudinis dicitur principium positum in ordine sine propria ratione dependentie.

16. Estque vel originis, vel dignitatis.

17. Principium ratione originis vel ordo præsupponentis & præsuppositi, ut fundamentum domus vel temporis, vel situs, vel motus & alia hujusmodi, ut docetur 5. Metaph. 1. cap. 1. & apud Averr. Epit. Met. tr. 1. sect. principium dicitur.

18. Ratione dignitatis, quod in quoquo genere est dignius, ut Consul est principium Senatus. —

19. Prin-

19. *Principatum est. Ens cum ordine ad principium. Hoc tot modis dici potest, quot principium ipsum. Relatorum enim una est notitia.*

COMMENTARIUS.

DE principio dicendo, consideramus principium tripliciter: 1. quomodo sese habeat ad causam & effectum. 2. Quid principium de se in genere sit. 3. Quot modis principium dicamus.

Primum ex eo dubium est, quod Aristot. dicit, Causam toties dici, quoties principium: & paulo post subjungit, Elementum quoque principium esse, 5. Metaph. tex. 1. Dicendum vero, quod ita sese habeant, ut omnem causam dicamus principium, non omne principium causam, & omne elementum causam esse, non omnem causam elementum. Verum ad rationem principii sufficit respectus anteriorum cum ordine quodam ad posterius. Sed causa superaddit quendam influxum ad esse causati. Elementum vero dicimus, ex quo componitur aliquid primo inexistente, indivisibile specie in aliam speciem. Itaque ad rationem principii sufficit, ut aliquid sit prius cum ordine ad posterius: ad causam, ut influxum præbeat, sive ea ipsa causa externa sit, sive interna. Ad elementi vero rationem quatuor requiruntur: 1. ut ex eo aliquid sit. 2. ut in constitutionem veniat. 3. ut sit intrinsecum. 4. ut sit indivisibile. Quod vero Aristoteles dicit toties dici causam, intelligendum est exclusive, non inclusive, hoc ipsum explicat Fonseca 5. Metaph. c. 1. q. 7. s. 2.

De secundo dicendum, quod est apud Arist. quod omnibus principiis sit commune esse primum, unde aut est, aut sit, aut cognoscitur. In qua

qua quidem principiorum ratione duo notanda veniunt: 1. Quomodo commune sit omnibus principiis esse primum, 2. Quare potius secundum copulam definire voluerit Arist. principiorum rationem.

Ac ad prius quantum attinet dicendum: Primum dupliciter dici, vel simpliciter, vel in suo genere. Simpliciter primum unum tantum est, Deus nimirum. Prima vero in suo genere ea dicimus, quibus secundum hanc determinationem prius nihil est. Aristoteles intelligendus est, non priori modo, sed posteriori.

De secundo dicendum, quod res quæ sub definitionem veniunt, non sunt unius generis: quædam enim sunt per se unum, & ea ipsa sine copula definiri bene possunt: quædam vero sunt definitiones non secundum quid rei, sed secundum quid nominis, quæ iis rebus tribuuntur, quæ non habet unam quandam essentiam. Ita ergo principium definitur distributive, ut simul in generali principiorum ratione notum ac manifestum fiat principium non uno modo dici, nec secundum essentiam unam, sed variis modis.

Circa tertium itaque dicendum, quod verbum principii multis modis dicitur apud Aristotem. 1. Enim dicitur illud rei, à quo quid primo movetur: ita est principium in magnitudine, motu & tempore. 2. Unde facilius est: quomodo principium doctrinæ in specie sumimus, non à principio rei, sed unde quisque facillime discit. 3. Unde res progenerantur. 4. Unde incipit generatio ipso non existente: idque in naturalibus, civilibus & artificialibus. 5. In disciplinis, unde res primum cognoscitur. Hos quinque modos Johann. Versoris in 5. Metaph. ita comprehendit; esse principium est vel intra, vel extra.

Intra

Intra principium, unde res vel secundum situm (id est magnitudinem) & est primus modus, vel secundum tempus, idque vel ad bene esse in secundo modo, vel ad esse simpliciter, ut in tertio. Vel principium est extra, idque vel secundum esse rei, ut efficiens & finis, vel cognitionis, ut in disciplinis.

Principiatum vero in genere dicimus omne illud, quod respectum seu relationem ad principium habet: habent enim se principium & principiatum relative, ut quot modis alterum eorum dicitur, tot etiam dicatur alterum. In specie vero principio secundum magnitudinem, motum & tempus, opponitur ultimum magnitudinis, in quo est finis motus, seu terminus. Et communiter principiatum solemus specialiter accipere pro eo, quod ex principiis intrinsecis est, quomodo apud Scalig. exerc. 307. sect. 20. Principia dicuntur actus suorum principiatorum. Reliqua ex relatione principiatum ad principium cognosci possunt.

Quia vero doctrina de experientia multum facit ad notitiam principiorum, volui hæc opponere facilitatis gratia, quæ in libro meo de Philosophia, de experientia & principiis latius aliquando disserui in hunc modum.

Philosophia constat experientiâ & ratione. Experientia est cognitio è multarum memoriarum de eadem re collatione orta. Ratio est rei per principia cognitio.

Philosophicum non esse, ad quod existimandum neque experientia, neque ratio nos ducit, eleganter disserit Fr. Suarez. disp. Met. 13. sect. num. 5. In specie vero de Experientia Arist. 1. Meta. t. c. 5. Per experientiam, inquit, ars & scientia hominibus efficitur. Experientia enim, uti
recte

recte ait Polus, artem effecit, in experientia vero fortunam. Experientia vero duobus modis sumitur; uno modo late, pro quacunque perceptione unius singularis. Quo sensu apud Cic. in orat. pro Coel. scriptum legimus. Vim veneni aiunt, Coelum esse expertum, in servo quodam ad rem ipsam parato, cujus perceleri interitu esset ad hoc comprobatum venenum.

Alio modo accipitur propriè: hoc modo duo ad perfectam experientiam requiruntur: unum est quasi materiale, cognitio scilicet plurium singularium, è multiplici memoria genita. Secundum quasi formale, collatio scilicet eorundem singularium inter se, ut è sufficienti eorum similitudine, eventorum similitudo habeatur: ut videri potest apud Fons. 1. met. in com. ad c. 1. & hæc experientia partim sensu constat, partim intellectu. A sensu origo est experientiæ: ab intellectu vero perfectio. Nam à sensu singularium, cognitio, eorundemque memoria est: ab intellectu vero iudicium similitudinis è singularium inter se collatione proficiscitur.

Duobus vero modis intelligi potest, Experientiam artem & scientiam efficere: uno modo scientiam consulam, quæ à posteriori est, seu ab effectis dependet. Et hoc modo per experientiam, & similitudinem effectorum deducimur ad similitudinem causarum. Hunc modum docuit Arist. 1. Metaph. t. c. 5. Fit ars, inquit, cum ex multis experimentalibus conceptibus, una de similibus universalis opinio fiat: Opinari etenim, quod Callix hoc morbo laboranti hoc coaduxit, similiter & Socrati, & ita multis aliis singularium, experimenti est. Quod autem omnibus huiusmodi secundum unam speciem determinatis hæc ægritudine laborantibus contulit,

rulit, utpote Phlegmaticis, aut cholericis, aut iustu febricitantibus, artis est proprium. Alio modo vero intelligi potest, experientiam artem efficiere & scientiam distinctam, eam quæ à priori est, & per causas & per principia propria habetur, & dicitur scientia propter quid: In ea cum duo sint: Conclusio, & principia, è quibus conclusio educitur: ad conclusionem per se & immediate nihil videtur conferre experientia, cum illa vi principiorum gignatur. Nam cum sit scientia à priori, medium ex quo conclusio deducitur non est experientia, sed causa ipsius effectus, vel affectionis, quam demonstramus de subiecto. Nisi forte per accidens, quatenus facilius assentitur intellectus conclusioni, si eam particularibus exemplis viderit comprobata. Quo modo facilius assentietur demonstrationi Eclipsis Lunaris, quàm si eam è principiis habuerit cognitam, etiam per experientiam noverit, hanc & illam Eclipsin tempore oppositionis luminarium esse factam.

De principiis alia videtur esse ratio. Ea enim cum non sint unius generis: Sed 1. Alia prima & communissima, ita omnibus nota, ut in controversiam vocari non possunt: 2. Alia omnibus quidem scientiis communia, quorum tamen veritas non sit æque nota & aperta, atque primorum illorum: Et denique 3. Principia particularia, singularum scientiarum propria: omnibus quidem his principiis, experientia quædam videtur esse necessaria, ut à sensitiva experientia adjunctus intellectus, iis principiis facilius assentiri possit. Nam universali huic principio: impossibile est idem esse & non esse: facilis assentietur, qui expertus fuerit, eundem ignem non posse simul urere & non urere.

Sinde perfecta experientia loquamur, jam
 pro diversitate principiorum diversum est judi-
 cium. Nam cum duo sint in principiis: termini,
 è quibus constant principia, & eorundem ter-
 minorum connexio: Si de primo principiorum
 genere loquamur, eorum certitudo & evidentia
 tanta est, ut cognitis illis terminis, intellectus
 non possit eorum terminorum connexioni non
 assentiri. Vera enim esse cognoscitur naturali
 lumine intellectus, ut docuit Scot. 1. Metaph.
 quæst. 4. & in 1. senten. d. 3. Qui enim noverit
 quid sit Ens, & quid sit Non Ens, non potest
 non assentiri huic principio: Ens non potest es-
 se Non Ens. Ad secundum vero genus princi-
 piorum magis aliquanto necessaria esse videtur
 experientia, nisi doctrina & disciplina prius ad-
 discantur. Nam tamen si hoc principium: Totum
 est majus sua parte, cuivis notum esse possit,
 dummodo terminorum notitia accuratè expli-
 cerur: ob intellectus tamen imbecillitatem fit,
 ut qui hujus principii universitatem per inven-
 tionem acquirit, è multorum singularium indu-
 ctione terminorum rationes necessariò prius
 cognoscat.

Principia verò singulis scientiis propria, cum
 non sint ita evidentia, ut assensum statim illis
 præbere possimus: Experientia opus habent,
 qua illorum veritas certior reddatur. Ita Natu-
 ram esse principium motus & quietis, Physicæ
 doctrinæ est principium, quod tùm demum ve-
 rum esse patebit, si exemplorum multitudine e-
 jus experientia comparatur, ut quod hujus &
 illius generationis, hujus & illius alterationis,
 aliorumque motuum ratio à natura pendeat. Et
 de hoc principiorum genere intelligimus Arist.
 in 2. Post. cap. ult. quando cognitionem princi-
 piorum

piorum reducit ad experientiam. E dictis jam manifestum est, quid experientia ad scientiam & principia conferat. Nam scientiam consensum gignit: ad scientiam vero distinctam concurrunt mediata, quatenus est ratio & occasio terminorum & primorum principiorum cognoscendorum. Ratio vero scientiam parit è principiis, è necessario antecedente deducens necessarium consequens. Ratio vero duplex est: Inductio & Syllogismus. Nam probatio per rationem ex his duobus est. Hoc docuit Arist. 1. Post. cap. 1. Omnis doctrina, inquit, & omnis disciplina intellectiva, fit ex cognitione præcedente. Eodem exemplo procedere dispositionem in eo, cui accidit veritas per rationem, hoc est, per syllogismum & inductionem.

In specie: Principia sunt duplicis generis: alia enim sunt principia essendi, alia cognoscendi principia. Principia essendi sunt, à quibus res habet & ut sit, & ut cognoscatur. Principia essendi sunt duplicis generis: sunt n. vel causæ, vel rationes emanandi. Causæ rei sunt quatuor. Efficiens, Materia, Forma, Finis. Ratio emanandi dicitur, quando res ab alio habet emanationem, & originem sui esse, à quo tamen non ut à causa dependet. Quomodo Ens est ratio emanandi suis affectionibus Uni, Vero, Bono. De his principiis verum est: Eadem sunt essendi & cognoscendi principia.

Principia cognoscendi dicuntur, à quibus res illative tantum, hoc est, non secundum esse, sed tantum quoad cognitionem dependet. Ea sunt duplicis generis: sunt enim vel incompleta, vel complexa. Principium cognitionis tantum in complexum est: vel effectus ratione suæ causæ, vel accidens ratione sui subjecti. Principium

cipium vero complexum est duplicis generis, ut
 est apud Aristot. 1. post. cont. 14. Est n. vel
 Dignitas, vel Positio. Dignitas est principium,
 quod sua certitudine & evidentia, fidem apud
 omnes meretur, ut est: Totum est majus sua
 parte: Impossibile est idem esse & non esse. Po-
 sitio duplex est: Suppositio, & Definitio. Sup-
 positio alio nomine dicitur Petitio, & Postula-
 tum, quod non eget confirmatione, sed assen-
 sum duntaxat auditoris exposcit, ne ulla sit in
 demonstrando hæsitatio & difficultas, cujus-
 modi est: E quovis puncto ducere lineam ad
 quodvis punctum. Definitio est vel Quid nomi-
 nis, vel Quid rei. Illa artis termini explican-
 tur, ne vel ambiguitate, vel obscuritate labore-
 mus. Hac ipsa rei natura, seu quid est esse rei
 cognoscitur. Hæc ferè principiorum genera
 sunt. Ad quorum meliorem notitiam sequen-
 tia in considerationem adduci possunt.

In principio tria considerata veniunt: Sub-
 jectum, Relatio, & fundamentum huius rela-
 tionis. Subjectum dicimus rem quæ principium
 esse denominatur, ut Deus, quem principium
 esse dicimus. Relatio vero est ordo seu respectus
 inter principium & principiatum, cujusmodi
 ordo est inter patrem & filium, ille enim huius
 est principium. Fundamentum vero huius rela-
 tionis est consecutio & dimanatio principiatum
 à principio, ut quod à patre filius producat
 per vim generativam.

Fundamentum verò relationis determinat
 modum, secundum quem principiatum ad prin-
 cipium consequitur. Hic vero modus in genere
 est, quod principia virtute in se continent prin-
 cipiatum: nam eorum unum non est formaliter i-
 dem, quod est aliud, sed unum natum est ab alio
 origi-

originem accipere. In specie verò ordo principii ad principiatum multiplex est: Est enim modus quidam tantum originis, ut unum sit ab alio, si- ne tamen efficientia vel dependentia, eo modo in divinis dicitur Pater esse origo Filii, quatenus Filius non est à se, sed à Patre, quoad genera- tionem, tamen si de se habet esse divinum. Se- cundus modus est virtutis potestativæ, secun- dum communem prædicandi rationem. Et eo modo minus universalis continentur in magis universalibus, à quibus esse genericum parti- cipant. Tertius modus est propriæ efficientiæ, quomodo effectus dependet à sua causa: Et hic modus infert non tantum ordinem & originem, sed & necessariam quandam dependentiam & causalitatem. Sub hoc genere comprehendimus omnes causarum modos. Quartus modus est illationis, secundum quem ex antecedente in- fertur consequens, conclusio scilicet è præmissis.

2. Vocis principii variz significationes sunt, ut docetur apud Arist. 5. Met. cap. 1. Nam, 1. Principium illud dicitur, à quo quis primum movetur, ut putà magnitudinis & viz. 2. Un- de ubumquodque benè & faciliè fieri potest, quomodo in disciplinis ordo doctrinæ princi- pium facit, unde facilius rem discere possimus, à facilioribus ad difficiliora pergendo. 3. Prin- cipium dicitur ea pars, quæ primò generatur, ut fundamentum domûs. 4. A quo primò motus & transmutatio oritur, ita prolis principium sunt pater & mater. 5. Quod est dignitate primum, ut ad ejus arbitrium & electionem moveantur omnia quæ moventur, & mutantur quæ mu- tantur, ita civitatum principatus & magistratus principia dicuntur, quia ab his reguntur omnia in civitate. Et disciplinæ Architectonicæ sunt prin-

principia artium subservientium. 6. Est principium cognitionis, ut è quo cognito res aliz cognoscuntur. Ita demonstrationum principia dicuntur axiomata & suppositiones. Ac cum toties principia dicantur, nos ea tantum principiorum genera adduximus, quæ ad Philosophiz ac scientiarum cognitionem faciunt: cuiusmodi ea tantum sunt, quæ vel ad essentiam faciunt, vel cognitioni inserviunt: Ea enim principia Philosophiz & scientiz sunt necessaria.

3. Ad pleniorē intelligentiā principiorum tria dubia hoc loco movebimus: Primum est; An eadem sint principia rei & ordinis doctrinæ.

2. An eadem essendi & cognoscendi principia.

3. quodnam principiorum omnium sit primum?

An eadem sint principia rei et doctrine?

Prius & notius esse duplex docetur apud Aristot. 1. post. cont. 12. prius & notius naturā, & prius ac notius quoad nos. Prius & notius naturā illud dicitur, quod à sensu est magis remotum. Prius vero & notius quoad nos illud, quod sensu est magis propinquum. Hinc ergo queritur, an ordo doctrinæ & disciplinæ desumendus sit ab iis, quæ sunt notiora & priora naturā, an vero ab iis, quæ sunt priora & notiora quoad nos? Est vero ordo doctrinæ methodus disponendarum partium scientiæ & disciplinæ, secundum prius & posterius, melioris cognitionis adipiscendæ gratia instituta. Quomodo de universalioribus prius docemus, quam de magis particularibus, quia illa inserviunt horum cognitioni: ita de elementis prius docemus, quam de mixtis, quia horum cognitio ex illorum cognitione dependet. Et ita differt ordo doctrinæ à via doctrinæ: quod in via doctrinæ in-

instituitur cognitio rei per illationem, ut à re nota per discursum, in rei ignotæ cognitionem deducamur: ordo verò doctrinæ non facit illationem hujus rei ex illa, sed solum disponit ea, quæ tractanda sunt.

Hic dicendum, quod ordo doctrinæ semper desumatur ex iis, quæ sunt priora & notiora quoad nos, ut scientiarum disponendarum ratio non sit natura ipsarum rerum, sed nostra melior cognitio. Nam unde facilius discere & rerum notitiam percipere videmur, hæc priori loco collocamus: posteriori v. quæ non ita nobis sunt manifesta. Ratio ejus rei certa est: Nam ordinis doctrinæ finis est, nostra melior cognitio: ordine enim potius quam confuse res disponimus, non tam ut in rebus ipsis secundum naturam propriam consideratis ordo statuatur: Verum quoad nos, ut res certò ordine dispositas facilius & certius discere & cognoscere possimus. Quum vero è fine quidque suo metiamur, hoc potius attendendum nobis, quoad finem eum consequendum certius nos ducit. Certior verò ratio finis ejus consequendi est, si ad nostram faciliorem cognitionem potius ordinem instituamus, quam si secundum naturæ notiora & priora progrediamur. Ordo ergo doctrinæ potius requirit, ut secundum nostram faciliorem cognitionem ordinem instituamus, quam secundum propriam rerum naturam. Hanc sententiam docuit Aristot. *Metaphysicæ* cap. 1. ex oppositis inquit, aliud principium est illud, unde quodque optimè fiat ut doctrinæ, non à primo, ac rei principio aliquando inchoandum est, sed unde quis facilius discat. Et hunc ordinem observavit Arist. ut docet in 1. de hist. animal. c. 6. primum inquit

(quam

(quam cæterorum animalium) partes hominis explicare debemus. Ut enim nummos ad id quod sibi quisque exploratum certumq; habeat probare solet: ita cæteris quoque in rebus agendum est. At homo animalium maximè omnium notus nobis necessarius est. Quam eandem sententiam iisdem penè verbis repetit in 2. de part. animal. c. 10. Et eandem docuit Averr. 1. Metaph. t. 1. Principium doctrinæ est in scientiis aliud ab eo, quod est in rei veritate principium, sicut Arist. fecit in multis libris.

At cum in ordine sæpius ea præponantur, quæ naturâ non sunt notiora: quemadmodum in Physicis videmus egisse Aristotelem, prius de rebus naturalium principiis, quæ ipsis rerum naturalium speciebus natura sunt priora & notiora: hoc inde fit, quia sæpius coincidunt notius natura & notius quoad nos. Nam notius quoad nos duplex est: unum notius quoad nos tantum, quod non est notius natura, effectus quoad nos notior est causa, non natura. Aliud est notius quoad nos, & natura notius, ut sunt universalis, è quibus singularia cognoscuntur: nam esse secundum confusam notitiam sunt notiora nobis, & sunt etiam notiora natura, quia universalis sunt de particularium essentia & natura, Quando ergo idem est notius nobis, & quoad naturam: tum in ordine doctrinæ coincidit notius & prius quoad nos, & quoad naturam. Quando vero ordo doctrinæ est tantum è notioribus nobis, jam principia rei & cognitionis sive doctrinæ differunt.

Et hoc sensu manifestum jam est, non semper eadem esse principia rei, & doctrinæ. Nam tum demum eadem sunt, quando idem est notius quoad nos, & quoad naturam, quando ve-
rò

rò doctrina est tantum è notioribus nobis, tum principia rei & doctrinæ seu cognitionis differunt. Quod si quæstionis terminos aliquanto latius & ad viam doctrinæ extendere velimus, non opus est, ut pluribus disputemus, nam via doctrinæ jam è prioribus infert posterius, jam è posteriori prius: Priori tantum ratione principia rei & doctrinæ coincidunt, posteriori modo differunt.

Ita quando è mutatione substantiæ deducimur in cognitionem materiæ primæ, ex eo quod est natura consequens inferendo natura antecedens, ab eo, quod est notius quoad nos arguimus quod est notius naturâ. Quando vero è primo motore motum primum agnoscimus, ab eo quod est natura notius, arguimus id quod natura ignoratum.

Hæc eadem sint essendi et cognoscendi principia :

Hoc dicendum quod omnia essendi principia sunt etiam principia cognoscendi: At non contra, omnia cognoscendi principia sunt etiam principia essendi. Ita è nihilo nihil fieri, cognoscendi principium in Physicis est: sed nulli rei dat esse. Contra à forma dependent & esse rei, & ejusdem cognitio. Juxta hoc quod in communi est, dans formam dat tria: esse, cognosci, & operari. Hanc sententiam docuit Averroës 5. Metaph. t. 1. Universaliter inquit, omne principium aut est principium in arte, aut est principium in esse, & tamen quibusdam artibus accidit, ut principium essendi sit idem cum principio doctrinæ, & in quibusdam non. Vide Zabara, de nat. sci. const. c. 11.

Quæ

Quodnam sit primum omnium principium?

Primi principii naturam & conditionem nobis describit Arist. 4. Metaph. t. c. 8. 1. ut sit omnium certissimum: ejusmodi vero, circa quod mentiri est impossibile. 2. ut sit notissimum: quoniam n. ex ejus cognitione cetera omnia dependeant, necesse est, ut nemo in ejus cognitione decipiatur. Nam quod de principiis in genere verum est: Error in principio in initio parvus, in progressu fit magnus, id de hoc tanto verius, quo est omnibus scientiis communius & universalius. 3. Ne sit ex suppositione: Nam qui aliquid cognoscit, hoc cognoscat necesse est, quia in ejus virtute omnia alia continentur. Hanc dignitatem Arist. 4. Met. t. c. 9. tribuit huic principio: Impossibile est idem esse & non esse. Nam hujus principii certitudo tanta est, ut ne philosophari quidem sine isto possimus. Impossibile siquidem quempiam idem opinari esse & non esse, de eodem contradictorias opiniones statuendo.

De qua controversia ut statuamus, dicendum, quod scientia duplex est: una ostensiva, altera deducens ad impossibile. Est vero scientia ostensiva, scientia rei qua de subiecto per medium directe demonstratur prædicatum, ut quando de Luna demonstramus Eclipsin per interpositionem terræ.

At vero scientia seu ratiocinatio deducens ad impossibile est, cum ex contradicente conclusionis, hoc est, propositæ quæstionis ad probandum, & ex alio pronunciato manifestè vero, colligimus aliquid quod sit manifestè falsum & impossibile, quo sublato, quæstio proposita probata relinquitur. Ut: Omne animal sentit: omnia homo est animal, ergo, omnis homo

sentit. Quæ conclusio si cui falsa videatur è contradicenti conclusionis cum altera præmissarum vera deduco ad impossibile, ita: Omne animal sentit. Quidam homo non sentit, ergo quidam homo non est animal. Absurda conclusio; ergo è præmissis altera, non propositio, quia concessa: ergo assumptio, quidam homo non sentit. Vera ergo ejus contradictoria, quia contradictariorum alterum necessario verum est: Ea vero, omnis homo sentit, quæ prioris rationationis erat conclusio.

His ita suppositis dico 1. Ad scientiam ostensivam formaliter & per se nihil confert hoc principium, hoc est, non potest actu poni, ut sit altera præmissarum in scientia ostensiva. Cum enim scientia ostensiva ex iis procedat, quæ directè inferunt conclusionem, nulla vero conclusio directè deduci ex hoc ipso principio possit: tota enim ejus principii via in contradictione & repugnantia sita est: ad scientiam ostensivam directè instituendam nihil conferre videtur. Hoc enim scientiæ genus, ex ipsa rerum natura petendum est: ejusque principia prima è primis rerum generibus deducenda. Ac tamen si prima rerum genera nullas ex se passiones realiter diversas, per propriè dictum causandi modum producere possint: ratio tamen emanandi iis non negabitur; ut quæ sunt natura priora, sint rationes suorum posteriorum. Et ita priora ad scientiam ostensivam suorum posteriorum conferre possunt. Hoc sensu eleganter disputavit Scotus in 2. d. 15. quæst. 2. Ens esse primum ordine ad Unum, Bonum, Verum: Hæc vero ad illud sese habere per modum passionum. Hic ergo Ens erit primum principium, è quo hæ ipsæ passio-

nes profluunt : ut Ens sit primum principium primæ passionis , reliquæ v. sese mutuo sequantur, secundum rationes proprias, ut una sit ratio alterius.

Dico. 2. In scientia deducente ad impossibile, tota vis scientiæ consistit in hoc principio : Impossibile est idem esse & non esse. Quando enim Sophista per directam scientiam redargui non potest, ad absurdum deducitur, ut opinionis suæ falsitatem è contradictione seu repugnantia sui ipsius cognoscat : Ut ; qui negat omnem hominem sentire, necessario concedit, quendam hominem non sentire, nec ergò quendam hominem esse animal, sibi ipsi ergo contradicit, quia omnem hominem & esse animal, & omne animal sentire concessit. Et ita sibi contradicendo redarguitur, quia idem esse & non esse est impossibile.

Dico 3. Primum hoc principium, tametsi non ingrediatur demonstrationem ostensivam : extrinsecus tamen omnibus scientiis & demonstrationibus inservit. Nam duobus modis principia conferunt ad scientiam, vel intrinsece, ea quæ actu in demonstratione ponuntur, cujusmodi sunt principia propria. Vel extrinsece, quæ tametsi actu non ponuntur, virtute tamen demonstrationi inserviunt, quia intellectum juvant, ut terminorum necessitatem promptius intelligat. Eo modo principia communia & dignitates omnes demonstrationi inserviunt, judicium in universalibus formando, ut sit certius in particularibus. Et ita hoc principium quia est maximè commune, omnium demonstrationum principium est : nam ejus virtute omnium conclusionum veritas nititur, ut cum certi simus de hac conclusione quæ ex

his principiis nascitur, veram ejus contradic-
tionem esse non posse nobis persuadeamus.

Dico 4. Hoc principium primum est simpli-
citer. Nam fundamentum omnium scientia-
rum est, ut de assensu principiorum & conclu-
sionum certi esse possimus.

Sed in contrarium adducunt, affirmationem
esse priorem negatione. Negativum esse hoc
principium. Non ergo posse esse primum: ne-
cessario enim præcedere affirmativum. Re-
sponderi hic potest duobus modis: 1. negando,
esse hoc principium negativum. Modalis enim
negatio pendet è negatione modi. Modus vero
hujus axiomatis negativus non est. 2. dicen-
dum, quod duobus modis intelligi potest affir-
mativum præcedere negativum: Uno modo ra-
tione terminorum, alio modo ratione eviden-
tiz. Priori modo semper negativum ante se re-
quirit affirmativum, quia necessarium est, ut
termini sint, è quibus negativa componitur.
Ratione evidentiz vero negativum potest esse
prius affirmativo: quomodo hoc principium
est evidentissimum, cujus virtute omnes de-
monstrationes ad impossibile deduci possunt.
Dices: fuisse ab Heraclito negatum: non er-
gò esse notissimum & evidentissimum Respon-
det Aristoteles 4. Metaphys. non esse necesse,
quæcunque quis negat, ea etiam putare. Et
ejus naturæ hoc esse principium, ut tamen
portinaciâ ductus verbo id quis negare possit,
aliter tamen sentire necessario cogatur ob prin-
cipii evidentiam, cui intellectus necessario as-
sentitur.

CAPUT XIX.

De Causis & Effectis.

I.

Ens est vel Causa, vel Causatum.2. Causa est principium per se influens
in aliud,

3. Causarum alia est realis, alia Intentionalis.

4. Causa realis est, cujus influxus effectum at-
tingit nullo intellectus opere accedente.

5. Ea est vel extrinseca, vel intrinseca.

6. Extrinseca est causa, à qua manente extra
essentiam causati influxus ad producendum effe-
ctum nascitur: alia dicitur causa Efficiens.7. Causa Efficiens est causa, quæ producit ex-
trinsecè aliud, cujus ipsa non est pars. Biel in 2. d.

1. q. 5. art. 1.

8. Causa alia per se agit, alia per accidens.

9. Causa efficiens per se est, quæ naturâ suâ
ordinata est ad effectum producendum, ideoque
virtutem realem & positivam effectui commu-
nicat: seu, quæ producit effectum virtute propriâ,
indescribit Soncinus. 12. Met. q. 3.

10. Ea vel est Totalis, vel Partialis.

11. Causa totalis est, à qua sola effectus de-
pendet.

12. Ea vel est sufficiens, vel adæquata.

13. Totalis sufficiens dicitur ea, à qua sola ita
dependet effectus, ut ei non repugnet eundem effe-
ctum ab alia etiam quadam causa produci, quo-
modo calor ita dependet ab igne, ut simul possit
esse à Sole.14. Totalis adæquata dicitur, à qua sola ita
pendet effectus, ut ei repugnet ab alia causa eun-
dem effectum produci: quomodo Deus est causa
totalis mundi.

15. *Partialis causa est, à qua so'a effectus non dependit, sed quarum plures ad eundem effectum producendum concurrunt: aliàs dicitur causa socia.*

16. *Causæ sociæ sunt vel ejusdem ordinis, vel diversi.*

17. *Causæ sociæ ejusdem ordinis sunt, quarum æqualis est influxus in effectum producendo: ut duo trahentes navim.*

18. *Causarum sociarum diversi ordinis divisio, vel attenditur secundum latitudinem, vel secundum vim agendi.*

19. *Quoad latitudinem causarum alia est Universalis, alia Particularis.*

20. *Causa universalis est, quæ indifferens est & indeterminata ad plures effectus producendos, ut: cælum.*

21. *Causa particularis est, quæ ad unum effectum est determinata, ut homo non nisi hominem generat.*

22. *Secundum vim agendi causa alia est Principalis, alia Instrumentalis.*

23. *Causa principalis quatuor modis dicitur:*
 1. *causa agens independenter, & ita prima causa sola est principalis, omnes verò secundæ sunt instrumentales.* 2. *Agens Quod, totum sc. suppositum à quo actio proficiscitur: ita pars dicitur causa instrumentalis, seu agens Quo.* 3. *Principalis dicitur cui tribuitur effectus productio: instrumentalis verò à quo dispositio ad effectum producendum fit, ut: ignis est causa producendi Ignem, instrumentum verò calor.* 4. *& quidem maxime propriè, causa principalis ea dicitur, quæ agit per formam propriam intrinsecam, ita ut in suo genere ab alia causa in agendo non debeat: instrumentalis verò, quæ non agit per propriam formam,*

nam, sed tantum per motionem agentis principalis. Vide Scotum in 4. d. 1. quæst. 1. & ibid. Gabriel.

24. Causa per accidens est, cuius per se non est influxus in effectum producendo.

25. Et est Fortuna, vel Casus. Fortuna in voluntarie agentibus, Casus in iis quæ agunt naturaliter.

26. Causa intrinseca est, quæ ita ad effectum producendum concurrunt, ut sit pars essentie,

27. Estque Materia, vel Forma.

28. Materia dicitur, vel Proprie, vel Impro-
prie.

29. Materia proprie dicta est materia ex qua, quæ est altera compositi pars, sustentans formam, ut ex utriusque conjunctione fiat compositum.

30. Estque immanens, vel transiens: illa è quæ permanente res fit, ut corpus est materia hominis. Transiens, è qua transmutata res fit, ut è cibo sanguis & caro.

31. Improperie dicta materia, est vel materia in qua, vel materia circa quam.

32. Materia in qua est subjectum, in quo accidens inheret: ut paries albedinis.

33. Materia circa quam est obiectum, circa quod vis & facultas quædam versatur, ut: color visus.

34. Forma est causa, quæ est altera compositi pars, per quam res est id quod est: & hinc à cæteris rebus distinguitur, operationesque suas obtinet.

35. Hinc à forma tria oriuntur. Esse, distingui, & operari.

36. Causa intentionalis est, quæ concepta ab intentione agentis sui amore & desiderio extimulat agens ad agendum: & dicitur Finis.

37. *Finis est causa, cujus gratia res est.*
 38. *Finis alius est $\bar{\omega}$, alius $\bar{\epsilon}$.*
 39. *Finis $\bar{\omega}$ est, cujus bono cedit finis: ut homo calcei.*
 40. *Finis $\bar{\epsilon}$, est finis ad quem actio fertur.*
 41. *Estque finis hic vel generationis, vel rei genitæ.*
 42. *Finis generationis est, quo posito cessat actio: hoc modo forma dicitur finis generationis, quia eâ introductâ cessat generatio.*
 43. *Finis rei genitæ est finis, qui rem factam consequitur: ita inhabitatio est finis domus.*
 44. *Causatum est principiatum à causa dependens: seu, in quod causa influit suum esse.*
 45. *Hoc dividitur in quatuor genera correspondentia causis: scilicet in ordinatum ad finem, quod est finitum, & in causatum ab efficiente, quod dicitur effectum, & in causatum à materia, quod dicitur materiatum, et in causatum per formam, quod dicitur formatum. Scotus in lib. de 1. prin. cap. 1.*
 46. *Effectum vel est operatio, vel opus.*
 47. *Operatio quædam est actio se ipsa terminata, ut visio: quædam tendens ad opus, ut, edificatio.*
 48. *Opus est effectum actionem transeuntem terminans, & post actionem relictum, ut domus.*

COMMENTARIUS.

Duplici ratione doctrinam causæ & effectus Metaphysicus tractandū suscipit: uno modo quia causa & effectus reciprocantur cū omni Ente: omne enim Ens vel est causa, vel effectum. Partim etiam, quia primus Philosophus tractat de primis rerum principiis, tum inquirendo

rendo eorum naturam , tum investigando numerum. Ac ex altera quidem ratione dicimus, quod unum Ens sit , quod est causa sine causa, hoc est , omnia ab eo ita pendent , ut ipsum à nullo alio pendeat : reliqua vero omnia ita sunt comparata , ut & fiant & agant, hoc est, respiciant aliquid se superius , ut causam , aliud inferius, ut effectum. Ex altera vero ratione dicendum, quod quantum ad numerum causarum attinget, quatuor numero causæ sunt: Efficiens, Finis, Forma, Materia: atque eum numerum comprobavit Arist. in 1. Metaph. asserendò, quod ex communi Philosophorum consensu pendent. Vide Fons. 1. Metaph. In hunc vero modum numerus ille quaternarius causarum probabilis ferè reddi potest : Ens aut est causa , aut causatum. Causatum aut est simplex , aut compositum. Simplex , si factum est , ab alio factum est, nec factum est temere : agens ergo , & finem ponit. Compositum non tantum ab alio est, & propter aliud, sed etiam est ex alio : non vero ex alio ut uno simpliciter, esset enim simplex: Ergo ex alio ut pluribus, non vero ex pluribus ut sine ordine, esset enim Ens per aggregationem. Ergo ex pluribus habentibus ordinem ad invicem. Ordo vero hic accidentaliter non est in eodem genere, ergo in eodem genere constituuntur per unum, quod habet rationem potentiae , & aliud quod habet rationem actus. Illud materiam dicimus, hoc formam. Inde elegantissime Scalig. lib. 2. de plantis pag. 292. qui compositi, inquit, & accidentium causas reddendas suscepisset , materiam, formam, efficientem & finem ponere debuerat. Materia namque & forma substantiarum partes sunt atque elementa. Efficiens principium , finis movens : Et Hermolaus Barb. lib. 1.

Nat. Scientiæ cap. 25. omne id, inquit, quod materia & forma constat, quatuor habeat causas necesse est. Formæ vero substantiales sine donantur & efficiente duntaxat. Idemetiam affecutæ sunt formæ substantiis adjacentes.

Videtur tamen etiam ponenda esse quinta causa, exemplaris nimirum. Verum dicendum, quod ea ipsa non sit distincta causa à reliquis: potest enim vel reduci ad formam, quatenus exemplar & forma in communi ea ratione conveniunt, ut tantum speciei Ens habent juxta formam, quantum habet in suo exemplari: vel ad agens etiam reduci potest, quatenus duo consideramus in agente: uno modo quod agat, altero modo quod agat determinate. Quorum primum ab agente de se est, posterius vero ab agente, quatenus instructum est aliquo exemplari. Quatenus igitur agere determinate non infert aliquam peculiarem relationem ad effectum alium ab activitate de se in genere, reducendum omnino exemplar ad efficientem causam videtur.

Natura verò earum hæc est; Causa uno modo dicitur, ex qua inexistente aliquid fit: alia verò forma & exemplar, hæc autem est ratio ipsius quid erat esse. Item unde principium mutationis primum. Item ut finis, hæc autem est ejus causa, ut docetur apud Arist. 2. post. cont. 48. Ac de primo quidem modo, quod dicitur causa ex qua inexistente aliquid fit, dicendum, quod hæc ipsa ratio in materiam cadat. Ea enim ab Aristot. 1. Phys. tex. 82. definitur, quod sit rei cujusque subiectum primum, è quo insito; non ex accidenti, aliquid oriatur, & in quod, si quippiam interit, ultimum abeat. In qua definitione tria norantur. 1. quod sit subiectum. 2. quod ex hoc subiecto insito aliquid fiat: 3. quod

quod in illud ultimum aliquid abeat. De primo Scalig. dicit in 1. de plantis pag. 38 55. & 2. de plantis pag. 293. 438. exer. 61. quod commune sit subjectum aliquod omnium formarum susceptivum, quod ex sese nihil ponat, sit vero omnium $\pi\epsilon\rho\delta\epsilon\chi\epsilon\varsigma$.

Fungitur autem materia duobus muneribus, quatenus formæ famulatur, ut est apud Zabar. de constit. Indiv. cap. 7. Uno enim modo est necessarium fundamentum quidditatis, nulla habita ratione actualis existentie: altero modo consideratur, ut actu existens extra animam sub forma, & per formam. Ac priori modo loquuntur, qui dicunt, ipsam materiam non ingredi in rationem essentie ac quidditatis rei: videtur enim essentia, prout est species, esse quid simplex, eaque ratione non potest esse ex pluribus intrinsecè, etsi prout distinguitur ab incorporeis, ordinem aliquem habet ad materiam, non ut in ea ponat essentiam, sed ut in ea ponat esse, quatenus essentia non est existens nisi in hac materia, existit autem in hac materia, non ut est species, sed ut est hic & nunc, & eo modo ad speciem ordinatur tantum ut vehiculum, ad individuum verò ut id ipsum intrinsecè constituens, quatenus individuum dicimus juxta hanc formam in hac materia.

Forma vero est ætus materie, faciens ut illa sit hoc, attribuens rebus, quales, quoti, quanti gradus in ipsis sunt, ut est apud Scalig. 1. de plantis pag. 51. 45. Hinc dicitur esse $\alpha\omicron\gamma\theta\ \tau\eta\varsigma\ \epsilon\sigma\iota\alpha\varsigma$, $\kappa\iota\ \delta\epsilon$, $\mu\omicron\rho\phi\eta$, $\tau\acute{o}\tau\iota\ \kappa\upsilon\ \kappa\iota\upsilon\alpha\iota$, ut est, 1. Post. 7. Metaph. 1. de Generat. 2. Phys. & inde docuit Scalig. exerc. 307. sess. 39. Ac inde fit, ut materiam eatenus perficiat, quoad aptum sibi atque idoneum domi-

domicillum sua opera comparatum induat: ea-
 que ratione ex ejus potentia educi dicitur, non
 quòd vis quadam activa in materia requiratur
 ad hunc actum producendum, sed quòd non est
 invira aut coacta, sed docilis & apta, & ad re-
 cipiendam & ad fovendam formam. *Sed:* ut
 sunt verba Pererii lib. 5. Ph. cap. 22. Educitur
 forma è potentia materiæ, quatenus sit 1. ab
 agente materiali. 2. per dispositiones materia-
 les. 3. in materia inhærentes, ac 4. ita pende
 ab ea in fieri, in esse, in operari, & quidditative.
 Est vero in composito officium formæ hoc, ut
 determinet & constituat hoc aliquid, distin-
 guat & separet, contineat, uniat, & operationi-
 bus imperet, ac determinet idem, quatenus ma-
 teria de se indifferens reducitur ad hunc speci-
 em sub hac determinata forma: hoc aliquid vero
 constituit, quatenus ipsa speciei essentia ab ea
 est. Inde vero distinctio & separatio insequitur:
 quatenus iisdem res est, & distinguitur. Est
 vero primario & intrinsece res à forma. Ab ea-
 dem ergo distinctio sequatur operet. Contine-
 re vero & unire dicitur, quatenus quæ plura sunt
 in uno composito unum fiunt ab una forma:
 quomodo Esse, vegetari, intelligere, homines
 uniuntur ratione unius animæ à qua sunt, &
 multæ partes materiales, quatenus ordinantur
 ad imperium formæ sub ea unum quid fiunt, ut
 est apud Scalig. exer. 346. Operationibus vero
 imperare dicitur, partim iis, quæ ab ea profici-
 untur, partim etiam iis quæ extrinsecus sunt,
 determinando eas ipsas ad modum subjecti in
 quo est.

Efficiens dicitur unde principium mutatio-
 nis primum aut quietis. Ac motus quidem prin-
 cipium dicitur, non ut quidam putant, quod
 omne

omne agens agat per transmutationem rem cum
 motu producendo: sed objective seu termina-
 tive, quatenus semper virtute agentis terminus
 actionis aut alius est, aut alio modo se habens.
 Alius enim nota est communis distinctio effici-
 entis, quod aliud cum actione & passione agit,
 et proprie agens dicitur, aliud vero sit, quod
 absque ulla resistencia facientis sine ulla cona-
 tu, quasi sponte sua eum, qui ipsum insequitur
 effectum producat, unde & minus proprie effici-
 ens dicitur, ut est passim apud Zabara. 1. de pro-
 pos. nec. c. 10. l. 1. De motu gravium & lev. c.
 11. Illud est agens per transmutationem, hoc
 agens per emanationem.

Agit vero efficiens causa vel per se, vel per
 accidens. Per se agit, quæ propria virtute & in-
 tentione agit: atque ea est vel principatis, quæ
 alias in agendo dirigit, alia instrumentalis, quæ
 à principali dirigitur. Principalis vero vel est
 Universalis, vel Particularis. Universalis dici-
 tur, quæ varios effectus potest producere: Itaque
 est universalis in subjecto, quia ad plures effe-
 ctus virtus ejus extenditur. Particularis vero
 ea, quæ ad unum tantum effectum producen-
 dum est ordinata. Atque à conjunctione parti-
 cularium & universalium causarum oritur sub-
 ordinatio: dicuntur vero quædam causæ subor-
 dinari essentialiter, quædam vero accidentaliter.
 Essentialiter subordinari ex dicuntur causæ,
 quæ ejusdem generis, ita affectæ inter se sunt, ut
 una ab altera ex natura sua pendeat in causan-
 do, ut est apud subtiliss. Duns in 1. sent. d. 2. q.
 1. Accidentaliter vero subordinari dicuntur ex
 causæ, quæ ejusdem generis ita affectæ inter se
 sunt, ut altera pendeat aliquo modo ab altera,
 non tamen in causando, ut est apud Fons. 2.
 Met. cap. 2. q. 1. sess. 2. Causa

Causa per accidens dupliciter accipitur, ut est apud Lambertum de monte Domin. 2. Physic. ad text. 38. & Armancum de bello visu tractat. 2. cap. 246.

Vno modo ex parte causæ, quia scilicet id quod accidit causæ dicitur causa: quomodo Musicum dicimus ædificare. Alio modo ex parte effectus, & hoc tripliciter. Vno modo, quod habet ordinem necessarium ad effectum per se, ut remotio prohibens, 2. ad effectum habet ordinem per accidens non necessarium, neque ut in pluribus, sed in paucioribus, quomodo fortuita & casualia à causa per accidens dependere dicuntur 3. quod nullum habent ordinem, nisi forte secundum æstimationem, quomodo dicimus terræ motum factum, eo quod ingressi ades simus.

Post vero efficiens causa referri ad tria, ut est apud Piccol. in digress. 2. Physic. ad cont. 38. ad materiam, formam, compositum. Ad materiam transmutando eam, facit enim dispositiones in materia, quæ ordinantur ad hanc formam, & non ad aliam, quatenus non est forma in qualibet materia, sed in materia sibi determinata. Ad formam, educendo eam de potestate materiæ, si forma materialis sit. Ad compositum,nectendo materiam cum forma.

Finem Aristot. dicit hoc, cujus gratia: itaque pro ejus completa constitutione duo requiruntur, juxta Piccol. 2. Physic. pag. 200. 1. Ut sit vel possit esse extrinsecus. 2. ut sit in intentione agentis. Per primum excitat appetitum agentis: per alterum antecedit, dirigit, movet. Movere vero hoc, ut est apud Scalig. exerc. 254. non est movere proprie, sed ut dicunt Metaphorice: quod nihil aliud est, quam ipsum amari

amari ab agente, & propter ipsum sic amatum aliud amari, vel fieri, ut docet Gabriel in 2. dist. 1. quæst. 5. art. 1. Est autem duplex finis: unus generationis; alter rei gentiæ ut docet Pererius 2. Phys. cap. 5. & Scalig. 1. de plantis pag. 149. Finis generationis vel absolute dicitur, ut est forma apud Aristot. 2. Phys. text. 81, vel generationis perfectæ, quando genitum valet sibi simile procreare, ut est in 4. Meteororum. Finis item rei gentiæ duplex est: cuius & cui, ex Arist. Scalig. 1. de plantis pag. 103. Finis cuius dicitur, cuius adipiscendi gratia agens movetur, vel operatur. Finis cui dicitur ille, cui alter finis procreatus, ut Docuit Franc. Suarez. disp. Meta. 23. Sect. 2. nu. 2. & Antonius Scaynus 2. Phys. cap. 5. Itaque finis Cuius amatur alteri, ac dicitur finis concupiscentiæ, sed solus finis, Cui simpliciter amatur amore amicitiæ ut est apud Thom. 1. 2. q. 28. art. 4. & Gabr. in 2. dist. 1. q. 5. Finis cui iterum duplex est, ut docet Piccol. in digress. secundi Phys. de fine: vel proprius & proximus vel postremus & communis. Proximus is est, cui finis qui dicebatur Cuius debet competere: Communis & Postremus Deus est, cui omnia serviunt.

Notari hoc loco potest commode triplex gradus eorum, quæ progrediuntur ad finem consequendum. Primus gradus eorum est, quæ non sub boni ratione tantum finem agnoscunt, sed & proportionem mediorum ad finem obtinendum: ita est agens voluntarium. Secundus eorum, quæ secum materialiter per se concipiunt finem sub ratione boni naturaliter convenientis. Ita cervus aquam desiderat, non sub propria ratione, sed sub ratione sibi convenientis, quando sitit. Tertius eorum est, quæ

quæ nullo omnino modo cognoscunt finem, agere tamen propter finem dicuntur: quia naturam & instinctum sui motoris semper observant, & ad illum finem tendunt, ad quem ab illo diriguntur. Ejusmodi sunt pure naturalia: quæ ea de causa dicuntur duci à superiori intelligentia non errante. Ejusmodi enim Entia deducuntur à Deo, ad ignotos sibi fines. Vide Matt. Aquar. in disp. de Ideis. Lambertum 2. Ph. tex. 86.

Atque hæc breviter dicta sunt de quatuor causarum generibus. Ordo vero inter has causas varius esse potest: vel Inventionis, ita materia prima est: vel dignitatis, ita finis: vel intentionis, ita idem finis: vel explicationis, ita internæ causæ: vel originis, ita materia, ut docetur apud Picc. 2. Phys. pag. 284. & sequens. Eleganter hac de re Gerhardus Matthæius. 2. Phys. cap. 8. Finis, inquit, antecedit proposito & cogitatione, Efficiens operis executione, Forma dignitate & perfectione, Materia subiecto & quasi generatione. Fini tamen iure suo principatus maxime debetur, eo quod iste in omni re actionis prima origo est. Ita Arist. 2. Metaph. text. 8. Nullus, inquit, inciperet agere quicquam, si non esset proventurus ad finem: unde principalissimam & honorabilissimam scientiam, & cui cæteras scientias tanquam ancillas contradicere non decet, dicit eam quæ est finis & boni: huius enim causa cæteras 3. Metaph. text. 3.

Quatuor causarum generibus quatuor effectorum seu causatorum genera respondent. Est enim aliquid ad quod finis ordinatur, quod dici potest finitum, vel forsan rectius finis in executione: est & aliquid causatum ab efficiente, quod

quod effectum dici potest: est causatum à materia, quod materiatur dicitur: & est causatum per formam, quod dicitur formatum, ut docet Scotus in libr. de primo principio cap. 1. Quae omnia facile possunt esse manifesti, si ea in ordine ad quatuor causarum genera consideremus. Nec opus ut hæc de re fusius agamus, quoniam hæc doctrina ab aliis fusè sit explicata. Egimus etiam de causis in Physicis nostris, & pluribus in Logicis.

C A P V T. XX.

De Ordine Terminorum divisionis.

I.

DE terminis ipsis diximus: sequitur ordo terminorum.

1. Ordo terminorum est præcisio termini à termino, ratione formalis conceptus, secundum quam terminus est prior alio.

2. Ordo consistit in convenientia & disconvenientia.

3. Convenientia est, quod omnes re conveniunt, disconvenientia, quod differunt ratione.

4. Ea differentia posita est in eo, quod vel terminus termino est magis intrinsecus: vel quod terminus termino est generalior & specialior. De quo in Commentariis plenius dicitur.

COMMENTARIUS.

Nunc de ordine terminorum divisionis ad invicem dicendo: sciendum, quod hi termini duobus modis considerari possunt, secundum disjunctionem, & secundum abstractionem à disjuncto. Secundum disjunctionem eos

eos dicimus considerari, quando ipsius disjuncti termini inter se oppositi sub considerationem veniunt: & hoc modo certum omnino est, quod cum totum disjunctum feratur super omne Ens & ipsi termini omne medium excludant, contradictorii inter se sint. Ita enim communiter metiri solemus contradictoria ex immediatate, infinitate, ut ea quæ non non certi & determinati subiecti, sine medio posita, ea contradicere sibi dicamus, ut colligitur ex Aristotele 1. post. cont. 13.

Abstractionem vero à disjunctione dicimus, quatenus totum divisum in divisionis terminis exponitur, verbi gratia, quomodo sese habeant invicem infinitum & finitum, ad increatum & creatum: quomodo increatum & creatum, ad à se & ab alio: quomodo à se & ab alio, ad necessarium & contingens &c. Ac hoc modo tria circa hos terminos dicenda veniunt: 1. In quo differant. 2. In quo conveniant, & 3. qui eorum terminorum sint priores & posteriores.

Differentia eorum manifesta est à ratione fundamentali divisionum: quando n. dividitur res in creatam & increatam, fundamentum divisionis est specialis dependentia, creatio scilicet. Fundamentum divisionis in rem à se, & ab alio, à generali dependentiæ ratione desumitur; inde sequitur rem esse Necessariam & Possibilem: quoniam quæ est à se, Necessaria est, potentiam vero habet ad fieri, quæ est Possibilis. Esse vero infinitum & finitum sunt prima fundamenta omnis potentia, tam ad esse hoc, quam ad fieri. Inde ergo sequuntur diversi conceptus: quoniam esse finitum & esse infinitum proprie videtur spectare formale essentia

essentiz, juxta quod tantam perfectionis quantitatem res quæque habet, ut ea ipsa vel extra terminos sit, vel certis terminis comprehensa. Esse vero à se, & esse ab alio non videtur spectare formalem essentiz rationem, sed ut essentia spectat quid extrinsecum: excludendo nimirum, vel causam efficientem, vel eam ipsam admittendo. Quod innuit fundamentum divisionis in increatum & creatum: est enim creatio specialis dependentia ad extrinsecum, quo ad hoc, quod fieri potest, & est tantum in potentia objectiva, non item subiectiva, hoc est, ut non fiat ex alio, sed tantum ab alio. Et ponitur creatio pro fundamento hujus divisionis, non quod creatura omnis immediate è nihilo sit, sed quod creationis beneficio res unaquæque speciem suam primum acceperit. Esse v. Necessarium & possibile ponit modum dependentiz hujus, quod nimirum res creata sit possibilis esse ab alio, idque contingenter, quoniam se habet per modum oppositi ipsi necessario. Unde & hoc videtur posse deduci, quod res creata non sit ab alio per naturalem quandam emanationem, eo enim modo quæ dependent, necessario dependent: sed quod productæ sint res creatæ voluntarie, ea enim ratione necessitatem excludunt. Independentens & dependens videtur convenire cum divisione è se & ab alio. Principium & principium videtur denotare positivum influxum principii in id, quod à principio est. Causa vero & effectum denotat varios modos dependentiz effecti à sua causa.

De convenientia vero dicendum, quod res increata, incausata, infinita, independentens, principium sine principio, & res necessaria
Deus

Deus est; causata possibilis, dependens, principiatum, effectum, & res finita communi nomine, creatura dicitur. Unde conveniunt in duobus: 1. In communi subjecto. 2. In communi dependentia. In communi subjecto quidem, quatenus altera disjunctorum pars pro subjecto Deum habet, altera vero creaturas. Dependentiam vero quatenus altera pars omnem excludit, altero vero eam ipsam inferit. Unde patet, quod res una est, & si tantum differentia secundum conceptum.

Ordo vero hic est, ut cum propria cuique res sit essentia, primo res sit infinita & finita. Secundo si respicias extrinsecum, res alia vel est in potestate objectiva, vel non est, ac ita secundum locum tribuimus Necessario & Possibili. Unde sequitur dependentia secundum potentiam, ut res sit à se, vel alio. Ac quoniam generalis dependentia prior & speciali, quarto loco ponimus Ens increatum & creatum: habet enim se creatio in modum speciei ad dependentiam in genere. Hinc principium & principiatum causa & causarum sequitur. Ac tandem de ordine terminorum divisionis.

C A P V T. XXI.

De Universali & Singulari.

I.

Divisiones Entis per modos intrinsecos, qui sequuntur Ens quatenus Ens peregrinus: sequuntur ea, quarum fundamentum desumitur e passionibus Entis.

2. Earum alix insequuntur Vnum, alix Verum, alix Bonum.

3. Vnum insequuntur Universale & Singulare,

Idem, Identitas & Diversitas, Simplex & Compositum, Totum & Pars.

4. Universale consideratur, vel secundum nomen, vel secundum rem.

5. Quoad nomen universale dicitur multipliciter. Est enim universale vel in distribuendo, vel universale in representando, vel in causando, vel in prædicando.

6. Universale in distribuendo est signum universale denotans prædicationem vel omni, vel nulli subiecto convenire, ut sunt nota: Omnis, Nullus de quo Logicus in lib. de Interp.

7. In representando universale est species intelligibilis abstrahens ab hic & nunc, representans intellectui notionem convenientem pluribus individuis & singularibus. De quo Physicus in lib. de anima de specie intelligibili.

8. Universalis in causando est causa indifferens, ad plures effectus producendos: ut: Deus, creatum.

9. Universale in prædicando cui non repugnat inesse multis, & consequenter prædicari.

10. Eius consideratio quoad rem Metaphysici propria est.

11. Universale duo in se complectitur: Materiale & formale, à Thom. 1. part. quæst. 85. artic. 3. ad 1. Zimara in quæst. de primo cognito. & Martino Polichio prædicab. q. 4. notab. 1.

12. Materiale universalis est natura, quæ denominatur universalis: & est fundamentum universalitatis ratione ejus aptitudinis, qua habet non repugnantiam ad hoc, ut multis insit. Lambert. de moni. dom. 1. de animat. c. 8. vocat universale Imperfectum. Et hoc modo universalis sunt, quid à parte rei.

13. For-

13. *Formale est ipsa universalitas denominans naturam, ut universalis dicatur.*

14. *Formale duo in se complectitur: unitatem, & actualem respectum ad plura. Ea duo non conveniunt universali, nisi mentis operatione accedente.*

15. *Singulare illud dicimus, quod est incommunicabile multis inferioribus, de quibus dici possit. Seu: quod est definitum ad hic & nunc: quia tamen posterior descriptio in rebus tantum finitis vera esse intelligitur. Vide de Universalibus eleganter differentem doctiss. Monlorium in doctrina de Univers.*

COMMENTARIUS.

ENs omne aut universale, aut singulare esse edicimus. Ac universalis quidem vox multis modis dicitur: Vno modo accipitur pro universali in propositione necessaria quatenus distinguitur à propositione contingenti, de omni ac per se: ac definitur apud Aristot. 1. Post. cont. 36. quod & de omni sit, & per se, & quatenus ipsum. Alio modo accipitur pro modo, seu nota, denotante aliquam propositionem esse universalem, & pertinet ad lib. de Interp. ac significatur per has dictiones Omnis & Nullus, ut est apud Zabar. 1. Post. ad cont. 31. Tertio usurpatur pro universali in causando, quod plurium causa est, licet de pluribus non prædicetur. Est denique universale in prædicando, cujus causa est natura, ut de multis prædicari possit. Et hoc iterum triplex est: ante multa, in multis, & post multa.

Ante multa sunt vel Ideæ Platonicz, aut nobis in mentem divina, ad quas Deus respicitur

ens fabricavit ea, quæ in inferioribus hisce sunt
De quibus Ideis pluribus egimus Antidoti no-
stri lib. 2. c. 22. Universale post multa est con-
ceptus in animo positus, collectus ex individuis
qui de multis actu prædicari potest. Universale
in multis est natura communis in multis
individuis, præter animi nostri cogitationem
existens, ita ut habeat aptitudinem eam qua in
multis esse potest: & hæc ceu fundamentum
supponitur universali illi, quod post multa esse
dicimus. Ac de hoc universali, quod ultimo loco
diximus, tres imprimis difficultates apud Por-
phyrium sub in initium Prædicab. positæ, sed
non solutæ, solvendæ sunt. Prima ea est, num
genera & species subsistant extra intellectum?
Altera num genera & species sint Entia incor-
porea an corporea? Tertia, num genera &
species sint Entia separata à rebus sensibilibus,
an in in solis sensibilibus reperiantur?

Ac de prima quidem dicendum, quod uni-
versale duobus modis accipiatur, ut est apud
Lamb. in 1. de anim. uno modo pro universali
Imperfecto, alio modo pro universali perfe-
cto. Universale Imperfectum dicimus, quod est
fundamentum perfectæ universalitatis, juxta
quod nimirum est aliqua non repugnantia, ut
aliquid in multis esse possit. Universale vero
perfectum huic fundamento addit duplicem re-
lationem: una est relatio naturæ ad intelle-
ctum, secundum quam natura dicitur una.
Alia relatio est habitudo sive aptitudo, ad plura
inferiora, secundum quæ dicitur natura inesse
in multis aptitudine. Ac priori quidem modo
dubium non est, quin universale sit extra intel-
lectus conceptum. Ex hoc enim fundamento
oritur, ut homo homini similior, seu ad homi-
nem

nem propius accedat, quam ad truncum: & hoc sensu procedunt omnia ea argumenta, quæ à Monlorio in doctrina de universis adducuntur. Si posteriori modo accipiatur universale, sine intellectus conceptu universale perfectum non est: ut enim plures homines sub unitate conceptus sint, & hic conceptus unus de pluribus prædicetur, hoc intellectus opus est. Itaque universalitatis fundamentum reale est, hoc enim universale Imperfectum dicebamus: ipsa vero universalitas iuxta relationem & unitatem plura ab intellectu pendet.

De secunda difficultate dicendum, quod universale possit dupliciter considerari: uno modo abstractivè, alio modo coneretive. Abstractivè consideratum universale omnem corporeitatem excludit: est enim universale, si vel maxime in corpore, & cum corpore non sit. Coneretivè vero consideratum est in singularibus, & ita quædam universalia incorporea sunt, quædam incorporea videntur. Incorporea dicimus, quæ sunt Entium abstractorum: Corporea quæ sunt materialium: ea enim saltem connotativè rationem corporeitatis includunt.

De tertio dicendum, quod universalia separata à singularibus non sint. Idque duplici ratione: uno modo ex parte universalis, quatenus plane tollitur, sublati omnibus singularibus ut docetur apud Arist. in categ. subst. sublatis substantiis primis nihil manet reliquorum. Alio modo ex parte singularis, quatenus universalia de essentia singularium sunt: nulla vero essentia est separata ab eo cujus est essentia.

Singulare vero hoc dicimus cum Arist. in 1. Metaph. text. 14. quod numero est unum. V.

num

num vero numero dicimus è 5. Metaph. t. cap. 21. cujus materia est una. Duo circa hæc singularia dicenda veniunt: Vnum, quodnam sit hujus singularitatis seu individuationis principium: alterum, anne aliquod additum ipsi universali fiat singulare? De priori videtur dubium ob sententias inter se adversas: ita enim Thomas materiam suam signatam: Scotus hæcitatatem pro principio ponit, alii solam formam nominant. Juxta hoc sciendum, quod Individua alia sunt naturæ simplicis, expertis omnis materiæ, cujusmodi sunt intelligentiæ. Hæ seipsis individuantur, quemadmodum sunt seipsis id quod sunt. Totavero controversia est de individuis compositis & materialibus. Hic jam respondendum, quod de individuo tribus modis loqui possimus: uno modo juxta productionem: alio modo juxta illationem: tertio modo juxta esse. Ac in ratione productionis dicendum, quod eo modo Individuationis principium sit materia signata. Sunt enim in materia signata tria materia, quantitas, & dispositiones. Ac materia quidem primum fundamentum est suscipiendi dispositiones mediante quantitate: quoad ergo dispositiones sunt occasio producendi individuum, distinguimus hoc ab illo quoad nos: eaque ratione individuationis principium est materia signata. Quantum vero ad rationem illationis attinet, juxta quam nimirum hoc individuum distinguimus ab illo quoad nos ea ratione dici potest aliquo modo principium individuationis esse accidentia, juxta quod scilicet nos individua non nisi accidentibus ab invicem distinguimus. Hinc Porphyrius Isag. cap. 2. ex accidentibus describit Individua.

vidua: Individua, inquit, nominantur ex eo, quod ex proprietatibus suis quidque constet, quæ omnes in alio eadem esse nullo modo possunt. Socratis enim proprietates nunquam in alio eadem esse possunt. Quantum vero ad esse, Individuum possumus considerare dupliciter: uno modo, quod est principale in individuo, & hoc ipsum est essentia, quæ à specie ratione formæ habet: & hoc modo dici potest, formam seu actum esse individui principium, Quod si vero esse individui, ut totale esse habet consideremus, ita dicemus formam in materia totum esse individui facere. Ratio hæc esse potest: Vniuscuiusque principium hoc est, à quo intrinsece constituitur. In individuo v. intrinsecum nihil est nisi materia & forma. Ab hisce ergo adæquate & totaliter individuum constitui dicemus. Et ab hac sententia alienus Scotus non est: cum enim hæc eiratem suam non intelligat quid aliud nisi formam totius, forma vero totius dicatur esse essentia in abstracto considerata: essentia vero concretivæ & abstractivæ considerata sit eadem secundum rem, qui dicit essentiam individui esse constitutam in unione materiæ cum forma, idem hæc eiratem seu formam totius individuum facere dicit. Vide Zimram solut. contrad. Ar. & Averr. 7. Metaph. contrad. 12. & 2. de anima contrad. 1. & 2.

De secundo, quod erat, anne singulare differat ab universali ratione alicujus additi, de eo etiam diversæ sunt sententiæ, Durandus statuit, idem secundum rem esse universale & singulare, ita ut differant, ut indeterminatum & determinatum, determinationem vero facit non ratione alicujus additi, sed ratione ipsius

rei, quæ vel indeterminate, vel determinate consideretur. Contra Scotus ut est in 1. Sent: dist. 28. & in 2. dist. 3. quæst. 6. statuit, non differe quidem universale & singulare ut rem, interim singulare differe ab universali secundum additum, quod additum vocat aliquam realitatem: quam eandem sententiam ruerit Nicol. de Orbell, in 2. dist. quæst. 1. Hic dicendum, quod duo in quæstione sint: unum, in quo universale & singulare conveniunt, alterum in quo differunt. Ac in eo conveniunt universale & singulare, de quo etiam inter Scotum & Durandum convenit, quod sint eadem res, seu quod eandem essentiam obtineant: non n. per aliud & aliud. Socrates est homo & hic homo: sed eadem est essentia hominis & huius hominis. In eo vero differunt, quod habent se ut indeterminatum & determinatum, quodque illud universale, hoc singulare dicimus. Ac hic dicendum, quod hæc singularis determinatio juxta Scoti sententiam oritur ratione realitatis additæ: ex eo, quia nihil seipso determinatur, sed determinatio est ab alio. Et hoc additum non differt realiter ab universali, sed tantum è natura rei, ita ut dicamus Johannem & Petrum convenire in communi essentia, differre à se invicem ratione realitatis, quæ non est una in utroque.

Ac hæc quidem diversitas in subiectis materialibus seu compositis est: nec de immaterialibus substantiis, & accidentibus controversia minor est, unde eorum sit petenda individuationis ratio. De substantiis enim immaterialibus dicendo primum, Thom. existimat, non haberi propriè individuationis rationem in iis, sed quamlibet substantiam immaterialem ab

alia secundum speciem differre, ut docet 1.
 part. quæst. 50. artic. 4. hoc est, ut explicatur
 apud Antoninum, non quemadmodum Marti-
 nus & Petrus in unitate essentia conveniunt,
 suppositis à se invicem differunt, ita Angelus ab
 Angelo: sed quemadmodum homo à Leone,
 ita substantia immaterialis ab immateriali.
 Contra Scotus, Durandus, Occam, Biel aliiq;
 plurimi in 2. d. 3. sentiunt, quemadmodum in
 materialibus, ita & in immaterialibus plura
 secundum numerum, in unitate essentia speci-
 ficæ convenire. Nos ita statuimus: speciem &
 individuum esse plane idem in immateriali-
 bus, nec per aliquam additam realitatem in eis
 singulare differre à specie, nec sub una specie
 plura esse individua. Ratio videtur sufficiens
 ad eam rem declarandam: quia non sunt in
 angelo plura secundum quæ essentiam speciei
 à numero differre faciamus: ideoque nec se-
 cundum rem in Angelis quid est, in quo con-
 veniant, & in quo differant. At multiplicatio
 numeri secundum speciei unitatem requirit, ut
 secundum rem sit quid unum, in quo per reali-
 tatem additam multiplicare possimus nume-
 rum. Et hæc sententia Thomæ est: nec enim
 adeo vesanus est, ut existimet esse in generali
 speciei ratione quemque angelum, non con-
 tractum ad singularitatem, sed hoc putat, per-
 fectione specifica quemlibet Angelum ab alio
 differre, nec plures eandem perfectionem com-
 municare: eo sane modo quo de cœlestibus
 corporibus scribit Averr. distinct. disp. Met. 1.
 corpora cœlestia non sunt eadem specie,
 plura vero numero, sed sunt plura specie, ut
 individua animalium diversorum, licet non
 reperiatur illius speciei nisi unum individuum
 tantum.

De Accidentibus item Thomas ejusque Sectatores discrepant ab aliis Doctoribus Scholasticis. Censet enim Thomas, quod numerus accidentium dependeat à subjectis, ita ut Accidens ab Accidente numero differat, eo quod in diverso numero subjecto ab alio est. Verum hæc sententia non placet, nihil enim singulare seu individuum est per hoc quod ipsi est extrinsecum: eo quod non est aliud esse & singulare esse, ideoque per idem res est, & est singularis. Ut itaque per extrinsecum nihil esse potest, ita nec per extrinsecum singularitatem seu numerum obtinere. Itaque dicendum, ut Accidens seipso est, hoc quod est, ita seipso esse unum numero inersinsecè. Potest nihilominus reduci ad bonum sensum Thomæ sententia, ut hoc videmus apud Fr. Suarez in doctrina de Individuatione accidentium: Si dicamus, Accidens dupliciter considerari posse: uno modo quoad produci, alio modo quoad esse. Et illo modo à subjecto obtinere rationem singularitatis: eo quod subjectum sit occasio agendi ad producendum hoc Accidens potius, quam aliud. Quoad esse vero non à subjecto dependere accidentis numerum, sed ab intrinseca sibi ratione, per quam ut est, ita & est hoc numero distinctum ab aliis. Seu: quoad nos metiri nos accidentis singularitatem è suppositis, quia dicimus numero differre accidentia, quæ sunt in diversis numero subjectis. Quoad rem: individuum esse à se ipsis petere accidentia. Tantum de universali & singulari.

CAPV T. XXII.

De Identitate & Distinctione.

I.

Identitas est vel absoluta, vel relativa.

2. Identitas absoluta est, secundum quam res dicitur eadem sibi ipsi sine ordine & respectu ad aliud.

3. Identitas relativa est, secundum quam res dicitur esse eadem cum re alia, cum qua habet convenientiam.

4. Hæc identitas est vel ratione forme, vel ratione subjecti.

5. Identitas forme est vel secundum rem, vel secundum gradum.

6. Identitas forme secundum rem est earum rerum, quæ eadem forma participant, vel substantiali, vel accidentali.

7. Identitas forme quoad gradum est, quæ eodem formali conceptu communicant: quomodo homo & Leo non eadem forma, sed eodem forme gradu conveniunt, verbi gratia, conceptus animalis.

8. Hæc est vel Generica, vel Specifica, vel Proportionalis.

9. Identitas Generica est eorum quæ generice specifica eorum, quæ specie conveniunt: proportionalis eorum, quæ proportionem conveniunt.

10. Identitas ratione subjecti est multorum essentia diversorum in uno subjecto convenientia: quomodo sunt unum, materia, & privatio.

11. Diversitas accipitur vel late, vel stricte.

12. Diversitas late accepta definitur apud Arist. 5. Metaph. cap. 9. quod diversa dicantur, quorum

quorum aut species plures, aut materia, aut ratio substantiæ, & omnino diversum dicatur oppositè ad id quod idem dicitur.

13. Diversum vero stricte illud dicimus, secundum quod plura ita se totis distinguuntur, ut nulla in re conveniant.

14. His opponuntur differentia: quæ in uno conveniunt, & in alio differunt: ut Leo & homo conveniunt in genere, differunt specie.

15. Modi diversitatis gignunt distinctionem. Est vero distinctio plurimum inter se differentia.

16. Eam alii duplicem faciunt: Distinctionem Rationis, & Realem: quia Ens aliud Rationis aliud Reale. Falso.

17. Distinctionem enim non metimur ex natura extremorum, sed ex habitudine extremorum inter se.

18. Itaque nobis distinctio est triplicis generis: Distinctio Rationis, è natura Rei, & Realis.

19. Sano sensu ad bimembrem divisionem reducimus: ut distinctio rationis subdividatur in distinctionem rationis ratiocinationis, & rationis ratiocinatæ: illa ad distinctionem Rationis simpliciter pertinet, hæc ad distinctionem è natura Rei.

20. Distinctio rationis est distinctio facta ab operatione mentis, quomodo dextrum & sinistrum distinguuntur in columna.

21. Distinctio è natura rei est vel virtualis, vel formalis, vel modalis.

22. Distinctio realis, est, inter rem, & rem.

23. Estque vel realis tantum, vel suppositiva, vel essentialis, vel se totis objective, vel se totis subjective. De quibus in Commentariis plenius.

COMMENTARIUS.

DE Identitate dubitatur, quomodo ab uno distinguitur. Sciendum ergo quod idem accipitur vel fundamentaliter, vel formaliter. Fundamentaliter acceptum idem ab uno diversum nihil est. Verum acceptum formaliter dicimus differre ab uno, non quidem re, sed per additum respectum, quatenus nimirum quod est unum in se, cum respectu quodam dicitur, vel ad se, quod sibi idem sit, vel quoad aliud; quoad plura inter se identitatem habent. Est autem Identitas duplex, alia rationis; alia vero rei. Identitas rationis est in iis, in quibus extrema non sunt re ipsâ diversa, sed ea tantum ratione distinguuntur, quia intellectus eodem utitur ut pluribus. Identitas vero rationis, duplex est: una rationis conceptæ, alia rationis factæ. Identitas conceptæ rationis modos realitatis complectitur, quatenus ut sunt ratione, ita idem esse concipiuntur. Identitas rationis factæ est, quando fundamentum reale non est in re, intellectus tamen unum ut plura concipiens relatione facta idem ad se ipsum refert. Rei vero identitas triplex est: una secundum formalitatem, alia secundum realitatem, alia secundum numerum. Formalis in iis est, quæ Aristot. eadem dicit esse substantiâ: hæc enim formaliter & essentialiter unum sunt, ut evolutione tantum definitionis differant, alias per omnia sint eadem. Identitas realis in subordinatis est, hæc enim in re idem esse dicuntur, quoniam sese non habent ut res & res, sed tantum ut ejusdem rei conceptus diversi. Identitas vero numerica in individuis est, & numerica

merica dicitur, quod unum numero sit, numerum non habens.

Distingui vero unum ab altero tribus modis dicitur: 1. Sola ratione: 2. E natura rei. 3. Realiter. Sola ratione distingui ea dicuntur, quæ Thomistæ dicunt distingui ratione ratiocinante, quando scilicet distinctionis fundamentum in re nullum est, sed est distinctio concepta solum & ratione conficta: Scotus in 1. distinct. 2. quæst. 4. vocat differentiam rationis formatam ab intellectu: Ita in iis est; quæ sunt idem, intellectus tamen utitur iis ut pluribus, dicendo verbi gratia idem sibi ipsi idem est: hic identitas illa simul infert distinctionem, ratione ejus rationis, qua idem ad seipsum refertur, non enim posset referri, nisi esset quadantenus aliqua distinctio, quia relatio semper requirit duo extrema sive secundum rem, sive secundum intellectum distincta, ut docetur apud Averr. 5. Metaphys. cap. 9. in expositione media. Alii hanc dicunt collativam, ut est apud Constant. Sarnanum direct. mihi pag. 4. quia fit solum per actum comparativum intellectus, ut non à re, sed præcisè ab intellectu habeat dependentiam, ut est dextrum & sinistrum in columna.

Ea vero quæ est è natura rei, Thomistis barbare dicitur secundum rationem ratiocinatam distinctio: accipiendo rationem non pro formatione intellectus, sed pro quidditate rei, secundum quod quidditas est objectum intellectus, ut est dicti primi dist. 2. quæst. 4. sect. sed hic restat. Eam triplicem facimus: virtualem, formalem, & Modalem.

Virtualem Scotus vocat illam, quando illud quod habet talem distinctionem, in se

non habet aliquid ut rem & rem, sed est una res habens virtualiter sive eminenter quasi duas realitates, quia utrique realitati, ut est in illa re, competit illud proprium, quod inest realitati, ac si ipsa esset res distincta, ita enim hæc realitas distinguit & illa non distinguit, ac si esset hæc quidem una res, illa vero alia. Itaque animam & intellectum differre dicimus, non ponendo rem & rem aliam; sed unius rei quasi duas realitates, est enim emanans quasi ad intellectionem intellectus, & distinctio non est à parte animæ, sed à parte intellectus.

Formalis vero dicitur, quando una res continet duas realitates formaliter extra se invicem positas, ac si essent duæ res, licet in hoc subiecto per identitatem istæ duæ realitates sint una res. Ejus generis illa dicimus, quæ sunt unitivè contenta ut è Dionys. 5. de divinis nominibus vocat subtiliss. Duns in 1. dist. 13. sect. sed quia hæc via. Et sunt in duplici genere, quædam enim sunt de natura continentis, quædam vero sunt contenta in aliquo unitivè, quæ sunt quasi passionis continentis, nec non res aliæ ab ipso continente. Ita verbi gratia differunt homo & animal: hic enim est unum formale ut animalis, & aliud formale ut differentia, qua genus ad speciem contrahitur, res tamen una est, quia non per alium rem homo est homo, & per aliam rem animal, sed per aliam & aliam realitatem unius rei. De quibus unitivè contentis superius latius diximus.

Modalis dicitur ubi est distinctio non ut rei à re, sed vel rei & modi, vel modi & modi oppositi, vel modi & modi ejusdem rationis. Modus

dus enim non dicit rem, nec Entitatem pro-
 priam de se, sed eam cuius est modus. Primo
 modo modaliter distingui dicitur Deitas & in-
 finitas in Deo, nam modus hic intrinsecus
 non dicit formalem de se rationem, aliam ab
 eam cuius est modus: ita existentia distingui-
 tur ab essentia, unde existentia dicitur esse
 modus additus essentiae. In oppositis vero no-
 tandum, quod uno modo dicuntur oppositi per
 aliud in quo sunt, & non distinguuntur mo-
 daliter tantum, sed pro natura, in qua sunt,
 rei. Ita enim curvum quod est in manu Jo-
 hannis distinguitur realiter à curvo, quod est
 in pede Petri, quia modi distinguuntur & de-
 terminantur pro subjectis in quibus insunt:
 Johannes vero, & Petrus differunt realiter.
 Alio modo intelliguntur modi non concreti-
 te, hoc est, pro ratione subjecti in quo sunt,
 sed abstractivè querendo quomodo actus &
 potentia de se distinguuntur, & dicimus moda-
 liter, quia uterque modus est. Modi vero ejus-
 dem rationis dicuntur, ut modus speciei, &
 modus in individuo, querendo verbi gratia quo-
 modo existentia universalis differat ab existen-
 tia singulari, & dicendum quod modaliter: nam
 existentia semper dicit modum.

Realiter differre etiam multis modis dicitur,
 in iis enim quædam distinguuntur essentia-
 liter, quædam subjecto, quædam se totis obje-
 ctive. Essentialiter differre dicuntur quæ specie
 differunt, speciei enim alia & alia est essentia,
 ita homo & Leo, albedo & dulcedo distinguun-
 tur. Subjectis vero differe dicimus, quæ diffe-
 runt vel ut suppositum à supposito sub specie,
 vel ut accidens in subjecto seu supposito alio
 & alio ita Johannes & Paulus differunt re-
 aliter.

aliter qua aliud est hujus, aliud individuum illius. Albedo vera in pariete, & albedo que in lacte est, ut accidens in alio & alio subiecto. Se totis subjective distinguuntur, quæ non conveniunt in aliquo toto potentiæ. Hoc vero duobus modis contingit, aut quia id in quo conveniunt proxime est quid unum numero, ut sunt supposita in divinis, cujus simile rei exemplum non datur aliud: aut quia differunt toto genere, cujusmodi sunt opposita, ita corruptibile & incorruptibile differunt se totis subjective, quia in nullo genere communi convenire possunt. Distingui se totis objective dicuntur, quando extrema in nullo conceptu reali quidditativo conveniunt, eo modo ultimas differentias distinguimus ex enim quia præcisè dicunt hoc & non aliud, nihil præter se includunt: ita equinitas est tantum equinitas, & humanitas tantum humanitas, & differunt se totis objective, quia nullus reperitur conceptus communis objectivus qui illis respondere possit. Vide Matth. Aquarium in addit. ad 5. Phys. quæst. 3. Fr. Sylv. Ferrar. & Achill. lib. de distinctionibus multa eleganter differentem. Tantum de Identitate & distinctione.

C A P V T. XXIII.

De Simplici & Composito.

I.

Simplex illud dicimus, quod non constat pluribus in quæ resolvatur.

2. Simplex dicitur vel absolute, vel comparative.

3. Simplex absolute, quod compositionis est express.

4. Est.

4. *Estque vel summe simplex, vel simpliciter simplex.*

5. *Summè simplex quod nec compositum, nec cum alio componibile: ut Deus.*

6. *Simpliciter simplex, quod non est compositum, potest tamen compositionem cum alio ingredi, ut sunt ultima differentiarum.*

7. *Comparative simplex, quod non requirit tot partes sui, quot requirit aliud. Quomodo Elementa dicuntur corpora simplicia respectu mixtorum.*

8. *Compositum est quod est ex pluribus.*

9. *Compositum est vel compositione Physica, vel Metaphysica. Illud dicimus, quod constat partibus re diversis, ut quod constant materia et forma; hoc quod est partibus ratione solâ diversis, ut quod constat genere et differentia. Vide Fons. 3. Metaphr. in expl. cap. 3. sub finem.*

COMMENTARIUS.

Simplicis & compositi tractatio unitatem profundamento ponit, quatenus nimirum unum vel est indivisum & indivisibile, & ita simplex dicitur, vel est unum indivisum quidem actu, divisibile tamen in potentia, quomodo sit unum compositum, & eâ ratione divisio Entis in simplex & compositum proprie ad divisionem Entis secundum affectionem unius reducitur.

Ac de simplici quidem dicendum primum: sciendum, quod simplex non uno modo dicitur. Est enim unum simplex summum, & est unum simplex imum: illud Deus est, nullius omnino indigens, hoc materia prima, ut sunt verba Scalig. exerc. 140. reliqua quæ hæc inter sunt, composita sunt: ab infima quidem simplicitate respectu potentiarum aliquid de actu participi-

icipando, ratione supremi actûs descendendo, ad inferiora, ac de potentia participando. Ac inde aliquid dicitur simplex simpliciter, aliud simplex respectivè: illud dicimus, quod absolute, & in se consideratum omnem compositionem excludit, & est à parte superiori Deus, à parte inferiori materia prima. Simplex vero respectivè hoc dicimus, quod in se quidem est compositum, simplex tamen dicitur respectu ejus, quod majorem compositionem includit. Ita elementa quæ de se composita sunt, simplicia dicuntur, respectu eorum corporum, in quorum missionem ingrediuntur: & Angeli simplices dicuntur, per exclusionem materie ejus, quam in se nullam habent: respectu tamen Dei ab omni omnino compositione absoluti non sunt.

Sex ferè modis fit compositio: 1. Ex materia & forma. 2. E partibus quantitativis. 3. E natura & supposito. 4. E subjecto & accidente. 5. Ex esse & essentia, & 6. è genere & differentia. Vide August. Niphum Sueff. ad disp. 5. Metaph. destruct. Averr. pag. 173. Ac prima quidem compositio, quæ est è materia & forma, facit aliquod compositum tertium ab his, è quibus componitur, idque compositum per se unum. Secunda compositio non facit aliquid à se re distinctum: fit enim è partibus quantitativis in conjunctione consideratis non nisi materia, unde & partes materiales dicuntur, materia verò re ipsa à se non differt. Tertia compositio per mysterium incarnationis nobis innotuit: cum enim facta sit incarnatio non in essentia, sed in persona, distinctum quid esse personam ab essentia, & consequenter suppositum à natura consequitur. Ac dicimus na-
turam

turam secundum quod res est in esse definitio-
nis, suppositum vero juxta quod res est sub ul-
tima actualitate, quam subsistendi modum di-
cimus. Quarta compositio rerum creaturarum
est: nihil enim est è creaturis, quod absolu-
tum sit à modo relationis secundum creatio-
nem & dependentiam: unde nec ab omni
compositione subjecti & accidentis absolutum
dicendum fuerit. Ac ea compositio non facit
unum per se, sed unum per accidens. Quinta
compositio, quæ ex esse & essentia est, eam di-
cimus, quando dicimus non esse simpliciter i-
dem re essentiam & existentiam. Unus Deus
se ipso est & hoc quod est, & hoc quo est: om-
nia vero reliqua & sunt, & hoc quod sunt, &
sunt ab alio, ut extra hoc ipsum sint, hoc quod
sunt, illud essentiam, hoc existentiam dicimus.
Sexta compositio secundum genus & differen-
tiam ea est, juxta quam rem concipimus, ut
commune magis & differens ab aliis: conci-
pitur enim quidque sub genere, ut communio-
ni, & differentia, quæ communionem generis
ad certas speciei angustias restringit. Ac hi fere
omnes compositionis modi sunt: is enim qui
dicitur esse ex actu & potentia per omnes hosce
se se diffundit, quoad in iis aliquid notari po-
test, ut determinabile & determinans, & habet
se se compositio ex actu & potentia in primo &
tertio modo, ut realiter differat potentia ab
actu, in reliquis ut ratione. Vide sex modos qui-
bus queritur an sit compositio in Deo, apud
August. Niphum Sueff. ad disputat. Metaph. 8.
de struct. Averr. pag. 235. Ac tantum de Sim-
plici & Composito.

CAPUT XXIV.

De Toto & Partibus.

I.

Rationem compositionis insequitur Totum & Pars.

2. Totum est, quod habet partes.
3. Totum est vel actu, vel potentiâ.
4. Totum actu est, quod formaliter in se continet partes, è quibus est.
5. Eiusmodi est vel proprie, vel improprie dictum.
6. Illud Totum Essentiale, & Integræ: hoc Totum perfectum.
7. Totum potentiâ quod partes suas non complectitur actu, sed tamen ratione ordinis ejus, qui est inter illud ut unum, & plura ea quâ pariter rationem sustinent, totum dici solet.
8. Eiusmodi est totum Vniversale, & potestativum.
9. Toti respondent partes, multiplicata ad multiplicationem totius.

COMMENTARIUS.

Totum & Pars non uno modo dicuntur, ut patet ex Aristot. in 5. Metaphys. cap. 25. & 26. Thom. 1. par. quæst. 8. art. 3. ad 3. qu. 26. art. 3. quæst. 77. artic. 1. ad 1. 3. part. qu. 90. ad 2. Ferr. 1. phys. quæst. 5. ad eum Matth. Aquar. Fons. 5. Metaph. cap. 25. 26. Piccol. 1. Phys. contr. 4. Est enim totum perfectionis, est totum potestativum, est totum universale, est totum essentiale, est totum integrale, est & totum per accidens, quibus singulis suæ respondent partes.

1. Est totum perfectionis totum improprie ac-

acceptum, prout perfectum quoque dicimus. Possimus autem totalitatem hanc metiri à quantitate virtutis, juxta quam Biel dicit in 1. dist. 19. quæst. 1. art. 1. not. 1. ex Aug. in 6. de Trinit. quod in iis, quæ mole magna non sunt, est idem melius esse, quod majus esse: & Scotus quodl. quæst. 5. tam in finitis, quam infinitis quantitatem agnoscit, quando primam Entis divisionem ponit hanc, quod omne Ens vel est quantum, vel non quantum. Unde consequitur, quod hoc totum perfectionis recte juxta quosdam dicitur, vel nullo modo in ordine ad partes, vel ad partes rationis, ut vult Armandus de Bello visu tract. 2. cap. 257. quatenus pro inadæquato nostro conceptu, non tamen falso, metimur ex perfectionibus à nobis acceptis aliquatenus ipsam Dei perfectionem. Ita de Deo scribit Aug. Niphus Suesianus disput. Metaph. 3. destruct. Averr. pag. 93. licet Deus sit simplex, esse tamen multum in virtute & perfectione. Verba sunt: Deus non est agens simplex, sed multiplex, quoniam, licet ipsum in se sit unum in esse, & summe simplex in esse: est tamen multum in virtute & perfectione. In creatis vero Entibus potentiam & actum, esse & essentiam & actum, esse & essentiam agnoscimus. Ita docuit Averr. 1. de coel. comm. 3. totum & perfectum esse idem, differre subiecto: Totum, inquit, & omne & perfectum significant idem, & non diversantur secundum formam, sed secundum materiam. Subiectum enim istius rei, si fuerit quantitas discreta, dicitur omne: & si quantitas continua, dicitur totum: & si in formam, & qualitatibus dicitur perfectum.

2. Totum potestativum est, quod habet ordinem

dinem ad plures res, quæ ab ipso emanant. Ac
 ita potest esse res in se & sua natura omnino
 simplex, quæ tamen quoniam plures obtinet
 operationes, ratione quarum in ea facultates
 seu partes plures notare possumus, inde multi-
 plicitatem aliquam de facultatum principio
 communi concipimus, ejusque potestates plu-
 res simul cum ipso principio collectas, totum
 hoc quoque potestativum nominamus constitu-
 re dicimus. Cujus generis sunt omnia ea, quæ
 secundum Dionys. cap. 5. de div. nominibus,
 apud subtilis. Johan. Duns in 2. distin. 13. qu. 2.
 sect. Sed quia hæc via, Continentiam univ-
 ersam quasi inferiora habere dicuntur. Hoc ge-
 nere partium docuit Aristot. 1. Eth. cap. 13.
 & 6. Eth. cap. 2. duas esse animæ partes, alte-
 ram rationis capacem, alteram expertem. Et
 subjungit: nunc vero eodem modo rationis
 capax dividenda est, statuaturque duæ esse
 partes ratione præditæ: una, quæ ejusmodi res
 contemplatur, quarum principia aliter se ha-
 bere non possunt: altera quæ ea consideratur,
 quæ aliter esse possunt. Ita Scalig. etiam de
 Plantis pag. 40. animam dicit esse simplicem,
 multiplicem, multipliciter. Simplicem substan-
 tiâ multiplicem potestate, multipliciter ob-
 jectorum cognitione: hoc est, quod etsi quoad
 essentiam sit simplicissima exclusis partibus
 quoquo modo componentibus, pro facultatum
 tamen multitudine, ut sunt v. g. intellectus &
 voluntas, multiplicem aliquam rationem in-
 duat, & juxta eam totius naturam assumat. Ac
 potest huius denominationis ratio peti ex A-
 rist. 1. Met. tex. 3, Ibi enim totum dicitur om-
 ne illud, quod continet contenta, ut unum
 quid illa sint. Facultates ergo ex cum contine-
 antur.

inui in virtute sui principii & unitatem quamdam inter se habeant in essentia illa, cum qua & unum sunt, possunt eâ ratione totalitatem aliquam facere alicuius quasi totius, improprie scilicet dicti, totius potestativi.

3. Totum Universale est, quod habet partes subiectivas de quibus potest prædicari. Juxta quod sciendum est, quod totius universalis modus considerandi duplex est: unus absolutus, alter vero respectivus, ut post Thom. de Ente & Ess. notavit Franc. Sylvester. Ferrar. Phys. qu. 3. & Fons. 1. Metaph. c. 2. q. 2. Ubi dicitur duplicem esse cognitionem rei universalis, alteram ut totius essentialis, alteram ut totius universalis. Ac illo modo non differt à toto essentiali, & dicitur juxta eas partes, quas in sese actu habet. Totum vero universale proprie dicitur juxta eas partes, non quas habet actu, sed quas in sese habet potestate. De ea universalis potestate elegantissima Ant. Scayn. verba sunt ad Isagog. Porphyrii in cap. de differentia. norandum, inquit, quod species à genere obtrineat differentias: quatenus existente genere ut materia, in ipsa potentia specierum omnes differentie continentur. Et Seal. in 7. de plantis pag. 74 nos in ipso genere, dicimus esse differentiam passive: non quod specie differentiam genus exhibeat, sed quia recipere potest eam. Et secundum Joh. Versoris 5. Metaph. quæst. 13. Pars subiectiva totius universalis non dicitur integrale secundum actum, aut ejus substantiam, sed ex hujusmodi partibus potestate ejus constitui. Itaque proprie Universale hoc totum illud est, quod sub se plura habet, quibus æque suam essentiam communicat. Ac de iis ipsis potest prædicari ea ratione,

4. Totum

4. Totum essentialiale hoc est, quod constat ex suis partibus intrinsicis essentialiam immediate componentibus. Ac hoc totum juxta duplicem compositionem duplex est: Aliud enim Metaphysicum dicimus, aliud vero Physicum. Ac Metaphysicum illud dicimus, quod componitur è partibus essentiali sola ratione inter se diversis, quomodo definitio ex genere & differentia est. Physicum vero illud est, quod constat ex partibus essentiali re inter se diversis, materia nempe & forma, quomodo homo Physicè componitur ex partibus sibi essentialibus re inter se diversis, corpore & anima rationali.

5. Totum integrale dicimus, quod divisum est juxta partes quantitatem habentes: quomodo verbi gratia dividitur homo juxta caput, brachia & pedes.

6. Totum per accidens est quod constat è pluribus, sed tamen iis, quæ ad unum quid per se, sed ad idem esse constituendum non concurrunt: quale fit è subjecto & accidens, item in aggregatis. Vide quæ supra de Uno per accidens diximus.

Diversis Totius generibus diversi modi partium respondent. Totum enim perfectionis dicitur esse integrum Metaphysicum, quatenus consideramus plures perfectiones unius ejusdemque, quæ quidem si vel maxime in Deo idem simpliciter sunt, ratione summæ simplicitatis ejus, quæ in Deo est: pro conceptibus tamen diversis à nobis ponuntur pro partibus, quæ in ipso Deo partes non sunt. Partes vero potestativæ dicuntur plures eæ potestates seu facultates, ratione quarum totum illud potestativum dicitur. Ac quoniam improprie partes dicuntur, totum inde etiam improprie dicimus

mos. Toti universali respondent partes subjective, quæ aliàs partes dicuntur ex eo, quoniam non pro ratione multiplicationis materiæ, sed pro ratione multiplicabili ipsius essentia, quæ in forma priori modo consistit, partes subjective multiplicantur. Toti essentiali respondent partes essentielles, composito Physico partes Physicæ reales, composito Metaphysico partes rationis. Toti integrali partes integrantes respondent: quæ in inanimato semper similes sunt, eo quod operationes inanimatarum rerum pauciores sunt, quam ut in iis pluribus egeant ad plures operationes obeundas. In animatis vero rebus notantur partes aliæ quidem similes seu homogeneæ, quarum quælibet naturam & definitionem totius communicat; quælibet enim pars sanguinis est sanguis: quædam vero dissimiles seu heterogeneæ sunt, quæ diversum nomen & definitionem diversam ab ipso toto habent. Ac ea sunt juxta quas Aristot. in 1. de anima tex. 6. animam definit, actum corporis organici Physici: esse enim organicum illud dicimus, quod plura organa seu instrumenta habet, ratione quorum plures expedire & exercere operationes possit. Ac ea organa animatorum partes dicimus integrantes, ratione extensionis ejus, juxta quam partes illæ situ & figura sunt distinctæ. De his diversis partium modis & generibus egimus Antidoti nostri lib. 2. cap. 2. seq. fusius. Vide de Toro actu & Potestate Piccol. 1. Phys. ad cont. 4. Ac tantum de Toto & Partibus.

I.

Ratione Veri Ens, est vel Supernaturale, vel Naturale, vel Artificiale.

2. Supernaturale est quod nature vires excedit.

3. Naturale illud dicimus, cuius veritas secundum ordinariam Dei potestatem pendet ab intellectu divino.

4. Artificiale cuius veritas ab intellectu humano dependet.

COMMENTARIUS.

EA quæ supra naturam sunt, cœlesti spiritui de eis fidem faciente, quando neque sensuum captu, neque mentis agitu comprehenduntur, cum hac ipsa rerum inferiorum humilitate commiscenda non sunt, docet Scal. 6. Poët. cap. 4. Hæc itaque ut præsentī institutū altiora in præsentī non tractabimus: sed tantum de Naturali & Artificiali agemus.

Rem aliam esse Naturalem, aliam Artificialem, non potest aliqua scientia in parte considerare. Etsi enim Arist. in doctrina scientiæ Physicæ recenset aliquo modo differentiam inter rem naturalem & artificialem, Metaphysica tamen proprie ipsum fundamentum naturalis & artificialis sibi adscribit. Itaque dicimus prout res diversimodè obtinet suam veritatem relata ad prototypum suum, intellectum scilicet vel divinum, vel humanum, ea ratione dici vel naturalem vel artificialem. Hoc ipsum elegantissime declaravit Fr. Sylvester Ferrar. in 3. de anim. quæst. 19. his verbis; Licet res natu-

naturales in ordine & ad intellectum divinum, & ad intellectum humanum dicantur veræ: dicuntur tamen principaliter veræ per comparationem ad intellectum divinum, à quo procedunt & cuius Ideis affimilantur & conformantur, quam in ordine ad intellectum humanum. Sic & res artificiales dicuntur primo quidem veræ in quantum formæ existenti in mente artificis affimilantur; secundario vero in comparatione ad intellectum humanum, à quo non procedunt, sed tantum in quantum sibi intellectum adæquare possunt.

Differunt vero res naturales & artificiales multis inter se modis, ut hoc ipsum declaravit Peter. in 7. Phys. cap. 2. 1. Ratione denominationis, quia rei artificialis denominatio extrinseca est, naturalis vero intrinseca: 2. Quia artificialis cum agente convenit, non secundum esse sed secundum Ideam. Naturalis & secundum esse, & secundum formam, 3. Quia omnes partes rei naturalis à natura sunt: artificialis principia supponit in natura, introducit tantum formam. 4. Artificialis est in subjecto completo. 5. Artificialis res est determinata secundum formam & speciem, contingens secundum productionem: res naturalis utroque modo determinata. 6. Formæ artificiales extrinsecæ sunt, naturalis est intrinseca. 7. Materia prima habet potentiam & inclinationem ad formas naturales, non ad formas artificiales. 8. Res naturales habent in se principium internum motus vel activum, vel passivum, vel utrumque: artificiales vero ex se motum non habent, nisi eum quem à naturalibus capiunt. Vide ipsum illustrantem hæc exemplis. Vide de Arte & Natura Piccol. grad. 5. Moral.

CAPUT XXVI.

De Perfecto & Imperfecto.

I.

Bonum sequitur Perfectum, & Imperfectum :
Completum et Incompletum.

2. Perfectum illud dicimus, quod à bono non deficit.

3. Perfectum est vel simpliciter vel in suo genere. Vide Cajetan. de ente et ess. q. 1. art. 4.

4. Perfectum simpliciter illud est, quod in unoquoque melius est esse ipsum, quàm non ipsum. Vide Sueffan. in desir. Averr. disp. Metaph. 11. (in pag. 273. et Cajet. de ent. et ess. ad cap. 2. in com. post. q. 3. et quæst. 3. art. 1.

5. Perfectum in suo genere est, quod deficit in nullo eorum, quæ ipsi debentur.

6. Imperfectum illud est, quod à debita sibi perfectione deficit.

COMMENTARIUS.

Inter divisiones quæ sequuntur affectionem Bonum prima esse videtur, quia dicimus aliud Ens esse perfectum, aliud imperfectum. Perfectum multis modis dicitur.

1. Est perfectum perfectione prima & perfectione secunda ut docetur apud Scotum in prol. Metaph. & Tartar. 2. Eth. quæst. 1. Perfectum perfectione prima illud dicitur, quod habet omnia pertinentia ad primum esse rei, ut ille homo dicitur esse perfectus perfectione primi, qui habet omnia requisita ad esse ipsius hominis. Perfectum perfectione secunda quod habet omnia pertinentia ad secundum esse rei, seu ad esse actuale. Hoc docuit etiam Averroes de struct. disp. 6. pag. 190. Perfectum, inquit, duplex est : perfectum in se, & perfectum attributis

tributis tribuentibus ei perfectionem, & illa attributa necesse est, ut sint perfecta in se. Ac perfectio prior est per modum formæ & habitus: posterior per modum operationis. Ita perfectum esse cujusque rei juxta quod definitur per perfectionem primam est, ut esse hominis in animalitate & rationalitate. Perfectionem verò secundam res obtinet per ea, quæ esse constitutum consequuntur: ita ratiocinari, Vel lege hominis perfectione secundâ esse dicuntur. Perfectio verò secunda iterum duplex est: una intrinseca, alia extrinseca. Intrinseca ea dicitur, quæ recipitur in perfectibili. Ita homo doctus perfectus dicitur perfectione secundâ, quia beneficio ejus habitus in rebus cognoscendis procedere potest, quæ intellectus perfectio est. Perfectio extrinseca ea est, quæ non recipitur in perfectibili, verum perfectibile per operationem eam attingit: ita homo perficitur objecto quatenus perfectior notitia est, quæ in perfectiori objecto terminatur. Ita homo perficitur cognoscendo Deum perfectione secundâ extrinsecâ.

Eo sensu Cajet. de ent. & ess. cap. 5. & Thom. 1. pag. quæst. 6. art. 3. ponit triplicem perfectionem: primam, secundum quam res in proprio esse substantiali ponitur. Secundum, juxta quam ad proprias operationes perfecte potest exire. Tertiam secundum quam cum suo fine conjungitur.

2. Dicitur etiam perfectio simpliciter, & perfectio in proprio genere. Illa dupliciter accipitur, ut docet Guilhel. Ockam. 1. senten. dist. 2. quæst. 3. ad 12. & Gabr. in 3. distinct. 1. quæst. 1. art. 3. dub. 2. Uno modo proprie pro re perfecta, quæ nullam imperfectionem

essentialiter includit, & necessario nullam imperfectionem annexam habet, ut est essentia divina. Alio modo perfectio simpliciter dicitur large & improprie pro omni conceptu, ad quem consequentia formali non sequitur illud esse imperfectum, de quo vere prædicatur. Eodem intelligitur definitio Anselmi Monol. 11, quod perfectio simpliciter sit, quæ in unoquoque melior est ipsa, quam non ipsa, hoc est, quod ad ejus positionem non sequatur imperfectio, semper vero ad negationem ejus imperfectio sequatur. Ita quod aliquid dicitur sapiens esse, non sequitur imperfectio: cui vero repugnat esse sapiens ad hoc simpliciter sequitur, quod sit imperfectum. Vide Cajet. de Ent. & Ess. ad cap. 2. Sed & hic sciendum, ut subtilissime annotavit subtiliss. Duns quodl. q. 1. art. 1. sect. de tertio vocabulo, quod aliud sit dicere aliquid esse perfectionem simpliciter, & aliud sit aliquid esse perfectionis simpliciter. Primum importat, quod illud essentialiter sive quidditative sit perfectio simpliciter. Secundum importat non quod essentialiter sit perfectio, sed quod tale denominative soli perfectioni simpliciter conveniat. Ipsum ergo perfectionis simpliciter est, quam requirit in illo de quo prædicatur denominative, & quam ostendit sibi inesse, utpote quam universaliter consequitur: & sic est perfectionis simpliciter triplici modo, scilicet præexigendo, ostendendo, sive manifestando, & perfectionem simpliciter consequendo. Ita divina essentia dicitur perfectio simpliciter, secundum quod in quodlib. quest. 5. artic. 1. disputat. quod Ens infinitum sit perfectum sit, ut nec ipsi, nec alicui ejusdesit aliquid. Perfectiones verò simpliciter dicuntur

centur predicata denominativa, quæ super hanc
feruntur, ut sunt relationes: ex enim non di-
cuntur perfectiones simpliciter formaliter di-
cuntur, sed supponunt pro eo, quod formaliter
sunt perfectionem simpliciter.

Ac quum alia ratione perfectum tribus mo-
dissimè dicatur: Uno modo secundum
quantitatem extensivam, alio modo secundum
quantitatem virtutis, & tertio modo in ordine
ad finem: in quolibet horum modorum nota-
re possumus, quod aliud sit perfectum simplici-
ter, vel perfectum in suo genere. Ac secundum
quantitatem quidem extensivam perfectum
simpliciter dicimus hoc, extra quod non licet
periculum ullam quanti accipere. Quomodo
perfectum secundum quantitatem extensivam
dicimus esse infinitum, quod actu in quantitate
incipimus, ut docetur apud Scotum in quodl.
quæst. 5. prout actu comprehenditur aliquod
quantum, nullis omnino terminis circumscri-
ptum. Perfectum verò secundum quid in quan-
titate extensiva hoc, quod habet quantitatem,
quæ est conveniens rei naturaliter secundum
speciem productæ: ita hominem perfectum di-
cimus secundum hanc quantitatem, quando nec
ad Pygmæi, nec ad Gigantis staturam accedit,
sed staturam habet sibi debitam. Perfectum
simpliciter secundum virtutem hoc dicimus,
quod in sese omnes perfectiones omnis gradus
tenet: quomodo solus Deus perfectus est, eò
quod omnes in se virtutis & perfectionis gra-
dus habet. In suo vero genere perfectum secun-
dum virtutem hoc dicimus, quod habet perfe-
ctionem sibi debitam. Quomodo quodque in
suo genere perfectum dicimus secundum virtu-
tem, quando in nullo eorum, quæ sibi debentur.

tur, deficit. Perfectum vero secundum finem simpliciter dicimus hoc, quod habet omnes dispositiones, ad finem acquirendum requisitas, quomodo hominem sanum perfectè dicimus suum posse assequi finem, & hominem doctum suo satisfacere posse officio statuimus. Perfectum vero secundum quid, qui quidem finem suum assequi potest, sed tamen ut in aliquibus deficiat, ut in ægroto & indocto videre est.

Subiungam hic elegantissimum locum Zimaræ in solut. contrad. Aristot. & Averr. 12. Metaph. contrad. 101. plurimum enim facit ad huius doctrinæ illustrationem. Debet scire, inquit, quod solum unum est ens simpliciter perfectum, in quo est tota perfectio possibilis reperiri in habitu entis: & istud est solus Deus, sicut scribit Commen. 3. Metaph. com. 21. & taliter dicitur essentia, quàm ens, cum sit ens per essentiam. Alia verò sunt entia per participationem, sicut scribit Commen. 2. Metaph. com. 4. & 12. Metaph. comm. 51. omnia autem entia citra primum deficiunt aliquo gradu perfectionis possibilis reperiri in habitu entis, quia omnia emanant à primo eo modo, quo apta sunt emanare: nullum autem ens aptum natum est emanare à primo in æquali gradu perfectionis primi, cum impossibile sit dari duo prima æque perfecta in genere entium, quorum unum sit aliud, imò nullo modo, sicut ostendit Philosophus 12. Metaph. ad finem, & etiam pulchre deducit Scotus in 1. sent. d. 2. q. 3. Ita ille. Vide eundem in solut. contrad. 2. de cœlo contrad. & conter.

Imperfectum verò duobus etiam modis dicitur: aut negative, aut privative. Imperfectum negative hoc dicimus, quod in nulla specie vi-

reperitur, vel existit, ut sunt verba Scalig. exerc. 106. §. 2. Eiusmodi vero imperfectum nullum est: quia omne quod est, eo ipso quo est, etiam bonum est. Ergo & perfectum. Imperfectum vero privative dicimus, quod secundum aliquid eorum quæ ipsi debentur deficit: quomodo imperfectum dicimus, quod mutilum est, eo quod non habet omnes partes eas, quæ speciei debentur. Est & imperfectum Comparativum quod alterius tantum respectu Imperfectum dicitur, cuius respectu minorem perfectionem obtinet. Vide Scalig, exerc. 140.

CAPUT XXVII.

De Completo & Incompleto.

I.

ENs completum dicimus, quod ad ulteriorem perfectionem ordinatum non est.

1. Estque absolute completum, vel comparative.

2. Absolute completum est, quod ultimam perfectionem in suo genere tantum habet, ut ad alterius constitutionem ordinatum non sit.

3. Comparative, quod in suo genere tametsi sit completum, non tamen repugnat ingredi in alterius constitutionem, ut sunt elementa.

4. Incompletum quod ordinatum ad aliud separatum subsistere nequit, nisi sit cum eo ad quod ordinatur, ut materia, forma, differentia.

COMMENTARIUS.

Cum Entium quædam sint, quæ de se, & ex se completam perfectionem habent, quædam vero Entia complera non sint de se, sed tantum ad alia Entia ordinentur: illa completa, hæc vero incompleta dicuntur. Ac de completis quidem dubium non est, quin in iis ip-

sis bonum sit , quoniam entia perfecta sunt, bonum vero & perfectum convertitur. De Incompletis dubium est , anne & ea ipsa bonitatem participant, cum non videantur in perfecto entium gradu constituta. Hic primum dicendum , quot genera incompletorum entium sint.

2. Quomodo ad completa entia se habeant? Hinc enim notum erit , quæ ipsis assignanda bonitas sit.

De primo dicendum , quod completa Entia sunt in duplici differentia : quædam sunt incompleta Physice, quædam Metaphysice. Physice incompleta ea dicuntur , quæ de se & ex se non sunt , nisi quod sunt ordinata ad realem constitutionem aliorum Entium. Ejusmodi Entia materia & formam dicimus : quorum illud (materiam dico) Thom. ita incompletum esse existimat , ut nec per divinam potestatem à forma materia separatim existere possit : & de hac (forma scilicet) certum est, quod cum sit actus respectivus, de se non sit proprie Ens, nisi quia Entis est, hoc est, qua mediante actu in materia compositum facit. Metaphysice vero incompleta ea dicimus, quæ de se in prædicamentorum gradibus non sunt , tantum ad prædicamenta reducuntur, in quibus completa ea entia sunt , ad quæ dicuntur. Ejusmodi ens incompletum differentiam dicimus. Differentias enim non dicimus esse in prædicamentis , sed prædicamentis collaterales.

De secundo , quomodo scilicet ad entia completa sese habeant , dicendum , quod cum Entia completa per se subsistant , entia incompleta non nisi in completis existere possunt. Ratio certa est : cum enim finis eorum sit , ut ex iis completa entia sint , hunc finem suum tum de-

mum

num absolvisse dicuntur, quando in entium constitutionem veniunt.

Hinc tercio patet: quod cum sint in aliis, & in eorum constitutionem ingrediantur, eo vero modo principium quidque est, quo est, sunt enim principia actus suorum principiatorum, entia incompleta duplicem notionem obtineant: Unam ut sint, aliam ut aliorum sint, duplicem etiam bonitatem ejusmodi entia obtineant, alteram secundum actum Entitativum seu presentiz, quæ enim sunt, etiam bona sunt, tunc enim & bonum convertuntur: alteram vero respectivam, qua ad aliud ordinantur, hoc enim ipsis bonum est esse in alio, quod per se bonum est, & assequi finem suum, in alia re constituenda, omnino bonitatem infert, cum omnis finis pro fundamento bonum supponat. Tantum de Completo & Incompleto.

CAPUT XXVIII.
DE SUBSTANTIA.

I.

Divisio Entis secundum quidditates, est divisio eius in decem suprema genera.

1. Ea sunt: Substantia, Quantitas, Qualitas, Relatio, Actio, Passio, Quando, Vbi, Situs, Habitus.

2. Eorum primum est substantia, reliqua omnia accidentia.

3. Substantia est Ens per se subsistens.

4. Ea consideratur in speciebus & proprietatibus.

5. Species desumuntur, vel è diversis gradibus (species improprie dictæ:) vel è rebus.

6. E gradu substantia, vel est Universalis, vel Singularis: illa secunda, hæc si completa est pri-

ma dicitur apud Arist. in Logicis Categ. cap. de subst.

8. Substantia Universalis est substantia, cui non repugnat in esse pluribus sibi subjectis particulis, quibus totum suum esse largitur, nec ab eis separatim existit.

9. Substantia singularis est substantia pluribus sibi subjectis incommunicabilis.

10. Substantia est incommunicabilis, vel tantum in Quod, vel in Quod & Quo simul.

11. Substantia incommunicabilis in Quod tantum, est substantia incommunicabilis alicui tantquam inferiori, sed quæ tamen nata est esse in alia tantquam pars, ut anima rationalis Iohannis. Ea dicitur substantia Incompleta.

12. Incompleta substantia est pars, vel realis, vel rationis.

13. Pars realis, quæ realem compositionem infert supposito, ut materia & forma.

14. Pars rationis est, quæ conjuncta cum alio compositionem rationis infert supposito, ut Differentia.

15. Substantia incommunicabilis ut Quod & Quo est Suppositum.

16. Suppositum est Ens completum non constitutens aliquod unum, nec natum inherere, nec ab alio sustentatum Gabr. in 3. d. 1. q. 1. art. 1.

17. Estque vel suppositum tantum, ut est suppositum naturæ non intellectualis: vel persona.

18. Persona est intellectualis naturæ incommunicabilis existentia, è Richard 2. de Trin. cap. 22. Scotus in 1. d. 23 q. un. sect. ad quæstionem respondeo.

19. E rebus, substantia vel est Deus, vel Creatura.

20 Deus est substantia intellectualis infinita

independens, à qua, in qua, & per quam sunt, vivunt, & moventur.

21. *Creatura est substantia à Deo dependens.*

22. *Estque vel Spiritus, vel Corpus.*

23. *Spiritus est substantia creata expers corporis.*

24. *Corpus est substantia constans materiâ & formâ.*

25. *Proprietates substantiæ sunt. 1. Univoce dici. 2. Esse hoc aliquid. 3. Non esse in subjecto. 4. Non habere contrarium. 5. Suscipere magis & minus. 6. Eandem numero permanentem recipere posse contraria. Arist. in Categ. cap. de Sub.*

COMMENTARIUS.

TAmetsi multa de substantia dici possunt, hoc tamen loco pauca hæc tantum movebimus.

1. Substantia à subsistendo aliis dicta, quod subsistat accidentibus, non potest nisi substantiæ creatæ tribui: hæc enim accidentibus subsistat, in Deum vero accidentia non cadunt. Substantia aliis à subsistendo dicta, Deo etiam convenit, cui omnium maximè convenit per se subsistere: unde & à quibusdam *ὕπoσtασις* potius, quàm *ὑπόστασις* dicitur.

Subsistere vero dicitur duobus modis, ut docet Gabriel in 3. d. 1. quæst. 1. vel enim denotat subsistentiam hypostaticam, quæ suppositorum propria est: & ea tametsi substantiæ communis non est, sed tantum substantiæ singulari completæ seu supposito propria est. Alio modo subsistere denotat idem quod existere, & est actu positum esse extra suas causas. Hoc modo subsistentia communis substantiæ & acci-

dentibus est. Verum diversitas in eo est, quod substantiæ per se subsistunt sine ordine ad subiectum: accidentia vero inexistunt, seu existunt in alio tanquam insubjecto.

2. Quum vero substantiæ aliz primæ sint, aliz secundæ: illæ dicuntur substantiæ individua & singula, hæ substantiæ universales. De substantiis vero primis dixit Aristot. in Categ. cap. 6. quod propriè & principaliter, & maxime substantiæ dicantur. Nam substantiarum inter se & cum accidentibus quadruplex fieri potest comparatio: [Prima est Comparatio substantiarum primarum cum secundis & cum accidentibus, & hoc modo substantiæ primæ propriè substantiæ dicuntur, quia sublatis substantiis primis nihil manet aliorum: sublato enim Petro verbi gratia simul tollitur, quæ in eo est humanitas, animalitas, & accidentia quæ in eo sunt omnia. Altera est; Substantiarum secundarum inter se, ut specierum cum generibus: quæ collatione facta species potius substantiæ nomen merentur, quam genera: ex enim substantiis primis sunt propiores quam genera. Tertia est: Collatio specierum inter se, & primarum substantiarum inter se: & hæc comparatione factâ ex æquo nomen substantiæ participant species ejusdem generis, & ejusdem speciei individua. Quarta est; Comparatio secundarum substantiarum cum accidentibus: quæ comparatione facta secundæ substantiæ dici merentur substantiæ & non accidentia: nam & ea accidentibus subjiciuntur, eaque sustentant, ut affectiones de iis tanquam de subiectis primis demonstrari possint: & quando de substantiis primis dicuntur, prædicantur essentialiter & à priori, earumque naturam & essentiam in definitione

sitione declarant; accidentia vero tametsi & ipsa de primis substantiis dicuntur, non tamen predicantur essentialiter à priori, sed vel à posteriori, vel contingenter conveniunt. Hinc vero intelligitur, quomodo cum dictis conveniat ea proprietates Aristotelis, qua docet, substantiam non habere magis & minus. Nam una substantia magis, alia minus est substantia si diversi earum gradus inter se conferantur; verum substantiæ secundum eundem gradum consideratæ magis & minus non habent. Hoc docuit Averr. in Categ. cap. diff. 13. substantiæ quidem, inquit, aliæ aliis digniores, particulares universalibus; sed volo, quod non recipiant plus & minus, hoc est, quod non predicentur species ex ea, neque genus de singulari magis predicatione ipsius de singulari alio, neque predicentur de ipso magis uno tempore, quam in alio tempore; Socrates enim non est magis animal, quàm Plato: neque Socrates est magis animal hodie, quàm eras.

3. Dicendum quid sit Incommunicabile, & Communicabile illud, de quo in theorematibus mentio aliquoties facta est, ut doctrina de natura & supposito melius cognoscatur. Communicabile ergo, quantum ad præsens sufficit, duobus modis dicitur, ut etiam docuimus Antid. nostri libro primo, cap. 15. Est enim aliquid Communicabile, vel ut Quod, vel ut Quo. Communicabile, ut Quod dicitur, quod constituit aliquid cum aliquo, cum quo est realiter idem. Communicabile vero ut Quo, quod non est idem realiter alicui, sed eo denominatur aliud, ut est apud Gabriel. in 3. dist. 1. quæst. 1. Hinc Scotus in 1. dist. 2. quæst. 4. & Nicol. de Orbell. ibid. & in 3. dist. 1. q. 1. Communica-
cabile

bile ut Quod, vocant Communicabile per identitatem; Communicabile, ut Quo Communicabile per Informationem. Vide subtiliss. Duns in 1. dist. 23. quæst. unc. sect. ad quæst. respondeo. Priori modo dicimus superius communicari inferiori, genus scilicet speciei, & universale quodcumque singulari. Ita animal communicabile est homini. Posteriori modo communicabilis est pars toti, & omnino accidens subjecto. Per hunc modum anima Communicabilis est homini & albedo parieti.

Huic duplici Communicabilis generi opponitur duplex genus Incommunicabilis, ut docetur apud subtiliss. Duns in Quodl. quæst. 19. art. 2. dicit enim, quod aliquid sit incommunicabile, prout incommunicabile opponitur universali, quod est incommunicabile puribus. Hoc incommunicabile opponitur communicabili, ut Quod. Deinde dicit esse aliquid incommunicabile, quod excludit omnem modum communicationis, tam communis quam formæ; idque tam Formæ partis, quâ dicitur communicari materię informatę, quàm Formæ totius, ut naturę, quę dicitur communicari supposito participant. Et hoc Incommunicabile opponitur Communicabili, ut Quo. Priori modo singulare quodvis dicitur incommunicabile: quia est in prædicatione ultimum, hoc est, inferius se nihil habet, de quo prædicari possit. Posterius vero genus Incommunicabilis Suppositis proprium est: suppositum enim est incommunicabile & ut Quod & ut Quo, deducitur apud Gab. in 3. dist. 1. quæst. 1. artic. 1. Hoc eleganter expressit subtil. Duns in 3. d. 1. q. 1. art. 3. sect. per hoc ad argumenta: Sicut dictum est, inquit dist. 2. prim. lib. & 23. incommuni-

manifestabile quod pertinet ad rationem Personæ
excludit duplicem Communicabilitatem, vide-
licet communicabilitatem ut Quod & ut Quo:
Natura creata est incommunicabilis primo
modo, quia singularis: singulare enim non est
Communicabile, ut Quod nisi sit illimita-
tum, ut essentia divina. At natura creata Com-
municabilis, ut quo unitur enim cum divina
natura. Persona vero nec ut Quod, nec ut
Quo est Communicabilis.

Ex his jam deducitur ordo horum termino-
rum: natura, singulare seu individuum, sub-
stantia, prima, suppositum, & persona. Hi enim
termini differunt secundum latius & angusti-
us: semper enim terminus posterior includit
terminum priorem; sed contra prior potest
esse sine posteriori. Natura enim est terminus
communis substantiis & accidentibus, iisque
tam Universalibus, quam singularibus, iisque
tam universalibus, quam Singularibus. Quo
sensu describitur Natura apud Gabr. in 3. dist.
1. qu. 1. art. 1. quod sit res aliqua positiva ha-
bens esse reale, non tantum esse objectivum in
anima.

Singulare vero seu Individuum est, quod de
nullo alio prædicari natum est, ut Cleon, Cal-
lias, ut describitur apud Arist. 1. prior. cap. 28.
Et hic terminus substantiis etiam & accidenti-
bus convenit, sed determinatis ad hic & nunc.
Substantia prima est individuum seu singulare
substantiale: sive incompletum sit, ut hæc ma-
teria, hæc forma: sive completum, ut hic Leo.
Suppositum est substantia prima: sed non omnis
verum tantum completa, & habens ex se perfe-
ctum subsistendi modum. Et hic terminus Com-
munis est rebus inanimatis & animatis.

Per-

Persona denique omnis est suppositum: tametsi non omne suppositum sit persona. Persona enim non dicitur, nisi suppositum intellectuale. Vide Nic. de Orbellis in 3. dist. l. q. 1. art. Durand. in d. 2. Thom. q. unie. de unione verbi art. 1. Et de hac re nos fusius egimus in singulari quodam tractatu de Natura & supposito, quem hic subjunxissemus & quidam alia de substantia, nisi brevitati studere constiuissemus.

CAPVT. XXIX.

DE ACCIDENTE.

I.

Accidens est Ens natum inherere in alio tanquam in subiecto.

2. Accidens absolutum est, quod est independentens a termino.

3. Estque Quantitas, vel Qualitas.

4. Quantitas alia est Continua, alia Discreta: illa cuius partes communi vinculo seu termino continentur: hæc contra.

5. Quantitatis continuæ species alie sunt Proprie, alie Improprie.

6. Proprie sunt: Linea, Superficies, & Corpus.

7. Linea est longitudo latitudinis expers: ejus commune vinculum est punctum.

8. Superficies est magnitudo longa & lata. Ejus commune vinculum Linea est.

9. Corpus est magnitudo trium dimensionum, hoc est, quæ habet longitudinem, latitudinem, & profunditatem. Ejus terminus communis superficies est.

10. Quantitas continua improprie dicta est Tempus & Locus:

11. Tempus est connexio presentis cum praterito & futuro. Communis terminus est Instans.

12. Locus est spaciū in quo corpus suū habet distantiam.

13. Quantitas discreta est, cuius partes communi termino non copulantur.

14. Estque Numerus, vel Oratio.

15. Numerus est unitatum plurium collectio.

16. Oratio est sermo syllabis longioribus & brevioribus mensuratus.

17. Proprietates quantitatis sunt: 1. non habere contrarium. 2. suscipere magis & minus. 3. esse quidque secundum eam divisibile. 4. æquale, vel inæquale quidque iuxta eam dici.

18. Qualitas est accidens iuxta quod quale quidque esse denominatur.

19. Eius genera sunt quatuor: 1. Habitus & Dispositio 2. Potentia & impotentia naturalis. 3. Passio & passibilis qualitas. 4. Forma & que circa unumquodque est Figura.

20. Habitus est qualitas rei animatæ adventitia difficulter à subjecto mobilis secundum quam ad prompte, & cum delectatione agendum idonea redditur ad ea perficienda, quæ per solam naturam non poterat, ut sunt artes & virtutes.

21. Dispositio est qualitas adventitia facile mobilis ad habitus gignendos ordinata.

22. Naturalis potentia & impotentia est qualitas naturalis, qua ad aliquid efficiendum vel patiendum, vel non patiendum quid aptum natum est: ita risibilitas & potentia loquendi est naturalis hominis facultas.

23. Passio & passibilis qualitas est, quæ vel in sensu passionem efficit, vel e passione aliquid

liqua in subiecto originem habet, ut : sonus, calor, &c

24. Forma et quæ circa unumquodque est, Figura, est modus seu figuratio quædam terminorum : qui circa unumquodque quantum existunt, ut : triangulum, quartangulum, rectum, curvum.

25. Qualitatis proprietates sunt tres 1. habere contrarium. 2. suscipere magis et minus. 3. secundum eam simile vel dissimile aliquid dici.

26. Accidens cum respectu est Relatio.

27. Relatio consideratur vel quoad nomen, vel quoad rem.

28. Quoad nomen Relatio, alia est rationis, alia realis.

29. Relatio rationis est, quæ non habet fundamentum à parte rei : ethinc vera relatio non est, nec habet proprium esse ad aliud, sed tantum ita habere fingitur seu concipitur, ac si haberet.

30. Relatio realis est, quæ habet fundamentum à parte rei.

31. Estque vel secundum dici vel secundum esse.

32. Relatum secundum dici est absolutum Ens, cui tribuitur respectus ad aliud.

33. Relatum secundum esse, quod sua natura ad aliud refertur.

34. Hoc refertur vel ratione transcendentali, vel relatione prædicamentali.

35. Relatio Transcendens est, 1. quæ terminum non respicit, ut purum terminum seu gratis, sed intuitu alicuius muneris præstandi. 2. nec advenit subiecto per modum forme, sed essentialiter includitur in eo quod refertur. Vide Coll. Conimb.

Conimb. Categ. cap. 7. de Relat. q. 1. art. 2.

36. Relatum prædicamentale est accidens ordinatum ad terminum.

37. Relatum duplex est: relatum relatione intrinsecus adventente, et relatum relatione extrinsecus adveniente.

38. Illud dicimus, quando respectus necessario consequitur fundamentum posito termino.

39. In eum modum relata definiuntur, quibus hoc ipsum est esse, ad aliud quodammodo se habere, Categ. c. 8.

41. Horum considerantur conditiones, et proprietates.

44. Conditiones sunt septem: Subiecta duo, Fundamentum et Terminus, Relatum et Correlatum, et respectus ipse.

42. Proprietates sunt: 1. esse simul natura, 2. dici secundum convertentiam. 3. habere æqualem determinationem quoad notitiam.

43. Relatum relatione extrinsecus adveniente illud dicimus, cui accidit respectus qui non necessario sequitur posito fundamento et termino, Eiusmodi sex reliquis generibus tribuitur apud Scotum quodl. q. 11. art. 4.

44. Eiusmodi vero sex genera sunt: Actio, Passio, Quando, Vbi, Situs, et Habitus.

45. Actio est secundum quam in id quod subicitur agere dicimur. Gil. Porret. lib. princ. c. 1. Aliter aliquanto definit Campanella de sensu rerum lib. 2. cap. 15. Actio, inquit, est propria similitudinis effusio ab agente.

46. Actio vero alia est immanens, alia transiens.

47. Actio immanens ea dicitur, quando agens et patiens supposito non differunt, ut: intellectio, est ab intellectu, et in intellectu. Vide Arist. 9. Metaph. l. c. 16.

48. Actio

48. Actio transiens quando agens & patiens differunt supposito, ut: ædificatio fit architecto & recipitur in domo.

49. Transiens est vel emanativa, vel cum transmutatione.

50. Actio emanativa est, quando actio profiscitur ab agente sine ejus vel motu, vel conatu, ut: creatio,, quæ facta est solo verbo.

51. Actio per transmutationem, quæ fit cum motu & conatu agentis subjectum alterantis et transmutantis: ut generatio rei è subjecto materia.

52. Passio est influxus actionis in id quod actionem recipit.

53. Hæc duplex est: Corruptiva et perfectiva.

54. Corruptiva est, quæ passio imperfectionem quandam infert, ut, pulsatio, vulneratio.

55. Perfectiva est receptio perfectionis in subjecto passio, ut intellectio.

56. Actionis & passionis proprietates sunt duæ: Contrarietas, et suscipere magis et minus.

57. Quando est ordo rei ad durationem.

58. Duratio est essendi perpetuatio.

59. Estque vel æternitas, carens principio, fine, et successione: vel Ævum carens fine non principio: vel Tempus durationis e. præsentis, præteriti et futuro continuato.

60. Vbi est ordo rei ad locum.

61. Situs est ordo corporis ad positionem.

62. Habitus est corporum et eorum, quæ circa corpus sunt adjacentia. Gilb. Porret. lib. de 6. princip. cap. 7. Et hæc de decem generibus.

C O M M E N T A R I V S.

Accidens duobus modis dicitur, ut annotavit subtiliss. Duns in 4. d. 12. quæst. 1. sect. quæst. & 7. Met. quæst. 1. sect. responsio Nicol. de Orbell in 4. d. 12. quæst. 1. sect. 1. & 3. & Soncinas 7. Met. quæst. 1. Uno modo pro eo, quod per se significat nomen accidentis, quod est accidere alicui : & ita accidere est synonymum cum nomine inherere & notat respectum quendam additum naturæ seu essentiæ ejus, quod denominatur esse accidens in ordine ad subjectum. Alio modo accipitur pro eo, quod denominatur esse accidens, hoc est, pro natura cui tribuitur ille respectus. Albedo verbi gratia uno modo dicit essentiam denotatam per definitionem propriam, sine ordine ad subjectum in quo existit; cui additur respectus seu ordo ad subjectum, ratione cujus sortitur denominationem quandam, ut accidens esse dicatur, quod denotat non esse separatum à subjecto, sed in subjecto esse. Et priori significatione dubium non est, quin inherencia sit de essentia accidentis : inherencia enim & accidentalitas, ut ita loquar, sunt synonyma, accidentalitas vero ea est ratio accidentis, ut in propria significatione stricte accipitur. Verum in posteriori significatione quæritur, an inherencia denominativè potius, an vero quidditivè accidenti conveniat, qua de re acriter inter Philosophos disceptatur, & nos eam quæstionem in praxi nostra Logica decidimus. Statuo vero inherenciam esse modum accidentium intrinsicum, per quem à posteriori definiantur, ab accidentibus omnino inseparabilem.

Acci-

Accidens vero communiter fatiunt aliud prædicamentale, aliud prædicabile, Accidens prædicabile, illud dicimus, quod à proprio contradistinguitur: & definitur apud Porphy. in Isag. quod adesse vel abesse potest sine subjecti corruptione. Et ita esse album quando dicitur de pariete est accidens prædicabile: accidit enim parieti esse album. Et hoc duplex est: separabile scilicet & inseparabile. Separabile illud dicimus, quod indifferens est ad inesse & non inesse, ut ambulare in Socrate, potest enim æque ac non potest ambulare.

Inseparabile vero illud dicimus, quod tamen si ad essentiam non attinet, tamen ob specialem materię dispositionem actu non separatur, ut est nigredo in corvo.

Prædicamentale vero accidens dicimus, quod à substantia contradistinguitur: & ita accidens commune est ad proprium, & accidens quintum prædicabile. Risibilitas enim quæ de homine non prædicatur accidentaliter, sed per modum proprii, prædicamentale accidens dicitur, quia in genere Qualitatis proponitur. Et hoc modo in præsentia accidens accipitur.

Est vero Accidentis ad subjectum & substantiam duplex habitudo, ut annotavit subtil. Duns in quodl. quæst. 19. art. 2. & in 3. d. 1. quæst. 5. lect. Supponendo, & d. q. Nicol. de Orbell. art. 2. est enim alia habitudo informantis ad informatum, alia posterioris naturaliter ad prius à quo pendet.

Prior habitudo dicit ordinem inter substantiam & accidens, ut actus ad suam potentiam: est enim subjectum in potentia & formam accidentalem, ut ex utrisque fiat unum per accidens. Eiusmodi habitudo est inter Coriscum

& Musicam : Coriscus enim est in potentia ad addiscendam Musicam, quæ per modum habitus in eum introducta, denominat eum accidentaliter, ut dicatur Coriscus, Musicus, quod est unum per accidens, docente Arist. 5. Metaph. t. c. 7. Posteriori respicit subiectum, ut in quo est, seu à quo dependet. Dependens illa est in genere causæ materialis : subiectum enim ad accidens se habet ut materia in qua est. Ea dependentia infert posterioritatem in accidente ad subiectum in quo est. Vnde omnis substantia accidente prior esse dicitur. Eam prioritatem annotavit Arist. 7. Metaph. t. cap. 4. substantiam primam dicendo definitione, cognitione, tempore & natura. Quia tamen in re difficultas est, ut docet Zabara in 2. de prim. Mat. cap. 11. Falsum enim esse videtur substantiam tempore præcedere accidentia : visibilitas enim cum homine tempore simul est, & quantitas cum materia & corpore. Verum dicendum est hoc intelligendum non esse, quod quæcunque substantia prior sit accidente omnibus iis modis. Aristoteles enim non determinare voluit in specie modos prioritatis qui singulis accidentibus competere, sed in genere modos præscripsit quibus accidens posterius substantia est. Omne accidens (omne accipiendum non distributive, sed collective) substantia posterius est modis his vel omnibus, vel quibusdam saltem ex illis. Alia enim accidentia in particulari natura tantum posteriora sunt non tempore, alia & tempore & natura sunt posteriora : in universali vero accidens consideratum ad substantiam hos posterioris modos omnes complectitur.

Elegans circa accidens subiectum est ca-
non

non apud Aristot. 4. Metaph. 1. cap: 14. Accidens non est accidens, nisi ambo accidunt eadem. Ad quem clarius explicandum, sciendum, quod accidentis subjectum est duplex, secundum Scotum & Nicol. de Orbell. in 4. d. 12. Vt ut primo in se recipiens, aliud ut ultimo terminans, hoc vocant ultimum. Ultimum illud dicitur, quod ultimo terminat accidentis dependentiam, ita ut nihil ulterius terminet. Et hoc modo non potest terminari accidens nisi à substantia: quia nullum accidens potest esse sine substantia. Ergo nec accidens ab accidente sine substantia terminari potest. Non ultimum illud dicitur, quod quocunque modo proxime terminat accidentis dependentiam, & ita multa accidentia terminantur ab accidentibus. Color non recipitur in corpore nisi mediante superficie. Corpus ergo est subjectum ultimo terminans & colorem & superficiem: Verum superficies est, ut proximum coloris subjectum, quia mediante superficie color in corpore recipitur. Hoc sensu apud Arist. scriptum est in 5. Met. c. 6. Justum & musicum dici unum secundum accidens, quoniam uni substantiæ accidunt, Corisco nimirum.

Accidentia sunt duplicis generis: alia enim absolute dicuntur sine ordine ad animam; alia vero consequuntur res cum ordine ad animam. Prioris generis ea esse dicimus, quæ ex se & sua natura habent esse perfectum, cujusmodi sunt color, superficies, linea & eius generis alia. Quæ v. cum comparatione ad animam dicuntur ea sunt, quæ quum in rebus sint potentia, suæ quidditatis actum & formalitatem recipiunt ab anima, eaque sine anima esse completum non habent; ejusmodi sunt esse sensibile,

bile, intelligibile, comparabile, numerabile. *Sensu apud Themist.* scriptum est in 2. de anim. c. 22. ad text. 67. quanquam subiecto idem est color & visibile, tamen considerationis & rationis discriminibus differunt. Nam visibile *proximum* visui est, ad quem refertur: color *im-* *propria* & absoluta res est. Item: visibile *vi-* *si* *sub* *juncto* non consistet nisi potentia: at color *etiam* nunquam conspectus semper est color. Ita *autem* solut. contr. Averb. in 4. Physic. contra- *dict.* 7. docet: numerum formalem non esse ac- *cidentis* absolutum distinctum à rebus, quod *subjective* fit in rebus extra animam: sed nu- *merum* dici in rebus, per denominationem ex- *trinsecam*, quia ex quo anima per numerum *abstractum* in ipsa existentem numerat illas *res*, ea de causa illæ res denominantur numera- *te*. Et hæc de accidente in genere:

Singula prædicamenta in specie quædam tan- *tum* strictim attingamus.

De quantitate notabile hoc est; Quantita- *tem* de continua & Discreta Quantitate dici, *non* in modum generis Univoci, sed ut æqui- *vocum* de suis æquivocatis. Hanc sententiam *docuit* Averb. in quæstis post. Anal. qu. 4. di- *cens*: quod & quantitas sit nomen æquivocum *& æqualitas*, quæ quantitatem consequitur sit *nomen* æquivocum. Eam vero duobus diversis *argumentis* inter quæ unum hoc est: Si enim *Quantitas* esset unum genus necessario partes *ex quæ* speculantur de partibus Quantitatis es- *sent* partes unius artis: & esset ars quæ conside- *raret* orationes, & quæ eduntur de numero, & *ars* tractans de tempore et loco quæ est ars na- *turalis*, omnes essent partes unius artis, nam hæ *omnes* essent species contentæ sub uno genere.

Quia

Quia vero absurdum unam artem omnium harum esse speculativam, partes ex diversis unius generis esse non possunt. Et hanc etiam sententiam probat Zabar. in 1. post. cont. 74. Hinc eum Arist. in Categ. Quant. nolimus Quantitatem in genere definire: definitiones enim non æquivocis, sed univocis conveniunt.

In Qualitatis prædicamento aliquid de habitu dicemus. Habitus consideratio duplex est: Una ad obiectum, altera ad subiectum. Consideratio habitus ad obiectum est, circa quod versatur habitus cuiusmodi est ordo scientiæ ad scibile. Et hoc modo Habitus est in prædicamento relationis, ut scientia & scibile. Consideratio vero habitus, ad subiectum est, quatenus habitum metimur è subiecto, quod habile & promptum redditur ad operandum cum delectatione ut docet Arist. 2. moral. cap. 3. Et ita hoc loco in qualitatis prædicamento collocatur. Primam habitus considerationem dicunt esse Formalem: metimur enim formaliter habitum è suo subiecto: alterum causalem esse dicunt, quatenus habitus aliquid operatur in suo subiecto in quo est.

Sunt vero habitus multiplices: 1. habitus alii sunt acquisiti, alii infusi. Acquisiti dicuntur habitus ex crebris actionibus comparati. Quo sensu dixit Scalig. exer. 307. s. 4. ex actionum crebritate, aut ex paucis bene validis habitus creatur: & in 7. de c. ll. c. 141. ex frequentibus actibus habitus. Hinc Aristot. 2. Eth. cap. 1. morales virtutes dictas vult ex more, quod ex assuetudine acquirantur: & docet virtutes nos acquirere, ubi prius fuerimus operati: quemadmodum etiam in aliis artibus. Quæ enim, inquit, ubi didiceremus facere oportet, ea facien-

do discimus. Sicut enim ædificando ædificato-
res, cithara canendo citharædi: ita quoque ju-
sta agendo iusti, temperantia temperantes, for-
tia fortes evadimus.

Habitus vero infusi dicuntur, quos nostra o-
pera non aquirimus, sed qui à superiori agente
dependent. Hinc Thomas 3. p. q. 9. ad 4. nota-
vit differentiam habitus acquisiti & infusi his
verbis, quando ait: aliam esse rationem de habi-
tu acquisito & de habitu infuso. Nam habitum
scientiæ acquiri per comparisonem humanæ
mentis ad phantasmata: sed habitum scientiæ
infusæ esse alterius rationis, utpote, qui à su-
periori descendat in animam, non secundum
proportionem phantasmatum.

Porro Scotus in 3. d. 34. quæst. unic. S. ad
istam quæstionem, utrumque habitum & aqi-
situm & infusum dividit per esse intellectuale,
& esse in appetitu. Habitum vero intellectu-
alem, qui dirigit intellectum, in speculativum &
practicum: Speculativi finis veritas, practici a-
ctio. Speculativum subdividit per realem & ra-
tionis. Realis qui circa Ens reale versatur: & di-
viditur in 6. Metaphyl. t. cap. 2. in Theologiam
Naturalem, & Mathematicam. Speculativus
vero rationis est, qui circa Entia rationis, seu
notiones secundas versatur: cujusmodi habitus
à quibusdam dicuntur esse habitus Logici. Pra-
cticus dividitur per agibile & factibile: ille cir-
ca operationem, hic circa opus est. Vide Arist.
1. magn. moral. cap. 33. Habitus vero appeti-
tus dividitur, quod sit vel in ordine ad se,
vel in ordine ad alterum. Ejusmodi habitus è
sententia piccol. sunt virtutes morales, quas in
appetitu sensitivo esse dicit: Fortitudinem &
Temperantiam in ordine ad seipsum: Justiti-

am in ordine ad alterum. De reliquis Qualitatibus generibus legi poterit doctissimus Commentarius viri Clariss. Zachariae Ursini in Organon Aristotelis.

De Relatis hoc notabimus. Relata sunt vel realia, vel rationis. Ad relationem realem tria requiruntur, ut annotavit Nicol. de Orbell. in 1. d. 31. art. 1. 1. ut & fundamentum & terminus sit quid reale. 2. ut extremorum distinctio sit realis. 3. ut è natura rei insit extremis ipsis relatio sine opera intellectus interveniente. Relatio vero rationis vera relatio non est, nec habet proprium esse ad aliud: sed tantum ita habere fingitur seu concipitur, ac si haberet & definitur, quod sit cujus fundamentum reale non est. Ejusmodi relatio est inter dextrum & sinistrum in columna.

Et ita strictè accipitur Relatio rationis. Accipitur vero nonnunquam in latiori significatione, ut rationis relatio esse dicatur, in qua deficit vel una vel plures earum trium conditionum, quas ad relationem realem requiri dicebamus, ut annotavit Tartar. in comment. ad prædic. Relat. vide Averr. in Comment. Metaph. cap. 9. Datur vero tertia quædam species mixta ex utroque genere, quæ est realis ab uno extremo, rationis vero relatio ab altero extremo. Et hinc docetur apud Thom. 3. p. quæst. 2. ad 7. omnem relationem, quæ consideratur inter Deum & creaturam realiter quidem esse in creatura, per cujus mutationem talis relatio innascatur, non autem esse realiter in Deo sed secundum rationem tantum, quia non innascatur secundum mutationem Dei. Et hoc sensu Martinus Polychius prædicam. quæst. 14. not. 4. relationes docet esse in triplici differen-

ria: 1. quasdam enim esse reales in utroq; extremo. 2. alias esse reales in uno extremo, & rationis in altero. 3. & alias esse relationes rationis in utroque extremo.

De prædicamento Actionis hæc tantum videmus. Actio ut definitur à nobis è libro 1. princ. cap. 2. quod sit secundum quod in illa, quo subicitur agere dicimur: proprie denotare videtur actionem effectivam. Et est sententia subtiliss. Duns in 4. d. 13. quæst. 1. sect. ad solutionem huius quæstionis non competere tam omni in universum actioni, sed ei tantum, quæ est cum respectu transmutantis ad transmutatum. Quæ tamen in re secus sentio: est enim in immanente etiam actione ordo quidam ad subiectum, ut in intellectione videre est, quæ in intellectu recipitur: intellectus vero recipiendo pati aliquid dicitur, passione scilicet perfectiva.

Ut vero intelligatur distinctio Actionis in immanentem & transeuntem, sciendum, quod cum docuit Arist. 9. Metaph. t. cap. 16. quando hæc quorundam quidem ultimum est usus, ut visus visio, ut nihil præter hanc à visu fiat opus: à quibusdam vero fit aliud, ut ab ædificativa domus præter ædificationem. Quorumcunque itaque aliud quoddam præter usum est id quod fit, horum actus in eo quod fit est, ut ædificatio in domo, & motus in moto. Quorum vero non est opus aliud præter actionem, in ipsismet actio est, ut visio in vidente, speculatio in speculante.

Prius genus actionem transeuntem dixere, posterius immanentem. Verum hæc actionis distinctio difficultate non caret, quia modo non uno intelligitur, ut docetur apud subtilis, Duns

in quodl. quæst. 13. art. 3. Uno modo intelligitur distinctio Actionis in immanentem & transeuntem, non ut divisio quædam generis in species, sed ut distinctio vocis in sua significata. Actio n. Transiens proprie actio est: est enim productiva termini in passio alia ab agente, ut calefactio actio est productiva caloris in ligno ultra ipsam actionem, scilicet ultra calefieri. At actio immanens, dicit tantum formam absolutam, seu qualitatem aliquam in eo, in quo est. Et convenit cum actione proprie dicta in duplici conditione: quarum prima est, quod est in continua dependentia ad suam causam: altera, quod operatio transit in suum subjectum tanquam in terminum suum, licet ipsi non det esse, sed cum in suo esse præexistentem supponat. Quæ duo & ipsa in actione transeunte sunt: nam & ipsa 1. à causa sua pendet & 2. terminatur in subjecto. Verum addit conditionem tertiam, quod ipsa suum terminum producat. Et ideo Actio transiens diceretur, quia ipsa est productiva termini alterius à se, ut calefactio producit calorem: actio vero immanens non quod sit in causa tanquam in subjecto, sed quia sibi ipsi immanens, hoc est, quod non deducitur ad terminum à se diversum: quomodo visio sibi ipsi dicitur immanens, id est non ordinata ad opus à se diversum. Quam sententiam etiam proponit Nicol. de Orbell. in 1. d. 3. q. 8. Et hanc sententiam Scotus magis putat esse de intentione Aristotelis.

Alio vero modo intelligitur, quod Actio dividatur, ut superius in sua inferiora. Hoc modo actio immanens dicitur, quæ est res producta subjective manens in ipso agente, ut intellectio in intellectu. Videtur enim illa forma no-

va esse terminus alicuius actionis, quam ante non fuerit, post vero fuerit producta. Et hanc esse rei veritatem vult Conflit. Sarnanus direct. Theol. edit. Rom. pag. 61. Et ita actio Transiens erit, quæ est in subjecto ab agente diverso: quomodo actio architecti non terminatur in ipso, sed in subjecto ab architecto diverso actio- nis termino, opere scilicet architecti ut domo. Et hoc modo nos superius actionem in imma- nentem & transeuntem definimus. Vide Son- cin. 9. Metaph. quæst. 20. Thom. contra gent. lib. 2. cap. 1. & Hier. Zanch. 2. de nat Dei c. 8. q. 1. n. 5.

Unum hic notandum de divisionibus in a- ctionem in immanentem & transeuntem, per emanationem & transmutationem, quod sint intelligendæ secundum præcisionem: nam om- nis actio immanens est etiam per emanationem, sed non omnis actio per emanationem est im- manens: & actio per transmutationem est etiam transiens, sed non omnis actio transiens est per transmutationem quia quædam per emanatio- nem solam est, ut Curatio.

Explicandum hoc loco est tritum illud axio- ma; Actiones esse suppositorum. Sensus huius effecti duplex est: Unus est, quod circa singula- re actio sit, ita ut actionis objectum non nisi singulare ponatur. Quo sensu Arist. 1. Metaph. c. 1. scripsit, actiones ac generationes esse circa singulare omnes; non enim hominem nisi per acci- dens sanare, qui medetur, sed Calliam aut So- cratem, aut alium quempiam eorum, qui sic di- cuntur, cui accidit hominem esse.

Alius vero sensus est, quod omnis actio sit à singulari effective, nec à quocunque singulari, sed tantum à supposito. Hic dicendum, quod

agendi principium duplex est : Agens ut Quod, & Agens ut Quo. Agendi principium ut Quod non est nisi singulare suppositum ; actionis principium ut Quo , seu ratio agendi, qua mediante agit suppositum, non suppositum tantum est, sed & partes & accidentia , & universalia ea, quæ sunt in supposito. Ita Johannes scribit, ut agens Quod, sed manu, ut principio Quo. Ignis calefacit, sed mediante calore. Homo intelligit mediante anima rationali, anima enim intelligere non dicitur. Johannes cadens è fenestra fertur deorsum, non quia homo, sed qua mixtum in quo prædominatur elementum grave. Petrus sentit , quia est animal. Ita ex Averroë 2. Phys. docet August. Niphus Sueffanus in disp. Metaph. 1. distinct. Averr. p. 35. licet operatio sit primo suppositi, ratio tamen operandi primo inest naturæ. Et Zimara solut. contrad. Arist. & Averr. & de anima contrad. 21: actio tribuitur composito, ut quod, formæ ut quo.

Hic ergo notanda est Scoti sententia in Quodl. quæst. 8. art. 1. ubi docet. nullum suppositum agere nisi sit actu per illud, quod ipsi sit formaliter ratio agendi. Et intelligit sic : vel ut habeat illud tanquam formam informantem ut est in rebus naturalibus. propter quod Arist. 3. de anim. t. cap. 26. concludit, animam esse actum & formam corporis: quia est principium, quo conveniunt ei operationes corporis animati. Vel ut illud, quod est principium agendi sit omnino idem supposito agenti, ut est in forma simplici subsistente, quæ sc. statim est quod est, ex 8. Metaph. text. cap. 13. & ita se tota agit.







Solet & alia agitari quæstio an actio sit in agente,

agente, an vero in patiente. Et de actione im-
 manente quidem res est expedita: quum e-
 nim in ea agens & patiens sint idem subiecto,
 actio sive subjective esse dicatur in agente, sive
 in patiente quoad rem coincidit. Quæstio est
 de actione transeunte. Hic sciendum, quod duo-
 bus modis aliquid alicui dicatur inesse: vel effe-
 ctive & virtualiter, & subjectivi. Priori modo
 quæstio locum non habet: est enim in agente
 vis & virtus producendi effectus, & ita secun-
 dum quid, effective scilicet actio est in agente,
 quatenus ab agente nascitur & oritur. An vero
 subjective sit in agente, an vero patiente du-
 bium. Et denominatio quidem arguere videtur,
 actionem esse in agente, non enim patiens, sed
 agens agere dicimus. Verum à denominatione
 firmum argumentum peti non potest. Est enim
 dicente Gab. in prol. sent. q. 3. & in 2. dist. 34.
 q. unic. art. 1. not. 3. & Sonc. in 5. Metaph. q. 40.
 denominatio multiplex; ita ut denominatio a-
 lia sit privativa, quando aliquid denominatur,
 non ab eo quod habet, sed ab eo quod non ha-
 bet, ut cæcus denominatur à carentia visus; alia
 positiva quando aliquid denominatur à re quam
 habet. Quæ iterum duplex est; vel intrinseca,
 quando denominans est in denominatio, vel ex-
 trinseca, quando denominatio fit ab eo, quod
 non est formaliter in eo quod denominatur, sed
 etiam loco & subiecto distat, ut dives denomi-
 natur à divitiis, quæ non inhaerent. Intrinseca
 in idem duplex est; Est enim denominatio a'ia
 absoluta, sine connotatione alicuius termini,
 quo modo omnia prædicamenta absoluta deno-
 minationem faciunt; idque dupliciter, vel de-
 nominando essentialiter, ut quando denomina-
 tio vel à forma, vel à proprio: vel accidentaliter,

ter, ut quando accidens denominat suum subiectum ut docet Scotus in 2. dist. 12. q. 1. s. ad argumentum primum dico. Alia vero denominatio est intrinseca, sed cum connotatione termini extrinseci, quomodo pater denominat hominem, sed cum ordine ad filium. Quantum ad præsens attinet, Pererius Phys. lib. 13. c. 8. statuit, agens denominari ab actione non intrinseca, sed extrinseca denominatione, non quia fit in ipso, sed quia fit ab ipso. Mea sententia est, actionem esse subjective non in agente, sed in patiente. Hanc docuit Aristot. 2. de anima tex. 139. Si igitur, inquit, motus & actio & passio est in eo quod movetur & patitur, necesse est & sonum, & auditum, qui est secundum actum in auditu, qui secundum potentiam esse. Activi enim & motivi actus in patiente fit, unde non necesse est movens moveri. Vide pluribus Perer. d. lib. 13. cap. 7. & 8.

Et hæc nos breviter; qui pluribus volet, consulat Fonssecam, & Franciscum Suarez abunde habebit. De intelligentiis & ordine hujus scientiæ ad inferiores alias seq. lib. agemus.


JOHAN. COMBACHII
WETTERANI
METAPHYSICORUM
LIBER SECUNDUS.
PRÆFATIO.


Um studiorum gratia Anno

C

Christi 1909. essem in An-

glia, in celeberrima Acade-

mia Oxoniensi permissu supe-

riorum de Mentibus Separatis,
Præsente Insignissimo Dn. Vice-Cancella-
rio Dn. Iohane King, post Episcopo, vere pio,
Londinensi, & gravissimo Theologo Dn.
Hollando, viro multiplicis lectionis, aliis-
que Doctoribus, Magistris & magno
studiosorum numero, (vivebant enim eo
tempore, ut communis vox erat, in hac
O 5
Univer-

PRÆFATIO.

Universitate circiter tria studiosorum millia) quatuor lectiones publicas se potius discursus, in auditorio Theologico habebam. Sæpius de iis edendis cogitavi: Sed inciderunt impedimenta alia atque alia, quo minus quod proponebam perficere potuerim. Ac ne nunc quidem opera mea divisa sat otii mihi concedunt ad hoc opus ex voto absolvendum. Nolui interim doctrinam hanc plane omittere. In eum finem hunc qualemcunque tractatum subnectere visum est, donec meliora tempora plura eaque meliora exhibeant. Et erit hic Liber secundus dictus nomine Lectionum Oxoniensium, quarum summam complectitur, in memoriam beneficiorum, qua in me contulerunt ejus Academia tum proceres, tum viri alii boni.

META.



METAPHYSICORUM

LIBER SECUNDUS.

C A P. I.

De Separatis secundum essentiam, & in specie de D E O.

THEOREMA PRIMVM.

V Niversalis Metaphysicæ pars hæc fuit: Particularis sequitur.

1. Ea docet naturam Entis quatenus Ens, secundum conceptum Separatorum per essentiam.

3. Separata per essentiam sunt, quæ ita absolute re & ratione à materia, ut eam nec in definitione, nec in existentia sui includunt, Ejusmodi sunt spiritus.

4. Spiritus est substantia omnis materiæ, & corporeitatis expers.

5. Estque vel increatus, vel Creatus.

6. Spiritus Increatus Deus est.

7. Notitia de Deo vel supernaturalis est, in quantum cognoscitur ratione Essentiæ, Personarum & gratiæ voluntatis: hæc soli Ecclesiæ in Scripturis revelata est. Vel naturalis gentibus etiam nota, tum e principis naturalibus, tum e libro naturæ & opere creationis.

8. Deus

8. Deus est expers principii perfectum & omni ex parte absolutum universorum principium ut describit Clemens Strom. lib. 4.

9. Ejus considerantur tum attributa, tum operationes.

10. Attributa sunt nomina, quae de Deo per modum proprietatum praedicantur, ita tamen ut substantiae ejus non sint addita. Averr. destruct. disp. 3.

11. Ea tametsi multa sunt in Deo tamen compositionem non faciunt; sunt enim in Deo non formaliter, sed eminenter. Vnde pluralitas ea non est in Deo formaliter, sed ratione nostri inadequati conceptus, ut sub ratione pluralitatis concipiamus, quod à posteriori è respectu & ordine ad nos non nisi per similitudinem & ἀναλογία. quandam imperfecte cognoscimus. Vide Thom. opus. 72. quod est de concordantiis sub initium.

12. Eiusmodi attributa tria potissimum secundum Philosophos Deo appropriantur: quod sit Sciens, Excellens, & Potens Averr. destruct. disp. 11: Metaph.

13. Scientia Dei est Scientia in ultimitate perfectionis, qua scit omne illud, quod emanat ab eo vel mediate, vel immediate. Eaque scientia non est eiusdem naturae cum nostra, quoniam scientia nostra est diminuta & posterior scito. Averr. eadem disp. Metaph. destruct.

14. Excellentia seu nobilitas D E I apud Averr. juxta sententiam Augusti, Niphi Sueffani ad eum locum est Dei voluntas.

15. Dicitur vero voluntas, ut & scientia, de Deo æquivoce ad nostram: absit enim, inquit Averroes, ut sit Dei appetitus, ex eo quod deficit ei, et substantiae ejus aliquid, adeo ut sit causa

causa motus & actionis aut ex se aut ex alio : sed non intelligitur per voluntatem , nisi ordinatio operationis copulata scientiæ. Ibid.

16. Potentia Dei est vis Dei secundum quam omnia agere potest.

17. Ea distinguitur in ordinariam & absolutam. Scal. ex. 365. sect. 8.

18. Illam exerit agendo secundum ordinarium naturæ cursum : hæc ea etiam agit quæ sunt præter & supra naturæ cursum. Hinc commune est Scholasticorum : posse eum omnia , quæ non implicant contradictionem. Vide Lombard. 1. sent. 42. 43.

19. Hæc verò tria attributa Averrois , quia ab ipso dicuntur esse in ultimo seu summo gradu perfectionis , præsupponunt Attributum Infinitatis .

20. Est verò Deus Infinitus in essendo , quia complectitur omnes gradus perfectionis : in operando , quia non agit , quin possit plus & ultra : & duratione ; hinc æternitas ei convenit , quæ est duratio carens principio, fine & successione.

21. Operatio verò Dei est tum creatio , tum conservatio. Illa res omnes de non esse ad esse sunt productæ ; hac earundem rerum esse & operatio & conservatur & ad debitos fines dirigitur. Unde providentia Deo tribuitur , qua omnia conservantur , ut docet Chrysost. hom. 10. ad pop. Antioch. & de provid.

COMMENTARIUS

Prioris Metaphysicæ partis quatuor membra exegimus : agendo de Metaphysicæ subiecto, principiis, affectionibus & universalissimis Entis divisionibus. Ad alteram nunc accedimus,

mus, quæ agit in particulari de Entibus incorporeis & ab omni materia sejunctis ac separat. Et si vero sunt, qui judicant hanc doctrinam Separatorum aliam & diversam disciplinam facere, ab ea quæ est de conceptibus generalissimis & universalissimis: alia tamen Aristotelis fuit hac de re sententia, qui eodem volumine complexus est & doctrinam, quæ est de Ente quatenus Ens est, & doctrinam horum Entium ab omni materia separatorum. Et Zabarella in lib. de ordine intelligendi disputat adversus M. Anton. Genyam: si ipsam rerum naturam spectemus, quatenus nobis considerandæ & cognoscendæ proponuntur, oportere de abjunctis à materia per essentiam & de abjunctis per indifferentiâ, non duas esse disciplinas, sed unam & eandem. Ac omnino videtur esse necessarium, ut quia Ens non est quid univocum, prout docet Aristot. 4. Metaphys. 1. cap. 3. *πρὸς τὴν ἡμῶν ἐνὸς*, seu ut loquuntur, analogum; & vero analogum non potest intelligi sine principali analogato: principale illud analogatum in eadem scientia doceatur & tradatur cum suo analogo. Est verò principale Entis analogatum in doctrina Separatorum positum. Hæc itaque doctrina ab Ente, quatenus Ens est, sejungenda non est. Quæ sententia defendi facilius potest, si dixerimus, Ens quatenus Ens esse, in quo non differt quod à quo, sed in quo quod & quo sunt idem realiter. Constat enim in Separatis à materia idem esse quod & quo; seu in iis essentias non habere aliquas causas essendi è quibus sint: sed essentias stare seipsis, ut loquitur libellus de causis.

Porro quia Spiritus vocabulum Deo communiter & aliis Intelligentiis tribuitur, an uni-
voce.

vocè dicatur, an analogice, an vero æquivocè
 considerandum? Dicendum hic, nihil posse esse
 Deo commune univocum cum creaturis. Id di-
 sputat ab Algazele & Averroë destruct. disp.
 quod enim duo talia habet, scil. quod com-
 municat cum aliquo, & quod differt ab eo, est
 compositum. Quod si ergo Deus communicat
 cum aliquo in genere, & differt ab eo in diffe-
 rentia; Ergo Deus est compositus. Et respon-
 det Averroës: jam dixi, quod sequitur hoc pro-
 pter communicationem, quæ reperitur ex parte
 generis dicti univocè, non autem ex parte gene-
 ris dicti secundum prius & posterius. Philoso-
 phi autem non concedunt de ente antiquo ali-
 quam communicationem in genere omnino.
 Hoc est, ut explicat Augustin. Niph. Suesanus
 in comment. ad hunc locum: Averroës limitat
 idem, dicens: non dicimus, quod hoc, id est,
 Deum esse compositum, sequitur communica-
 tionem necessario ratione generis univoca præ-
 dicatione, non autem analogicè. Unde bene va-
 let, hoc communicat cum aliquo in genere
 univoco, & differt ab eo differentia univoca:
 Ergo est compositum. Sed non valet de genere
 differentia analogicè dictis. Ad propositum,
 modo Deus & Entia mundi communicant in
 genere & differentia æquivocè dictis: & ideo
 non sequitur, Deum esse compositum.

Huc jam porro sequitur, Spiritus vocabu-
 lum non posse Deo & Spiritibus creatis ex æ-
 quivo convenire. De quo antequam dicam, no-
 tabo, quod est apud Damasc. de Orthod. fide
 lib. 1. cap. 18. quod Spiritus intelligatur mul-
 tipliciter: Spiritus S. virtutes etiam Spiritus S.
 dicuntur Spiritus, & Angelus bonus Spiritus,
 & demonum Spiritus & anima, quandoque
 etiam

etiam mens Spiritus dicitur, & ventus Spiritus; & Spiritus aër. Quod sigillatim è diversis Scripturæ locis demonstravit P. Victorius Commentator Damasc. ad hunc locum. Locus quia non est indignus qui observetur verba ejus huc transcribam: Octo, inquit, enumerat autor Spiritus acceptiones, quarum apud sacras literas non infrequens est usus. Siquidem Spiritus pro Spiritu Sancto sumitur Psalm. 142. Spiritus tuus bonus deducet me in terram rectam. Pro virtute Spiritus Sancti Jud. 14. Irruit autem Spiritus Domini in sampson, & dilaceravit leonem: ubi donum Spiritus S. scil. fortitudo atque robur, Spiritus nominatur. Pro Angelo bono Psal. 103. qui faci Angelos suos Spiritus, & ministros suos ignem urentem. Pro Dæmone 1. Reg. 18. post diem autem alteram, invasit Spiritus Dei malus Saul. Pro anima Gen. 7. universæ aves omnesque volucres ingressæ sunt ad Noë in arcam, bina & bina ex omni carne in qua erat Spiritus vitæ. Pro mente, Paulus 1. Cor. 2. quis enim scit hominum, quæ sunt hominis, nisi Spiritus hominis, qui in ipso est? Pro vento, Ecclesiast. 43. Vox tonitru ejus verberavit terram, tempestas aquilonis, & congregatio Spiritus. Demum pro aëre, Psalm. 119. Os meum aperui & attraxi Spiritum. Ita ille.

Præter has v. significationes etiam Physicus agit de Spiritibus, ut sunt Spiritus naturalis, viralis & animalis: quæ de re in Physicis nostris egimus. Sed hæc significationes propriæ præsentis instituti non sunt. Hoc loco Spiritum intelligimus, substantiam omnis materiæ & corporeitatis expertem: quo sensu in genere quidem Spiritus vocabulum Deo & Intelligentiis

gentiis tribuimus, sed non eâdem simplici-
 terratione. Deum esse Spiritum Joh. 4. scri-
 ptum & à Damasc. lib. 1. de orthod. fid. cap. 4.
 probatum, esse eum incorporeum: quo pacto
 enim corpus fuerit infinitum, interminatum,
 infiguratum, intangibile, invisibile, sim-
 plex, incompositum? quomodo immutabile,
 à circumscriptum, si passionis injuriæ ob-
 noxium? Et Averroës destruct. disput. 10. di-
 scutat contra opinionem Orientalium, tenen-
 tum, quod Deus sit corpus cœleste: & con-
 cludit, Deum nec esse corpus omnino, nec
 potentiam in corpore. In disp. v. 6. asserit,
 quod hæc substantia sit principium mundi, &
 quod sit simplex & separata à materia & ha-
 beat quidditatem, quæ est simpliciter. Et Tho.
 1. p. quæst. 3. art. 1. Deum absolute non esse
 corpus tripliciter ostendit. 1. quod sit primum
 movens immobile, 2. quod necesse sit pri-
 mum Ens esse in actu, & nullo modo in poten-
 tia 3. quia Deus id, quod est nobilissimum in
 creaturis: quæ omnia corpori convenire nullo
 modo possunt.

Esse verò & Angelos natura incorporeos
 Cyrillus docet in Joh. lib. 4. c. 10. & Damasc.
 lib. 2. de Orthod. fide cap. 3. scribit, Angelo-
 rum factorem & opificem esse Deum, qui i-
 plos ex nihilo ad esse deduxerit ad propriam
 illos creans imaginem naturam incorpoream,
 ut Spiritum quendam, aut immaterialem i-
 goem. Idque disputavit Toom. 1. p. q. 50. art. 1.
 Quod vero citato loco Damascenus dicit: In-
 corporeus & immaterialis dicitur Angelus,
 quantum ad nos: nam omne ad Deum colla-
 tum (qui solus incorporealis est) crassum & ma-
 teriale comperitur: sola enim vere immateria-
 lis

lis & incorporea divinitas. Id non nisi comparative & secundum quid intelligendum, explicat Thom. dist. qu. 50. ad 1. dicendum, inquit, quod substantiæ incorporeæ (intelligitur de Angelis) medium sunt inter Deum & creaturæ corporeas: medium autem comparatum ad unum extremum videtur alterum extremum: sicut tepidum comparatum calido videtur frigidum. Et hac ratione dicitur, quod Angeli Dei comparati sunt materiales & corporei: non quod in eis sit aliquid de natura corporea.

Ex his jam facile intelligitur esse spirituale & incorporeum non ex æquo Deo & creaturæ convenire: fieri enim nequit, ut sit natura causa & causati una genere, nisi in causis indivisibilibus, quemadmodum disputat Averr. de sensu disput. Metaphys. 7. Fieri ergo nequit, ut Deus qui est causa creaturarum, in aliquo genere univoce conveniat cum creaturis. Non ergo Spiritus à Deo creati à Deo genere & natura cum Deo convenire possunt. Spiritus ergo & esse incorporeum Deo & creaturis ex æquo non conveniunt. Patet: Est enim Deus Spiritus expers omnis & materiæ & potentiæ: Spiritus vero Angelici tamen excludunt materiam, non tamen excludunt omnem potentiam: dependent enim: dependentia vero omnis conjuncta est cum potentia. Vide de hac proportionem prioris & posterioris propter ordinem à prima ad primam. Scal. exerc. 359 sect. 14. Ut vero pluribus aliquanto in divinis contemplationibus nos oblectemus, sequentes decem quæstiones ordine discutiendas proponemus.

Quæ & quotuplex significatio DEI sit?

Portet prius vocis ipsius usum cognoscere, à quo sapenumero provehimur in rei per-
sonem, quemadmodum Plato in Cratylo,
multis in locis Aristot. ostendit, inquit Scal.
lib. 1. sequamur ejus consilium, inquiremus
nominis primo loco: quid Dei nomen sibi
sit, quæque huic nomini sint annexa videa-
mus. Tertullianus libr. 1. adversus Marcionem
scribit: Veritas Christiana districte pronun-
tiat, Deus si non unus est, non est. Quia dig-
num credimus non esse, quodcunque non ita
sit, ut esse debeat. Deum autem ut scias
non esse debere, quære quid sit Deus, & non
deinvenies. Quantum humana conditio de
Deo definire potest, id definitio, quod & omnium
scientia agnoscet, Deum summum esse ma-
gnum in æternitate constitutum, inextinctum, sine
fine, sine fine. Hunc enim statum æternitari
constandum, quæ summum magnum Deum effi-
ciat, dum hoc est in Deo ipso, atque ita & cz-
cum, ut sit Deus summum magnum, & forma
rationis, & vi & potestate. Ita nimirum de
Deo statuendum, ut qua de re sit agendum
sciamus. Nominis hujus originem si specta-
mus, Dancæ sententia est derivari illud à græco
θεός, dictum Plato putat, quasi θεογονία, id
est, currentem, quia omnia pervadit: alii à verbo
θεοῦ videre, quoniam omnia videt. Sextus
Pompejus à voce θεός, quod timeatur. A Græca
nimis voce θεός Latini suam hanc vocem dedu-
cunt. Ita scribit lib. 1. Isag. Christ. cap. 1.
De græca voce Damascenus scribit lib. 1. orth.
lib. 1. cap. 11. sequens nomen est Deus, qui
græcè.

græcè *θεός*, vel à *θῆν*, id est, currere & disponere universa : vel ab *αἰθερ*, id est urere (Deus enim ignis est, omnem malitiam consumens) vel à *θεᾶσθαι*, id est intuendo omnia. Nam nihil eum latere potest, in eo omnium inspector est. Intuetur enim omnia, priusquam deducantur ad ortum, intemporaliter intelligens unumquodque secundum voluntariam ipsius intemporalem intelligentiam. Aliam ex Phurnuto originem adducit Lud. Cæsar. Rhod. lect. antiq. lib. 21. cap. 24. Deum, inquit, esse appellatū prodit Phurnurus, ἀπὸ τῆς θεότητος, quoniam creduntur θεοὶ θετῆρες καὶ ποιηταὶ γινόμενων ὄλων. Quod si quis ab Hebræo quod sufficientiam & abundantiam denotat unde *יהוה* inter nomina Hebraica Dei refertur derivare velit, non repugnabo.

Nomen hoc absolute sumptum summum magnum denotat : aliis tamen etiam rebus in sacris & profanis attributum legimus. Indeque ejus ambiguitatem, in quantum Theologo est necessaria, eleganter exponunt Zaneh. de tribus Elohim part. 1. lib. 6. cap. 1. qui locus quoniam elegans est, non gravabor eum huc adscribere. Nomen Dei, inquit, de alio prædicatur aut propriè, aut impropriè. Propriè, ut de Patre, Filio, & Spiritu sancto. Impropriè, ut de aliis præter Patrem, Filium, & Spiritum sanctum. Rursus impropriè bifariam : aut vere, aut falso. Vere, ut quos sacra litera hoc appellant nomine propter aliquam cum Deo verisimilitudinem, aut propter dignitatem, aut propter officium. Ut Moses Deus Pharaonis Exod. 7. 1. Magistratus Dii Psal. 82. 6. Falso, ut quos ita appellarunt, & ut Deos voluerunt homines, ipsi falsa opi-

nione

& di-
 urere
 opfu-
 mpa-
 am m-
 quam
 telli-
 ariam
 am m-
 hod-
 esse
 1745
 1746
 1747
 1748
 1749
 1750
 1751
 1752
 1753
 1754
 1755
 1756
 1757
 1758
 1759
 1760
 1761
 1762
 1763
 1764
 1765
 1766
 1767
 1768
 1769
 1770
 1771
 1772
 1773
 1774
 1775
 1776
 1777
 1778
 1779
 1780
 1781
 1782
 1783
 1784
 1785
 1786
 1787
 1788
 1789
 1790
 1791
 1792
 1793
 1794
 1795
 1796
 1797
 1798
 1799
 1800

none decepti Jes. 44. 10. idola 2. Cor. 4. v. 4.
 enter Phil. 3. 19. quorum Deus venter est.
 optie bifariam ; absolute , & distincte. Scho-
 dici dicunt, Essentialiter, & Personaliter. Ab-
 & Essentialiter, pro divina essentia , seu
 Deitate , quæ nihil est aliud quam Deus,
 ut dicitur de tribus personis simul sumptis,
 Patre, Filio, & Spiritu sancto. Distincte seu per-
 sonaliter, ut cum de una persona, vel Patris, vel
 Filii, vel Spiritus sancti dicitur. Aliàs in profa-
 na liter etiam Dei vocabulo utuntur: Ita bona
 hominibus cupido vocantur Deus apud Virgilium :
 et Astrologos Deus & Dea nomina usur-
 pant in quibusdam locis genitura. Deum in-
 ventum ab horoscopo signum tertium , cui per
 horoscopus objectum vocant Deum , id est , ab
 horoscopo nonum signum. Ita dæmonium So-
 crates Deum appellavit Apuleius, ut ea de re vi-
 deat potest Cælius Rhodig. lect. antiq. lib. 2. cap.
 10. Nos de Deo, divinisque nominibus secun-
 dum scripturæ præscriptum rectius loquimur.
 Descendit à vocabulo Dei , Deitas & divinum.
 Deitas & Deitas habent se in modum abstracti
 & concreti ; quæ duo tamen si, si essentiam sim-
 plicissimam in se spectes, unam eandemque rem
 notant ; tamen si modum loquendi observes,
 ut primis in doctrina de persona Christi, concre-
 tum tibi animadvertes quæ de abstracto dici &
 predicari nequeunt. Deus passus est carne , &
 sanguine suo redemit Ecclesiam, divinitate im-
 mutabili manente, ut in Concilio Chalcedonen-
 si definitum. Divinum vero etiam non uno ac-
 cipitur modo : Est enim divinum per essentiam,
 & divinum per participationem. Illud de iis,
 quæ in Deo sunt & inveniuntur dicitur, ut divi-
 na sapientia , bonitas & potentia ; hoc donis,
 quæ

quæ effective à Deo sunt , & ad nos profuunt
tribuimus.

2. *An sit Deus.*

DEum esse notum est tum è libro scripturæ, tum è libro naturæ. Clarius & manifestius esse divinum, ejusque voluntas scriptura petitur, quæ est doctrina è revelatione, in qua comprehenduntur omnia ea, quæ de Deo ad salutem nostram sunt cognitu necessarias. E libro vero naturæ patet esse Deum, ut à quo dependent omnia quoad esse, conservationem & gubernationem. Ita enim Apostolus docet Rom. 1. v. 20. Invisibilia Dei à creatura mundi, per ea quæ facta sunt intellecta conspiciuntur, sempiterna quoque ejus virtus & divinitas. Unde Thom. 1. p. q. 2. art. 3. quinque vias proposuit cognoscendi Dei è lumine naturæ: 1. è ratione motûs. 2. è ratione causæ efficientis. 3. è ratione possibilis & necessarii. 4. è gradibus, qui in rebus inveniuntur. 5. E gubernatione rerum.

1. E ratione motûs: quia motus inferiores, necessario redeuntur ad unum primum motorem, qui est Deus. 2. E ratione causæ efficientis: quia in genere causarum necessario deveniunt ad primum causam, quæ est Deus. 3. E ratione possibilis & necessarii: quia contingentia necessario reducuntur ad aliquod primum, quod necessario habet esse à se & per se, & est Deus.

4. Quia Ens unumquodque excedit aliud gradum perfectionis: hinc necessario deveniamus ad summum quendam gradum perfectionis, qui non nisi Deo convenit. 5. E gubernatione rerum: quia enim omnia diriguntur ad debitum finem, necessario primum quoddam est intelligens, à quo dirigantur ad eum finem, quod non est aliud, nisi Deus. Hinc vulgatum est apud Scho-

scholasticos, triplicem esse viam cognoscendi Dei: 1. per viam causalitatis: 2. per viam eminentiæ, & 3. per viam negationis. 1. per viam causalitatis: ut ex opere creationis & universi cognoscamus creatorem & conditorem universi. 2. per viam eminentiæ: ut quæ in his inferioribus designant perfectionem, ea Deo eminenter & nobilissimo modo inesse docemus. 3. per viam negationis, ut quæ in his inferioribus designant imperfectionem, ea Deo tanquam perfectissimo bono convenire negemus. Vide Gregorium de Valentia fuisse disputantem an sit Deus, & quomodo probari possit, esse Deum, commentat. Theolog. tom. 1. q. 2. Fr. Patrium de Monarchia: & Fr. Suarez in Metaph.

3. *Quid sit Deus?*

DE Essentia & quidditate Dei duobus modis possumus loqui: vel absolute & per se, vel in ordine ad nos. Absolute & in se considerata essentia Dei est perfectissima, ut quæ omnes perfectionis gradus in se complectitur: nec & infinitus Deus dicitur, infinitus scilicet simplicitate Entis, quod omnia Entia longissime perfectione sua excedat, nec sit Ens aliud, quod vel æquiparari, vel ullo modo cum eo in comparationem venire possit. Hic enim locum habet regula: Infiniti ad finitum nulla est proportio. Sed si ea perfectissima Essentia consideretur in ordine ad nos & nostrum intellectum, nec in se sit perfecta, a nobis tamen perfectè cognosci & definiri nequit. Hoc ex infirmitate intellectus nostri provenit. Ita enim sempiternis rebus pronuntiavit Scalig. ex. 1. quod ad earum intellectionem, mentis nostræ acies tam imbecilla sit, quam ad Sollem

lem intuendum Nycticoracis oculus.

Aliqua tamen de Deo haberi potest, five descriptio five imperfecta definitio. Possunt enim de Deo haberi, ut disputat Fons. Metaph. lib. 2. cap. 1. q. 2. s. 3. etiam in hac vita conceptus proprii & peculiare, quique in rem aliam convenire nequeant: cujusmodi sunt conceptus Entis infiniti simpliciter, actus puri, causa primæ, & ejusmodi similes. Hæc attributa Deo propria quando cognoscimus, suam Deo, quandam descriptionem assignamus.

4. *An sint Dei quædam attributa, & an ea pugnent cum simplicitate Dei;*

IN genere multa Deo convenire nomina, quæ vere ipsi tribui possint, è sacris constat: in quibus vocatur Bonus, Sapiens, Æternus, Justus &c. Hæc nomina attributa Dei vocantur, quod ipsi in modum affectionum & proprietatum assignentur & attribuantur: non quod accidentia alia ab Essentia Dei convenient Deo, sed quoniam pro ratione nostri inadæquati & imperfecti conceptus more humano de Deo dicamus, quæ divinam perfectionem variis nominibus quodammodo exprimere & explicare videntur. Namque aliàs locum habet communis regula: Quidquid est in Deo, est ipse Deus: & Fr. Suarez disp. Metaph. 30. s. 6. differit, omnia attributa esse de Essentia Dei, neque inter se distinguui actualiter in re ipsa, neque à Dei essentia. Indeque communem patrum sententiam esse docet: non solum non esse in Deo accidentia, sed & hæc nomina, quæ in nobis significant accidentia, in Deo significare essentiam ejus: eamque ob causam non solum concreta, sed
etiam

nam abstracta, taliū nominum de Deo prædica-
 tur. adducit sententiam Leonis dicentis: nemo
 bonum veritas, nemo sapientia, nemo iustitia
 sed multi participes sunt veritatis, sapientie
 neque iustitie: solus autem Deus nullius parti-
 cipationis est indigens, de quo quicquid digne
 neque sentitur, non qualitas est, sed Essen-
 tia. Extrat ea de re notabilis sententia Scal. ex.
 1. l. 6. Quoniam Deo multa attribuuntur ut
 omnipotens, omnisciens, misericors, pius, ju-
 stus, vindex, sanctus, fortis, immortalis, bonus,
 primum Ens: haud recte extorsit usus, ut sic lo-
 queremur. Si enim denominative de eo quippi-
 am prædicaretur: abstractum esset, tum aliud ab
 ipso, tum ipso prius. Quod sane impium est.
 Quare neque ens est, sed essentia, neque bonus,
 sed bonitas; neque sapiens, sed sapientia: neque
 omnipotens, sed omnipotentia. Quæ ita in ipso
 sunt, ut sint ipsum. Ita insunt: ut nihil antece-
 dat, nihil subsequatur.

Hæc vero attributa Dei non sunt unius mo-
 di: quædam enim attributa conveniunt Deo ab
 æterno, absolute, & sine ordine ad creaturas,
 alia vero non nisi in ordine ad creaturas conve-
 niunt. Ita infinita sapientia, voluntas, omnipo-
 tentia Deo absolute conveniunt sine ordine ad
 creaturas. Bonus enim, sapiens, infinite perfe-
 ctus esset Deus, si vel maxime creatura non es-
 set. At vero ut dicatur creator, esse ubique &
 cuiusmodi attributa Deo conveniunt in ordine ad
 creaturas: creator enim dicitur cum respectu ad
 terminum, quia condidit & creavit omnia de
 non esse ad esse producendo. Ubique esse dici-
 tur in ordine ad locum: qui enim ab æterno est
 infinitus & immensus cum non esset locus &
 spatium ullum: is in tempore dicitur ubique,

seu omnipræsens, quatenus omnibus locis in tempore factis est præsens, & cælum ac terram sua præsentia implet & replet. De his nominibus quæ Deo tribuuntur ex tempore per relationem ad creaturam, vid. Fr. Suarez disp. Metaph. 47. s. 15. n. 15. & seq. Alia attributorum divinorum habetur distinctio apud Theologos, quam etiam attingit Zanch. de nat. Dei lib. 1. cap. 1. & est, quod attributa Dei quædam sunt propria Dei ut neque creaturis ullâ possint ratione attribui, nec ullam ad eas habeant respectum, ac proinde meram duntaxat Dei naturam dicant, qualis est in se: ejusmodi sunt immensitas, æternitas, summa simplicitas. Aliæ vero sunt quæ licet simpliciter & eadem ratione creaturis non conveniunt, ex parte tamen & secundum quandam similitudinem creaturis etiam tribuantur. Ut summa sapientia omnipotentia, solius Dei est propria: sed & creaturis quædam sapientia, quædam potentia tribui recte poterit. Vide Zanch. de variis divinorum nominum & attributorum generibus de natura Dei lib. 1. cap. 4.

Ubi tamen hoc observandum, attributa divina de Deo prædicari jam in abstracto jam in concreto: in abstracto, ut tum simplicitas & perfectio divinæ naturæ, tum etiam quod sit fons omnis vitæ, bonitatis & sapientiæ, hinc intelligatur. In concreto vero subsistens & *ὁ θεός* inde cognoscatur.

Annon vero, inquis, ea attributorum multitudo pugnat cum simplicitate Dei? absurdum dicamus. Essentia enim Dei maxime simplex est libera ab omni compositione tam essentiali & substantiali, quam accidentali. Substantiali:

concurrerent enim aliàs necessario ad esse
constituendū partes, è quibus constat com-
positum. Effet ergo aliqua causa Dei: non ergo
causa Deus: alia ergo causa prior: alius
Deus, hoc Deo prior. De quo quia simili ra-
tione quereretur, fieret tandem processus in in-
finitum. Subsistamus ergo necesse est, in prima
absoluta & independente absolutè & sim-
pliciter: quæ cum Deus sit, non potest habere
causam vel à qua sit, vel è qua sit & constet.
Simpliciter ergo erit secundum substantiam, quod
non sit è qua constaret. Sed nec accidentia
possunt convenire: quod in Deo nulla sit
mutatio. Ea vero accidentium est ratio, ut ad ef-
fectus habere possint: quod mutabilitatem sub-
signat. Vide de Dei simplicitate Thom. 1.
q. 3. & è nostris Theologis Zanchium de na-
tura Dei lib. 2. c. 2. pluribus differentes.

Præter: multitudo attributorum importat
diversitatem rerum: multitudo rerum sine
compositione esse nequit. Respondet Zanch.
de natura Dei lib. 1. q. 4. Causa multorum & vario-
rum nominum in Deo nostra fuit imbecillitas;
nam enim ideo imposita sunt, ut significaretur
esse multas in Deo esse virtutes (est enim una
virtus ad omnia idonea & sufficiens) sed
propter nostrum captum ut scilicet quod uno
nominis poteramus nomine, variis id nominibus
scimus percipere. nempe quis, & qualis sit
Deus. Nam si essentiam Dei, ut se habet, posse-
mus uno intuitu seu uno actu intellectus perci-
pere, non multis & variis opus fuisset nomi-
nibus eam nobis utcumque indicandam: sed u-
num tantum nomen satis fuisset nobis. Dices:
hic convenire partes, & affectus: quarum illæ
sunt fundamentum compositionis essentialis, hi

accidentalis. Ita deo tribuitur anima, oculi, brachium: ira, odium, amor, poenitentia. Respondetur partes Deo assignari per *ἀνθρωπὸς* *θεῶν*, tradit enim nobis sacra scriptura spiritualia & divina sub similitudinibus corporalium. Ita partes corporeæ attribuuntur Deo in scripturis ratione suorum actuum, secundum quandam similitudinem: sicut actus oculi est videre, unde oculus de Deo dictus significat virtutem ejus ad videndum modo intelligibili non sensibili. Sic anima Deo tribuitur, per similitudinem actus: quo enim volumus aliquid, nobis ex anima nostra est: unde illud dicitur placitum esse animæ Dei, quod est placitum voluntati ipsius. Heb. 10. v. 38. Eadem aliarum partium est ratio. Ita Epiphanius hæres. 69. dicit: si patet carnem non inenit, dixit autem hoc, Quem dilexit anima mea, figurare hoc circa Deum dicitur, ut ratificaretur veritas & ut ostendat erga filium ingenuitatem. Et sicut hic dicit: Dilexit ipsum anima mea: Sic dicit, Juveni David filium, esse virum secundum cor meum, & cor meum longe abest ab ipsis. Si itaque eo quod figurate dictum est, Quem dilexit anima mea, accipimus hoc de anima: ergo etiam de corde figurate dictum est, & nimirum omnibus intelligentia præditis clarum hoc fuerit. Vide Cornel. Agripp. de membris Dei de occult. Philosoph. lib. 3 cap. 13. De affectibus respondemus, iram, poenitentiam, & similia affectuum nomina Deo convenire non secundum affectum, sed secundum effectum: non enim in ira divina est motus ille sanguinis circa cor, & quæ aliz in nostris affectibus sunt perturbationes & commotiones. Hinc in addit. ad Lyram cap. 6. Genes. docetur Poenitentia & cæteræ passionēs, in quantum de-

fectum

secundum important, non dicuntur esse in Deo, nec secundum rem, nec secundum similitudinem. Unde verius & tutius dicitur, quod huiusmodi passiones dicuntur de Deo secundum similitudinem effectuum, scilicet quod à Deo producuntur effectus similes effectibus à poenitente productis. Inde 1. Sam. 15. v. 11. Deus Samueli dicit, poenitet me quod constituerim Saul Regem. Et tamen postea eodem cap. v. 29. De Deo dicit Samuel, neque enim homo est, ut agat poenitentiam. Aperte hinc patet, Deo non tribui poenitentiam ejusdem generis & rationis cum poenitentia, quæ homini convenit.

Dices: quod in uno est accidens, in alio non potest esse substantia. Regula vera est de iis, quæ ejusdem sunt generis & rationis. At vero inter sese habet sapientia & bonitas divina, atque humana: illa enim est bonitas & sapientia essentialis, hæc non nisi per quandam similitudinem & imitationem. Ita Thom. 1. p. q. 3. m. 6. ad 1. dicit: virtus & sapientia non dicuntur univocè de Deo & de nobis: unde non sequitur, quod accidentia sint in Deo, sicut in nobis. Apponam huc quæ eleganter ea de re sunt disputata ab August. Nipho Sueffano distruct. Averr. disp. 6. (mihi) pag. 215, Sed dices, quod vere est nulli accidit, & è contra, quod alicui accidit nulli est substantia. Sed scire est accidens homini, ergo non potest esse substantia in Deo. Dicendum, quod scire cum est homini accidens, illud idem numero, vel specie, vel genere nulli est substantia, attamen illudmet æquivoce, vel analogice, potest esse in Deo substantia: quoniam scientia non dicitur univocè de scientia nostra & ipsius Dei, ut bene dicit Averr. im-

mò nostra causatur à rebus , ideò est accidens. Illa est causa rerum , & ideo est substantia. Sed dices, saltem habet modum accidentis. Dicendum, quod accidens secundo (iudico legendum, *duplex*) habet esse. Est enim non de intellectu eius, ejus ponitur, & adventitium & superaddens aliquam perfectionem illi. Primum habet, prout non est prædicatum essentialè & quidditativum. Secundum habet, prout subjectum est imperfectum & limitati generis. Substantia enim, cum sit limitati generis, id est, non continet accidentis perfectionem totaliter secundum omnem modum, ut sic accidens venit ei. Dico ergo quod accidens sc. scientia, prout est accidens in Deo habet primum modum : quoniam, non est de formati intellectus essentialis & quidditatis primi, cum non sit prædicatum primi modi de Deo, ut etiam concedit Averr. 12: Metaph. com. 39 vide ibid. Ut vero secundo modo consideratur, sic transit in essentialitatem Dei, cum essentia illa sit velut pelagus omnem perfectionem continens, ut perfectio est : ideò ibi accidens non habet rationem adventitii, & sic patet qualiter aliquo modo habet modum accidentis, & alio modo non.

Dices denique : Relationes esse in divinis, quæ tum accidentia sint, tum compositionem inferant. Dicam : Relatio in divinis non prædicamentalis sed transcendentalis : ea vero accidentalis non est, ut quæ non infert essentialitatem à suis extremis, extrema enim immediate ad invicem inferuntur, non per accidens à subjecto diversum. In genere vero de relationibus pronunciavit Zauchius de natura Dei lib. 2. cap. 2. qu. 1 Nullam relationem componere, sed tantum distinguere.

An aternitas soli Deo conveniat?

Durationis genus triplex est: Aternitas, Aevum, & Tempus. Horum generum unumquodque existentiae suae conditionem sequitur: eo quod duratio nihil aliud est, quam essentialis continuatio. Existentiæ vero Essentiae immediatus est: eo quod supra essentiam nihil addit aliud, quam modum essendi rei cuiusque extra nihilum, seu extra suas causas, quemadmodum itaque Essentia & Existentia eiusque generis ita est comparata ut sit incomparabilis: ita & duratio: eo quod duratio designat esse aliud ab essentia rei cuiusque, itaque Aternitas, quæ est interminabilis vitæ, simul & perfecta possessio, ut definit. *De consol. lib. 3.* convenit soli Deo: *De consolat. lib. 3.* enim soli vita ejusmodi est conveniens, ut careat principio, fine & successione: ea infinita vita est, infinitæ Essentiae respondens, & creaturæ consentanea, ut quæ durationis finibusque essentiae finibus est circumscripta. *De consolat. lib. 3.* ita convenit, sine carens & successione: aut non principio. Tempus vero corporibus tribuitur, quibus principium, finem & successione pro naturæ cuiusque conditione signamus. Dices: circumcisionem foedus æternum dici, & possessionem æternam terræ Cananæ promitti *Gen. 47.* quorum neutrum sit Deus, vel sine successione & principio duret. Respondet Bonaventura in 4. dist. 3. in 46. Dicendum, quod, quando circumcisio signatur data in foedus æternum, non oporteat intelligi ita æternum, quod careat fine. In eadem enim litera Dominus dicit, quod dat eis terram in possessionem æternam, & tamen constat

stat Abrahami posteros Judæos terram promissionis non possidere : & propterea distinguendum est Æternum. Dicitur æternum tripliciter : aut quantum ad durationem , aut quantum ad finis indeterminationem , aut quantum ad significatum. Primo modo dupliciter : aut quia caret principio & fine : Eccl. 1. qui vivit in æternum creavit omnia simul. Aut quantum ad privationem termini : Psal. Statuit ea in æternum. Similiter secundo modo dupliciter : Aut quia non ita fit semel , quin oporteat fieri pluries : & sic dicitur, serviet æterno, qui parvo nesciet uti. Aut quia non determinatur terminus : & sic dicitur Sacerdotium Aaron æternum , quia non determinavit Dominus , quando cessaret. Tertio modo dicitur dupliciter : aut quia significat æternum , & sic est terra promissionis data in possessionem æternam Gen. 17. Aut quia significat & ducit in cognitionem vitæ æternæ : & sic dicitur circumcisio æterna. Ita illa Æternitas propriè & simpliciter sumpta , quæ scil. caret principio, fine & successione soli Deo est propria : sed quæ dicitur per quandam similitudinem & comparisonem , ut vel longitudinem temporis , vel ejusdem indeterminationem designet , ea æternitas vocatur non nisi secundum quid : hæc aliis etiam rebus tribui & assignari poterit. Vide Zanchium de nat. Dei. lib. 2. cap. 3.

6. *An Ubiquitas soli Deo conveniat ?*

Rerum & Entium in universum ordo seu respectus ad locum triplex est : Quædam enim dicuntur esse in loco circumscriptivè, quædam definitive , tertius modus est esse in loco , ut aiunt , repletivè. Circumscriptive in loco esse

esse dicuntur, quæ sunt ad certum locum determinata, ita ut spacium occupent, & habeant partem extra partem. Hic modus essendi in loco corporibus convenit: quæ propter finitudinem essendi, non nisi uno loco esse possunt ipsis, adæquato, propter quantitatem, vel & extensionem spacium & intervallum modum faciunt, & occupant, & partem habent extra partem. Definitivè in loco esse dicuntur Angeli; de quorum Ubi notum est essetum Scal. exerc. 359. c. 5. quando ait: Ubi est affectus Entis cuiusque necessarij præter Deum. Dicuntur ergo esse in loco æquivoce, atque etiam plusquam æquivocè: quia sunt in suo Ubi; non per circumscriptionem, quemadmodum mea manus in aëre, sed per designationem. Et paulo superius: Angelus dicitur ibi; sed per definitionem, per definitionem hunc ad modum, inquam: ibi est: hic non est. Hoc vero Ubi determinatum Angelorum sequitur naturæ finitudinem: quoniam enim Entia sunt finita, non possunt esse simul hic & alibi: quia vero spiritus sunt, quibus extensio non convenit, inde fit, ut loco circumscribi proprie non dicantur. Repletivè esse in loco soli Deo convenit, quia ita est in loco, ut sit præsens in omni loco. Intra omnia, ut dicit Scal. in carmine addito ad finem exercitationum: sed tamen non inclusos in ipsis. Extra omnia: sed non tamen exclusus ab illis. Hic modus essendi in loco, & quidem omni loco, naturæ infinitatem & immensitatem sequitur: serienim nequit, ut infinita & immensa natura ad certum aliquem locum & Ubi redigatur, quo definiatur & circumscribatur. Aliquando aliter, eodem tamen sensu, hanc rem tradidit

Magister sententiarum lib. 1. dist. 37. cap. quibus modis. Duobus, inquit, his modis dicitur in Scriptura aliquid locale, five circumscriptibile, & e converso, sc. quod vel quia dimensionem capiens longitudinis, altitudinis & latitudinis distantiam facit in loco, ut corpus: vel quia loco definitur ac determinatur, quoniam cum sit alicubi, non ubique invenitur: quod non solum corpori, sed etiam omni creato spiritui congruit. Omne ergo corpus omni modo locale est. Spiritus vero creatus quodammodo est localis, & quodammodo non est localis. Localis quidem dicitur, quia loci definitione terminatur, quoniam cum alibi præsens sit, totus alibi non invenitur. Non autem ita localis est, ut dimensionem capiens, distantiam in loco faciat. Divina ergo sola essentia omnino inlocalis incircumscriptibilis est, quæ nec locis movetur aliquo modo, scil. vel determinatione finita vel dimensione suscepta, nec temporibus, scil. affectu & cognitione.

Hic vero duæ occurrunt opiniones, eæque oppositæ: altera ubiquitatem corpori Christi cum divinitate vult esse communem. Altera Deo etiam Ubiquitatem denegat. Prior opinio pugnat cum veritate corporis, & veritate Scripturæ. Requirit enim veritas corporis, ut certis terminis & limitibus circumscribatur, & corpus humanum, quia diversis partibus & membris constat, quorum non tantum unum sit specie ab aliis membris, sed & situ diversum, ut superiori quidem parte caput, infimo pedes, intermedio partes reliquæ collocentur, hæc situs ratio cum ubiquitate consistere nequit. Nec enim vel fingere licet, quomodo & situs cuique parti conveniens, & certa membrorum propor-
tio.

in ubi-quitate conservari possint. Dices : Esse
argumentum philosophicum. Ita quidem,
et scilicet literis est conveniens, quæ docent,
quod quemadmodum pueri communicaverunt
cui & sanguini, & ipse similiter participavit
idem : quodque debuerit per omnia fratribus
fieri, excepto peccato, Heb. 2. ac vero perit
istorum similitudo ea, nedum per omnia lo-
cum habeat, si quidem nostra corpora loco si-
li-quali astringere velimus, corpore illo ubi-
que futuro. Et cærus assignatur locus nativita-
tis, motus de loco in locum, negationis quod
sit hic vel illic, cærus locus passionis, & quæ
sunt ejusmodi alia : quæ omnia falsa sunt, si-
quidem corpus ubique dicere velis : In ubiqui-
tate enim certitudo & determinatio loci tolli-
tur. Dices : pugnare cum unione hypostatica
divinarum naturarum inter se, & sessione ad dex-
tram Dei, localem illam determinationem ad
ibi. Absit, ut hoc dicamus. Unio enim consi-
deratur vel ad intra, vel ad extra. Ad intra, re-
spectu naturarum inter se, quæ sibi invicem
sunt necessario maxima & indissolubili unione
conjunctæ. At vero ad extra, hoc est, respectu
creature necessarium non est, ut ubi est
una natura, ubi quoque sit altera, eo quod u-
nio non tollit proprietates naturarum, ut defini-
tum in Synodo Chalcedonenſi : finita vero est
natura una, infinita altera, ratione finitudinis
eorum locum requirit natura humana, Deitate
omnibus locis & creaturis præſente, intime e-
tiam præſente, & natura indissolubili unione
cum natura humana. Sessio vero ad dextram
non legitur facta esse ubique, sed in coelis, do-
cente Apostolo Hebr. 8. v. 1. Talem habemus
poniſcem, qui conſedit in dextra ſedis magni-
tudinis.

tudinis in coelis : & v. 4. negatur amplius esse super terram , si esset super terram , dicit Apostolus nec esset sacerdos. Dices : saltem diversus iisque pluribus in locis simul ac semel hoc corpus esse. At vero ea loci pluralitas pugnat cum unitate corporis unus ejusque continui & individui. Principio proprio , primo & per se atque immediato prohibetur corpus esse in pluribus ubi. Est autem principium hoc. Continuitas est affectus consequens immediate unitatem. Contradictiones enim sunt, unum est duo. Continuum non est continuum. Corporis igitur termini, si esset in duobus ubi, non essent continui, docet Scal. ex 5. l. 6.

Objiciunt in contrarium. Qui sedet ad dextram Dei est ubique, Christus homo in quantum homo , seu secundum humanitatem sedet ad dextram Dei. Ergo Christus homo in quantum homo , seu secundum humanitatem est ubique. Vitiosus syllogismus est & quoad formam , & quoad materiam. Quoad formam adversatur regula syllogismorum reduplicatorum , quæ est apud Aristotelem 1. prior. cap. 30 secundum distinctionem Averrois, vel cap. 16. secundum distinctionem aliorum. Verba sunt *Τὸ ἐπὶ τῇ ἀπαρίσκειν ἐν ταῖς προτάσεσι πρὸς τὴν πρῶτην ἄκρην δεξιόν* : id quod in pronuntiatis iteratur extremo priori jungendum est ; seu ut habet versio Averrois , reduplicatum in propositionibus ad primam extremitatem ponendum. Et eandem doctrinam repetit ad hunc locum è Græcis Alexander Aphrodisæus , & ex Arabibus Averroes : è recentioribus vero Joh. Regius disput. Log. lib. 4. probl. 8. pag. 214. tertio, inquit, huc pertinent Syllogismi reduplicativi , in quibus scil. majori extremitati re-

duplica-

duplicatio quadam additur. Hoc itaque modo,
 quando quaestio est, an Christus homo in quan-
 tum homo seu secundum humanitatem sit u-
 bique, quaestionis subjectum erit Christus ho-
 mo, praedicatum vero an secundum humanita-
 tem, seu in quantum homo sit ubique. Et ita
 erit lege Syllogistica propositio in hunc mo-
 dum erit formanda: Qui sedet ad dextram Dei,
 in quantum homo seu secundum humanitatem
 est ubique. Christus homo sedet ad dextram
 Dei; ergo Christus homo in quantum homo
 est ubique. Hic jam vero secundo loco, ani-
 madvertitur vitium in majori: est enim petitio
 in principio: Eum, qui sedet ad dextram Dei
 secundum humanitatem esse ubique: ultro enim
 legimur, Christum ad dextram patris sedere
 secundum utramque naturam, sed negamus,
 inde humanitatis ubiquitatem sequi: nece-
 sse enim sessio ad dextram Dei est propria ratio ubi-
 quitatis, sed naturae infinitas & immensitas.
 Atque adeo Christus, qui sedet ad dextram
 Dei, recte ubique esse dicitur: ita ut ratio ubi-
 quitatis non sit, sessio illa, sed naturae immen-
 sitas, quia est Deus, qui nullis loci terminis
 circumscribitur. Quando vero ad humanam
 naturam transfertur: jam respondemus ex E-
 pist. ad Hebr. 8. v. 1. talem habemus Pontifi-
 cem, qui consedit in dextra sedis magnitudinis
 (non ubique, sed) in coelis. Et argumentatio-
 nem in hunc modum esse instituendam qua-
 stionis ratio postulat: nec enim dubium
 est an Christo homini conveniat esse ubique;
 sed determinate quaeritur, an Christo ho-
 mini conveniat esse ubique determinate, seu
 cum adjectione, secundum humanam naturam.
 Ac ita necessario formandus erit Syllogismus
 secundum

secundum præscriptum modum. Quod si ha-
 formetur Syllogismus integer: Qui sedet ad
 dextram Dei & secundum divinam & secun-
 dum humanam naturam, is non tantum se-
 cundum divinam, sed & secundum humanam
 naturam est ubique: jam patet manifeste,
 quia non jam cryptica est argumentatio, ut
 prius illud & secundum divinam & secundum
 humanam naturam ut conjunctum, ita &
 quando divisim in eorum argumentatione po-
 nitur, pertinere ad prædicatum, non ad sub-
 jectum. Ita vero denuo negabitur propositio,
 quia fundamentum ubiquitatis non in lesione
 ea, sed in naturæ immensitate ponimus. Ille-
 rum vero argumentatio non erit ab similis ab
 hoc modo argumentandi: Qui est homo est
 mortalis, Johannes secundum animam ratio-
 nalem est homo. Ergo Johannes secundum
 animam rationalem est mortalis. Negari non
 potest propositio: hominem esse mortalem:
 ita enim testatur experientia. Sed nec assump-
 ptio in dubium vocari: individuus enim o-
 mnibus & singulis competit esse specifi-
 cam ratione, formæ adeoque esse humanum ratio-
 ne animæ humanæ rationalis. Falsa tamen
 est illatio: quia propositio, quæ erat accipien-
 da limitate & strictè, indefinire sumitur: ita
 enim erat formanda: qui est homo mortalis
 secundum animam rationalem, hoc enim
 erat prædicatum quæstionis seu conclusionis
 ponendum in majori. Et subsumendum: Io-
 hannes est homo. Ergo Johannes est morta-
 lis secundum animam rationalem. Falsa con-
 clusio, illata è propositione falsa: quæ jam
 erat. Hominem esse mortalem simpliciter,
 hoc est, secundum corpus pariter & animam.

Corrigenda vero ita: Qui est homo, est mortalis secundum id, quod est capax mortalitatis. Non vero simpliciter, secundum id, quod est in homine, id est, secundum animam simul & corpus. In hunc itaque modum corrigenda est & prioris Syllogismi argumentatio: Qui sedet ad dextram est ubique, non simpliciter, sed limitate secundum id, quod est capax ubiquitatis. Capax vero ubiquitatis non est natura humana, quia finita, sed divina tantum. Secundum eam ergo, qui sedet ad dextram Dei, ubiquitatis etiam est particeps. Perpetua enim veritatis est regula Cyrilli in Iohan. (cap. 16) libr. 10. cap. 38. nullus ambigit (nisi forsan in hoc deficiat regula, quia nun inventi multi, qui ambigant) cum ad coelos ascenderit, quamvis virtute Spiritus semper adfuerit, praesentia tamen carnis ipsum abfuisse. Vide eund. lib. 11. cap. 3. 10. 19. 21. Theodoret, dial. 2. qui inscribitur Inconfusus. Fulgent. lib. 2. ad Trasimundum. Vigil. lib. 1. & lib. 4. contra Eutychem.

Est & altera ex parte inventus hodie, qui infinitatem negavit, ut negaret ubiquitatem: nec enim ex illa sequitur: utrumque vero in locum revocat. Infinitatem negat, quod 1. in Scripturis non doceatur. 2. quod ab Angelis videatur. 3. quod ad impossibilia non extendatur. 4. quod sit hoc aliquid. At vero primum falsum in Scripturis non doceri. Ita enim Is. 144. v. 3. scriptum est. Magnus Dominus & admirabilis nimis, & magnitudinis eius non est finis. 2. Videtur ab Angelis non secundum omnem quod est: ita enim non nisi à se solo cognosci & videri potest; sed secundum gradum beati.

beatitudinis, qui Angelis convenit. Infinitatem non metimur ex imperfecta creatura vel cognitione vel vitione, sed ex proprio essendi modo.

3. Et objectum omnipotentia non est impossibile: quod ut fiat est contradictorium. Potentia enim objectum est possibile, & omnipotentia objectum non est impossibile. Impossibilia vero ea esse dicimus, quae contradictionem inferunt vel à parte Dei, vel à parte rei: quod à parte Dei imperfectionem inferant, cujusmodi sunt mori, mentiri, hæc enim in divinum esse non cadunt, eo quod non potentiam, sed defectum notant, qui in divinum esse non cadit.

A parte rei, quæ tollunt esse rei, ut homo est irrationalis: prædicatum enim tollit subjectum, quia homo per essentiam est rationalis.

4. Hoc aliquid excludit infinitatem numeri non infinitatem essendi & perfectionis. Unus numero Deus est, non infiniti numero Dii; sed hic ipse omnes Entis gradus & perfectionis in se complectitur, & excedit omnia, à nullo vero exceditur: quin addam, nihil ratione esse & perfectionis in comparisonem cum eo posse venire. Elegantia sunt verba Scalig. exer. 140. omnia, inquit, hæc, non dico singula: sed omnia, inquam, atque etiam cuncta & conferta ita ut ex iis fiat unum, si cum Deo conferantur non solum mutila ac manca, sed etiam nihil, atque sive liceat, sive non liceat dicere, minus quam nihil. Ubiquitatem negat: quod in cælis legatur esse Deus, sed ita in cælo Deus, ut tamen cælo non contineatur. Cælum & terram ego impleo, dicit Dominus Jerem. 23. v. 24. Et Salomonis effatum est. 1 Reg. 8. v. 27. Cælum & cæli cælorum te capere non possunt, quanto magis hæc domus, quam ædificavi

ificavi tibi. In coelo vero esse dicitur, tan-
tum in throno & sede magnitudinis suae, ubi
clarius & efficacius revelat, qua re vide-
turch. de natura Dei libro 2. capite 6. qua-
stione 3.

7. *An divina providentia imponat
rebus necessitatem?*

Divina providentia omnia regi & gubernari
Theologi pariter & Philosophi agnoscunt.
vero tria in se complectitur. Præscientiam,
voluntatem, & Directionem. Præscientia
in Deo dicitur, non à parte Dei, ita e-
nim præsens coram omnia intuetur; sed in
ordine ad res, quantum quia una est posterior
causa in fieri, inde præsentia vocatur, quæ in
Deo simplex est scientia quatenus eorum quæ
sunt Deus quædam adhuc sunt futura, & colla-
tione facta ad res alias longo post tempore fu-
tura. Hinc Scalig. dixit exer. 363. s. 8. ne ver-
um quidem illud prævidere. Dei convenit om-
nipotentia: nisi quod multa nostra intellectu-
nemur infinitatem: nobis quidem, quibus
est futurum, prævisio illa est: Deus cui nihil fu-
tum est, non prævidet, sed videt simplicissime,
quod est præsens. At omnia præsentia. Est vero
hæc scientia conjuncta cum voluntate, non e-
nim est scientia contemplativa & otiosa, sed
quæ est ordinata ad actionem & opus. Nihil
vero contra & præter divinam voluntatem fieri
potest: hæc quippe prima regula & mensura
omnium agendorum est. Inde sequitur directio
& gubernatio, tum respectu finis in quem scili-
cet Deus æterna & immutabili lege omnia, quæ
ad suum debitum finem ordinat & dirigit; tum
respectu

respectu mediorum, in quantum omnia, quæ ad finem consequendum sunt necessaria, media præparat, secundum regulam: qui destinat ad finem, destinat ad media: finis enim non excludit, sed necessario includit media. Inde verum quæritur, cum divina præscientia falli non possit, & vero prævidet omnia, eo quo futura sunt modo; annon providentia rebus imponat necessitatem? Hic respondendum, de effectu unoquoque nos loqui posse duobus modis vel in ordine ad causam proximam: quemadmodum causa agit vel natura, vel consilio: ita effectus vel necessario, scilicet necessitate naturæ producit; vel libere & contingenter, quando causa agit vel consilio, vel effectus posita causa non necessario sequitur. Et hoc sensu proprie intelligimus, quando effectum vel necessario vel contingenter fieri dicimus. Rem enim utriusquamque communiter ratione suæ existentie solemus metiri è causa proxima. Hoc modo sol necessario lucet, & non potest non lucere: quia lucere est effectus solis ab eo naturaliter resultans. At proficisci de loco in locum, contractus & commercia exercere, sunt effectus, qui possunt aliter atque aliter sese habere, quoniam à voluntate libera dependent. Et hoc modo effectus causarum secundarum non immutat causam primam: nec enim vel cogit vel destruit influxum causarum secundarum, sed eum ipsum influxum conservat & juvat, concurrendo prout id ipsum conditio causarum secundarum requirit. Quod vero prima causa est infallibilis, id importat necessitatem non consequentis, ut loquuntur, sed consequentiae, hoc est, necessitatem secundum quid: quæ scilicet est necessitas ex hypothesi seu conditione, & non sequitur immediate conditionem

tionem causæ & effectus inter se relatorum & consideratorum, sed respectum ad primam causam, quæ omnia ut jam præsentia ut existentia videtur. Vide Perer. in phys. lib. 9. c. 13. Dices: Deus omnia intuetur prout sunt in se: ergo & mala prævidet; quæ quum fieri non impediat, non causa erit peccati? Et quomodo is, qui malorum suorum videt mala, non liberat suos à malo? De priori dicit August. in Euchr. ad La. capite 104. hæc sunt magna opera Dei exquisita in omnes voluntates eius: & tam sapienter exquisita, ut eū angelica & humana creatura peccasset, id est, non quid ille, sed quod voluit ipsa fecisset, etiam per eandem creaturæ voluntatem, qua factum est, quod creator noluit impleret ipse quod voluit: bene utens & malis usquam summe bonus, ad eorum damnationem, quos iustè prædestinavit ad poenam, & ad eorum salutem, quos benigne prædestinavit ad gratiam. Quantum enim ad ipsos attinet, quod Deus noluit fecerunt: quantum vero ad omnipotentiam Dei, nullo modo id efficere valuerunt. Hoc quippe ipso quod contra voluntatem Dei fecerunt, de ipsis facta est voluntas eius; propterea namque magna opera Domini exquisita in omnes voluntates eius, ut miro & ineffabili modo non fiat præter eius voluntatem quod etiam contra eius sit voluntatem; quia non fieret si non sineret; nec utiq; nolens finit, sed volens. Nec sineret bonus fieri malum, nisi omnipotens etiam de malo facere posset bene. sensus est; Deus non facit mala; id enim re pugnat summo bono: permittit tamen mala fieri, quia è malitia novit eruere bonum.

3. *An Deus sit causa peccati?*

QUæstionem alias formant generaliter, an Deus sit causa mali? Et distinguunt malum in malum culpæ & malum poenæ autorem faciunt Deum, tanquam justum iudicem. Non mali culpæ. Differunt vero malum poenæ & culpæ in hoc, ut annotavit Zanchius in Tom. 4. operum lib. 1. cap. 18. 1. quod propriè culpa malum est in ipsa hominis actione; poenâ autem in ipsa substantia. 2. quod culpa est ex voluntate, poenâ contra voluntatem. Denique quod culpa propriè in agendo est, poenâ in patiando. Jam mali poenæ author potest esse Deus: nec enim malum est absolute & sua natura, sed actus iustitiæ distributiæ malis actibus debitum suum reddens, ad bonum universi, vel ad emendationem singulorum. Infligitur enim poenâ vel ut sit exemplo aliis, ne in eadem peccata incurrant: vel ut sit castigatio, ut peccata in posterum vitemus, & ab iis abhorremus. Poenâ ergo est malum secundum quid, respectu nimirum ejus, cui infertur, huic enim infert inconvenientiam, eo quod est corruptiva & destructiva naturæ.

In malo culpæ tria distinguunt: actiones seu motus impiorum. 2. malitia actionum seu motuum, & 3. judicia occulta, quæ Deus per malas illas actiones seu motus vel ad puniendos impios, vel ad beneficiendum piis exequitur ut videre est apud Patrum in Irenico cap. 28. art. 3. Motus seu actio ipsa naturalis est, & à principiis naturalibus oritur: quomodo visio oritur ab anima mediante organo oculi. Hæc a-

si sua natura bona est, vel saltem indifferens,
 morale actionis spectare velis, ea enim & be-
 ne & male uri possum. Tendit enim visio ad
 bonum corporis. si recte utamur: at scandalo
 & offendiculo, si ad vanitatem attendat.
 Quod Christus dixit Matth. 6. v. 22. & 23. Lu-
 men corporis est oculus: si igitur oculus tuus
 sit simplex, totum corpus tuum lucidum e-
 rit, si autem oculus tuus fuerit nequam, totum
 corpus tuum erit tenebrosus. Ad hanc actionem
 sua natura bonam concurrat Deus: nec enim a-
 ctus vel motus nullus fieri potest, sine Dei con-
 sensu, dicente Paulo Act. 17. in ipso movemur.
 Malitia vero est *ἀνομία* seu defectus à lege, seu
 privatio bonitatis debitæ in esse. Ut motus
 suus sua natura bonus est: sed si motus ille fi-
 at contra dilectionem proximi, ut ipsi nocea-
 mus, malum vel eadem inferamus ex odio ad-
 versus ipsum concepto, hæc jam malitia est: ea-
 dem est formale peccati, ut quæ adversatur pri-
 mæ regulæ seu mensuræ omnium actionum
 nostrarum, quæ est voluntas divîna. Quando
 actio nostra est conformis primæ volun-
 tati, jam bona est: quando ab ea dissentit & est
 disformis, iam hæc privatio seu defectus, seu dis-
 formitas & deformitas actioni confert peccati
 denominationem. Hæc malitia non potest ca-
 dere in Deum: sed creaturæ propria est. Defe-
 ctus enim & privatio bonitatis in Deum cadere
 non potest: pugnat quippe cum expediente bo-
 nitate in bono deficere & carere aliquo bonita-
 tis & perfectionis gradu, eo quod infinite bo-
 nitas esse non potest, cui aliquis bonitatis gra-
 dus deest. At creatura, cujus bonitas deter-
 minata; quæque et labilis est sua natura, et la-
 bilis est, huic non adversatur et agere bene, et à
 malo

malo deficere, & carere gradu bonitatis debite inesse. Itaque hoc formale totum ad creaturam refertur. Denique tertio assignari rectè possunt Deo occultas judicia, quæ in hominum peccatis justissime exerceat Deus, ea ad bonum finem dirigendo & ordinando. Ita scriptura in venditione Iosephi coniungit actionem fratrum Iosephum vendentium, & actionem Dei ordinantis hanc venditionem ad finem bonum, ut fieret Dominus Ægyptii. Quod Iosephus ipse docet Gen. 50. v. 19. & 20. nolite timere, num Dei possumus voluntati resistere? vos cogitatis de me malum: sed Deus vertit illud in bonum, ut exaltaret me, sicut in præsentia cernitis, & salvos faceret multos populos. Mala erat actio fratrum, quia nascebatur ex odio adversus fratrem concepto: at intentio Dei bona erat, permittentis vendi Iosephum, ut ita in Ægyptum descenderet, eiusque fieret Dominus. Dices: non esse facienda mala, ut veniat bonum. Ita non furandum, ut des eleemosynam. Concedimus: sed Deus non facit malum, verum malum in quod inclinat & fertur sua natura homo, quodque volens & sciens committit, Deus permittit, & è malo non à se, sed ab homine factò, pro sua sapientia & potentia bonum eruit.

9. *An creatio actio sit soli Deo
conveniens?*

ANTÈ omnia cognoscendum est, quid creatio sit & dicatur, ut de hoc admirando genere actionis rectius statuere possimus. Tho. 1. p. quæ. 65. art. 3. creationem ita describit. Creatio est productio alicujus rei secundum suam totam substantiam, nullo præsupposito

bitz
ram
pos-
num
m f
ra in
trum
ordi-
n, ut
ipse
num
tafta
num,
is, &
actio
rarr
rea-
fca-
effe
n fu-
s: fed
quod
dque
t, &
o fua
quid
dmi-
tuere
m fca
ei fe-
x fup-
fuo

de, quod fit vel increatum, vel ab aliquo
Sensus est: Creari dici illud, quo de non
esse simpliciter producitur, nulla prae-
materia, e qua fiat. Hæc descriptio imme-
diatæ creationi convenit, quæ nullam
materiam præsupponit. Sed recepta est di-
rectio creationis in Immediatam, & Media-
tam. Illam dicunt, quando fit creatio nulla
præterente, vel præsupposita materia. Media-
tam vero, quando fit e materia quidem, sed
disposita naturaliter ad hoc opus, quod
producitur. Ita dicitur Deum creasse ho-
minem Gen. 1. v. 27. quem tamen formavit
ex terra. Gen. 2. v. 7. Ita quando Christus
ex aqua fecit vinum, hæc creatio mediata, à
materia dicitur. Inde alii generalius descri-
bunt, quod scilicet creatio sit actio Dei, qua im-
mutare per se, res à non esse ad esse sine altera-
tione, pro sua libera voluntate producit: idque
est, cum nulla prorsus præexistente materia, aut
materiam jam à se creatam formam e nihilo
introducendo.

Actio vero actio Dei, creatio nimirum differt
a actionibus naturalibus & artificialibus:
quod ejusmodi actio non fit, nisi e præ-
terente materia: actio vero divina etiam non
præterente materia locum habet. Nam de actio-
ne naturali & artificiali verum & tritum il-
lud est: E nihilo nihil fit. Natura siquidem &
artifex necessario materiam prærequirunt, e
cujus opus suum producant; eo quod horum a-
ctio est determinata & definita, ut non fiat e
nihilis quidvis, sed e determinata materia. At
potentia Dei est infinita, nullis legibus
terminis circumscripta, indeque fit ut e
nihilis quidvis possit producere; e lapidibus
etiam

etiam suscitare filios Abraham, Matth. 3. versic. 9. Sed non ita naturalia, quæ et requirunt materiam et quidem materiam determinatam. 2. Generatio omnis est cum prævia alteratione, et ita fit cum motu et successione: quod patet in productione rerum, quæ certum definitumque tempus, et certas dispositiones requirunt, per quas de potentia in actum deducantur. At vero Deus dicendo, hoc est, verbo solo produxit omnia: dixit Deus, et factum est. Quo ipso docetur et productionis facilitas, quæ est sine conatu, motu, et successione: et esse completum ejus, quod productum est: quia factum esse notat complementum ejus, quod factum esse dicimus. Bonaventura in 2. d. 5. nu. 41. in eo dicit differre: quia generatio non est secundum totum, imo aliquid præexigitur de generando cuius est *ἡ γενεά* ipsa generatio natura præcedens ipsam formam: ac per hoc diversitatem notat. Non sic creatio, secundum quam fit tota rei substantia à vertute divina immediate, quæ rem creat, volendo eam primo esse cum non sit. Hanc vero vim et facultatem creandi esse creaturæ incommunicabilem statuimus. At vera est et certa doctrina de facto nullam creaturam aliquid creasse: solum enim Deum omnium Creatorem fides agnoscit, et sancti omnes docent, inquit Suarez. disp. Metaph. 20. sect. 2. Et ex eodem principio, inquit, eadem fere certitudine colligitur nullam creaturam de facto habere potestatem creandi, quia non est verisimile, dedisse Deum alicui creaturæ hanc potestatem, et non concedere seu permittere illi usum eius: quia alias frustra esset talis potentia in natura rerum. Incommunicabilem vero creaturæ hanc esse creandi potentiam, ex

manifestum est : Potentia creandi est poten-
 tia infinita : eo quod infinita distantia est inter
 Ens & non Ens : eam infinitam distantiam con-
 iungere, non nisi à virtute infinita fieri potest,
 infinita potentia est incompassibilis cum crea-
 tura, quæ quemadmodum habet essentiam fini-
 tam, ita non nisi finitam potentiam potest ad-
 iungere. Posse enim sequitur esse: fieri ergo ne-
 cessario, ut esse finitum habeat potestatem infini-
 tam. Effet enim potentia nobilior principali a-
 ctu, essentia scilicet, quæ potentiam deducit
 à se. Vide multis de hac quæstione ex pro-
 positione differentem Fr. Suarez. loco jam citato.

10. *An termini Logici etiam
 Deo conveniant?*

Logicam universalem esse disciplinam do-
 cent Philosophi, eamque Enti & non Enti
 convenire Ramzorum est effatum. Hinc non
 merito poterit dubitari, an termini Logici
 etiam recte possint tribui, quodque hinc se-
 quitur, an in rebus divinis rationibus etiam &
 argumentis Philosophicis aliquis concedendus
 locus? 1. Hic primo distinguendæ sunt quæ-
 stiones, quæ in controversiam veniunt; aliz
 sunt quæstiones puræ, aliz mixtæ. Quæstiones
 puræ sunt in quibus nec subjectum, nec prædi-
 catum habet terminum Philosophicum, sed u-
 trumque à Theologia est desumptus ut Christum
 esse incarnatum, in mysterio Trinitatis unam
 essentiam ex æquo convenire tribus personis
 divinitatis, & quæ eiusmodi quæstiones aliz.
 Aliz sunt mixtæ, in quibus subjectum vel præ-
 dicatum est terminus Philosophicus: ut an cor-
 pus Christi, quod videbant & palpabant disci-
 puli

puli, sit phantasia, nec ne? De priori questionum genere, Philosophia nihil potest statuere demonstrative, sed universam veritatem petit & depromit è Theologia, ut quæ divinorum mysteriorum revelationem sola in se complectitur, & qua tacente mysteria illa nobis plane essent ignota & abscondita. Nihil tamen impedit, quo minus similitudinibus è natura desumptis, & è Philosophia depromptis, hæc mysteria declaremus & illustremus, propter intellectus nostri infirmitatem: qui quia non potest divina cognoscere prout sunt in seipsis, similitudine quadam à nobis concipiuntur. De his mysteriis intelligimus illud Apost. 2 Cor. 10. in captivitatem redigendum esse intellectum in obsequium Christi: ut ne scilicet è nostro cerebro & ingenio mysteria divina metiamur: sed in totum è scriptura decidamus, & secundum ejus præscriptum de iis agamus & loquamur. Quando vero de veritate ipsa jam constar, similia adhiberi nihil impedit, per quæ veritas jam cognita illustretur. Alia vero est ratio questionum mixtarum, de quibus quando jam constar è scriptura, quod quæ in ea de terminis dicuntur, secundum communem naturæ usum & usum dicantur, non opus est miracula fingere, ubi scriptura nulla miracula agnoscit. Indeque fit ut rationes & argumenta dextre adhibere possimus, dummodo scriptura constatum ne doceat, verbi gratia, quæritur, an corpus Christi ubique? scriptura docet esse hoc corpus ejusdem rationis cum corporibus nostris. Ita enim scriptum est Hebr. 3. ubi ex eo quia fratres dicimur, & ego ac pueri mei mecum, in scriptura de Christo legitur, argumentatur: quia ergo pueri communicaverunt carnem & sanguinem, & ipse

ipse similiter participavit eisdem &c. debuit per omnia fratribus similari. Constat ergo è Scripturis Christum habere carnem & sanguinem ejusdem naturæ, rationis ac conditionis cum nostra carne ac sanguine, & ita ex identitate naturæ recte possumus statuere de corpore Christi, non esse illud ubique, quia nec nostra corpora nisi certo loco esse possunt. Ita Christus hanc veritatem suæ carnis allegat Luc. 24. v. 39. Videte manus meas & pedes quia ego sum: palpate & videte, quia Spiritus carnem & ossa non habet sicut me videtis habere. Hic Christus veritatem sui corporis docet testimonio sensuum, ut qui arguant carnem & ossa, quæ phantasmati non conveniant. Ita ergo quando scripturis constat de termino è Philosophia desumpto, quod sit & dicatur de re in Theologicis proposita secundum cursum naturæ, rectè deo poterimus philosophice argumentari & disputare, Scriptura non adversante.

2. Duplex est modus secundum quem versamur in rerum cognitione: aut per ἀναγκηὴν aut κατασκευὴν, hoc est, jam rationibus & argumentis nostram sententiam & opinionem astringimus & confirmamus, jam aliorum argumenta, & rationes destruimus seu solvimus & refutamus. Posterior modus maximè est necessarius etiam in rebus divinis, ut quando Philosophi suas rationes & argumenta è natura desumpta & desumpta mysteriis in Scriptura revelatis opponunt: hic n. necessarium est Logicæ & sanioris Philosophiæ beneficio docere, quousq; principia & rationes sese extendant, quodque locum & veritatem obtineant, si intra limites & terminos sui generis sese contineant, non verò ita, si rebus altioribus & diviniorebus oppo-

nantur. Ita quando Samosatenus disputat: ubi est generatio, ibi est mutatio. In divinis non est mutatio. Ergo in divinis non est generatio. Respondet Junius de Trinit. defens. 1. propositionem esse intelligendam de generatione physica: in ea est mutatio, motus, successio, terminus, diversitas naturæ. At vero aliam esse rationem generationis divinæ, ubi generatio non fit per potentiam superadditam, sed per naturam, sine ulla mutatione, principio, fine. Hic Logica agit quod suum est: audit Philosophum naturalem differere de generatione quadam corporum: audit & Theologum differere de quadam generatione divinæ: comparat inter se subjectum, & discernit & judicat de iis, quæ sunt toto genere diversa non esse idem ferendum judicium & sententiam. Et ita hæreticum refutat, qui de genere diversis, eodem vult argumentari modo. At vero alia est ratio mysteriorum è Philosophia probandorum, quod non licet: præcedat Theologia subsequatur Philosophia. Itaque placet mihi judicium Fr. Junii de Trinit. defens. 3. sect. 4. Judicium & sensum fidei non negamus juvari exemplis & documentis à natura sumptis: at judicium naturæ ex rebus naturalibus, infirmis, variis, obscuris, incertis fallacibus, de rebus divinis potentissimis, immutabilibus, perspicuis, certis, veris primo & per se judicare, & regulam esse judicandi, nemo homo, si sanus est affirmabit. Res Metaphysicas Physicis judicari nunquam concedes oportere; & divinas ex eis affirmes judicandas?

3. Quod vero in specie attinet ad terminos Logicos, de iis non indifferenter est statuendum: nec enim eorum una est ratio. Alii enim

anim eorum denotant, perfectionem, alii imper-
 fectionem designant, quidam ab imperfectio-
 ne & perfectione abstrahunt. Qui perfectio-
 nem denotant, Deo eminenter conveniunt:
 qui imperfectionem designant, Deo non tri-
 buuntur: qui ab utroque abstrahunt, quando
 Deo tribuuntur non univocè, sed per quandam
 analogiam & proportionem conveniunt. Cau-
 sarum notio Deo convenit eminenter: est enim
 prima causa, causa sine causa, à qua sunt o-
 mnia, & in quam tanquam ultimum finem
 tendunt omnia. Accidentis notio Deo non
 competit: est enim pura essentia expers omnis
 mutabilitatis. At vero accidens mutabilitatis
 index est. Relatio abstrahit à perfectione &
 imperfectione: hinc relationes Deo conve-
 niunt. Sed relatio divina non est prædicamen-
 talis, hoc est, per additamentum, sed tran-
 scendentalis, secundum quam personæ imme-
 diate referuntur. Sic quaeritur, an notio gene-
 ris Deo conveniat? Dicendum, cum Deo
 cum creaturis commune nihil univocè assignari
 possit: Essentia enim identitas infinito &
 finito competere nequit: inde genus univocum
 tribui Deo nequit. Quod si tamen quidam
 communes conceptus tribuuntur, ii analogiam
 & proportionem quandam referunt: indeque
 hodie dicitur Deo genus analogum, seu ut
 alii loquuntur, genus imperfectum convenire,
 hoc est, conceptus eos communes Deo conve-
 nire eminenter, creaturis per participationem.
 Ita substantia Deo tribuitur non ejusdem rati-
 onis cum substantia creata: indeque *ὡς πρῶτον*
 substantiam Dei nominant, & *ὡς ὑπερῶς* esse
 Deum asserunt.

CAPVT. II

De Ange'is.

Theorema secundum.

Spiritus creatus est Spiritus à Deo dependens.

2. Estque vel Completus, vel Incompletus.

3. Completus est, qui non est pars alterius, sed se solo constituit suppositum: & vocatur à Philosophis Intelligentia, ita dicta à perfectione illa, qua ducitur in amorem primæ causæ, cui præsto semper est, ut vult Scal. ex 359. f. 1.

4. Intelligentiarum duo sunt ordines primarii apud Scholasticos: cælestes, & supercælestes. Scal. ibid.

5. Cælestis officium est movere suum cuiusque orbem. Ita enim Peripatetici volunt, intelligentiam esse formam cœli assistentem, quæ ipsi motum & operationem largiatur. Vide Archang. Merccn. dilucid. sect. quæ sit cælestis corporis forma pag. 93. & seqq.

6. Supercælestis assistit primæ causæ, ut ejus jussu etiam res hæc procuraret inferiores, earum rectioni præfecta atque conservationi. Quæ fuit causa ut à Græcis Angeli vocarentur; quia mitteret eos Deus Scal: cit. exerc. 359. Ac hæc descriptio proprie convenit Angelis vel secundum primum creationem, in quantum omnes boni creati sunt: vel tantum bonis, qui in veritate perstiterunt.

7. Sunt vero præter hos Angeli mali, qui non servaverunt principatum suum, sed dereliquerunt suum domicilium, in judicium magni Dei vinculis æternis sub caligine reservati, ut docetur in Epist. Iudæ.

8. Angelorum considerandi affectus, & functiones.

9. Affectiones sunt vel communes, vel speciales.

10. Commune cum omnibus creaturis est esse finitum: adeoque esse in certo ubi, ut cum sit hic, non sit alibi Angelus. Vide Scalig. exerc. 359. sect. 3. et 5. et dependens quod sequitur ex sua natura corruptibiles: non corrumpuntur autem Angeli, quia non vult. Idem ex. 307. sect. 10.

11. Affectiones quas habent communes inter se sunt: *Ævum*, simplicitas, et esse Intellectuales.

12. *Ævum* est duratio Spirituum creatorum propria tempore nobilior, secundum quam propriam essendi continuationem habent. Scal. exerc. 359. f. 7.

13. Simplicitas est affectio, qua compositionem excludunt, ut non habeant ullam suæ substantiæ partem alia priorem.

14. Esse intellectuale est, secundum quod et suppositos, ac quæ sunt ab ipsis alia cognoscendi: et ex hoc hinc sequitur, agendi facultatem, et arbitrii libertatem obtineant.

15. Specialis honorum Angelorum affectio est status in bono, et inde consequens amor Dei, et beatitudo: malorum vero contra perseverantia in malitia, et consequens odium Dei, et summa miseria.

16. Functio bonorum, est vel à parte Dei, vel à parte hominum: illa est assistentia Dei ejusdemque glorificatio: hæc est tum administratio Ecclesiæ, regnorum et provinciarum tum in specie ministerium, quod exercent propter salutem electorum Heb. 1.

17. *Malorum functio contra describitur mendacio et homicidio Ioh. 8. accusat enim electos, eorundemque perniciem desiderat, ac querit, quos devoret leo ille rugiens. Ioh. 1. Apoc. 2. 1 Pet. 5.*

COMMENTARIUS.

Thomas Bentius in elegantissimo illo commentario Marsilii in Conviv. Platonis orat. 6. c. 15, 16, 17. præclarum admodum discursum instituit de ordine corporis, animæ, Angelorum, & Dei inter se: quo demonstrat supra corpus esse animam, supra animam Angelum, & supra Angelum Deum. Corpus enim seipso non moveri, sed propter animæ præsentiam & moveri & vivere. Anima vero propriè vim seipsam movendi possidet. Supra mentem animæ quæ mobilis est, quæ pars, quæ intermissa, quæ dubia, ponendi est Angeli mens stabilis, tota, continua atque certissima. Sed enim Angeli mentem rerum illud principium, summumque bonum, quod in Parmenide Plato ipsum unum vocat, necessario supereminet. Hunc ordinem eam ob causam notare volumus, ut constaret esse Intelligentias seu Angelos inter Deum nostramque animam naturæ cujusdam mediæ: ut quantum ab infinita Dei perfectione recedunt ipsæ: tantum ratione complementi & perfectionis ab ipsis videatur recedere anima, videantur ex hac lege, quod esse quoddam suppositale seu personale obtinent Angeli, quod animæ, sive sit cum corpore conjuncta, sive ab eodem sejuncta & separata, quæ suppositum nunquam est, sed vel actu cum corpore conjuncta, alteram homi-
nis

ais partem constituit, vel separata aptitudinem
 nihilominus retinet, ut cum corpore denuo
 conjungatur. Ut vero de Intelligentiarum na-
 turæ & conditionibus, quantum in hac ingenii
 nostri infirmitate & imbecillitate licet, ali-
 quid dicamus, sequentes quæstiones examina-
 bimus, quæ potissimum circa hanc doctrinam
 proponi & disputari solent.

1. *Angelus quid sit?*

Quid est Angelus, quemadmodum & alia-
 rum rerum, potest considerari tam secun-
 dum quod nominis, seu quoad vocem,
 non secundum quid rei, seu quoad substantiam
 & definitionem. Angelus secundum quid no-
 minis græcum censetur esse vocabulum, delig-
 ens non tam quidditatem & essentiam Ange-
 lum, quam munus & officium: à missione
 enim vox ducitur, quod Angeli nuncii ministra-
 tui in ministerium missi propter eos, qui hæ-
 reditatem capient salutis. Indeque aliis etiam
 tribuitur hoc vocabulum. substantia à Spiritibus
 Angelicis diversis. Ita Matth. 11. v. 10. Christus
 Johanni Baptiste applicat illud Malac. 3. v. 1.
 Ecce est de quo scriptum est: Ecce ergo mitto
 Angelum meum ante faciem tuam qui præpara-
 bit viam tuam ante te. Et in universum de Sa-
 cerdotib. vox ea dicitur. Malach. 2. v. 7. labia
 sacerdotis custodient scientiam, & legem re-
 quirent ex ore ejus; quia Angelus Domini ex-
 ecutivum est, Quo sensu multi explicant illud
 1 Cor. 11. v. 10. mulier debet habere velamen
 super caput propter Angelos. Nam vox sua na-
 turæ generalis est, & in genere nuncium deno-
 tat. *ἄγγελος* vero nuncio Dei tribuitur, ut

Henr. Stephanus annotavit in thes. Observatu dignum est, quod Aug. Iustinianus Genuensis de hac voce annotavit in Psalt. quinq; linguarum ad Psal. 50: Angeli, inquit, nomen prius Chaldæum, quàm Græcum fuisse suspicati sunt nonnulli, quod plurib. in locis apud Chaldæos legatur, ut liquet 14. & 21. linea hujus Psalmi, ubi vice (duabus vicibus) Caldæus interpres dixit, Angeli. Usus noto: vocem prius fuisse caldaicam improbo, à Græcis Chaldæos eam vocem accepisse non dubito. Diabolo vero etiam hanc vocem tribui è Scriptura notum est 1 Cor. 6. 3. nescitis quoniam Angelos judicabimus. At non judicabimus Angelos bonos. Clarius Mat. 25. v. 41. Discite à me maledicti in ignem æternum qui paratus est Diabolo & Angelis ejus. Angelus Satanæ. 1. Cor. 12. v. 7. Hinc Zanch. de operib. 6. dierum, scripsit de Angelis bonis & malis libr. 3. & 4. Quantum ad quid rei attinet Sadducæorum erat opinio, Angelos & Spiritus non esse, quemadmodum Act. 23. 8. scriptum est: Sadducæi dicunt non esse resurrectionem mortuorum, neq; Angelum neq; Spiritum: Pharisei autem utraque confitentur. Nos contra Sadducæos docemus, Angelos etiam esse non tantum bonas & malas inspirationes & cogitationes, sed vera ὄντως ὄντως, vere existentiam in natura, ita ut significant essentiam, naturam & substantiam, non tantum distinctam & diversam, sed & ab aliis rebus separatam. Id manifestum est, non solum ex iis descriptionibus & appositionibus, quæ in Scriptura proponuntur, ubi dicuntur apparuisse in forma virorum, locuti esse & conversati cum hominibus, discessisse, aliaque opera quæ non nisi veris *ἐπισταμένοις*

conveniunt edidisse: sed & naturæ ordo
 idem postulat, ut præter naturas & substantias
 corporeas, sint incorporei quidam Spiritus, à
 substantia corporum diversi, & ita Entia ordine
 hoc quoque inter se distincta ad uniuersi com-
 plementum concurrant, ne quid in Spirituali
 gradu deesset & deficeret. Hanc veritatem cri-
 stiani gentiles lumine naturæ agnoverunt, qui
 propterea de Intelligentiis Separatis et de
 mentibus multa dixerunt & scripserunt, ut a-
 pud Platonem et Aristotelem videri potest. Ea
 vero Angelorum natura et substantia non à
 priori à nobis cognoscitur, sed à posteriori,
 quemadmodum Spiritualia et incorporea o-
 mnia: scilicet tum ex actibus et operationibus,
 tum e remotione naturæ corporeæ, et similitu-
 dine ad animam nostram. Indeque perfecta
 quidditas et definitio nobis est incognita: nec
 aliâ descriptione seu imperfecta quadam ratio-
 ne nota nobis sunt quæcunque de Angelis co-
 gnoscimus.

Solet vero Angelus non uno modo describi.
 Melius in 2. d. 3. q. 1. art. 1. not. 1. refert descri-
 tionem Damasceni: ea vero ponitur orthodox. fid.
 1. 2. cap. quod Angelus sit substantia intellectu-
 alis, semper mobilis, suæ potestatis arbitrioque
 libera incorporealis, Dei ministra, per gratiam
 non natura immortalitatem consecuta. Quæ ut
 plenius intelligatur sequentes quæstiones insti-
 tuimus.

2. *An Angeli sint Spiritus seu naturæ
 incorporeæ?*

Angelos esse corporeos multorum est sen-
 tentia. in lib. dogm. Eccl. cap. 10. et 11. ita
 legitur

legitur. Nihil incorporeum & invisibile natura credendum, nisi solum Deum, id est, Patrem, Filium & Spiritum Sanctum. Qui ideo recte incorporeus creditur; quia ubique est, & omnia implet atque constringit. Ideo & invisibilis omnibus creaturis, quia incorporeus est. Creatura omnis corporea est; Angeli & omnes cœlestes virtutes corporeæ, licet non carne subsistant. Eadem sententia iisdem pene verbis docetur in lib. de Spirit. & anima c. 18. qui Augustino adscribitur. Esse vero hanc Augustini sententiam docet Lud. Vives ad lib. 15. de civit Dei c. 23. Eandem sententiam multis tuetur Bonavent. in 2. d. 3. Contrà communis est sententia Scholasticorum, eaque in scholis pene recepta, Angelos esse substantias ab omni materia & corporeitate separatas: quam sententiam etiam tuetur Thom. 1. p. q. 50. art. 1. & 2. In hac sententiarum diversitate. 1. Certum est esse aliquos Spiritus comparative ita dictos, hoc est, non quod sint expertes omnis materiæ & corporeitatis, sed quod habeant corpora tenuissima, quæ visum, tractumque effugiunt: quomodo in Physicis vitales & animales Spiritus nominantur. 2. Certum est Angelos non esse expertes omnis omnino compositionis. De quo genere compositionis disputat Scal. exerc. 359. s. 2. ubi quaerit de Angelo, an sit purus actus? Et respondet, Non, solum Deus causa est sine causa: & Ens absque Ente. Mera namque essentia. Intelligentia vero tamen non est composita ex materia & forma: tamen constat ex aliquo tanquam potentia, & aliquo tanquam actu. Potentiam illam dicimus, ejus esse: actum vero ejus essentiam. Est autem essentia, qua est, id quod est. Esse vero

ens est, receptivitas essentiae: quae non est
 in prædicamento relationis, sed substantiae:
 neque in ullo prædicamento materiali: sed ne-
 que in prædicamento intelligibili qualitatis:
 sed in prædicamento substantiae supernaturali.
 concedit Scalig. compositionem eam, quae
 est ex potentia & actu: negat vero eam, quae
 est ex materia & forma. At contra Bonaventura,
 ex ea potentialitate sumit argumentum ma-
 teriae: quod ubi est potentia, ibi sit necessa-
 rio aliquid materiae analogum. Quod si late
 disputetur, non contendam: si proprietatem
 exactius tueri velimus, latius se extendit po-
 tentia, quam materia: Video utrinque rationes
 adduci, non nisi Topicas & probabiles. Porri-
 sumum argumentum Bonaventurae est mutabi-
 litate, & potentialitate est desumptum. Tho-
 mas vero argumentatur à perfectione universi,
 quae deficere videtur, si nulla sit substantia
 creata incorporea. Sed neutra est necessaria.
 Potentialitatem & mutabilitatem concedunt
 Scholastici alii: eamque à dependentia et acci-
 dentalitate oriri statuunt, nec eam cum materia
 reciprocari censent. Contra perfectio universi
 in eo est, ne quod Ens deficiat: at vero id non
 nostra pender imaginatione, sed à rebus ipsis,
 à divina voluntate: non enim ita universum
 est perfectum, ut non liceat imaginari Ens ali-
 quod, quod in universo non habeatur. Disputat
 enim Scalig. exerd. 249. posse Deum facere, si
 ens potentiam spectes, aliquid melius quam
 fecit, quam quomodo fecit. Quae disputatio lo-
 cum non habet, si non licet imaginari Ens,
 quod in universo vel non habeat, vel saltem
 non eo modo, quo nunc est. Itaque perfectio
 non universi ex eo metimur, quod viderit om-
 nia,

nia, & fuerint valde bona, hoc est, quod ita esse voluerit & approbaverit omnia, non vero ex eo, quod omne Ens imaginabile sit in universo. Quod si ergo Deo visum fuerit primam creaturam vel facere materiam expertem vel tenui materia præditam, ex ejus voluntate id universum pender, an hoc potius quam illo modo condiderit: sed neutrum adductæ rationes certo evincunt. Licet ergo in re ambigua sine hæreseos suspitione alterutram sententiam tueri & defendere. 4. Placet Zanchio eorum sententia, qui statuunt Angelos quadantenus esse corporeos. Probabilior, inquit, videtur esse sententia Augustini & reliquorum, Angelos omnes non esse prorsus & simpliciter incorporeos: quam Scolasticorum, qui eos prorsus corpore spoliant; cum tamen neque ipsi recusent verbum Gregorii: eos scilicet comparatione quidem nostri, esse Spiritus, comparatione autem Dei esse corporeos. 5. Mihi semper visa est probabilior eorum sententia, qui Spiritualis esse naturæ dicunt Angelos. Quod vero Dei respectu aliquid potentialitatis sapiunt, id non infert ilico esse incorporeos: sed quid medium inter pure simplex, & corpus compositum: de quo supra egimus. Nec displicet Caroli Bovilli decisio questio. Theol. lib. 2. q. 4. An Angeli sint simplicis essentia querit. Et responderet: Si consuleris Angelos Deo: tum per potentiam & actum finiendi sunt: utpote qui prius fuerunt in potentia essendi, quam in actu essendi. Nam ex non esse, & è nihilo in esse prodierunt. Sin autem illi cæteris creaturis conferentur, cum sint primus actus creaturarum, & primordium, atque initium earundem, tunc merito simplicium essentiarum nomina recipiant. Sunt enim puri actus absque priori

ari potentia. Paulus vero Cortesius 2. Sent. de Angelis concludit: Fieri nullo modo potest, ut cœlitum generi ullum sit materiæ genus admixtum. Siquidem qualiscunque rei munus naturæ suæ modo constituitur. Cum autem per se, munus sit ab omni materia secretum: intelligi potest omnem intelligentem naturam materiæ concrezione vacare. Itaque ob eam causam dicemus, cœlites corporibus suapte natura careere: quanquam non negemus ab his quandoque varia esse corpora suscepta, ut est vatum e-logiis & memoriæ mandatum.

3. De Hierarchia Angelorum.

Scholastici Doctores certam quandam Angelorum hierarchiam à Dionysio Areopagita, ut aiunt, descriptam nobis exhibent, in qua Angelorum chori in triplicem hierarchiam, singulæ vero hierarchiæ in tres ordines, & ita in universum in novem ordines coguntur. Qui sunt.

Seraphim, Cherubim, Throni.

Dominationes, Virtutes, Potestates.

Principatus, Archangeli, Angeli.

In hac doctrina 1. certum est, quod quemadmodum in rebus quibuscunque aliis ordo pulcherrimus animadvertitur, ita in tanta multitudine divinarum mentium aliquis sit ordo. Quæ enim perfectio in rebus materialibus & corporeis cernitur, eam quis dubitabit in Spiritualibus, & cœlestibus inveniri. 2. Certum & hoc est, inveniri in scripturis ea nomina, quæ Angelis assignantur. Coloss. 1. v. 16. nominantur Throni, Dominationes, Principatus, Potestates.

tes. Jes. 6. Seraphim. Cherubim in scripturis passim. Michaël Archangelus dicitur in Epistola Judæ: & in voce Archangeli scriptum est 1. Thes. 4. v. 16. Angelorum vox hinc inde in scripturis sæpissimè occurrit. Virtutes coelorum leguntur Matth. 24. v. 29. Itaque non est quaestio de vocibus & nominibus, an ex in scripturis inveniantur. 3. Id vero à scripturarum simplicitate alienum dicit Zanchius, certas hierarchias, certosque in singulis hierarchiis ordines, & tales dignitatum gradus, quibus perpetuo alii aliis præmineant, alii vero aliis subjecti inserviant, inter Angelos constituere c. 14 lib. 2. 1. partis de operibus Dei. Nam è solis vocibus firmum argumentum ejus hierarchiæ peti non potest: Audi quid Origenes dicat de loco Coloss. 1. in lib. 1. Periarcho cap. 7. Manifeste, inquit, in Christo & per Christum facta esse omnia & creata pronunciat, sive visibilia, quæ sunt corporalia, sive invisibilia, quæ non alia etiam arbitror quam incorporeas, spiritualesq; virtutes. Horum autem quæ corporea vel incorporea generaliter, dixerat, ut mihi viderur, in sequentibus enumerat species, id est, sedes, dominationes, principatus, potestates, virtutes. Hæc autem nobis prædicta sint volentibus per ordinem ad inquisitionem solis & lunæ, vel stellarum per consequentiam pervenire, utrum inter principatus haberi conveniat, pro eo quod dicuntur in principatum diei facta vel noctis: an putanda sint istum solem principatum habere diei ac lunam noctis? Hic Origenes in dubium vocat, an voces illæ solis spiritualibus, an vero etiam corporeis creaturis tribui possint? non ergo certum per hujusmodi voces aliquam hierarchiam angelicam designari. Et Aug. in lib. ad Oros.

contra Priscil. & Orig. ead. r. r. dicit cer-
 aptus Apostolus: five sedes, five dominatio-
 nes, five principatus, five potestates. Et esse ita-
 sedes, dominationes, principatus, potestates
 celestibus apparatibus firmissime credo, &
 inferre inter se aliquid indubitata fide teneo,
 quo me contemnas, quem magnum putas
 doctorem, quznam ista sint, & quid inter
 differant nescio. Nec ea sane ignorantia pe-
 nitari me puto, sicut inobedientia, si Domini
 precepta neglexero. Vides voces esse notas
 Augustino: incognitum dogma illud triplicis
 hierarchiz. 4. Præterea dubium satis, quod
 circa hanc doctrinam inferunt: Esse scilicet An-
 gelos in hac hierarchia quosdam assistentes, qui
 secreta divinorum ministeriorum immediatè
 recipiant à Deo: alios ministrantes qui dicuntur
 ministri, illi scilicet qui instruuntur ab ipsis assi-
 stentibus de secretis. Ex illo genere dicunt esse
 quatuor ordines superiores: ex hoc vero quinque
 inferiores. Nam Jes. 6. mittitur Seraphim ad
 prophetam, sicut expresse scriptum est, v. 6. & 7.
 & volavit ad me unus de Seraphim, & in manu
 eius calculus, quem forcipe tulerat de altari, &
 tetigit os meum, dixit &c. Itaque mihi placet
 Scaligeri decisio ex. 359. f. r. ubi Angelos dici
 notat, quia mitteret eos Deus. Subiungit: An
 vero quorundam modò sit hoc ministerium, an
 omnium? De hoc inquit, scriptum non est. Sed
 fides sit penes præscripta religionis.

4. *De intellectu & cognitione
 Angelorum.*

Angelum esse naturæ intellectualis constat.
 Id enim est necessariū tum ratione naturæ
 ejus,

eius, tum ratione officii. Ratione naturæ: Cum enim sit naturæ inter Deum & hominem media, & ita secundum naturam homine superior, quæcunque perfectio simpliciter homini convenit, eadem Angelo conveniat necesse est. Ratione officii, ut quæ à Deo ipsi perficienda demandantur, ea convenienter expedire possit. In vero intellectus angelicus, quemadmodum & intelligere ipsum, non est vel substantia vel esse Angeli, sed quemadmodum dicit Dionysius 2. c. angel. hierar. Angeli dividuntur in substantiam, virtutem & operationem, itaque non in angelo, nec in quacunque alia creatura virtus vel potentia operativa, idem est quod sua essentia. Cum enim potentia dicatur ad actum, oportet, ut secundum diversitatem actuum sit diversitas potentiarum: propter quod dicitur, quod proprius actus respondet propriæ potentie. In omni autem creato essentia differt à suo esse, & comparatur ad ipsum sicut potentia ad actum: actus autem, ad quem comparatur potentia operativa est operatio. In angelo autem non est idem intelligere & esse: nec aliqua alia operatio aut in ipso, aut in quocunque alio creato, est idem quod ejus essentia. Unde essentia angeli, non est ejus potentia intellectiva, nec alienius creati essentia, sed ejus operativa potentia. Vide Tho. 1. p. q. 54.

Vis vero ea intellectiva Angelorum longe est nobilior & perfectior quacunque notitia humana. Quia enim intellectus is est separatus ab omni materia: non habet impedimenta, quæ in intellectum hominis cadunt. Testis enim est quotidiana experientia materiæ copiam & multitudinem obrui & obtundi intellectus subtilitatem: Plenus enim ventris non studet libenter, ut
habet

communis regula, & qui cibo ac potu sunt
 non sunt ad intelligendum accommo-
 dat. Purior ergo intellectus, quo à corporeitate
 est abjunctus. Hinc de morte Philosophi-
 elegans Socratis apud Platonem in Phœdone
 disputatio, quæ vult verum Philosophum
 à corpore separatum, ut animo vacare possit
 esse. Non possum, quin ob summam elegan-
 tiam quædam huc transferam è Platone: Puta-
 mine, inquit Socrates, aliquid esse mortem?
 Aliquid certe, inquit Simmias, Nunquid aliud,
 inquit, quam animæ à corpore solutionem? esse
 mortuum esse, scilicet solutum ab anima
 corpus per se seorsum esse? seorsum quoque à
 corpore animam solutam, ipsam per se ipsam
 consistere? Nunquid mors præter hoc aliud est?
 nihil aliud, inquit Simmias. Hoc posito, post-
 eam definivit, Philosophi officium esse, non
 satari voluptates epularum, poculorum, vene-
 rorum, non corporis cultum: & hujusmodi ho-
 minis studium, haud ad corpus quidem decli-
 nare, sed quantum fieri potest ab illo discedere,
 neque ad animum se convertere: descendit ad
 studium sapientiæ, & subjungit: Quid autem
 circa sapientiæ ipsius acquisitionem? Inquit So-
 crates. Utrum impedimentum est corpus, si quis
 ipsum socium ad investigandum assumpserit,
 necne? Disputat vero decipi à corpore animum
 in attingenda veritate; ratiocinari autem tunc
 optime, quando horum nihil eum perturbat, ne-
 que auditus, neque visus, neque dolor, neque
 voluptas: sed quam maxime seipsum in se reci-
 piens, deserit corpus, neque quicquam quoad fieri
 potest cum illo communicans, neque attingere ip-
 sum quod vere est, affectat. Et tandem post mul-
 ta concludit: Cæterum nobis revera demonstra-
 tum

tum est, si quando sumus purè aliquid intellecturi, recedere à corpore oportere, atque ipso animo res ipsas considerare. E quibus omnibus videtur evadere manifestum, esse intellectum putiorem, & ita in cognoscendo perfectiorem, qui est ab omni corporietate maximè abjunctus. Quod ex eo etiam constat: Intellectus perfectioris est, qui ad esse divinum magis accedit. Perfectior ergo is est, & ita in intelligendo & cognoscendo vegetior, qui à materia maxime abjunctus & separatus.

Cæterum modus intellectionis in angelicis iis spiritibus explicatu difficilis est. Eam ob causam, quid aliis hac de re visum fuerit potius in medium adducemus, quam ut certum quidè propria sententia hîc definiamus.

Cognitionem angelicam alii duplicem, alii triplicem esse dicunt: illi cognitionem aliam esse vespertinam, aliam matutinam faciunt: hi præter duplicem illam addunt tertiam meridianam. Angeli, inquit, Gerson summæ lib. 6. cognitionem habent matutinam, hoc est, cognitionem rerum in verbo. Item cognitionem vespertinam, id est cognitionem rerum in se. Item meridianam, i. e. apertam Dei visionem. Est etiam alia cognitio, quia majores Angeli indicant minoribus illa, quæ per divinas *dispositiones* receperunt. Ita ille. Aliter aliquanto rem declarat Melchior Flavius in resolut. Scoti 2. Sent. d. 3. q. unic. Angeli, inquit, cognitio vespertina, cognitio rerum in proprio genere: matutina naturalis per species indiras: & beatifica in verbo, alias meridianam. Tho. 1. p. q. 58. ar. 6. hanc doctrinam ita declarat. Dicendum, quod hoc quod dicitur de cognitione matutina & vespertina in angelis introductum est ab Aug. qui, sex

dies, in quibus Deus legitur fecisse cuncta,
 i. intelligi vult non hos usitatos dies, qui
 circuitu peraguntur, cum sol quarto die
 legatur, sed unum diem scil. cognitionem
 simplicem sex rerum generibus presentatam.
 At autem in die consueto manè est principi-
 dii, vespere autem terminus, ita cognitio
 primordialis esse rerum dicitur cognitio matu-
 ra, & hæc est secundum quod res sunt in ver-
 itate cognitio autem ipsius rei creatæ, secundum
 quod in propria natura consistit, dicitur cog-
 nitio vespertina, naturam esse rerum fuit à Verbo,
 scil. à quodam primordiali principio, & hic
 fluxus terminatur ad esse rerum, quod in pro-
 pria natura habent.

Nos ita: cognitio angeli non una est: alia per
 visionem, alia per revelationem, alia per spe-
 ciem. Per visionem est cognitio beatifica, qua
 cognoscit Deum, non tantum cognitione spe-
 culativa, sed fruitione, ita ut Deum videat, in
 eaque visione acquiescat, tanquam in summo
 bono. Cognitio per revelationem est, qua Deus
 voluntate sua, & rebus aliis Angelis manife-
 stat quæcunque ipsos vult scire. Tametsi enim
 Deus in se omnia contineat, non tamen videns
 Deum, necessario videt omnia: sed visio rerum
 aliarum pendet ex revelatione. Est enim repræ-
 sentatio illa rerum omnium non formalis, sed
 eminentiæ, & non naturalis, sed manifestatio-
 nis voluntariæ. Indequæ fit, ut tametsi omnia
 sint in Deo: non tamen videantur omnia ab
 Angelis, nec Angeli sciant omnia, nisi præce-
 dente revelatione. Cognitio per species duplex
 est vel per species innatas, vel per species è rebus
 acceptas. Et Suarez disp. Metaph. 35. s. 4. n. 20.
 hanc ponit assertionem ad cognoscendas res a-
 lias

lias indigere intelligentias speciebus intelligibilibus, eas tamen habere cum natura congenitas, saltem respectu naturalium rerum. Cum enim in homine sit facultas naturalis primorum principiorum cognoscendorum, ut post lapsum etiam illico iis assentiatur; primi etiam parentes habuerint eam sapientiam, ut sine doctrina omnium rerum habuerint notitiam: Angelis certe denegandum non est, eos naturalem & sibi congenitam omnium rerum, saltem naturalium, habere notitiam & cognitionem. Quoad contingentia vero, quia ea aliter atque aliter se habere possunt, dicendum videtur, ea cognosci ab angelis per experientiam, & ita per species à rebus acceptas. Quo tendit illud Bielii, qui dicit cognitionem vespertinam angelorum esse partim infusam, partim acquisitam. Infusam eam dicit, qua per species concreatas res cognoscuntur; acquisitam vero, quæ fit per species à rebus receptas. Vide pluribus ad hanc doctrinam Scholast. & Suarez. citatis superius locis.

5. *An Angelis convenit libertas arbitrii.*

Angelis voluntatē convenire qua & velle & eligere possint dubiū non est. Ex ejus cum intellectu concursu fuisse liberum arbitrium in angelis ad bonum & malum patet ex angelorum lapsu; quorum, quia alii lapsi, qui in veritate non perstiterunt, & principatum suū dereliquerunt, alii vero statum suum conservaverunt, & à bono non defecerunt, argumento est, potuisse eos ad bonum & malum inclinari, alterutrum vel eligendo vel reprobando, quemadmodum & homo ad utrumque ante lapsum fuit liber; & ita constat arbitrium liberum simpliciter

liber ita dictum in angelis fuisse. Inde Lomb.
in 2. d. 5. habebant, inquit, omnes libe-
rum arbitrium, quod est libera potestas, & ha-
bitas voluntatis rationalis. Poterant enim vo-
luntate eligere quodlibet, & ratione judicare,
est, discernere: in quibus constat liberum ar-
bitrium. Nec creati sunt volentes averti vel con-
verti, sed habiles ad volendum hoc vel illud, &
post creationem spontanea voluntate, alii ele-
gerunt malum, alii bonum. Constat ergo in li-
bertate arbitrii conditos esse & creatos angelos.
Id id nunc quæritur, postquam & boni sunt
confirmati in bono, ut non possint male agere,
& mali indurati in malo, ut non possint bene
agere, an aliquod sit in iis liberum arbitrium re-
lictum. Quod Lombardus in 2. d. 7. ita expref-
sit. Cum nec boni peccare possint, nec mali be-
ne velle, vel bene operari, videtur quod jam non
habeant liberum arbitrium: quia in utramque
partem flecti non possunt, cum liberum arbi-
trium ad utrumq; se habeat. Qua in re id scien-
dum est, arbitrii libertatem non in eo consistere,
ut ad bonum pariter & malum æque simus li-
beri, & deflectere possimus: ita enim nec in
Deo vel esset, vel esse posset libertas, eo quod
cum summe bono malum consistere nequit. Is
tamen suam agendi libertatem in eo nobis ma-
nifestavit, quod & mundum condidit, quando
& quomodo voluit, & unicuique nostrum dat
quod & quantum ipsi visum fuerit. Et cum ar-
bitrii libertas sit perfectio simpliciter, Angeli
ante in gloria constituti ea carere non pote-
runt: si tamen malum amplius nec velle nec a-
gere poterunt. Id Augustinus docuit in Enchi-
rid. ad Laur. cap. 105. de homine: sic, inquit,
oportebat prius hominem fieri, ut & bene velle
posset

posset & malè, nec gratis, si bene, nec impunè, si malè: postea vero sic erit, ut malè velle non possit, nec ideo libero carebit arbitrio. Multo quippe liberius erit arbitrium, quod omnino non poterit servire peccato. Neque enim culpanda est voluntas; aut voluntas non est, aut libera dicenda non est, qua beati sic esse volumus, ut esse miseri non solum nolimus, sed nequaquam profus velle possimus. Sicut ergo nunc etiam anima nostra nolle infelicitatem, ita tunc nolle iniquitatem semper habitura est. Quod de homine constituo in gloria dicimus, cum liberum futurum à servitute peccati, sine amissione liberi arbitrii; idem de Angelis dicendum, cum liberi sint à coactione ad volendum bonum, quod Spiritus faciunt, & bonum præ bono eligere, actiones etiam vel perficere vel non perficere possint, salvam bonis Angelis permanere arbitrii libertatem. Quemadmodum mali etiam Angeli, tametsi in malo sunt indurati; tamen quia malo delectantur, in malum consentiunt, malum præ malo eligunt, malum inferre possunt, & ita voluntatem ab omni coactione habent liberam, libertatem arbitrii in malo etiam perpetrando habent reliquam. Quod si vero libertas servituti opponatur; jam quemadmodum homo servus peccati est, ut propriis viribus ex ejus servitute sese eximere nequeat, ut servum arbitrium hominem habere Theologi graves dixerunt: ita mali Angeli, qui sunt in malo obdurati, non possunt bene, sed tantum malè agere. Quo sensu si quis libertatem arbitrii ad bonum, scilicet, ipsis etiam denegare velit, non repugnabimus. Convenienter his scripsit Carolus Bovillus quæst. Theolog. lib. 2. quæst. 91. an qui excide-

runt,

ant, (loquitur de Angelis eo loco) post casum
nam libertatem amiserunt? Sicut, inquit, per-
transerunt in bono, post confirmationem sui,
naturali libertatis dono non sunt spoliati: ita &
qui à bono prolapsi sunt, post infelicem sui rui-
nam nequaquam privati sunt libero arbitrio.
Nempe ut diximus, nec virtus, nec virium, aut
bonorum aut malorum Angelorum naturam
substantiamque immutare potuerunt aut ad-
dentes aut adimenes illis naturalem aliquam
facultatem. Æterno tamen Chao ac profundo
bonos à malis deduxerunt, hos in malo sisten-
tes, illos vero in bono confirmantes.

6. *An sint Intelligentia cœlestium or-
bium motrices?*

Caligeri exerc. 359. s. r. verba sunt: Intelli-
gentia dicta est à perfectione illa, qua duci-
tur in amorem primæ causæ: cui semper præsto
est. Græcæ vocatur $\nu\tilde{\nu}\varsigma$, Latinè mens: quia est
sensus quidam. Earum duo sunt ordines prima-
rii: Cœlestis, & supercœlestis, Cœlestis offi-
cium est, movere suum cujusque orbem. Super-
cœlestis assistit primæ causæ: ut ejus jussu
etiam res hæc procuret inferiores, earum re-
ctioni perfecta atque conservationi. Quæ fuit
causa, ut à Græcis Angeli vocarentur: quia
mitteret eos Deus. In his verbis extra dubium
est, quod desuper cœlestis intelligentiæ officio
dixit: id vero satis certum est, an sunt quæ-
dam intelligentiæ cœlestium orbium motrices,
cum nec satis constet, an sint ejusmodi orbis,
et si sint, an ejus modi Intelligentiis motrici-
bus indigeant, & non propria ac interna potius

vi & virtute moveantur, quàm intelligentiarum
assistentium opera-

Duæ enim in hac causa sunt opiniones: altera est, esse in cœlo orbes quosdam reales, realiter inter se diversos, ita ut alia sit Sphæra Saturni, alia Jovis, alia aliarum planetarum, alia etiam stellarum fixarum, quibus orbibus stellæ sint affixæ, ut moveantur ad motum suorum orbium, orbes vero non habere vim quandam internam motricem, sed ab intelligentiâ tanquam formæ assistente, ut loquuntur, motum suum accipere. Contrà vero Tychonis Brahe, & aliorum quorundam recentiorum est sententia, non esse in cœlo reales ejusmodi orbes & Sphæras, sed cœlum esse unum quoddam corpus continuum, nulla orbium inter se divisione reali constans, in eoque astra & stellæ liberè motum sibi proprium vi quadam interna ipsis insitum perficere, nec esse eas stellæ vel orbibus affixas, vel intelligentiâ opus habere ad motum hanc ipsis naturalem conficiendum: haud aliter atque quoque corpora vi quadam interna sibi & naturali propria, non adscita extrinsecus ejusmodi quadam Intelligentiâ moventur & agitantur.

Ac prior quidem opinio tum Peripateticorum, tum Scholasticorum est, qui in ea se consentiunt, esse ejusmodi Intelligentiâs formas assistentes orbibus cœlestibus, à quibus non quidem esse habeant, sed motum omnem recipiant. Elegantissimis verbis hanc sententiam retulit Paulus Cortesius 2. Sent. sect. de creatione corporum: At Apollo Christianorum D. Thomas, inquit, scientiùs genus hoc totum ratione astringit. Probat enim divisione operum animæ, nullam corporum cœlestium animæ

animæ consentaneam esse operam, præter Intelligentiam & motum. Dicitque animam corporibus coelestibus, non ut formam annecti: sed virtutis appulsu, ut mobili agitatore applicari, quemadmodum si lagena in prono, vi pedum impulsæ moveatur. Alii etiam lumen ad intelligentiam referunt, & influxum omnem in hæc inferiora. Ita Archang. Mercenar. ad test. quæ sit coelestis corporis forma in dilucid. disputat, contra Thomam, qui dixerat; cœlum seclusa intelligentia agere in ista inferiora: eamque assertionem dicit esse falsam. Nam cœlum non agere in ista inferiora nisi mediante lumine & motu. Jam vero, inquit, cœlum seclusa intelligentia non movetur, nec lumen habet, cum ista habeat ab intelligentia: igitur seclusa intelligentia non agit in ista inferiora. In quibus verbis Archangeli duo noto: Primum est, non videri consentaneum veritati, cœlum lumen habere ab intelligentia: est enim lux indita syderibus in prima creatione, unde & luminaria dicuntur. Itaque lux non nunc primum ab Intelligentia illa assistente vel cœlo, vel astris extrinsecus advenit. Alterum est, quod annotavit Joh. Dez in canonibus suis: cœlum non tantum agere mediante vel lumine, vel motu, sed & occultis qualitatibus: nec enim vel lumen vel motum transire in intima terræ viscera propter objecti densitatem & soliditatem: esse verò occultas cœli syderumque qualitates, quæ nulla objecti soliditate impediuntur, quo minus transeant, & ejusmodi occultas vires plurima in his inferioribus perficere certum est quæ nec motu, nec lumine peragantur. Verba ejus sunt in aphor. 25. duplices sunt stellarum omnium radii: alii sensibiles

sibiles sive luminosi, alii secretioris influentiz. Hi omnia quæ in hoc mundo continentur penetrant : illi ne adeo penetrent quodammodo impediri possunt.

Quoad motum vero mihi placet magis eorum sententia , qui orbes ejusmodi reales in coelestibus improbant : qua de re in Physicis pluribus disputavi. Et hinc judico astris & sideribus proprium quendam motum esse intitum & inditum , ut ejusmodi Intelligentia assistente opus non sit. Cum enim inferioribus omnibus Deus suos motus indiderit , ut non tantum Elementa , & quæ ex his sunt mixta omnia , pro cuiusque natura vel sursum , vel deorsum , moveri possint : locomotivam , secundum quam in partes omnes moveantur , animantibus : avibus etiam volatum , verisimile esse non videtur , adeo nullum astris motum esse datum , ut absque ejusmodi speciali Intelligentia assistente motu nullo ferri possint. Et quid impedit ejusmodi motus principium internum ? non uniformitas , sunt enim uniformia corpora Elementa , & tamen suum habent motum. Nec motus ratio & conditio , quod sit motus circularis : cum enim corporibus specie diversis inditi sint motus etiam contrarii , ut ignis æquè sursum ferri possit vi ingenita , atque terra deorsum : quidni circularis etiam motus suum quoddam corpus naturale habeat , à quo primo perficiatur. Itaque mihi probabilior eorum videtur esse sententia , qui nullum ejusmodi Intelligentiam assistentem agnoscunt.

7. *An Angeli sint immortales & incorruptibiles.*

ἄν κ' ἴσθ' ὅτι τρεπτόν, μόνον δὲ τὸ ἀκ-
 ριστόν ἀτρεπτόν, Omne creatum veribile,
 solum autem increatum invertibile, inquit Da-
 mase. de Orthod. fide lib. 2. cap. 3. Et subtilis est
 etiam Scalig. ex exc. 307. f. 20. disputatio, & ut
 ille dicit, ardua, & quæ non nisi à doctis percipi
 possunt. Omne quod est aut est primum princi-
 pium, aut à primo principio. Unum est pri-
 mum, alia dependent igitur. Ergo sua natura
 omnia, præter unum corruptibilia. Tamen si e-
 ssent sunt Entia absoluta à subjecto & termino ;
 tamen haud sunt absoluta à causa. Sunt igitur
 per aliud, & ab alio. At omne dependens ab eo
 à quo dependet, si est voluntarium principium,
 mutari potest. Ergo ipsæ quoque mentes im-
 materiales, etsi ponuntur à Peripateticis coë-
 sistenti Deo ; tamen ut à primo pendent à primi
 principio deponi possunt ab ea essentia, in qua sunt
 ab illo constitutæ. Si enim non possent, haberent
 se aliud principium resistendi illius infinita-
 ti. Non igitur illud esset primum principium.
 Ita ille : eleganter sapè. Nam ita esse immortale
 Deo propriè tribuitur. 1. Tim. 1. v. 17. At vero
 contrà constans est omnium sententia, non esse
 Angelos corruptioni & mutationi obnoxios ;
 cum enim sint naturæ simplicis & incorporeæ,
 adeoque nec è multis constant, in quæ resolvi
 possint ; nec è contrariis, quorum unum alteri
 repugnet, è qua pugna totius corruptio & de-
 structio primum sequitur : rectè hinc concludi-
 tur, naturalem & Physicam corruptionem &
 mutationem Angelis non competere.

Dicendum tamen. 1. dici aliquid vel incorruptibile & immortale absolute & simpliciter, κατὰ τὴν seu secundum quid, certo scil. & determinato quodam respectu. Simpliciter & absolute Divinæ essentia repugnat corruptibilitas & mortalitas. Est enim hoc primum illud & summum principium, à quo sunt & dependent omnia, ipse solus independens aliunde, omnimodo immutabilis. Indéque ipsius esse, & anni eius non deficere dicuntur Psal. 102. Et hoc sensu solus est immortalis, & ipsi uni & soli hoc Epitheton vere convenit. Ac hoc privilegium ipsi tribuitur præ aliis Diis gentium: ut recte Lyra dixerit ad locum 1. Tim. 1. immortalem nominari, ad differentiam Jovis, & Saturni, & hujusmodi, qui sunt homines mortales. Et hoc sensu jam disputat Scalig. ne quidem mentes immateriales esse ab omni mutabilitate liberas: eo quod dependent à voluntario principio, ad cujus nutum & arbitrium sunt factæ & creatæ, & quicquid habent ejus unius beneficio habent: ut propterea ejus infinitati resistere nequeant. Hic itaque recte asserimus: Angelos esse incorruptibiles gratia. Quod citato superius loco ita effert Scalig. Non corrumpuntur, autem quia non vult. Et in lib. de plantis pag 55. scite admodum: neque vero, inquit, finem habebit, quia principium habuerit anima: nisi quomodo mentes illæ coelestes. Nutu creatæ, nutu dissolventur, si libuerit. At libuit, ut ne liberet, voluit, ut noller. In quem modum in Timæo scripsit verba omnibus jam fere nota: Postquam morti sunt omnes, (loquitur vero de Diis Gentilium, è quibus Terræ, Coelique filii Oceanus & Tethis fuisse traduntur, Ab iis Phorcys, Saturnus & Rhea.

Saturno & Rhea Jupiter & Juno) tum ad
 mundi genitor ita fatur: Dii orti ex Diis
 quorum opifer ego & pater sum, hæc attendite.
 Quæ à me facta sunt, me ita volente indisso-
 lubilia sunt. Omne siquidem quod vinctum
 est, solvi potest. Sed mali est, quod pulchre
 compositum est, seque habet bene, velle dissol-
 vi. Quapropter quia generati estis, immor-
 tales quidem & indissolubiles non estis. Nec
 tamen unquam dissolvemini, nec mortis fatum
 subibitis: Nam voluntas mea majus præstan-
 tisque vobis est vinculum ad vitæ custodiam,
 quam nexus illi, quibus estis tunc, cum gigne-
 ramini, colligati. De qua tamen prosopopœia
 videatur Cyrillus contra Julian. lib. 2. tom 2.
 pag. 529. edit. Paris. anno 1572. Manifestum est
 ex his omnibus, Intelligentias & mentes illas
 celestes relatas ad primum illud principium,
 non esse simpliciter incorruptibiles & immor-
 tales: sed secundum quid, ejus scil. gratia, vo-
 luntate, nutu, & arbitrio. 2. Sin mentes illæ
 celestes referantur ad causas vel internas, vel
 externas Physicas & naturales, earum respectu
 plane sunt incorruptibiles & immortales. Nec
 enim causæ vel internæ sunt è quibus consistunt:
 vel contrariæ qualitates, quæ in ipsis litem &
 pugnam excitent, unde destructio sequatur:
 quomodo mixtorum corruptio perficitur. Sed
 agens externum est ejus virtutis & poten-
 tiæ, quod sit aliud à Deo, quod simplicem
 hanc Intelligentiarum essentiam in nihilum
 possit redigere. Eiusdem enim potentia est è ni-
 hilo facere aliquid, & ens aliquod annihilare,
 seu in nihilum redigere. Itaque secundum
 quid, seu respectu causarum secundarum rectè
 incorruptibiles etiam dicuntur intelligentiæ.

Concludam eleganti Cyrilli sententia quæ habetur thesaur. libr. 8. cap. 2. Et si, inquit, Angelus immortalis quædam res est, propter voluntatem & gratiam salvatoris: sed tamen quoniam ortum habuit, & esse cœpit, occidere quoque potest, & non esse. Nam quæ naturis præcipue insunt, ea respectu Creatoris Dei nihil sunt. Quare sicut ignis combustivus quidem, sed non Deo: sic & Angelus immortalis quidem est, sed non Deo. Solus enim Deus proprie immortalis est, quia naturaliter id habet, cætera per gratiam, sicut creature. Vide Thom. 1. q. 50. art. 5.

3. *An omnis plane compositionis sint expertes Intelligentiæ?*

NON unum compositionis genus & est, & reperitur: inde fit, ut quæ certo respectu dicuntur simplicia, alio respectu composita esse deprehendantur. Ita enim in genere corporum simplicia esse dicuntur Elementa, quæ ad ex aliorum Elementorum coalitione non concre-sunt, eorumque respectu mixta dicuntur esse corpora, quæ ex Elementorum concursu resultant. Eadem vero Elementa collata ad materiam & formam expertia compositionis non sunt, sed ex earum partium inter se unione nascuntur: nec enim ut in Physicis disputavit Aristoteles, possent invicem transmutari Elementa; nisi esset commune quoddam alterationis & transmutationis subjectum, quod materiam dicimus: sed nec inter se Elementa specie differrent, si non uno tantum subjecto constarent, omnibus Elementis communi: forma ergo ccedat ad materiam necesse est, secundum quam

quam à se invicem Elementa discernantur & distinguantur. Itaque certum hinc est, quod uno modo simplex esse dicitur, huic non repugnare dici alio modo compositum.

Hoc vero privilegium unius Dei proprium esse summe simplicem, ut ab eo omnia genera compositionis excludantur. Idque inde fit, quia nec ab alio est, nec ex aliis est, nec cum alio habet naturæ convenientiam, nec deficit in aliquibus. Primum excludit eam compositionem quæ est ex actu & potentia: & consequenter eam, quæ est ex esse & essentia. Alterum eam, quæ ex partibus vel essentialibus, vel integrantes est. Tertium eam, quæ est ex genere & differentia. Quartum eam, quæ est ex positivo & privativo: ut & eam, quæ est ex subiecto & accidente. Quod vero in Deo multa concipiuntur: non tam notat compositionem in essendo, quam multitudinem in operando. Quod notavit August. Niphus Sues. ad disp. 3. destr. Averrois: Deus, inquit, non est agens simplex, sed multiplex: quoniam licet ipsum in se sit unum in esse & summe simplex in esse: est tamen multum in virtute & perfectione. Vide de hac Dei simplicitate Scal. ex. 140 & quod nullus modus compositionis ipsi conveniat apud Algaz. Averr. & August. Niph. Sues. destr. disp. 5. Metaph.

Intelligentiæ vero quæ sunt naturæ mediæ inter Deum & corpora seu res naturales, simplices quidem dicuntur, sed non summe simplices. Est enim compositio alia Physica, alia Logica vel Metaphysica. Illa est ex partibus realiter inter se diversis, cuiusmodi sunt vel materia, vel forma, quæ essentiam rei immediate constituunt, vel integrantes, quæ ad operationes

perficiendas potissimum sunt institutz. Hoc sensu simplex est omnis Intelligentia: nec enim multa in se complectitur, in quæ vel dividi, vel resolvi possit. Logicæ vero vel Metaphysicæ compositiones expertes intelligentiæ non sunt.

1. Convenit iis compositio ea, quæ est ex sub-
jecto & accidente. Quum enim mutabilitas conveniat Intelligentiis, ut de bono in malum converti possunt, quod è Diaboli lapsu manifestum est: constat hinc manente eadem substantia mutationem quandam iis convenire: ea vero quia accidentalis est, accidentia quædam intelligentiis tribuantur necesse est: secundum quæ ea mutatio accadat.

2. Convenit compositio ea, quæ est ex actu & potentia. Quod notavit Scal. ex. 359. f. 2. An vero sit purus actus, inquit? Non intelligentia tamen non est composita ex materia & forma: tamen constat ex aliquo tanquam potentia, & aliquo tanquam actu, Ratio certa: quod enim de non esse in esse producitur, est in potentia suæ causæ, à qua producitur, accipit vero actum essendi seu existentia, quando ponitur extra suas causas. Sunt vero Angeli de non esse in esse producti? designari ergo in iis potest aliquid per modum potentia & actus.

3. Indeque notari potest in Angelis compositio ex esse & essentia: abstrahit enim essentia Angeli ab omni causa, & denotat præseque quidditatem stantem per seipsam: at existentia ejus non potest definiri, nisi mentione supremæ causæ à qua fit: existentia enim definitur ex ordine ad causas extra quas producitur id ipsum, cui tribuitur existentia.

4. Sed nec ea quæ à genere & differentia est compositi denegari potest angelis. Omnis enim conceptus prædicabilis in quid de plus quam numero

numero differentibus certam proportionem in-
 se, & si non sit pars alterius, est conceptus
 generis, dicit Ockam in 4. d. 8. At vero nihil re-
 pugnat dari ejusmodi quendam conceptum in
 Angelis, cui omnes hæ conditiones conveniant.
 Nec ergo potest Angelis denegari genus. At ve-
 nit superius ex Averroë disputavimus de str.
 disp. 7. quæ conveniunt genere univoco, opor-
 tet ut dividantur ab invicem aliqua differentia,
 & erit quodlibet eorum compositum ex genere
 & differentia. Quod si itaque Angelis non re-
 pugnat ratio generis univocæ nec ergo ratio dif-
 ferentiæ: nec ergo compositio quæ est à genere
 & differentia. 5. Denique quia solus Deus est,
 qui omnes perfectionum gradus complectitur:
 sequitur inde, quicquid aliud est à Deo, in eo
 concipi, aliquid per modum positivi & privativi.
 Nam & habet positive perfectionem sibi debi-
 tam, & non attingit gradum infinitæ perfectio-
 nis divinæ, à qua deficit. Sed hic ultimus mo-
 dus est valde improprie dictus: quod enim non
 debetur id si desit, privationem proprie non in-
 fert. Et si vel maxime inferret privationem, non
 tamen inferret compositionem: quod enim non
 est, id ne quidem potest componere; nisi tan-
 tum quoad nos, in quantum nos concipimus, id
 quidem convenire, aliud vero non convenire.
 Voluimus tamen hujus etiam modi compositio-
 nis mentionem injicere, quia vulgo etiam hac
 inferri solet.

C A P V T. III

De Anima Humana.

Theorema tertium.

*Spiritus Incompletus est Spiritus ordinatus ad
 esse alterius, ut ejus sit pars.*

2. Indequē

2. Indequese solo non constituit Suppositum vel Personam : sed unitus & conjunctus cum corpore. Ejusmodi est Anima humana.

3. Anima humana est Spiritus ex inspiratione divina in prima hominis creatione factus ut fieret homo in animam viventem.

4. Ejus consideratio est vel absoluta, vel respectiva.

5. Absoluta, Metaphysicæ propria, est consideratio quidditatis & predicatorum quidditativorum animæ, in quantum, à corpore vel contrahinguitur, vel separatur.

6. Et ita est substantia quædam incorporea & immortalis, multo intervallo corpus excellens, & tanto quanto corporeis præeminent incorporea, homini data ad operationes humanas exercenda. Vide Chrysost. in Gen. hom. 13.

7. A Paulo Scalichio in concl. 1. de anima ita describitur: Anima humana est lux quædam divina ad imaginem verbi causæ causarum, primi exemplaris creatæ, substantia Dei sigilloque figura cujus character est verbum æternum. Quæ descriptio dextre accipienda.

8. Ea immortalis est: adeoque à morte hominis separatim existit cum aptitudine & spe, ut in futura resurrectione corpori denuo uniatur & conjungatur.

9. Ea intellectualis est: in corpore quidem res per species à phantasia ad se delatas cognoscens & percipiens. Modus vero intelligendi in anima separata explicatu difficilior. Sententia Thomæ est: animam separatam non intelligere per species innatas, nec per species quas tunc abstrahat, nec solum per species conservatas: sed per species ex influentia divini luminis participatas, quarum anima fiat particeps, sicut & aliæ substan-

in separatæ 1. p. 89. art. 8. ad 3. vide Franc. Suárez. disp. Metaph. 55. f. 2. n. 6.

10. Respectiva animæ consideratio est in ordine ad corpus, cuius forma est & actio: indeque ad multiplicationem corporis multiplicatur & ipsa. Sed hæc consideratio Physici propria est.

COMMENTARIUS.

Aristoteles 1. de animat. c. 1. commendat nobis scientiam de anima, ut quæ excedat omnes alias scientias nobilitate subjecti & certitudine demonstrationis excepta divina. Sed meminisse nos decet ejus, quod ab Averroë scriptum destruit. disp. 2. phyl. sermo de anima est nimis profundus, sed Deus appropriavit eum sapientibus profundis in scientiam: & ideo dixit Job; Simplex ego sum, scio animam meam. Tametsi vero quamplurimis idem accidit, ut ob intellectus infirmitatem, & sermonis profunditatem ad animæ notitiam assurgere nequeamus: pulcher tamen est in re difficili etiam conatus. Conabimur itaque in hoc etiam genere nos exercere. Animæ consideratio non upius est generis: Est namque vel Physica, vel Metaphysica. Prius de anima declaratum ab Aristotele & Averroë 1. de anima, t. c. 59. Posterior docuit Averroës 3. de anima t. 3. his verbis: & ideo scire de Anima necessarium est in sciendo primam Philosophiam. Considerationis diversitas ex eo: quia anima secundum substantiam est immaterialis conjunctione tamen materialis: hinc fit, ut prior considerandi modus totus sit Metaphysicæ proprius, cuius officium est, tradere ea, quæ sunt ab omni materia separata. In quantū vero animo habet ordinem ad corpus & ita & est, & agit ac operatur in materia & cum materia;

teria : hætenus jam Physici officium animi cognitionem suscipere, quod in libris de anima præstitit Aristoteles. De ordine animæ ad corpus fusè in Physicis, & in libro de homine egimus; jam ut pauca de anima degustamus in quantum à corpore est seiuncta, præsens institutum videtur requirere. Agemus vero hic.

De animæ humanæ origine.

Multas circa animæ originem esse sententias apud Hieronymum legimus in epist. ad Marcell. & Anapsych. tom. 3. cuius init. tandem ex Africa; Super animæ statu, inquit, memini vestræ quæstionculæ, imò maximè Ecclesiasticæ quæstionis : utrum lapsa de cælo sit, ut Pythagoras Philosophus, omnesque Platonici & Origines putant : an à propria Dei substantia, ut Stoici, Manichæus & Hispaniæ Priscilliani hæreses suspicantur; an in thesauro habeantur Dei olim conditæ, ut quidam Ecclesiastici stulta persuasione confidunt. An quotidie à Deo fiant, & mittantur in corpora, secundum illud quod in Evangelio scriptum est : Pater meus usque modo operatur, & ego operor. An certe ex traduce, ut Tertullianus, Apollinarius & maxima pars occidentalium autumant, ut quomodo corpus ex corpore sic anima nascatur ex anima : & simili cum brutis animantibus conditione subsistat. Ita ille varias circa animæ originem opiniones refert. De his quantum ad præsens nos ita :

Animæ humanæ origo duobus consideratur modis: vel quoad primam creationem, vel quoad eiusdem propagationem. In prima creatione animam immediate à Deo originem accepisse creando dubium non est. Ita enim expresse

preſſe Moſes Gen. 2. v. 7. de hominis creatione ſcribit: formaſſe Dominum Deum hominem de limo terræ, & inſpiraſſe in faciem eius ſpiraculum vitæ, & factum eſſe hominem in animam viventem. Ac ita immediate quemadmodum corporis formatio, ita & animæ inſpiratio & creatio Deo uni & ſoli adſcribitur. Quod quid ſit expoſuit Chryſoſt. in Gen. hom. 13. quid eſt, inquit, inſpiravit, ſpiraculum vitæ? Voluit & imperavit, ut hoc corpus haberet vitalem vim, quæ facta eſt animali in animam viventem: hoc eſt, efficaciter operantem, & ſuam artem motu oſtendere valentem. Et Magiſter ſententiarum in 2. d. 17. cap. de creatione animæ: non, inquit, carnaliter putemus Deum corporeis manibus formaſſe corpus, vel faucibus inſpiraſſe animam: ſed corpus formavit jubendo, volendo, id eſt, voluit & verbo ſuo juſſit, ut ita fieret: & inſpiravit in faciem eius ſpiraculum vitæ, id eſt, ſubſtantiam animæ, in qua viveret, creavit non de materia aliqua Corporali vel Spirituali, ſed de nihilo.

An vero ipſa vel ſubſtantia Dei ſit, vel de ſubſtantia Dei creata anima? Fuerunt enim hæretici Manichæi, qui nihil aliud dicunt eſſe animam, quam ipſam Dei ſubſtantiam, ut docet Auguſt. lib. 7. de Genef. ad lit. cap. 11. Et Lombardus in 2. d. 17. cap. opinio quorundam hæreticorum, tradit, putaſſe quosdam hæreticos, Deum de ſua ſubſtantia animam creaſſe, verbis ſcripturæ pervicaciter in hærentes, quibus dicitur inſpiravit vel inſufflavit &c. Cum fiat, inquit, vel ſpirat homo de ſe flatum emittit. Sic ergo cum Deus dicitur flaſſe vel ſpiraſſe ſpiraculum in faciem hominis, ex ſe ſpiritum hominis emiſiſſe intelligitur, id eſt de ſua ſubſtantia,

ria Et Cicero Platoniorum sententiam usur-
pans sæpe dicere solet, animos humanos ex
divina natura esse libatos, haustos, tractos, & de-
scriptos. Vide Perer. in Genes. libro 4. num. 104.

Verum accurate monet August. epist. 146.
ad Consentium quæst. 4. maxime esse caven-
dum, ne anima non à Deo facta natura, sed ip-
sius Dei substantia tanquam unigenitus filius,
quod est Verbum eius, aut aliqua eius particula
esse credatur, tanquam illa natura atque sub-
stantia qua Deus est quicquid est, commutabi-
lis esse possit: quod esse animam, nemo non
sentit, qui se animam habere sentit. Argumen-
tum est hoc: Nihil mutabile potest esse substan-
tia Dei. At vero anima est mutabilis, ipsa expe-
rientia id testante & conscientia cujusque di-
stante. Anima ergo substantia Dei esse non
potest. Aliud argumentum adducit Mag. sent.
citatio superius loco: Non sunt, inquit, audien-
di, qui putant animam esse partem Dei. Si enim
hoc esset, nec ab alio decipi posset, nec ad ma-
lum faciendum vel pariendum compelli, nec in
melius vel deterius mutari. At vero hæc omnia
accidere animæ quis est qui dubitet? Pars ergo
substantiæ divini anima esse nequit. Quod
vero ad argumentum in contrarium attingit,
flatum provenire ex corpore flantis, atque
propterea animam hominis ex Dei esse sub-
stantia ridiculum esse dicit Pererius: nec enim
inspiratio illa Dei fuit corporalis, sicut nec
locutio fuit corporalis, cum Deus dixit: fiat lux,
fiat firmamentum: sed tropica locutione id
dictum. Flare enim est flatum facere, flatum fa-
cere est animam facere. Quo sensu Augustinus
interpretatur epistola 146 illud Esaia 42. & 57.
omnem flatum ego feci: quod vel flatus ipse
anima

anima fit, vel ipso anima facta fit. Vide August.
de anima & eius origine lib. i. quomodo in
genere contra Vincentium Victorem disputer de
hoc argumento.

Ceterum quod ad animæ propagationem
pertinet, de ea fusius in physicis nostris, & in
libro de homine disputavi, ut opus non sit
eandem doctrinam hoc loco reperere. Id tan-
tum notabo, quod ab Hieronymo dictum
clarius aliquanto, vel saltem ambigue, tra-
ducem; (quam alias defendo) id inferre,
ut anima simili cum brutis animantibus con-
ditione subsistat. Quod si enim substantiam
spectes, ex simili propagandi modo, eadem
substantiæ ratio inferri recte non potest:
quemadmodum enim plantis & animanti-
bus communis ea vis est, ut simile possit gene-
rare sibi simile: nec tamen secundum sub-
stantiam eadem naturæ conditio recte infer-
tur, quin & plantæ & animantia inter se, &
ab animantibus natura & specie differant:
ita similis propagationis modus huiusmodi
cum animantibus communis naturæ & con-
ditionis substantialis identitatem non infert.
Nec enim propagandi modus, sed propagatio-
nis, quemadmodum motus omnis terminis na-
turæ & substantiæ diversitatem importat. Non
si alia ratio est Adami in creatione, alia Evæ,
alia nostra in propagatione: naturæ propterea
inferri potest diversitas. Sin propagandi modus
spectetur, ita semper iudicavi: cum divina be-
nedictio & plantis & animantibus eam vim
in prima creatione indiderit, ut crescere &
multiplicare sese possint: non esse eandem
vim homini denegandam, qui ut vi qua-
dam insita crescere potest, ita etiam sese mul-
tiplicare,

tiplicare non secundum partem tantum, sed se totum possit. Quod tantum abest, ut quidquam detrahat humanæ, vel nobilitati, vel perfectioni: ut hoc opus naturalissimum eandem potius stabiliat, & confirmet. Qui solutionem argumentorum contra traducem e sacris adductorum videre petit, legat Augustinum de anima, & ejus origine ad Xenatum.

Atque hæc de anima strictim hoc loco persequi volumus: quæ enim de animæ immortalitate & aliis circa hanc doctrinam sunt dubia fusè in Physicis tradidimus.

DEVS OPTIMVS MAXIMVS
Angelos sanctos suos custodes nostrarum animarum clementer esse velit, omnem Satanae malitiam depellant, & ipsius nomen à nobis sanctificetur, ad ipsius gloriam & nostram salutem. Amen.

REGI SECVLORVM, IMMORTALI,
*Invisibili, Soli Deo honor &
gloria in secula seculorum.*
A M E N.

I N D E X

I N D E X
Q U Æ S T I O N U M,
S E N T E N T I A R U M,
& rerum, quæ in complexu primi
Libri obveniunt.

A

A Vel Ab.	153
A se esse, & ab alio.	152
Absolutum à causa, à subiecto, à termino.	193
Absolutum positivè, privative, negative.	195
Abstractio 114. actualis & habitualis 121. formalis & totalis 122. à subiecto & supposito 129. negative et privative. 129. Physica Mathematica, Metaphysica 132. & seqq. secundum essentiam et indifferentiam	117
Abstrahentium non esse mendacium.	120
Accidens ante se requirit substantiam.	21
Accidentia absoluta et non absoluta 197. quomodo desinant esse 195. quomodo fiant singularia	245
Actionis terminus singulare.	144
Actus tot modis dicitur quot potentia 100 et 101	
Actus entitativus 101. specificus ibid. formalis ibid. elicited et imperatus 111. purus et impurus 108. primus et secundus 108. multipliciter dicitur ibid. imperfectus	111
Æternitas et ævum.	282
Agens omne agit propter finem.	151
Aliquid tripliciter dicitur	39
Analogum quid	50
Annihilare quid.	147
	Bonum

I N D E X.

B.

B onum ens in ordine ad appetitum	71
Bonitas transcendentalis naturalis, moralis,	
72. moralis in genere et ex circumstantiis	73
Boni remotio negativa et privativa.	81
Bonum verum et apparens.	82
Boni affectio duplex ratione iusti et commodi	83
Bonum simpliciter, et bonum alteri	84. illud
dupliciter.	85
Bona magis, media, minima	ibid.
Bonum summum civile et speculat.	86
Bonum honestum, utile, delectabile.	86, 111

C

C ausa quid 221. realis et intentionalis. Item	
intrinsicca ib. quæ imperfectionem habeat	192
Causa efficiens perse et per accidens. Illa totalis	
et partialis: totalis sufficiens, adæquata	221
Causa universalis, particularis, principalis, in-	
strumentalis, 222. instrumentalis quadrupli-	
citer	222
Causarum subordinatio essentialis et acciden-	
talis.	224
Causatum vel operatio vel opus	224
Causa exemplaris.	226
Causa toties dicitur quoties principium	204
Causa per accidens in quibus,	90, 97, 223.
Cognitio increati tribus modis	149
Cognitio duplici via perficitur inventione ei disci-	
plina	61
Cognitio confusa et distincta	125
Cognitionis difficultas.	60
Compositio sextuplex	254
Conceptus objectivus et formalis	8
Concretum	115

Con-

I N D E X.

Contingens quid & quotuplex.	157, 165
Contingentia gradus.	172
Contingentia causa	174
Continuum quid	49
Contradictoria oppositio unius	51
Contradictio ad inferiora	22
Convertibile ratione essentia & suppositi	79
Corruptibile 207. multis modis dicitur	201
Creata entis cognitio eget cognitione triplicis contingentia.	268
D	
Definitio & definitum sunt unum re, differunt ratione	127
Definitio materialium. 28. per copulam	205
Denominatio multiplex	295
Deus an Ens recte dicatur	29, 31
Deus an in loco 177. simpliciter absolutus	192
Dependens quid	185
Dependentia absoluta & contracta	185
Hæc effectiva, subjectiva, objectiva	ib.
Distinctio rationis, è natura rei, realis	143
Diversum 105. late & stricte	246
Divisio Entitativa & Quantitativa	54
E	
Effectus perfectus & accidentalis tota ab agente dependere videtur.	97
Effectum quod non est, non est finitum	152
Efficientes causas particulares non est necesse cum suis effectibus perpetuari: sed primam perpetuari oportet.	223
Efficiens causa quid 211. duplex 229. per accidens multis modis	230
Elementum quid 204. ad huius rationem quatuor requiruntur	ibid.
Ens in universali abstrahit ab absoluto & relativo.	195
	Eus

I N D E X.

<i>Ens reale & rationis.</i>	92.	<i>Illud duplex.</i>	89
<i>En rationis multipliciter.</i>		<i>ibid. & seq.</i>	
<i>Ens per se in ratione Entis & effectus</i>			90
<i>Entis divisiones ex affectionibus.</i>	105.	<i>divisio in</i>	
<i>universale & singulare : in idem & diversum</i>		<i>ibid.</i>	
<i>Entia materialia & immaterialia differunt.</i>			8
<i>Enti an unus quidam communis conceptus tribui</i>			
<i>possit.</i>			29
<i>Essentia, natura, forma, & quidditas conveniunt</i>			25
<i>Essentia variat pro diversitate subiectorum</i>			26
<i>Exemplar propter quid & quid sit</i>			15
<i>Existentiæ natura</i>			101
<i>Experientiæ imperfectio</i>			61, 62
<i>Experientia quid & quotuplex</i>			206, 207
<i>Experientia quomodo gignat artem & scientiam</i>			207

F.

F <i>alsum</i>	60.	<i>non opponitur veritati Entis, sed</i>	
<i>cognitionis</i>			67
<i>Finis</i>	quid 204.	<i>alius s^r, alius w^r ibid. gene-</i>	
<i>rationis & rei genitæ. ibid. triplex gradus eo-</i>			
<i>rum quæ ad finem progrediuntur</i>	331.	<i>ὄντως,</i>	
<i>& παρὸντως.</i>			82
<i>Finitum</i>	quid		179
<i>Forma</i>	quid 223.	<i>tria ab hac, esse, distingui, opera-</i>	
<i>ri</i>	174.	<i>dicitur actus</i>	109
<i>Formæ ordo ad materiam</i>	227.	<i>eius officium in</i>	
<i>composito. ibid. conjunctio cum materia essen-</i>			
<i>tialis & accidentalis</i>			121
<i>Formalitas distincta distinctum suscipit conside-</i>			
<i>randi modum.</i>			122
<i>Fortuna</i>	est in voluntariis		91, 97, 223
		<i>Gene-</i>	

I N D E X.

G.

- G**eneratio quid 145. univoca et equivoca 147
 Generatio unius alterius corruptio & contra. 147
 Generatio & corruptio idem numero motus 147
 Genere quæ sunt communia, in iis nihil est primum, quod sit causa alterius 22.

H.

- H**abitus 288
 Habitus actus primus 110
 Honestum quid. 87.

I.

- I**dea quid 149
 Idem 105. simpliciter, re, subjecto, formâ 246.
 & seq.
 Illocale quid & quotuplex 177
 Incorruptibile 199
 Increatum quid 142. quot modis cognoscitur 148.
 &c.
 Individuum 49. de principio individuationis 240
 Independens quid et quotuplex 184
 Indivisio quid notet 54
 Informatio quid. 102
 Infinitum quid et quotuplex 75
 Instrumentum duplex 162
 Intelligibile quid 2 an sit passio cuiusque entis 3
 Intellectus non est quid re diversum ab anima 41
 Intelligentiæ ad quod genus abstractionis referantur 116. earum doctrina non est diversa à transcendentium doctrinâ 6. compositio earum non est intrinseca, sed extrinseca. 27

L.

- L**imitatio et illimitatio 105
 Lineam quomodo definit Mathematicus 120
 Locale et illocale quid 177. Esse in loco repletivè, definitivè et circumscriptivè quid differunt. ib.
 Loci

I N D E X.

<i>Loci triplex comparatio ad locatum</i>	182
<i>Locus et Vbi differunt</i>	183
<i>Logica finis verum à falso dividere, secundum Zabar.</i>	66

M.

M alum quid 73. Concretivq et abstractive dicitur 73. formale et materiale mali. ib. quomodo bono opponatur	ibid.
<i>Malum num quid positivum includat</i>	83
<i>Materia proprie et improprie dicta</i>	223
<i>Materix natura tria complectitur 226. ejus munerera duo 227. Materia sensibilis et intelligibilis 134. Materix actus entitativus 101. In materia signata tria</i>	241
<i>Metaphysica quid 1. dividitur in tres partes 2 de Metaphysicæ subjecto opiniones diversæ conciliantur.</i>	2. et seq.
<i>Metaphysica an sit disciplina à disciplinis aliis, et in specie à Logica diversa</i>	10
<i>Metaphysica an sit scientiarum omnium prima</i>	11, 15. et seq.
<i>Metaphysicæ subjectum indirectum et directum</i>	19
<i>Modi</i>	135
<i>Momentum primum et secundum</i>	34
<i>Multitudo quid</i>	50
<i>Multa relata ad Vnum ordinem sortiuntur.</i>	52.

N.

N ature abreactia à supposito	188
<i>Natura non potest annihilare</i>	147
<i>Naturale agens an agat cum cognitione</i>	97
<i>Natura quomodo dicatur essentia</i>	29
<i>Necessariæ res naturales</i>	64
<i>Necessarium quid et quotuplex</i>	156. et seq.
<i>Necessitatis septem gradus</i>	165
<i>Nihil et Entia rationis quomodo consideret Metaphysicus</i>	90
	è Nihilo

I N D E X.

182	Nihilo producere quomodo intelligendum	143
183	Notio Entis ex omnibus terminis primo se offert	
um	intellectui.	37

O.

di-	O Bjectum intellectui quomodo sit præsens.	121
ib.	Oppositio inter unum & multa varia	51
id.	Ordo realiter distinctorum est idem quando eadem	
83	res sunt unitivè contentæ.	42

P.

23	P Assiones in duplici differentia. 40. quatuor	
nu-	earum conditiones	ib.
gi-	Partes quot modis dicantur	260
In	Potentia quid & quotuplex	98. & seq.
41	Perfectio multis modis dicitur	263
2	Principia Metaphysica	33
ci-	Principium multipliciter dicitur	203
eq.	Propria cum suis subiectis, quomodo convertan-	
is,	tur	79
10	Proprietates & affectiones subiecto solent addere	
ma	aliquam novam perfectionem in subiecto non	
eq.	contentam.	42
19		

Q.

35	Q uidditas quomodo conveniat cum essentia,	
34	& natura	23
50	Quantitas & Qualitas quomodo absoluta	190
2.		

R.

38	R Arum	165
47	Rerum ordo	149
97	Res an sit affectio Entis 39. tripliciter accip.	ib.
29	Relata simul natura	52
64	Relatio prædicamentalis & transcendentalis.	106
eq.	Relatio realis, rationis & mixt.	145
65	Relatorum dependentia à termino. 214: multi-	
ta-	plex abstractio	188
90		
ilo		

S.

Simplex

S

S implex 47. 252. Simul.	2
Singulare quid 238. quomodo differat ab uni- versali & quo cum ipso conveniat.	143
Singularia quomodo existant.	101
Subjectum multiplex.	2
Substantia.	271

T

T empus non est de quidditate motus. à tem- pore intellectus potest abstrahere matum. 120	
Totius cū partibus unio variatur pro varietate to- tius & partium 124. quadruplex potissimum attenditur Universalis, essentialis, integralis, definitionis.	ib. et seq.
Totum quid & quatuorplex	256
Transcendentia quid 9, eorum primum Ens 23. quomodo relativa & absoluta.	198

V

V bi et locus quomodo convenient et diffe- rant.	183
Verum quid 64. quomodo se habeat ad intellectum. 58	
Veritas incomplexa et complexa 58. complexa quatuorplex.	ibid.
Veritas subordinata quatuor modis. potest consi- derari	58
Veritas est vel rei, vel sermonis, vel facti 59. Lo- gica, et Ethica.	59
Veritati quomodo opponatur falsitas	67
Veritatem inquirere est omnibus scientiis commu- ne secundum actum exercitium, non secundum signatum	67
Vnum quid 46. consideratur dupliciter, ib. ejus formalitas.	47
Vnum quoddam est indivisum et indivisibile, quoddam indivisum, sed divisibile.	ib.
Vnum summe simplex et simpliciter simplex: ib.	
Vnum per se et per accidens.	48
	Vnum

I N D E X.

<i>Vnum numero ib. unum genere, et unū specie</i>	49
<i>Vnum aggregatione duplex</i>	50
<i>Vnitatis sex gradus, aggregationis, ordinis, per accidens, per se compositi, simplicitatis et formalis.</i>	55
<i>Vnio quid</i>	102
<i>Vnio totius cum suis partibus potissimum quadruplex</i>	124
<i>Vniversale, 105. quomodo abstrahat à suis inferioribus.</i>	125
<i>Vniversale consideratur vel secundum nomen, vel secundum rem.</i>	306
<i>Vniversale secundum nomen dicitur multipliciter, vel in distribuendo, vel representando, vel causando, vel prædicando</i>	ib.
<i>Vniversale in prædicando triplex, ante multa, post multa et in multis.</i>	338
<i>Vniversale perfectum et imperfectum</i>	239
<i>Vniversale quomodo sit extra intellectum</i>	ib.
<i>Vniversale consideratur abstracte, et concrete.</i>	240
<i>Vniversale quomodo sit corporeum et incorporeum</i>	ibid.
<i>Vniversale non est separatum à singularibus</i>	ib.
<i>Vniversale quomodo differat et conveniat cum singulari.</i>	142.

I N D E X.

I N D E X

Q U Æ S T I O N U M,

Sententiarum, & rerum in secundo Libro comprehensarum.

- Æternitas est duratio carens principio, fine & suc-
cessione soli Deo convenit* 319
- Æternum tripliciter dicitur.* 301
- Angeli quid secundum quid nominis, & secun-
dum quid rei consideratur.* 345. & seq.
- Angeli an sint spiritus seu materia incorporea* 347
& seq. *qua ratione materiales & corporei di-
cantur* 306. *sunt corruptibiles natura, incorru-
ptibiles gratia* 366.
- Angelis ævum convenit, fine carens & successione,
ast non principio.* 319
- Angelorum affectiones duplices* 343. *eorum fun-
ctiones.* 343.
- Angelorum hierarchiam certam quandam sta-
tuunt Scholastici: sed perperam & seq.* 351
- Angelus est naturæ intellectualis, tum ratione
naturæ, tum officii* 353. & seq. *intellectus ille
non est vel substantia vel esse Angeli, sed An-
geli dividuntur in substantiam, virtutem &
operationem* 354. *eorum vis intellectiva longe
est nobilior & perfectior quacunque notitia hu-
mana, & quare* 354. *cognitionis modus in an-
gelicis spiritibus explicatu difficilis* 356. *diver-
sæ de ea sententie.* ib.
- Angelis cum bonis tum malis an conveniat liber-
tas arbitrii.* 358. & seqq.
- Anima humana est spiritus incompletus* 372. *cir-
ca ejus originem multæ sunt sententiæ* 374. *ori-
go hæc*

I N D E X.

go hæc duobus consideratur modis; vel quoad primam creationem, vel quoad ejusdem propagationem. ibid. & seq.

B.

Bonitatis defectus & privatio in Deum cadere non potest, 333. infinite bonum esse non potest, cui aliquis bonitatis gradus deest. ibid.

C.

Compositio alia est Physica, alia Logica vel Metaphysica 369. hæc convenit intelligentiis quinque modis. 370. & seq.

Creatio quid 334. est duplex: immediata & mediata. ib. an sit actio soli Deo conveniens. ib. differt hæc actio Dei, creatio nimirum, ab actionibus naturalibus & artificialibus, duobus modis ib. & 336. vis facultas et potentia creandi est incommunicabilis creaturae ib. ejusdem potentia est è nihilo facere aliquid, et ens aliquid annihilare, seu in nihilum redigere. 366.

D.

Dei attributa & operationes 300. attributa ea quid ib. et quicquid est in Deo, est ipse Deus. 312. Deo attributa potissimum tria secundum Philosophos appropriantur 300. attributa multa Dei in sacris habentur 312. attributa Dei non sunt unius modi 313. attributa divina de Deo prædicantur jam in abstracto, jam in concreto; et quare 314. attributorum divinarum multitudo non pugnat cum simplicitate Dei ib.

Dei potentia ordinaria et absoluta 301

Deus omnia potest, quæ non implicant contradictionem 301. Dei operatio quid 301. Deum absolute non esse corpus tripliciter ostendit Th. 305

Dei quæ & quotuplex significatio 307. origo nominis Dei ibid. etiam aliis rebus in sacris & pro-

& profanis attribuitur ib. de Deo notitia vel
 est supernaturalis è libro scripturæ, vel natura-
 lis è libro naturæ 300. de essentia et quidditate
 Dei duobus modis possumus loqui 311. Deo ac-
 cidentia non possunt convenire 315. Deo af-
 fectuum nomina conveniunt non secundum affe-
 ctum, sed secundum effectum 317. Deus an sit
 causa peccati 332. Durationis genus triplex:
 æternitas, ævum, & tempus. 319

I.

Intelligentiarum duo Ordines primarii apud Scho-
 lasticos cœlestis & supercœlestis 342. an sunt
 cœlestium orbium motrices 361. an ejusmodi
 intelligentiis motricibus indigeant, &c. 362.
 Intelligentiæ seu Angeli inter Deum nostramque
 animam naturæ cujusdam sunt mediæ 353

L.

Logici termini an etiam Deo conveniant 337. Lo-
 gicorum terminorum non una est ratio 340

M.

Malum duplex: culpæ & pænæ 232. quomodo
 differant ib. in malo culpæ tria distinguuntur ib.
 Modus est duplex, secundum quem versamur in
 rerum cognitione. 339

O.

Opiniones duæ, eæque oppositæ: altera Vbiquita-
 tem corpori Christi cum divinitate vult esse
 communem, altera Deo etiam Vbiquitatem de-
 negat. 322. & seq.

P.

Providentia divina tria in se complectitur: præ-
 sentiam, voluntatem, & directionem. 330. et seq.
 an imponat rebus necessitatem. 330

Q.

Quæstionum Theologicarum, quæ in controver-
 siam veniunt, aliæ sunt puræ, aliæ mixtæ. 337
 Rerum.

I N D E X.

R.

Rerum et Entium ordo seu respectus ad locum est triplex: quædam dicuntur esse in loco circumscriptivè, ut corpora; quædam definitivè, ut Angeli: quædam repletivè, ut Deus 320

S.

Separata metaphysica per essentiam quid sint 299

Spiritus quid 299. *duplex vel increatus, vel creatus.* ibid.

Spiritus vocabulū intelligitur multipliciter. 303

Spiritus de quibus Physicus agit, quinam. 304

Spiritus vocabulum Deo intelligentiis tribuitur, sed non eadem simpliciter ratione. ibid.

Spiritus creatus est spiritus à Deo dependens 342. *estque vel Completus & incompletus* ibid.

T.

Tempus corporibus tribuitur, quibus principium, finem & successionem pro naturæ cujusque conditione assignamus. 319

F I N I S.